

**QV AESTIONVM
THEOLOGICARVM
DE DEO TRINO, ET VNO
LIBER SECVNDVS.**

Continens Tractatus de Voluntate Dei,
de Providentia, & Prædestina-
tione, ac de Trinitate.

A V C T O R E

SYLVESTRO MAVRO SOC. IESV,
in Collegio Romano eiusdem
Societatis Sacræ Theolo-
giæ Professore.




Romæ, Apud Angelum Bernabà. 1676.

Superiorum permissu.

**Imprimatur, si videbitur Reuerendiss.
P. Mag. Sac. Pal. Apost.**

I. de Ang. Archiep. Urb. Vicefg.



Imprimatur .

**Fr. Raimundus Capisuccus Sac. Ap.
Pal. Mag. Ord. Prædicat.**

INDEX

Tractatum, & Quæstionum, quæ in secundo Libro continentur.

TRACTATUS QUINTVS.

De diuina voluntate, vita, & Beatitudine. pag. I.

Q. 47. **V**trum in Deo detur voluntas, quæ sit actualis volitio sui ipsius, & aliorum, indistincta à cognitione sui ipsius, & aliorum. pag. 1.

Q. 48. Vtrum diuina voluntas habeat pro obiecto materiali Deum, & omnia alia, pro obiecto autem formali solam diuinam essentiam, & bonitatem. p. 11.

Q. 49. Vtrum Deus omnia, quæ vult, necessario velit. p. 15.

Q. 50. Vtrum Deus physicè, vel metaphysicè necessitetur ad faciendum optimum ad extra. p. 18.

Q. 51. Vtrum Deus in ijs, in quibus non proceditur in infinitum, semper faciat optimum formaliter, hoc est id, quod est melius, & conuenientius ad perfectionem vniuersi. p. 36.

Q. 52. Vtrum mundus esset formaliter perfectior, vel imperfectior, si Deus nulli, vel pauciora peccata permisisset, & si omnes Angelos, & homines prædestinasset, vel saltè plures prædestinasset, quam reprobasset. p. 50.

Index

- Q. 53.** Vtrum Deus aliquā necessitate morali necessitetur ad faciendum optimū, & magis conueniens . p. 67.
- Q. 54.** Vtrum Deus sit liber, & indifferens non solū ad creaturas producendas, vel non producendas, sed etiam ad efficaciter volendum, vel nolendum illas producere. p. 75.
- Q. 55.** Vtrum Deus sit liber, & indifferens ad habendam, vel non habendam, volitionem efficacē vitalem mundi, quæ sit perfectio libera intrinseca Deo, & distincta ab eius perfectione necessaria. pag. 79.
- Q. 56.** Vtrum applicatio libera diuinæ volitionis, ac scientiæ huic potius, quam alteri obiecto contingenti sit Deo intrinseca, & cum Deo identificata. . p. 84.
- Q. 57.** Vtrum applicatio libera diuinæ volitionis, ac scientiæ huic potius, quam alteri obiecto contingenti sit temporalis, vel æterna . p. 93.
- Q. 58.** Vtrum applicatio liberā diuinæ volitionis, ac scientiæ huic potius, quam alteri obiecto contingenti sit aliquod ens rationis, vel aliqua veritas obiectiua æterna . p. 104.
- Q. 59.** Vtrum Deus amet seipsum, & omnes creaturas non solum existentes, sed etiam possibiles, & meliora magis amet. pag. 125.
- Q. 60.** Vtrum Deus creaturas rationales possit amare, & de facto amet amore amicitiae. p. 131,

Q. 61,

Questionum

Q. 61. Vtrum in Deo dentur virtutes voluntatis, ac præsertim Misericordia, & Iustitia. p. 141.

Q. 62. Vtrum Deus ex pacto, & promissione possit se ipsum obligare creaturis non solum obligatione fidelitatis, sed etiam obligatione Iustitiæ strictæ. p. 146.

Q. 63. Vtrum Deus viuat vitam perfectissimam, & beatissimam. p. 170.

TRACTATVS SEXTVS.

De Prouidentia, Prædestinatione, & Reprobatione. pag. 173.

Q. 64. **V**trum in Deo sit Prouidentia, cui omnia sint subiecta, & per quam omnibus immediatè prouideat. pag. 173.

Q. 65. Quos actus includat Prouidentia? & vtrum principaliter, & in recto importet actum intellectus, vel actum voluntatis, vel vtrumque æquè principaliter. p. 183.

Q. 66. Vtrum Deus ad omnia sua decreta libera dirigatur à tota scientia Deo non libera. p. 189.

Q. 67. Vtrum Deus omnia, quæ decernit, in eodem signo, & eodem decreto indissolubili decernat. p. 192.

Q. 68. Vtrum Prouidentia sit æterna, vel temporalis, causam habeat, vel non habeat: semper consequatur suos fines, & bene diuidatur in naturalem, & supernaturalem. p. 206.

Index

- Q. 69.** Vtrum Deus, ex Angelis, & hominibus aliquos ab æterno prædestinauerit, aliquos reprobauerit. Quid sit prædestinatio, quod reprobatio: vtrum sint partes prouidentiae, & quos actus includant. p. 211.
- Q. 70.** Vtrum Deus quoslibet possit pro libito prædestinare, faciendo, vt beatitudinem liberè mereatur, vel reprobares, permittendo, vt liberè beatitudinem demereantur. p. 221.
- Q. 71.** Vtrum potestas diuina quoslibet prædestinandi, faciendo, vt mereantur beatitudinem, vel reprobandi, permittendo, vt illam demereantur, fundetur in scientia media. p. 227.
- Q. 72.** Vtrum detur aliqua causa, vel ratio, quare Deus quosdam prædestinet, quosdam reprobet. p. 230.
- Q. 73.** Vtrum omnia, quæ conducunt ad obtinendam salutem, & ipsa salus sint effectus prædestinationis. p. 237.
- Q. 74.** Vtrum effectus reprobationis formaliter considerate sint permissio peccatorum, damnatio, & negatio beneficiorum, quorum subtractione reprobi certissimè videntur damnandi. p. 243.
- Q. 75.** Vtrum Deus electos ad gloriam, & ad beatitudinem prædestinet ante merita finalia absolutè præuisa. p. 256.
- Q. 76.** Vtrum Deus reprobet ante, vel post demerita finalia absolutè præuisa. p. 266.
- Q. 77.** Vtrum prædestinatio, ac reprobatio ex parte actus diuini, vel ex parte effectus.

Questionum

affectuum cadant, vel possint cadere sub meritum, vel demeritum . p. 272.

Q. 78. Vtrum , & qua prædefinitione Deus prædefiniat efficaciter actus liberos honestos creaturarum . p. 280.

Q. 79. Vtrum Deus prædefiniat, an solum permittat actus liberos moraliter malos . pag. 295.

Q. 80. Vtrum voluntas, qua Deus dat reprobis auxilia sufficientia, sit beniuola erga reprobos . p. 309.

Q. 81. Vtrum omnis necessitas antecedens, & inimpedibilis à libero arbitrio auferat libertatem actui, quem necessario infert . p. 316.

Q. 82. Vtrum necessitas consequens possit auferre libertatem actui, quem necessario infert . p. 333.

Q. 83. Vtrum scientia visionis, & media auferat libertatem actibus absolute, & & conditionate præiis . p. 338.

Q. 84. Vtrum prædefinitio, & permissio auferant libertatem actibus à Deo prædefinitis, & permissis . p. 353.

Q. 85. Vtrum omnipotentia diuina ponatur formaliter in manu liberi arbitrij per aliquid intrinsecum libero arbitrio, vel potius per decretum disiunctiuum extrinsecum . p. 364.

TRACTATVS SEPTIMVS.

De Arcano Trinitatis mysterio . p. 373.

Q. 86. **V**trum in Deo dentur due processioness ad intra, per quarum vnam

Index

- vnā producatur Verbum, per aliam Spiritus Sanctus. p. 373.
- Q. 87. Vtrum secunda, & tertia Persona diuina procedant per intellectum, & voluntatem, vel potius procedant immediate per naturam. p. 382.
- Q. 88. Vtrum Verbum diuinum producatur per actionem locutiua, Spiritus Sanctus per actionem spiratiua. pag. 389.
- Q. 89. Vtrum in Deo intelligere, & amare sint formaliter idem, ac dicere Verbum, & spirare amorem; ita vt omne intelligens dicat Verbum; omne amans spiret amorem. p. 392.
- Q. 90. Vtrum Pater formaliter intelligat, & sit sapiens Verbo, hoc est Sapientia genita, Pater, & Filius formaliter se, & alia diligant Spiritu Sancto, hoc est amore producto. p. 402.
- Q. 91. Vtrum Verbum diuinum procedat ab intellectu Patris, vt habente solum notitiam habitualem, seu speciem intelligibilem, an vt habente notitiam actua- lem. p. 411.
- Q. 92. Quid sit Verbum intellectuale, in quantum abstrahit à creato, & increato, & quid sit Verbum diuinum. p. 415.
- Q. 93. Vtrum Verbum, & Spiritus Sanctus sint verus Deus, æqualis, & consubstantialis Patri: & vtrum in Trinitate tres Personæ sint vnus Deus, & non plures Dij. p. 435.
- Q. 94. Vtrum qualibet Persona diuina secundum se totam sit in qualibet alia.
Per-

Questionum

Persona per circuminfectionem . p. 463.

Q. 95. Vtrum Persona procedens sit origine posterior producente , p. 467.

Q. 96. Vtrum , & quare Verbum sit Imago Patris, nascatur, generetur , & sit Filius naturalis Dei; Spiritus Sanctus non sit Imago , sed donum ; ac non nascatur , nec generetur , nec sit Filius naturalis Dei. p. 479.

Q. 97. Vtrum in Deo detur vna essentia , tres Personæ , & tres proprietates personales, quatuor relationes, & quinque notiones . pag. 497.

Q. 98. Vtrum essentia diuina distinguatur à relationibus distinctione sufficiente ad verificanda prædicata contradictoria . pag. 509.

Q. 99. Vtrum Personæ diuinæ primo constituentur, & distinguantur per proprietates absolutas , vel per relatiuas , per origines, vel per relationes . p. 539.

Q. 100. Vtrum in Trinitate conuenienter assignentur principium produciens , terminus productus, potentia, & actio productiua . p. 545.

Q. 101. Vtrum Verbum diuinum per se procedat ex cognitione intuitiua, & comprehensiua non solum diuinæ essentiæ, & attributorum , sed etiam omnium diuinarum Personarum, omnium crearurarum possibilium, & omnium veritatum necessariarum. p. 562.

Q. 102. Vtrum Verbum procedat ex cognitione veritatum cōtingentim . pagina 579.

Q. 103.

Index Quaestionum

- Q. 103.** Vtrum actus notionales, hoc est generatio Verbi, & spiratio Spiritus Sancti sint voluntarij, ac liberi, vel potius necessarij, ac naturales. p. 585.
- Q. 104.** Vtrum Spiritus Sanctus procedat non solum à Patre, sed etiam à Filio. pag. 605.
- Q. 105.** Vtrum Pater, & Filius sint vnus Spirator, & vnum principium Spiritus Sancti. p. 622.
- Q. 106.** Vtrum si Spiritus Sanctus non procederet à Filio, distingueretur ad ipso. p. 635,
- Q. 107.** Vtrum diuinæ Personalitates, & relationes ratione sui præcisè sint perfectiones. p. 651.
- Q. 108.** Vtrum in Deo præter tres subsistentias relatiuas detur vna subsistentia absoluta communis tribus Personis. p. 684.



TRACTATUS QVINTVS

De Diuina voluntate , vita , ac Beatitudine .

POSTQVAM S. Thomas questione 14. 15. 16. & 17. egit de ijs , quæ spectant ad intellectum , & Scientiam Dei , quæst. 18. agit de vita Dei , quæstione 19. 20. & 21. de Voluntate , & Amore Dei , ac de virtutibus diuinæ voluntatis , ac præsertim de misericordia , & iustitia . Doctrinam harum , quæstionum , nec non de Beatitudine Dei , de qua S. Thomas agit quæstione 26. explicabimus sequentibus quæstionibus , quarum tituli videri possunt in indice initio proposito .

QVAESTIO XLVII.

Vtrum in Deo detur voluntas , quæ sit actualis volitio sui ipsius , & aliorum indistincta a cognitione sui ipsius , & aliorum ,

S. Th. q 19. a. 1.

1. **P**rimo videtur in Deo non esse voluntas. Voluntas enim mouetur à fine, & bono, & dirigatur ab intellectu , cum sit potent-

A

ten-

tentia cæca, & ab Aristotele 2. de Anima, text. 54. dicitur esse mouens motum; sed Deus est primum mouens immobile, & est prima regula, adeoque incapax directionis; ergo &c.

2. Secundò videtur, quod Deus non possit velle alia à se, sed solum seipsum. Voluntas enim, cui sufficit vnum volitum, eoque satiatur, non potest velle alia; sed Deo sufficit summa sua bonitas, eamque vult; ergo &c.

3. Tertiò videtur diuina voluntas non esse ipsa actualis volitio. Nam est indifferens ad mundum volendum, vel nolendum; ergo non est ipsa actualis volitio mundi, sed vult mundum per actum distinctum à potentia volitiua.

4. Quartò videtur diuina volitio distinguì à diuina intellectione. Si enim in Deo idem esset intelligere, ac velle, omnia, quæ Deus intelligit, vellet; sed Deus intelligit tum bona, tum mala; ergo Deus vellet tum bona, tum mala, quod est absurdum; siquidem Deus vult solum bona, mala autem non vult, sed purè permittit.

5. Respondeo, quod proportionaliter ad dicta de diuina cognitione philosophandum est de diuina voluntate.

6. Dicendum igitur primò: datur in Deo voluntas. Probatur primò. Ex dictis enim quæst. 16. Deus est prima, & adæquata ratio totius entis, totius boni, & pulchri, quod datur; ergo si Deus non haberet voluntatem, qua vellet, & rationa-

nabiliter intenderet bonum, & pulchrum, quod datur tum in Deo, tum extrà Deum, totum bonum, & pulchrum daretur per accidens, & non ex rationabili intentione, quod est absurdum, sicut esset absurdum, quod pulcritudo Templi Sancti Petri non fuisset rationabiliter intenta ab artifice.

7. Probatur secundo. Nam esse intentium boni appetitu non purè innato, sed elicitò, non purè sensitivo, sed rationali, est perfectio simpliciter simplex, & datur in creaturis; sed Deus habet formaliter omnes perfectiones simpliciter simplices; ergo Deus est intentius boni appetitu elicitò rationali; sed sola voluntas est intentiva boni appetitu elicitò rationali; ergo &c.

8. Probatur tertio ratione, quæ quia maximè est à priori, vnicè assertur à S. Thoma hic quæst. 19. art. 1. Vnaquæque res appetit suum bonum appetitu proportionaliter correspondente modo essendi, ideoque si habet esse purè naturale, appetit suum bonum appetitu purè naturali: si habet esse sensitivum, appetit suum bonum appetitu sensitivo: si habet esse rationale, & intellectivum, appetit suum bonum appetitu rationali, & intellectivo, qui dicitur voluntas; sed Deus habet esse summè intellectivum, ut ostensum est quæst. 41. ergo &c. Probatur maior, & explicatur argumentum. Inclinatio in bonum vocatur appetitus; & quidem inclinatio, quæ res inclinatur purè ex natura, non autem ex cognitione, quæ bonum apprehendat,

dicitur appetitus purè naturalis, & innatus : inclinatio, qua res inclinatur in bonum sensibile ex cognitione sensitiva, qua illud apprehendit, dicitur appetitus sensitivus, siue animalis : inclinatio, qua res inclinatur in bonum ex cognitione intellectiva, qua illud apprehendit, dicitur appetitus rationalis, & intellectivus, seu voluntas, & vterque appetitus tum sensitivus, tum rationalis vocatur elicitus; sed res purè naturales inclinantur in bonum purè ex natura, adeoque appetitu purè naturali, eo pacto, quo gravia, & levia habent inclinationem, qua feruntur ad sua loca naturalia, & in illis quiescunt : entia sensitiva, hoc est animalia ex apprehensione sensitiva boni sensibilis inclinantur ad illud appetitu sensitivo : entia intellectiva ex apprehensione intellectiva boni inclinantur ad illud appetitu rationali, qui vocatur voluntas, ut patet experientia in nobis ipsis ; ergo &c.

9. Dicendum secundò : in Deo non datur appetitus purè innatus, sed elicitus, non sensitivus, sed intellectivus. Probatur : nam appetitus purè innatus est inclinatio in bonum, & non ex cognitione, qua id, quod inclinatur, cognoscat bonum ; sed in Deo nulla datur inclinatio, quæ non sit ex cognitione, qua Deus cognoscit bonum ; ergo &c. Probatur minor : nam in Deo nulla datur inclinatio in bonum, quæ non sit ex essentia divina, quæ est prima ratio omnium ;
sed

sed essentia divina est ipsa actualis cognitio, qua Deus comprehendit omne bonum, ut dictum est quæst. 41. numer. 6. ergo in Deo nulla datur inclinatio, quæ non sit ex cognitione: & quia cognitio Dei non est sensitiva, sed purè intellectiva, ideo Deus inclinatur in bonum appetitu non sensitivo, sed purè intellectivo.

10, Dicendum tertio: Deus non solum est volitivus, sed est ipsa actualis volitio sui ipsius, & omnium. Probatur: Deus enim nullum prædicatum habet per accidens, & non ex intentione; e. g. non est sapiens, bonus, omnipotens per accidens, sed per se, & ex intentione; sed cum Deus sit adæquatè à se ipso, si non esset volitio, & intentio actualis omnium suorum prædicatorum, aliquod prædicatum haberet per accidens, & non ex intentione: e. g. si Deus non esset volitio, qua vult esse infinitè perfectus, cum prædicatum infinitè perfecti habeat adæquatè à se, tale prædicatum haberet non ex intentione; ergo Deus est prima actualis volitio, & intentio omnium suorum prædicatorum. Ex proportionali ratione Deus est ipsa actualis volitio, & intentio, qua vult omnia, quæ sunt possibile, esse possibile, omnia, quæ sunt impossibile, esse impossibile &c. Cum enim Deus sit prima ratio, cur possibile sint possibile, & impossibile sint impossibile &c, si non esset actualis intentio, & volitio omnium horum, possibile essent

sunt possibilia, & impossibilia essent impossibilia per accidens, & non ex intentione, quod est absurdum, ut sæpè dictum est.

II. Ex eo, quod Deus sit ipsa actualis volitio, inferitur primò in Deo substantiam volentem non distingui ab actuali volitione, & *quod* non distingui à *quo*. Secundò inferitur in Deo non dari potentiam physicam volendi, hoc est potentiam receptivam, vel productivam volitionis, sed dari solum potentiam logicam volendi, hoc est non repugnantiam ad volendum. Tertiò inferitur, in Deo non dari potentiam formalem volendi superadditam essentiae, neque dari volituum radicale, hoc est substantiam, cui debeatur formalis potentia volendi superaddita, neque dari habitum, vel actum primum volendi, nomine habitus intelligendo facilitatem volendi superadditam potentiae, & nomine actus primi intelligendo virtutem productivam volitionis. Probantur illationes: nam cum essentia diuina sit ipsa actualis volitio, non producit, neque recipit volitionem, cum non producat, neque recipiat se ipsam. Rursus non habet ullam potentiam, vel facilitatem distinctam ad volendum, cum non habeat potentiam, aut facilitatem distinctam à seipsa. Deus igitur sicut est intellectus in actu puro, sic est voluntas in actu puro, ita ut sit ipse actus volendi, sine vlla potentia physica producendi, vel recipiendi volitionem, qua

qua constituitur volens. Videri possunt, quæ de intellectu dicta sunt quæstione 41. num. 7.

12. Dicendum quartò : in Deo actualis cognitio comprehensiva sui ipsius, & omnium aliorum, & actualis volitio sui ipsius, & omnium aliorum secundum prædicata necessaria, sunt omninò idem, sine vlla distinctione obiectiva.

13. Probat. ur : nam cum Deus, & omnia alia habeant multa prædicata necessaria ab essentia diuina, tanquam à prima ratione, ne Deus, & alia habeant vllum prædicatum necessarium casu, hoc est non ex cognitione diuina, essentia debet esse actualis cognitio omnium prædicatorum necessariorum, quæ conueniunt Deo, & omnibus alijs; & ne habeant vllum prædicatum necessarium per accidens, hoc est non ex intentione diuina, essentia debet esse actualis volitio, & intentio omnium prædicatorum necessariorum; sed diuina essentia, seu prima ratio omnium debet esse vna, & omninò simplex sine vlla distinctione obiectiva, vt probatur, est quæstione 22. ergo in diuina essentia tanquam in prima ratione omnium, debent identificari actualis cognitio comprehensiva, & actualis volitio omnium.

14. Confirmatur : nam prima ratio est omninò simplex, & adæquatè à se ipsa; ergo si non est cognitio sui ipsius, est, & non ex cognitione, adeoque est casu: si non est volitio sui ipsius, est non ex intentio-

ne, adeoque per accidens; sed vtrumque est absurdum; ergo prima ratio est simul cognitio, & volitio sui ipsius.

15. Ad 1. distinguo maiorem: voluntas in quantum abstrahit à creata, & increata mouetur analogicè à fine, & bono, & analogicè dirigitur ab intellectu, concedo: mouetur, & dirigitur propriè, nego: distinguo eodem pacto minorem; & nego consequentiam. De ratione voluntatis *ut sit* est, vt ab obiecto formali, & à fine habeat actum volendi, & hoc est moueri analogicè ab obiecto formali, & à fine: de ratione eiusdem voluntatis est, vt habeat suam rectitudinem ab intellectu, & hoc est analogicè dirigi; sed voluntas diuina est adæquatè à se ipsa, estque finis, atque obiectum formale sui ipsius, & identificatur cum intellectu, vt ostensum est; ergo voluntas diuina sicut habet adæquatè à se ipsa actum volendi, eiusque rectitudinem, sic habet actum volendi à fine, & obiecto formali, & habet suam rectitudinem ab intellectu, adeoque dirigitur analogicè. Aristoteles dicens voluntatem esse mouens motum, vel loquitur de sola voluntate creata, vel loquitur de motu analogicè, sicut de motu analogicè loquitur Plato, dum dicit Deum esse mouens se ipsum per hoc, quod à se ipso habeat actus intelligendi, & volendi. Plato itaque dicens Deum esse mouens se ipsum, & Aristoteles dicens, Deum esse mouens immobile, non sibi contradicunt, vt aduertit S. Thomas hic

hic quæst. 29. art. 1. ad 3. Nam Aristoteles dicit Deum esse propriè immobilem, quia non potest in se causare vllum motum, & vllam mutationem: Plato dicit Deum mouere se ipsum analogicè, quia habet à se ipso actus intelligendi, & volendi.

16. Infertur, quod ex eodem principio, ex quo sequitur in creaturis cognoscens, cognitionem, speciem intelligibilem, volens, volitionem, & obiectum formale, non posse identificari, sequitur hæc eadem in Deo non posse distingui. Explicatur. Assumitur tanquam principium, quod cognitio debet esse à cognoscente, ab obiecto formali, & à specie intelligibili; subsumitur: sed cognitio creata, cum non sit à se, si esset idem cum cognoscente, vel cum obiecto formali, aut cum specie intelligibili, non haberet esse à cognoscente, neque ab obiecto formali, neque à specie intelligibili; e conuerso cognitio diuina cum sit adæquatè à se, & non ab vllò distincto, si distingueretur à cognoscente, vel ab obiecto formali, vel à specie intelligibili, non haberet esse à cognoscente &c; ergo cognitio creata non potest identificari cum his, cognitio increata non potest distingui ab his. Rursus assumitur: volitio debet esse à volente, à cognitione, & ab obiecto formali; sed volitio creata cum non sit à se, si esset idem cum his, non esset ab his, volitio increata cum sit à se, & non ab vllò distincto, si distin-

gueretur ab his , non esset ab his ; ergo
&c.

17. Ad 2. *distinguo maiorem* : voluntas , cui sufficit vnum volitum , non potest velle alia , nisi ex hoc motiuo sufficientiæ , concedo : non potest velle alia absolute , nego . Deus , cui sufficit sua bonitas , ex hoc ipso motiuo , quia de- cet , vt qui habet bonum vndique sufficiens , communicet illud alijs , potest velle , vt existant alia , vt explicabitur quæst. 49. num. 3.

18. Ad 3. concedo antecedens , & *distinguo consequens* ; ergo diuina voluntas non est ipsa actualis volitio mundi , vt applicata mundo , concedo ; vt applicabilis mundo applicatione distincta , nego ; & nego consequentiam . Diuina voluntas ita est ipsa actualis volitio , vt sit indifferens ad hoc , vt applicetur , vel non applicetur ad liberè volendum obiecta , respectu quorum est libera . Ex hoc autem non sequitur diuinam voluntatem distinguere à volitione libera , sed solum sequitur distinguere à libera applicatione ad volendum obiecta , respectu quorum est libera , vt explicabitur infra q. 56. & seqq. cum agatur de formali constitutiuo actuum liberorum .

19. Ad 4. *distinguo maiorem* : si in Deo idem esset intelligere , ac velle adæquatione intellectiōis , & volitionis , omnia , quæ Deus intelligit , vellet , nego ; adæquatione etiam obiecti voliti , ac noliti , omnia , quæ intelligit , vellet ; concedo

cedo maiorem : concedo minorem ; & nego consequentiam . In Deo intelligere est idem , ac velle adæquatione intellectio- nis , & volitionis , ità vt nulla detur in Deo volitio , quæ non sit intellectio , & è conuerso . At intelligere , & velle non sunt idem adæquatione obiecti voliti , & intellecti , ità vt Deus omnia , quæ intel- lit , velit . Nam etiam ea , quæ non vult , intelligit . Confirmatur solutio , quia simili argumento posset probari , quod eadem Deus affirmet , ac neget , arguen- do : in Deo idem est affirmare , ac nega- re ; Deus affirmat mundum esse ; ergo ne- gat mundum esse . Sophisma soluitur ea- dem distinctione .

Q V A E S T I O XLVIII.

Vtrum Diuina voluntas habeat pro obie- cto materiali Deum , & omnia alia , pro obiecto autem forma- li solam diuinam essen- tiam , & bonita- tem .

S. Th. 9. 19. a. 2.

1. **P**rimò videtur diuina voluntas non habere pro obiecto materiali omnia . Obiectum enim diuinæ volun- tatis est solum id , quod Deus potest vel- le : sed Deus non potest velle omnia , sed sola bona , mala autem , & impossi-

12 *De obiecto Diuinae voluntatis*
bilia non potest velle ; ergo &c.

2. Secundò videtur , quòd obiectum formale diuinæ voluntatis non sit sola diuina essentia , & bonitas , sed etiam creaturæ rationales . Nam obiectum formale est , quod potest amari gratia sui , hæc est vt finis , & ratio amandi ; sed creaturæ rationales possunt à Deo amari vt finis , & ratio amandi ; alioquin non possent amari amore amicitiae , & beneuolentiae , ad quem requiritur , vt subiectum ametur tanquam finis *cui* ; ergo .

3. Respondeo , ac dico primò , quod diuina voluntas habet pro obiecto materiali Deum , & omnia alia , tum existentia , tum non existentia , tum possibilia , tum impossibilia , tum bona , tum mala , ità tamen , vt non omnia velit , sed quædam velit , quædam nolit , quædam purè permittat . Probatur : nam illud est obiectum materiale diuinæ voluntatis , circa quod versatur diuina voluntas ; sed diuina voluntas versatur circa se ipsam , & omnia alia ; ergo &c. Probatur minor : nam diuina voluntas versatur circa ipsum Deum , volendo Deum existere , & habere omne bonum : versatur circa possibilia , volendo vt possint esse ; circa impossibilia , volendo , vt esse non possint ; circa omnia bona existentia , volendo , vt existant ; circa mala culpæ existentia , illa prohibendo , & permittendo , vt existant . Ratio est , quia Deus ita est ratio omnium , sicut decet , vt sit ratio omnium ; sed decet , vt Deus sit ratio omnium bonorum

per

per se, & illa intendendo, malorum autem sit ratio purè per accidens, & solum permittendo propter hoc ipsum, quia bonum est illa permittere; ergo &c.

4. Dicendum secundò: licet diuina voluntas habeat pro obiecto materiali Deum, & alia à Deo, tamen solam diuinam essentiam, & bonitatem habet pro obiecto formali. Probatur, nam illud est obiectum formale adæquatum diuinæ voluntatis, quod ita est obiectum, vt sit ratio, cur diuina voluntas velit omnia, quæ vult, nolit omnia, quæ non vult, permittat omnia, quæ permittit &c; sed sola diuina essentia est talis ratio, alioquin actus diuinæ voluntatis, qui sunt idem cum diuina essentia, non essent adæquatè à se, & à diuina essentia, sed haberent rationem distinctam; ergo &c.

5. Hinc inferitur, quod sicut Deus seipsum cognoscit in se ipso, obiecta verò distincta non cognoscit in se ipsis, sed in diuina essentia, sic Deus seipsum amat, & vult propter seipsum, & propter suam bonitatem, obiecta verò distincta non vult propter seipsa, sed propter bonitatem diuinam. Illud enim est amatum, volitum, vel nolitum, aut permissum propter seipsum, quod est ratio volendi, nolendi, aut permittendi; sed sola diuina bonitas est ratio volendi, nolendi, aut permittendi omnia, quæ Deus vult, non vult, aut permittit; ergo &c. Quia verò voluntas in illud solum tendit tanquam in finem ipsius voluntatis, quod est ratio

volendi, & est id, cuius gratia est volitio, ideo Deus solum seipsum, & suam bonitatem amat vt finem, in obiecta verò distincta tendit tanquam in ea, quæ sunt ad finem, vt docet expressè S. Thomas hic quaest. 19. art. 2. dicens. *Sic igitur Deus vult, & se esse, & alia; sed se vt finem, alia vt ad finem, in quantum concedit Diuinam bonitatem etiam alia participare.*

6. Ad 1. nego maiorem. Obiectum, enim materiale diuinæ voluntatis non est solum id, quod diuina voluntas potest vel-
le, sed etiam id, in quod potest tendere, vel volendo, vel nolendo, vel purè permittendo; sed voluntas diuina non solum potest tendere in bona, illa volendo, sed etiam in mala, illa nolendo, & purè permittendo; & non solum potest tendere in possibilia, volendo, vt possint esse, sed etiam in impossibilia, volendo, vt non possint esse, vt explicatum est num. 3. ergo &c.

7. Ad 2. concedo maiorem, & distinguo minorem; si Deus non amaret creaturas rationales vt fines amoris diuini, non amaret illas amore beneuolentiæ, nego: si non amaret vt fines boni voliti, & vt perceptiuas totius vtilitatis ex bono volito, concedo. Ad amorem beneuolentiæ abstractissimè consideratum non requiritur, vt subiectum ametur tanquam finis amoris, sed sufficit, vt ametur tanquam finis boni voliti, perceptiuus totius vtilitatis ex bono volito, & vt non ordinetur vnicè ad

utilitatem alterius contradistincti ; sed Deus licet non amet creaturas rationales ut fines amoris diuini , qui amor est ipse Deus , tamen illas amat ut fines perceptiuos totius utilitatis ex bono voluto , non ordinando illas ad utilitatem Dei , vel alterius contradistincti à creaturis rationabilibus ; ergo &c. Ex opposita ratione creaturas irracionales Deus non amat amore beneuolentiæ , quia illas totaliter ordinat ad utilitatem rationabilium contradistinctarum ab irracionabilibus . Sed quo pacto Deus amare possit , ac de facto amet creaturas rationales amore amicitia , examinabitur ex professo infra quæst. 63.

QVÆSTIO XLIX.

Utrum Deus omnia , quæ vult , necessario velit .

S. Th. 9. 19 a. 3.

1. **P**rimò videtur , quod Deus omnia , quæ vult , velit necessario , & non liberè . Si enim vellet liberè , posset non velle : sed velle Dei est idem cum esse diuino ; ergo Deus posset non esse , vel posset non habere esse volitionis , quod habet de facto , & sic posset mutari .

2. Secundò videtur Deus omnia , quæ vult , liberè velle , etiam seipsum , & suam essentiam . Libertas enim est perfectio simpliciter simplex actus voluntatis ; sed Deus cum vult seipsum , habet omnem perfectio-

fectionem simpliciter simplicem; ergo &c.

3. Respondeo, quod Deus necessario vult se existere: at non necessario, sed liberè vult existere alia à se, ità vt possit vellet, vt existant, vel non existant, & licet voluerit Mundum existere, potuit vellet, vt non existeret, adeoque liberè voluit existentiam Mundi. Probatur prima pars: nam omnis voluntas necessario vult suam Beatitudinem, præsertim si talis Beatitudo sit infinitè perfectà, & contineat omne bonum sine vlla admixtione mali, & possit haberi sine vllò labore, ac difficultate; sed Deus per hoc ipsum, quod existat, habet omne bonum sine vlla admixtione mali, & sine vlla difficultate, ac labore; ergo Deus necessario vult se existere. Probatur secunda pars: nam, vnaquaque res per appetitum innatum, vel elicitum inclinatur ad duo, ad habendum bonum, & ad illud communicandum; voluntas verò habito bono perfectè sufficiente, & continente omne bonum, eoque communicato communicatione infinitè perfectà, & continente omnem communicationem, potest dicere *sufficit mihi habere omne bonum, idque summè communicare, nolo illud communicare alia communicatione imperfecta*: potest etiam dicere: *quia habeo omne bonum, ac decet meam bonitatem, vt illud communicem secundum varios gradus, volo illud communicare secundum varios gradus*; sed Deus habet in se ipso bonum sufficientissimum, & continens

tinens omne bonum, idque communicat ad intrâ communicatione summè perfectâ per intellectum Filio, per voluntatem Spiritui Sancto; ergo est liber ad dicendum *sufficit, nolo me communicare ad extrâ, vel ad dicendum: quia decet meam bonitatem, ut me communicem non solum ad intrâ communicatione perfectâ, sed etiam ad extra communicatione imperfectâ secundum varios gradus, volo me communicare, producendo creaturas secundum varios gradus.*

4. Confirmatur, nam voluntas necessario vult solum finem, cætera verò eatenus necessario vult, quatenus sunt necessaria ad finem; sed Deus est adequatus finis sui ipsius, & cum sit sibi sufficientissimus, potest habere omne bonum sine existentia ullius extrinseci, adeoque nullum extrinsecum est necessarium ad finem Dei; ergo &c.

5. Ad 1. Ut Deus liberè velit creaturas, non requiritur, ut possit non habere volitionem, sed sufficit, ut volitio possit non terminari certo modo ad creaturas.

6. Ad 2. distinguo maiorem; libertas volendi infinitum bonum est perfectio simpliciter simplex actus voluntatis, nego: libertas volendi bona creata, & finita, concedo maiorem; concedo minorem; & nego consequentiam. Libertas volendi bonum infinitum non est perfectio simpliciter simplex actus voluntatis, sed solum libertas volendi bona finita, & creata; ergo

ergo quia actus diuinæ voluntatis habet omnem perfectionem simpliciter simplicem, Deus per talem actum debet se ipsum velle non liberè, sed necessario, & naturaliter, ac sola bona creata, & finita debet velle liberè.

Q V A E S T I O L.

Vtrum Deus physicè, vel metaphysicè necessitetur ad faciendum optimum ad extra.

S. Th. 9. 19. 4. 3. & 10.

1. **V**idetur necessitari, primò quia Deus necessitatur ad faciendum id, ad quod iuxta suam naturam habet summam inclinationem: siquidem infinitæ inclinationi non potest resistere; sed Deus cum sit summum bonum, habet infinitam inclinationem ad se summè communicandum ad extra, & ad faciendum optimum ad extra; ergo.

2. Secundò Deus non potest operari nisi honestissimè, ac saltem non potest operari cum imperfectione morali; sed qui liberè omittit facere quod est melius, eo ipso non operatur honestissimè, & contrahit imperfectionem moralem; ergo.

3. Tertiò videtur, quod Deus ex suppositione, quod liberè voluerit creare Mundum, non potuerit non creare Mundum optimum. Si enim fecisset Mundum non optimum, posset Deo dici: *opus tuum pote-*

poterat melius fieri ; sed ille , cui potest hoc dici , eo ipso non operatur ut perfectus artifex ; ergo .

4. Quartò valet hæc illatio : *Deus hoc fecit ; ergo optimum fuit hoc fieri* ; sed non valeret , si Deus omisso meliori , posset facere quod est minus bonum ; ergo &c.

5. Quintò Athanasius lib. de Incarnatione Verbi dicit : *absurdum , indecorumque erat eius opera interire , idque sub ipsius artificis conspectu* . Augustinus lib. 4. de Genesi ad literam cap. 16. dicit : *benefacere si non posset , nulla esset potentia ; si autem posset , nec faceret , magna esset inuidia* . Clémens Alexandrinus lib. 6. Stromatum post medium dicit : *Cum Deus sit bonus , si cessaret unquam benefacere , Deus quoque esse cessabit , quod nefas est dicere* ; sed repugnat metaphysicè , ut Deus faciat aliquod absurdum , & indecorum , ut sit invidus , & ut cesset esse Deus ; ergo &c.

6. Respondeo Deum neque physicè , neque metaphysicè necessitari ad faciendum optimum ad extrà . Probatur primò : nam si Deus necessitaretur ad faciendum optimum ad extrà , cum melius sit creare Mundum , quam non creare , fuisset metaphysicè , vel physicè necessitatus ad Mundum creandum ; sed necessitas physica , vel metaphysica opponitur libertati ; ergo Deus necessariò , & non liberè creasset Mundum , quod est absurdum , & erroneum .

7. Pro-

7. Probatur secundò ratione: nam sicut de essentia summi boni est, vt se summè communicet, sic est de essentia eiusdem, vt habita communicatione summa, & perfectissimà, & continente eminenter omnes alias communicationes, possit ea esse contentus, ac non necessitetur ad se vltèrius communicandum alia communicatione imperfecta, & vt si voluerit se communicare communicatione imperfecta, possit se communicare magis, aut minus, prout illi placuerit: si enim posset esse contentus sine vlla communicatione imperfecta, à fortiori posset esse contentus cum aliqua communicatione imperfecta sine vltèriori communicatione; sed Deus ab æterno se communicat ad intra Filio, & Spiritui Sancto communicatione perfectissimà, & infinita, & continente eminenter, ac seclusis imperfectionibus, omnes alias communicationes; ergo Deus posset quiescere, & esse contentus communicatione ad intra; sed si Deus posset esse contentus sola communicatione ad intra sine vlla communicatione ad extra, posset etiam esse contentus aliqua communicatione ad extra sine vltèriori communicatione; ergo Deus posset esse contentus communicatione ad extra, qua se communicet per creationem, absque vltèriori communicatione meliori, qua se communicet per dona Gratia, & per Vnionem hypostaticam &c.

8. Confirmatur: nam implicat, vt aliqua communicatio sit perfectè sufficiens,

ac

ac Deus, illa habita, non possit quiescere, ac dicere, *sufficit: nolo me ulterius communicare*; sed communicatio ad intra est perfectissimè sufficiens; ergo Deus habita communicatione ad intra, potest quiescere, ac dicere, *sufficit: nolo me ulterius communicare*; ergo addita communicatione ad extra per creationem, potest quiescere, ac nolle se ulterius communicare per vnionem hypostaticam &c.

9. Dices: Deus per generationem Filij sufficienter se communicat ad intra, & tamen non potest in illa communicatione quiescere, sed debet necessario procedere ad communicandum se Spiritui Sancto; ergo potest dici, quod licet Deus per generationem Filij, & Spiritus Sancti sufficienter se communicet ad intra, tamen non potest in tali communicatione quiescere, sed debet necessario se communicare ad extra | per Creationem, per dona Gratia, & per Vnionem Hypostaticam.

10. Respondeo distingo antecedens: Deus per generationem Filij sufficienter se communicat in omni genere, in quo natura Diuina est perfectissimè, & sine imperfectione communicabilis, nego: in genere solum communicationis per intellectum, concedo; & nego consequentiam. De ratione infiniti Boni est, vt non possit quiescere, nisi se communicauerit infinitè, & sine imperfectione in omni genere, in quo secundum suam naturam potest se infinitè communicare; sed natu-

ra intellectualis potest se communicare non solum per intellectum, sed etiam per voluntatem; ergo de ratione infiniti boni est, ut non possit quiescere, nisi se infinite, & sine imperfectione communicaverit non solum per intellectum, sed etiam per voluntatem; sed etiam est de ratione infiniti boni, ut habita communicatione sufficienti, ac infinita, & sine imperfectione in omni genere, in quo natura intellectualis est communicabilis, possit in ea quiescere, ac dicere, *sufficit*; ergo Deus habita communicatione ad intra per intellectum, ac voluntatem, potest quiescere, ac nolle se communicare ad extra communicatione finita, & imperfecta.

II. Probatur tertio conclusio auctoritate. Nam Patres, & Scholastici communiter licet dicant, supposito peccato, melius, & convenientius fuisse, ut homo lapsus repararetur per Incarnationem, quam sine Incarnatione, tamen asserunt Deum potuisse hominem lapsum etiam sine Incarnatione reparare; ergo docent Deum neque physice, neque metaphysice necessitari ad optimum, sed posse etiam facere quod est minus bonum, minusque conveniens. Probatur antecedens, afferendo aliqua testimonia Patrum. Primo Athanasius Oratione 3. contra Arrianos post medium dicit: *Poterat sine ullo adventu Christi solummodo loqui Deus, & solvere maledictionem. Caterum spectandum est hic, quid hominibus sit utile, non quid sit in viribus Dei.* Secundo Nazianzenus Epi-

Epistola I. ad Cledonium, quæ est Oratio 51. dicit: *Vt interim non dicam alio quoque modo fieri potuisse, ut nobiscum versaretur, quemadmodum prius ignis rubo, & forma humana, videlicet specie hominis non à natura ipsa personaliter unita.* Tertiò Augustinus lib. 13. de Trinitate cap. 10. & refertur hic à S. Thoma quaest. 1. art. 2. dicit. *Verum etiam ostendamus non alium modum possibilem Deo defuisse, cuius potestati omnia equaliter subiacent, sed sananda miseria nostræ alium modum conuenientiore non fuisse.* Et lib. de Agone Christiano cap. 3. dicit: *Sunt autem stulti, qui dicunt: Non poterat aliter Sapientia Dei hominem reparare, nisi susceperet hominem, & quibus dicimus, poterat omninò, sed si aliter faceret, similiter vestrae stultitiae displiceret.* Bernardus Epist. 190. ad Innocentium propè finem, ostendit Deo ad manum fuisse alios, & alios modos nostræ Redemptionis. Idem docent alij Patres, qui videri possunt apud Ruiz de Voluntate Dei disp. 7. sect. 4. eosque sequuti sunt Scholastici, cum Magistro, & S. Thoma, quos refert Vasquez hic disp. 1. cap. 4. num. 12.

12. Infertur primò, quid dicendum sit de alijs opinionibus. Primò aliqui dixerunt Deum necessitari ad faciendum optimum ad extra: & quia existimarunt ea, quæ Deus de facto facit, esse optima, docuerunt Deum necessitari ad faciendum omnia, quæ de facto facit, ac pròinde negarunt Deo libertatem arbitrij. Pro hoc

hoc errore referuntur Aristoteles, Theophrastus, Auerroes, Auicenna, Porphyrius, ut videre est apud Albertum in lib. de causis. Ruiz tamen de Voluntate Dei disp. 7. sect. 5. existimat Aristotelem in hoc puncto fuisse dubium, & inconstantem, & aliquando negasse, aliquando concessisse Deo libertatem. Ex Christianis in eodem errore fuit Petrus Abailardus, & Vuicleffus, qui ut refert Vualdensis lib. 1. Doctrinalis cap. 10. docuit Deum non posse facere nisi ea, quæ facit. Vuicleffo subscripsit Lutherus art. 36. Bucerus etiam lib. de concordia Doctrinæ Christianæ, cap. de libero arbitrio, & Calvinus lib. 1. Institut. cap. 16. Par. 3. docuerunt Deum agere necessariò quidquid potest agere, nec posse cessare ab eo, quod facit, nec aliud facere posse, ut refert Bellarm. Tom. 3. lib. 3. de Grat. & lib. arb. cap. 15.

13. Secundò aliqui videntur docuisse Deum potuisse quidem operari, vel non operari ad extrà, sed ex suppositione, quod voluerit ad extrà operari, non potuisse non facere Mundum optimo modo se habentem; & quia Mundus de facto optimo modo se habet, non potuisse aliter Mundum disponere, ac de facto disposuerit, neque alia creare, quam creauerit.

14. Contra hos errores certum est Deum non solum potuisse operari, vel non operari ad extrà, creare Mundum, vel non creare, sed etiam posito, quod
veller

vellet creare Mundum, potuisse res aliter disponere, quam disposuerit, ac multa facere, quæ non facit. Nam eatenus Deus hoc non posset, quatenus necessitaretur ad faciendum optimum ad extra; sed non necessitatur, ut probatum est num. 6. & sequ. ergo.

15. Confirmatur ex Scriptura, & Patribus expressè docentibus Deum, positam etiam creatione Mundi, posse facere multa, quæ non facit. Sapien. 11. *Nen erat impossibilis manus tua immiscere illis multitudinem virorum, aut audaces leones.* Matt. 3. *Potens est Deus de lapidibus istis suscitare filios Abrahæ.* Marci 14. *Abba Pater, omnia tibi possibilia sunt: transfer calicem hunc à me.* Matth. 26. *An putas quia non possum rogare Patrem meum, & exhibebit modò plusquam duodecim legiones Angelorum?* Augustinus lib. de Spiritu, & litera cap. 1. *Omnipotentis voluntas multa potest facere, quæ non vult, nec facit. Potuit enim facere, ut duodecim legiones Angelorum pugnarent contra illos, qui Christum ceperunt.* In Enchirid. cap. 95. *Nunc in clarissimæ luce sapientia videbitur quam multa possit, & non velit, nihil autem velit quod non possit.* Damascenus lib. 1. de Fide in fine docet. *Deum omnia quæcunque vult, posse, non autem quæcunque potest, velle: nam potest quidem perdere Mundum, non vult autem.* Vide alia testimonia apud Ruiz disput. 7. cap. 4. ubi affert etiam auctoritatem Scholasticorum.

16. Infertur secundò, quid dicendum sit in quæstione, in qua quæritur, vtrum Deus habeat liberum arbitrium? Negaue-
runt aliqui Theologi, quia putauerunt de
essentia liberi arbitrij esse, vt voluntas
possit eligere bonum, vel malum, & vt
etiam post primam electionem possit verti
ad vtramque partem contradictionis; sed
hæc repugnant Deo; ergo &c. Dicen-
dum cum S. Thoma quæst. 19. art. 10. alijs-
que communiter, non esse de essentia li-
beri arbitrij vt possit peccare, ac mutari,
& verti, adeoque Deum habere liberum
arbitrium. Ratio est, quia liberum arbi-
trium ex suo conceptu est perfectio simpli-
citer simplex, ac proindè non includit
vllam imperfectionem: sed peccabilitas,
& mutabilitas sunt imperfectiones; ergo
liberum arbitrium non includit peccabili-
tatem, nec mutabilitatem, sed solum im-
portat indifferentiam eligendi hoc, vel il-
lud. Ideò optimè Augustinus lib. 22. de
Ciuitate Dei cap. vltimo dicit: *Deus ipse
quoniam peccare non potest, nunquid li-
berum arbitrium habere negandas est?*

17. Sed potest quæri primò, vtrum
libertas Dei, qui non potest peccare, sit
maior, vel minor, quam libertas creatu-
ræ, quæ potest peccare.

18. Respondeo, quod Suarez opusc. 4.
de libertate Diuina disp. 2. sect. 1. Vasquez
1. part. quæst. 19. art. 10. in eius commen-
tario, & alij dicunt libertatem creatam,
quæ peccare potest, esse maiorem exten-
siuè, sed minorem intensiue libertate di-
uina,

uina, quæ peccare non potest. Dicendum, quod non solum libertas diuina est intensiue, & simpliciter maior, sed etiam non est extensiue minor libertate creata. Ratio est, quia libertas est in genere potentiae, non autem in genere impotentiae; ergo non est extensiue maior ex eo præcisè, quod habeat adiunctam impotentiam; sed potentia peccandi, in quantum conuenit creaturis, & non Deo, est quædam impotentia; ergo libertas diuina non est minor etiam extensiue ex eo, quod non habeat adiunctam potestatem peccandi. Confirmatur, nam Deus ex eo, quod non possit peccare, & mentiri, non est minus potens extensiue, & non ex alia ratione, nisi quia potentia peccandi, & mentiendi spectat ad impotentiam, & defectum; ergo &c. Ideo Augustinus lib. 15. de Trinit. cap. 15. dicit: *Magna diuini Verbi potentia est non posse mentiri, quia non potest esse illi: est, & non, sed est est, non, non*: & lib. 5. de Ciuit. cap. 10. *Neque potestas Dei minuitur, cum dicitur mori, fallique non posse; sic enim hæc non potest, ut si posset, minoris esset utique potestatis &c.* Videri etiam potest Anselmus Dialog. de lib. arb. cap. 1.

19. Quæri potest secundò, vtrum Deus sit liber ad purè omittendum?

20. Respondeo negatiue. Ratio est, quia vt dixi in Tractatu de Scientia Dei quaest. 46. num. 35. ad perfectionem diuinæ voluntatis spectat, vt circa nullum obiectum proponibile possit remanere quod-

dammodo suspensa, ita ut nihil decernat; sed si pure omitteret, remaneret quodammodo suspensa, & ita ut nihil decerneret; ergo &c.

21. *Quæri potest tertio, utrum Deus in aliquo sensu semper faciat optimum, ita ut metaphysicè necessitetur ad faciendum optimum?*

21. Respondeo affirmatiuè. Probat, & explicatur. Primo dici potest, quod Deus habet pro fine suam gloriam: & quia gloria definitur *clara notitia de aliquo cum laude*, Deus habet pro fine manifestationem sui ipsius, per quam cognoscatur, & laudetur: sed manifestatio Dei potest esse maior, & maior, ac proinde melior, & melior in infinitum, cum Deus sit infinite cognoscibilis; ergo non est possibilis maxima, & optima manifestatio, & cognitio Dei, & Deus non potest intendere maximam, & optimam manifestationem sui, sed solum debet intendere aliquam determinatam sui manifestationem, qua posset dari maior, & melior manifestatio. Posito tamen, quod intenderit tantam sui manifestationem, fecit Vniuersitatem rerum optimam, hoc est aptissimam ad tantam Dei manifestationem, ita ut ad tantam manifestationem non possit dari vniuersitas melior, & aptior, licet dari possit Vniuersitas melior secundum se, hoc est aptior ad maiorem Dei manifestationem, & gloriam. Secundo potest dici Deum semper facere optimum relatè ad Diuinam operationem, licet

licet non faciat optimum relatè ad rem factam. Explicatur. Deus non fecit Mundum optimum secundum se, siquidem potuisset facere Mundum meliorem, in quo nimirum essent plures, & perfectiores creaturæ, putà perfectiores Angeli, Gratia, & Beatitudo intensuè maior. Immo quia non est possibilis creatura, Gratia, & Beatitudo omnium perfectissima, repugnat Deum facere optimum relatè ad res factas. At Deus semper facit optimum relatè ad honestatem Diuinæ operationis; siquidem omnes Diuinæ operationes sunt infinitæ, & æqualiter honestæ, ac proindè optimæ in genere honestatis, vt magis explicabitur in responsione ad 2.

23. Tertiò potest dici Deum semper facere optimum quasi consequenter, & relatè ad primam regulam. Explicatur. Optimum dicitur, quod est maximè conforme primæ regulæ; sed prima regula est voluntas Dei, & quicquid Deus facit, est maximè conforme Diuinæ voluntati, qua efficaciter Deus vult illud facere; ergo.

24. Addo Deum necessitari metaphysicè ad faciendum optimum tribus explicatis modis; siquidem implicat, vt Deus non faciat optimum, & aptissimum ad tantam manifestationem sui efficaciter intentam, & non faciat per operationem honestissimam, & vt quicquid Deus facit, non sit summè conforme primæ regulæ, hoc est voluntati, qua efficaciter vult illud facere.

25. Ad 1. Distinguo maiorem : Deus non potest non facere id , ad quod determinatè faciendum habet inclinationem infinitam , non solum entitatiuè , sed etiam terminatiuè , concedo : ad quod non solum faciendum , sed etiam omittendum , habet inclinationem disiunctiuam infinitam solum entitatiuè , nego : distinguo eodem pacto minorem ; & nego consequentiam . Deus non potest non facere , vel non producere id , ad quod producendum habet infinitam inclinationem determinatam , ità vt nullam habeat inclinationem ad illud non producendum : & quia Deus habet infinitam inclinationem determinatam ad se communicandum ad intrà , ità vt nullam habeat inclinationem ad se non communicandum ad intrà , ideo Deus non potest non se communicare ad intrà , generando Filium , & producendo Spiritum Sanctum . At Deus potest non facere id , ad quod non solum faciendum , sed etiam omittendum habet infinitam inclinationem disiunctiuam ; sed Deus antecedenter ad suam liberam electionem , habet infinitam inclinationem disiunctiuam ad se communicandum ad extrà , vel ad quiescendum in sufficientissima communicatione ad intrà sine vlla communicatione ad extrà ; ergo &c. Si verò quæ ratur , quare Deus ad se communicandum ad intrà habeat infinitam inclinationem determinatam , ad se communicandum ad extrà habeat infinitam inclinationem disiunctiuam , dicendum , quod cum com-
mu-

municatio proponitur à diuino intellectu ,
tanquam infinitè conueniens summo Bo-
no , negatio communicationis proponitur
vt penitus inconueniens , Deus infinitè
inclinatur determinatè ad se communi-
candum , & nullo pacto inclinatur ad ab-
stinendum à summa communicatione ; sed
communicatio ad intra à Diuino Intelle-
ctu proponitur tanquam simpliciter infi-
nita , & infinitè conueniens summo bono ,
negatio communicationis proponitur vt
omninò inconueniens ; ergo &c. E con-
uerso cum communicatio proponitur vt
simpliciter finita , & finitè conueniens sum-
mo Bono , ac etiam negatio communica-
tionis proponitur vt conueniens , licet
minus conueniens , Deus , qui inclinatur
ad omne Bonum , & ad omne conueniens ,
non solum inclinatur ad se communican-
dum , sed etiam ad se non communican-
dum ; sed communicatio ad extra propo-
nitur vt finita , & creata , & vt finitè con-
ueniens , & etiam negatio communicatio-
nis ad extra , per quam Deus quiescat in
communicationibus ad intra , tanquam
sufficientibus , proponitur vt conueniens ;
ergo &c. Hinc sequitur inclinationem ,
qua Deus inclinatur ad se communican-
dum ad intra , esse infinitam non solum
entitatiuè , sed etiam terminatiuè ; cum
non solum sit infinita ex parte ipsius in-
clinationis , sed etiam ex parte termini ;
siquidem est inclinatio ad communicatio-
nem infinitam , & infinitè conuenientem
Deo . E conuersò inclinatio , qua Deus

inclinatur ad se communicandum ad extra, est infinita quidem entitatiuè, cum, identificetur cum diuina essentia, quæ est infinita, sed est terminatiuè finita, cum, sit ad communicationem extrinsecam, & creatam, quæ est finita. Hinc vltèrius sequitur Deum ex parte ipsius inclinationis æquè inclinari ad bonum minus, ac ad maius, cum ad vtrumque inclinetur eadem inclinatione identificata cum essentia Diuina: at ex parte termini inæqualiter inclinatur, cum inclinetur ad vnum terminum extrinsecum vt meliorem, magisque conuenientem, ad alium terminum vt minus bonum, minusque conuenientem. Proportionaliter S. Thomas 1. part. quæst. 20. art. 3. docet Deum omnia æqualiter amare ex parte actus amoris, inæqualiter ex parte Boni voliti.

26. Dices: infinitæ inclinationi Deus non potest resistere; sed si Deus omittèret maius bonum, resisteret infinitæ inclinationi, qua inclinatur ad illud faciendum; ergo &c.

27. Respondeo negando minorem. Quando enim aliquis eadem simplici inclinatione inclinatur disunctiuè ad duo, cognoscens, quod vtrumlibet eligat, optimè se habebit, ex eo, quod eligat vnum, non resistit tali inclinationi; sed Deus hoc pacto se habet; ergo &c. Nos è conuerso, cum proponuntur plura bona, diuersis, & particularibus inclinationibus ad illa inclinamur, & sic in nobis ipsis quodammodo diuidimur, & trahimur in partes con-

contrarias; ideoque cum eligimus vnum, impossibile cum altero, resistimus inclinationi, qua inclinamur ad aliud.

28. Ad 2. concedo maiorem, & distinguo minorem: qui liberè omittit quod est melius, & magis conueniens, eo ipso non operatur honestissimè, si per hanc liberam omissionem minus benè se habeat ad suum vltimum finem, ad primam regulam, & ad summam bonitatem, concedo: si non minus benè se habeat, nego minorem; & nego consequentiam. Electio, & operatio libera dicitur honesta per hoc, quod per illam eligens bene se habeat ad vltimum finem, ad primam regulam, & ad summam bonitatem, licet minus bene se habeat ad aliquid aliud; sed Deus per quamcumque suam liberam electionem, & operationem optimè se habet ad se ipsum, qui est vltimus finis, prima regula, & summa bonitas; ergo &c. E conuerso creatura cum eligunt minus bonum, minus bene se habent ad vltimum finem, ad primam regulam, & ad summam bonitatem, quam si eligerent maius bonum, ideoque operantur minus benè, & honestè.

29. Ad 3. distinguo maiorem: Deus ex suppositione, quod voluerit Mundum producere, non potuit non producere Mundum optimum, quantum sufficit ad hoc, vt manifestet, quod Mundus non potuit fieri, nisi ab Artifice potentissimo, & sapientissimo, & optimo, concedo: ita vt non possit hoc ipsum melius manifesta-

re, nego: distinguo eodem pacto minorem; & nego consequentiam. Deus ex suppositione, quod voluerit Mundum producere, debuit producere Mundum optimum, hoc est sufficientem ad manifestandum, quod Mundus non potuerit fieri, nisi ab Artifice potentissimo, sapientissimo, & optimo. At non necessario debuit producere Mundum optimum in alio sensu. Hinc sequitur, quod etiamsi Deus fecisset Mundum sine Incarnatione, operatus fuisset vt Artifex perfectissimus. Artifex enim dum facit opus, quod euidenter non potest fieri, nisi ab Artifice perfectissimo, operatur vt artifex perfectissimus, licet appareat, quod talis Artifex potuisset, si voluisset, facere opus magis perfectum.

30. Dices: tunc aliquis non operatur vt Artifex perfectissimus, cum potest illi dici, *Opus tuum potuit melius fieri*; sed Deo posset hoc dici; ergo &c.

31. Respondeo distinguo maiorem: cum potest dici, opus tuum potuit melius fieri aduerbialiter ex parte facientis, hoc est potuit fieri maiori potentia, sapientia, & bonitate, concedo: melius nominaliter ex parte rei factæ, nego: distinguo eodem pacto minorem; & nego consequentiam. Si Deus fecisset Mundum sine Incarnatione, posset Deo dici, *Mundus potuisset fieri melior*, sed non posset dici; *Mundus potuisset fieri melius aduerbialiter*, hoc est maiori potentia, sapientia, & bonitate; sed eo ipso, quod Artifici posset dici:

dici, *Opus tuum non potuit fieri melius; hoc est maiori potentia, sapientia, & bonitate; talis Artifex operatur ut Artifex perfectissimus; licet posset illi dici: tanta est tua potentia, sapientia, & bonitas, ut potueris facere opus melius, & perfectius, quamvis ex tua libertate nolueris illud facere.* Videri potest S. Thomas 1. parte quæst. 25. art. 6. ad 1.

32. Ad 4. concedo maiorem, & nego minorem. Hoc Enthymema: *Deus hoc fecit; ergo optimum fuit hoc fieri*, ut formetur in syllogismum, & concludat, sufficit, ut intelligatur hæc maior: *Deus semper non ex necessitate, sed ex perfectissima libertate, facit id, quod optimum est fieri*, nec requiritur, ut subintelligatur hæc alia maior: *Deus semper, & ex necessitate facit id, quod optimum est fieri*; ergo ut illa illatio valeat, non requiritur, ut Deus necessitetur ad faciendum optimum.

33. Ad 5. ex auctoritate quorundam Patrum, respondeo, quod quia iidem, alijque Patres alijs in locis expressè dicunt, Deum potuisse Mundum non creare, & supposita creatione, potuisse permittere, ut humanum genus propter peccatum Adami sine remedio periret, dum videntur docere oppositum, explicandi sunt ita, ut sibi ipsis non contradicant. Dicendum igitur, quod quia Infideles ex eo, quod nobis hominibus videatur indecens, ut Deus summus nostram carnem assumeret, & pro nobis moreretur, asserabant hoc verè fuisse indecens, Athana-

sius ex eo, quod videatur indecens, ut Deus permittat totum genus humanum sine remedio perire, dicit hoc fuisse indecens, & absurdum, licet non fuerit verè indecens, & absurdum, sed solum secundum quamdam apparentiam. Similiter quia videtur inuidia quædam repugnans summæ Bonitati, ut Deus si potest benefacere, non benefaciat, Augustinus dicit, fore inuidiam, si Deus non beneficeret, & Clemens Alexandrinus dicit fore inuidiam, & contra summam Bonitatem, si Deus aliquando à benefaciendo cessaret. Addo, quod si Deus non beneficeret ex defectu perfectæ inclinationis ad benefaciendum, esset invidus, ac non esset summè bonus, ac proinde non esset Deus; & in hoc sensu loquuntur Augustinus, & Clemens Alexandrinus.

QVAESTIO LI.

Utrum Deus in ijs, in quibus non proceditur in infinitum, semper faciat optimum formaliter, hoc est id, quod est melius, & convenientius ad perfectionem Vniuersi.

1. **V**idetur quod non, primò, quia. Mundus esset formaliter perfectior, si in eo essent infinitæ, immò omnes species possibiles entium, præsertim substantialium, & intellectualium, putà Ange-

Angelorum; sed Deus creauit species solum finitas; ergo &c.

2. Secundò Mundus esset perfectior, si aliqui Beati, saltem anima Christi videret Deum visione infinitè intensa; nam sic Deus infinitè glorificaretur; sed non dedit Christo visionem infinitè, sed solum finitè intensam; ergo &c.

3. Tertiò melius fuisset ad perfectionem vniuersi, vt mundus crearetur ab æterno, quam in tempore; sed creatus fuit non ab æterno, sed in tempore; ergo &c.

4. Quartò melius fuisset, vt tres Personæ Diuinæ assumerent tres naturas intellectuales, quam vt vna Persona assumeret vnā tantum naturam humanam; sed illud non est factum; ergo. Si verò dicatur, quod debuit vna tantum natura assumi, vt vna tantum natura creata haberet rationem capitis intrinseci vniuersi, ne mundus haberet duo capita, & sic esset monstruosus: contra est, quia saltem melius fuisset, vt vna natura assumeretur à tribus Personis diuinis, quam ab vna tantum, & vt assumeretur potius natura Angelica, quam humana.

5. Quintò melius fuisset, vt omnes homines, & Angeli prædestinarentur, & saluarentur, vel saltem fuisset melius, vt tum ex hominibus, tum ex Angelis plures prædestinarentur, quam reprobarentur, & damnarentur; sed de facto ex hominibus multo plures sunt reprobi, quam prædestinati; ergo &c.

6. Sextò melius fuisset ad perfectionem vni-

vniversi, vt Deus nulla peccata permisisset, vel saltem permisisset pauciora, quam de facto permiserit: ergo &c;

7. Respondeo, posito, quod Deus, vt dictum est quæstione 50. proximè præcedenti, neque metaphysicè, neque physicè necessitetur ad faciendum optimum, quæritur, vtrum de facto ex sua libera voluntate semper faciat optimum, & id, quod est magis conueniens, an potius aliquando omisso meliori, faciat minus bonum, minusque conueniens? Quæritur rursus, an Deus necessitate aliqua morali, & coniungibili cum libertate necessitetur ad semper faciendum optimum, ac magis conueniens? Primum punctum examinabimus hac, & sequenti quæstione; secundum quæstione ab hac tertia.

8. Prima sententia Ruiz de Voluntate Dei disput. 9. sect. 3. & sequentibus, Iacobi de Granado in 1. partem Tractatu secundo de voluntate Dei disp. 3. & aliorum, docet Deum in ijs generibus rerum, in quibus datur optimum, ac non proceditur in infinitum in melioribus, & melioribus, semper velle, & facere illud bonum, quod in ordine ad vniuersitatem rerum est simpliciter optimum, & quadam necessitate morali, & coniungibili cum libertate necessitari ad eligendum optimum.

9. Secunda sententia communior, quam sequitur Cardinalis de Lugo disput. 2. de Incarnat. sect. 1. num. 2. docet, Deum neque moraliter necessitari ad faciendum optimam.

10. Di-

10. Dicendum Deum fecisse mundum formaliter optimum, licet materialiter non sit optimus, sed potuisset esse materialiter melior, ac semper facere optimum in ordine ad perfectionem formalem, non autem materialem mundi.

11. Probatur primò, & explicatur. Ad perfectionem enim formalem vniuersi spectat, vt in eo dentur actu, vel potentia, in virtute nimirum causarum secundarum, omnes ordines, omnia genera, & omnes species rerum, cum suis proprietatibus, & accidentibus, donec perueniatur ad ea, in quibus proceditur in infinitum, absque exigentia sistendi in hoc potius, quam in illo, & vt hæc ordinentur optima proportionem secundum numerum, & quantitatem tum extensiuam, quæ dicitur mensura, tum intensiuam, quæ dicitur pondus, & est ipsa perfectio rerum: ad perfectionem autem materialem vniuersi spectat, vt cum peruentum fuerit ad ea, in quibus proceditur in infinitum, absque exigentia sistendi in hoc potius, quam illo, adhuc procedatur vltcrius; sed Deus de facto creauit vniuersum, in eoque posuit omnes ordines, & gradus rerum, nimirum ordinem naturæ, ordinem gratiæ, ordinem vnionis hypostaticæ, elementa, quæ sunt in gradu infimo, mixta inanimata, Plantas, Animalia irrationalia, homines, Angelos, ac plures species corporum inferiorum, Animalium, Plantarum &c: posuit etiam omnes species Angelorum, quas vniuersitas

fitas exigit cum suis accidentibus, & proprietatibus, atque hæc omnia optimè disposuit in numero, magnitudine, perfectione, ac Mundum terminauit in ijs, in quibus proceditur in infinitum, absque exigentia sistendi in hoc potius, quam in illo: siquidem non produxit in speciebus plura indiuidua, quam dentur de facto, quia indiuidua sunt possibile plura, & plura in infinitum absque exigentia sistendi in hoc potius numero, quam in illo; non produxit plures, & perfectiores species Angelorum, quia in speciebus Angelorum perfectioribus, & perfectioribus proceditur in infinitum, ac non datur perfectissimus Angelorum possibile: non dedit Beatis, & animæ Christi Beatitudinem intensiue maiorem, quia in Beatitudine, ac visione Dei intensiue maiori, & maiori, proceditur in infinitum; non creauit mundum prius, quia mundus non potuit esse ab æterno, & potuisset creari prius, & prius in infinitum; ergo Deus produxit mundum formaliter optimum, licet non produxerit materialiter optimum.

aa 12. Probatur secundo: nam cum Deus sit optimus, debet habere perfectam inclinationem ad faciendum vniuersum optimum in eo sensu, in quo potest fieri optimum; sed vniuersum potest fieri optimum formaliter, non autem materialiter, cum materialiter possit esse perfectius, & perfectius in infinitum; ergo Deus habet perfectam inclinationem ad faciendum
dum

dum vniuersum optimum formaliter, non autem materialiter: sed debemus dicere, & existimare Deum semper facere id, ad quod habet perfectam inclinationem; ergo.

13. Confirmatur: nam quia anima Christi est optima in genere bonitatis creatæ, & habet perfectam inclinationem ad optimum, existimamus animam Christi semper fecisse optimum, ac nunquam fecisse minus bonum, omisso meliori; ergo à fortiori debemus idem existimare de Deo, qui est optimus in omni genere.

14. Probatur tertio ex communi consensu Philosophorum, Scholasticorum, & Sanctorum Patrum, qui ex allato fundamento docuerunt Deum, & naturam semper facere quod est optimum; ergo debet existimari tanquam principium per se notum, optimum semper facere id, quod est optimum. Probatur antecedens, afferendo aliqua ex innumeris testimonijs. Ex Philosophis Aristoteles lib. 8. Physic. text. 48. dicit; *In ijs, quæ sunt natura finitum sit potius, & id quod melius est, oportet, si modo esse possit.* lib. 2. de Cælo text. 34. dicit: *Si enim natura semper facit eorum, quæ fieri possunt, quod optimum est.* lib. de Iuuentute, & Senectute dicit: *Nemini dubium est, quin natura in omnibus, quæ fieri possunt, pulcherrimum quodque fingat, & molietur.* Idem docet innumeris alijs locis. Debet autem aduerti Aristotelem locis allatis nomine naturæ intelligere, na-

naturam primam, quæ vocari solet natura naturans, & est ipse Deus. Consonat Aristoteli Plato in Tymæo dicens. *Fas autem non erat, nec est quicquam, nisi pulcherrimum facere eum, qui est optimus; & paulo post: Itā naturam mundum conspexit, ut pulcherrimum natura opus, optimumque foret.* Idem docuerunt plures alij Philosophi,

15. Ex Scholasticis S. Thomas 1. parte quæst. 47. art. 3. dicit: *Natura facit quod melius est, & multo magis Deus.* Eadem quæstione art. 2. ad 1. dicit: *Optimi Agentis est producere totum effectum suum optimum, non tamen quod quamlibet partem totius faciat optimam simpliciter, sed optimam secundum proportionem ad totum.* Idem docet alijs locis, idemque docuerunt Alexander de Ales, Albertus Magnus, S. Bonaventura, & alij, quorum testimonia affert Ruiz disp. 19. sect. 1.

16. Ex Sanctis Patribus Augustinus lib. 1. de libero arbitrio cap. 5. dicit: *Quicquid tibi vera ratione melius occurrit, hoc scias fecisse Deum, tanquam bonorum omnium conditorem.* Et paulo post: *Cum dicit, melius hoc fieret quam illud, si verum dicit, & videt quod dicit in illis, in quibus connexa est, rationibus videt: credat ergo Deū fecisse, quod vera ratione ab eo faciendum esse cognouit, etiamsi hoc in rebus creatis non videt.* Et lib. 1. contra aduersarium legis, & Prophetarum cap. 14. dicit: *haud verò usque adeo dispiendum est, ut homo videat melius aliquid fieri debuisse, & hoc Deum*

Deum vidisse non putet; aut putet vidisse, & credat facere noluisse, aut voluisse quidem, sed minimè potuisse. Auertas hoc Deus à cordibus nostris. Chrysostomus homil. 30. in 1. ad Corinthios cap. 12. dicit; *Certè enim, quod optimum, rectissimumque factu fuit, hoc illum voluisse, consentaneum esse debet.* Basiliius hom. 9. quod Deus non sit auctor malorum, dicit: *Vnum hoc habere in mentibus nostris præsumptum oportet, quod nihil eorum, quæ nobis accidunt, malum sit, aut tale, ut melius illo aliquid excogitare queamus.* Damascenus lib. 2. de fide cap. 29. dicit: *Si Dei voluntas Providentia est, omninò necesse est, omnia, quæ Providentia fiunt, secundum rectam rationem optima, & Deo receptissima fieri, ut non sit melius fieri.* Idem docent Athanasius, Nazianzenus, Clemens Alexandrinus, Cyrillus Alexandrinus, & alij, quos citat Ruiz disp. 9. sect. 3.

17. Dices: Sancti Patres, dum asserunt, Deum semper facere optimum asserunt id in aliquo ex tribus sensibus explicatis quæst. 59. num. 22; ergo ex testimonijs allatis non probatur Deum facere optimum in ordine ad perfectionem formalem vniuersi, ut explicatum est num. 18.

18. Sed contra, nam si Patres dicerent mundum esse optimum solum in ordine ad tantam Dei manifestationem, & relatè ad honestatem diuinæ operationis, & ex eo, quod sit summè conformis voluntati, quæ Deus voluit facere mundum, debuissent asserere mundum, quomodo-
cun-

cunque fuisset factus, etiamsi fuisset factus instar tugurij, in quo manerent tres, vel quatuor homines Deum imperfectissime cognoscentes, adhuc futurum optimum, cum esset aptissimus ad manifestandum Deum illa imperfectissima manifestatione, quam Deus intenderet de facto, cum fieret per operationem honestissimam, & esset maxime conformis diuinæ voluntati volenti facere mundum ad modum tugurij; sed est alienissimum à doctrina Sanctorum Patrum, quod Deus fecerit mundum optimum in eo solum sensu, in quo mundus esset optimus, etiamsi facilius fuisset ad modum parui tugurij; ergo. Confirmatur, nam ideo dicunt Deum fecisse mundum optimum, quia cum Deus sit optimus, habet perfectam inclinationem ad faciendum mundum optimum; sed Deus quia est optimus, debet habere perfectam inclinationem, non solum ad faciendum mundum optimum in ordine ad finem intentum, sed etiam ad intendendum finem optimum; ergo &c.

19. Addo, quod Philosophi, Scholastici, & Patres cum asserunt Deum, semper tacere optimum, asserunt Deum, semper facere optimum in eo sensu, in quo optimum potest fieri: sed potest fieri optimum solum formaliter, non autem materialiter; ergo &c. Probatur maior: nam Aristoteles textu citato 48. nimirum 8, Physicorum dicit: *In ijs, quæ sunt natura, finitum sit potius, & id quod melius est*

est oportet, si modo esset possit; ergo expresse dicit naturam, & Deum facere optimum inquantum fieri potest. S. etiam, Thomas I. parte quæst. 47. art. 2. ad 1. dicit: *Deus fecit totam uniuersum optimum secundum modum creature*; sed modus creature est, vt sit optima solum formaliter, non autem materialiter; ergo &c. In eodem sensu loquuntur alij Auctores citati.

20. Dices: Deus vt potè optimus non inclinatur ad faciendum minus bonum etiam materialiter, omisso maiori bono.

21. Respondeo, distinguo: non inclinatur ad faciendum minus bonum materialiter, in quantum est minus bonum; concedo: inquantum non potest fieri optimum formaliter, absque eo quod fiat aliquid materialiter minus bonum, nego. Deus inclinatur ad faciendum optimum formaliter; & quia non potest facere optimum formaliter, nisi faciat aliquid materialiter minus bonum, ideo inclinatur ad faciendum materialiter minus bonum, vt faciat formaliter optimum.

22. Addo posse dici, quod ita mundus est formaliter optimus, vt licet possit dari alius mundus materialiter melior, tamen eo ipso talis mundus esset formaliter minus bonus, quam sit mundus existens de facto. Explicatur. Perfectio enim formalis vltima mundi consistit in hoc, vt omnes eius partes ordinentur optima proportionem: sed potest dici; quod

quod partes alterius mundi eo ipso, quod essent meliores, non possent ordinari proportionem adeo bona, sicut ordinantur partes huius mundi; ergo &c. Minor probatur, & explicatur. Nam sapè numerus minor potest ordinari proportionem meliori, quam numerus maior: e. g. licet numerus nouenarius sit minor denario, & vndenario, tamen numerus nouenarius potest ordinari ita, vt faciat quadratum, quod habet optimam proportionem; numerus autem denarius, & vndenarius non possunt ordinari ita, vt faciant quadratum. Similiter quantitas, seu magnitudo conueniens homini potest ordinari proportionem adaptata corpori humano, quæ proportio est melior: quantitas autem conueniens Elephanto est maior, & tamen non potest ordinari proportionem corporis humani, sed solum proportionem corporis Elephanti, quæ est minus bona. Potest igitur dici dari aliquem numerum ordinabilem proportionem omnium pulcherrima, ac proinde formaliter omnium perfectissima. Potest etiam dici dari aliquas magnitudines finitas, & aliquas perfectiones finitas ordinabiles proportionem omnium pulcherrima, & perfectissima, ac mundum à Deo, cui Sapientia II. dicitur, *Vniuersa in pondere, mensura, & numero disposuisti*, ordinatum fuisse in numero, pondere, & mensura proportionem omnium pulcherrima, ita vt quilibet alius mundus constans ex creaturis numero pluribus, quantitate maioribus, ac

per-

perfectioribus, eo ipso non esset ordinabilis proportionem adeo pulchra, ac proinde ita esset materialiter perfectior, ut formaliter esset imperfectior hoc mundo, qui datur de facto. Ex hac doctrina potest probabiliter inferri Deum semper facere id, quod simpliciter est magis conueniens. Simpliciter enim fuit magis conueniens, ut Deus faceret mundum perfectiorem formaliter, & materialiter minus perfectum, quam ut faceret mundum perfectiorem materialiter, formaliter autem minus perfectum; sed licet sit possibilis mundus materialiter perfectior, tamen formaliter esset minus perfectus, cum constitueretur ordine minus perfecto; ergo. Insinuat autem hanc doctrinam S. Thomas 1. parte quaest. 25. art. 6. ad 3. dicens. *Dicendum, quod uniuersum, suppositis istis rebus, non potest esse melius propter decentissimum ordinem his rebus attributum à Deo, in quo Bonum uniuersi consistit, quorum si aliquid esset melius, corrumpereetur proportio ordinis, sicut si una chorda plus debito intenderetur, corrumpereetur proportio citrae. Posset autem Deus alias res facere, vel alias addere istis rebus factis, & sic esset uniuersum melius.* Sed sufficit hac indicasse. Nihil enim statuo, ac solum dico Deum in ijs, in quibus non proceditur in infinitum, semper facere id, quod est melius, & conuenientius ad perfectionem uniuersi.

23. Ad 1. 2. & 3. Respondeo impossibile esse infinitum actu, & ut mundus fuerit.

fuerit ab æterno, vt dixi in Philosophia; ergo cum in speciebus rerum procedatur in infinitum, mundus ex eo, quod darentur plures species Angelorum, & rerum, esset solum materialiter, non autem formaliter perfectior, ac proinde ex eo, quod Deus non produxerit plures species Angelorum, & aliarum rerum, non sequitur, quod Deus non fecit mundum formaliter optimum. Ruiz de voluntate Dei disput. 9. sect. 8. respondet, quod etiamsi possibile esset infinitum in actu, nihilominus ad perfectionem mundi spectat potius, vt dentur finitæ species, & finita indiuidua, quam infinita, idque posset confirmari ex Aristotelis verbis 8. physic. textu 48. supra citatis: *In ijs, quæ sunt natura, finitum sit potius, & id, quod melius est, oportet, si modo esse possit.*

24. Ad 4. nego antecedens. Mundus cum sit vnus numero, debet habere vnum tantum caput intrinsecum, alioquin esset monstrosus; sed natura intellectusualis eo ipso, quod assumatur à Persona diuina, respectu mundi habet rationem capitis; ergo vna tantum natura intellectusualis debet assumi. Rursus est magis conforme naturæ creatæ, vt terminetur vna tantum Personalitate, quam pluribus; ergo conuenientius fuit ad perfectionem vniuersi, vt natura humana assumeretur ab vna tantum Persona, quam à pluribus, præsertim cum natura assumpta ab vna tantum Persona per circuminseccionem habeat in se perfectionem omnium personalitatum,

• vt dicetur inferius in Tractatu septimo de
• Trinitate: in tractatu etiam de Incarna-
tione ex communi doctrinâ Theologorum,
& Patrum dicetur ad perfectionem vni-
uersi fuisse conuenientius, vt assumeretur
natura humana, quam Angelica, quia
cum natura humana constet ex natura
intellectuali, & corporea, assumpta quo-
dammodo fuit vtraque natura, ac proin-
dè Deus extensiuè se magis communica-
uit. Dicetur etiam fuisse specialiter con-
ueniens, vt natura humana assumeretur
à Filio, quam à Patre, vel Spiritu San-
cto; vt Incarnatio fieret in medio temporis,
quam in principio, vel fine mundi.
Ex his verò confirmatur nostra sententia.
Cum enim Patres adeo solliciti fuerint
in explicando, quo pacto fuerit melius, &
conuenientius, vt Incarnatio fieret eo pa-
cto, quo facta est, supposuerunt Deum
semper facere id, quod est melius, & con-
uenientius ad perfectionem vniuersi.

23. Ad 5. & 6. Quia solutio argumen-
ti pendet à solutione quæstionis, in qua
quæritur, vtrum vniuersum esset perfe-
ctius, vel imperfectius, si Deus nulla,
vel pauciora, & minora peccata permisif-
set, & si omnes Angelos, & homines
prædestinasset, vel saltem plures prædesti-
nasset, quam reprobasset, quæ quæstio
est grauissima, & difficillima, libet illam
ex professo examinare quæstione sequen-
ti.

Q V A E S T I O LII.

Utrum Mundus esset formaliter perfectior, vel imperfectior, si Deus nulla vel pauciora peccata permisisset, & si omnes Angelos, & homines prædestinasset, vel saltem plures prædestinasset, quam reprobasset.

1. **V**idetur, quod mundus esset perfectior, si nemo damnaretur, nemo peccaret, primo quia ex Aristotele 3. Top. cap. 4. *Albius est, quod est nigro impermixtius*; ergo melius est, quod est malo impermixtius; ergo si Deus fecisset mundum, in quo nulla fierent peccata, talis mundus fuisset melior hoc mundo, ac proinde hic mundus non est formaliter optimus.

2. Secundò homo innocens, cæteris paribus, est melior poenitente, & magis à Deo diligitur; ergo mundus innocens, cæteris paribus, est melior poenitente: sed si nulla essent peccata, mundus esset innocens; ergo &c.

3. Tertiò ex dicendis in Tractatu de Incarnatione, peccatum mortale in genere mali est maius, quam in genere boni sit bonus quilibet actus honestus puræ creaturæ; ergo malum peccati non potest adequatè compensari vllò actu honesto elicito

ci to à pura creatura; sed si malum peccati non potest compensari vlllo actu honesto **e**licito à pura creatura, perfectior est mundus sine vllis peccatis, quam cum peccatis; ergo.

4. Quartò si dicatur, quod bonum Incarnationis, & actum honestorum Christi est maius malo peccati, quod bonum non extitisset, nisi fuissent peccata: contra est, quia saltèm si nulla fuissent peccata, & nihilominus fuisset Incarnatio, mundus fuisset perfectior, quam sit de facto; ergo.

5. Quintò perfectio mundi, quam Deus primo, & per se, & voluntate antecedenti intendit, est maior perfectione, quam intendit solum secundo, & ex suppositione, quod à creatura peccante impediatur illa alia perfectio: sed Deus primo, & per se, ac voluntate antecedenti vult mundo perfectionem innocentiae, & salutis: nam vult neminem peccare, & damnari, & vt dicitur 1. ad Timoth. 2. *Vult omnes homines saluos fieri*, alia verò bona compensatiua peccatorum vult mundo solum secundo, & ex suppositione, quod homines liberè peccando impediant bonum Innocentiae; ergo &c.

6. Sextò Hierocheus, & ex eo Dionysius cap. 6. de diuinis nominibus infert tanquam inconueniens, quod erit malum ad omne, hoc est ad perfectionem vniuersi conferens: sed si mundus esset minus perfectus, si non darentur peccata, malum,

peccati conferret ad perfectionē vniuersi ; ergo .

7. Septimò Sanctus Thomas 1. sentent. dist. 46. art. 1. ad 3. dicit : *Quedam mala sunt , quæ si non essent , vniuersum perfectius esset , illa scilicet , quibus maiores perfectiones priuantur , quam in alio acquirantur , sicut præcipuè est in malis culpæ , & cōcludit ; unde si nullus homo peccasset , vniuersum genus humanum melius foret ;* ergo S. Thomas existimat vniuersum futurum perfectius , si Deus non permisisset vllum peccatum .

8. Octauò demum videtur , quod mundus fuisset perfectior , si Deus pauciora peccata permisisset , & plures prædestinasset , quam reprobasset ; ergo Deus permittendō tot peccata , & reprobans plures homines , quam prædestinet , facit id , quod est minus bonum , & minus confert ad perfectionem vniuersi .

9. Respondeo duas esse opiniones . Prima Durandi in 1. dist. 46. quæstione 2. Vasquez 1. parte quæstione 22. artic. 2. & disput. 107. cap. 3. quam sequuntur plures recentiores , docet mundum futurum perfectiorem , si Deus nullum permisisset peccatum .

10. Secunda communis Scholasticorum , nimirum S. Thomæ 1. parte quæst. 22. art. 2. & quæst. 48. ar. 2. ad 3. & quæst. 49. art. 2. in corpore , & 3. contra gentes cap. 71. præsertim num. 5. & de Potentia quæst. 3. art. 6. ad 4. & alijs locis ; Alexandri prima parte quæstione 38. memb. 4. & quæ-

quæstione 40. membro 3. Alberti prima parte quæst. 27. de malo membro 5. ad 1. & aliorum, quos refert, & sequitur Ruiz Tomo de Providentia disput. 2. sect. 4. docet mundum futurum minus perfectum, si Deus nulla peccata permisisset. Ferrariensis tamen 3. contra gentes conclusionem limitat, ac docet mundum de facto esse perfectiorem solum extensivè, non autem intensivè, quam si Deus nulla peccata permisisset.

11. Dicendum cum secunda sententia: Mundus de facto est formaliter perfectior, quam si Deus nulla peccata permisisset.

12. Probatur primò conclusio ex Scriptura. Ecclesiast. 3. dicitur: *Non possumus eis quidquam addere, vel auferre, quæ fecit Deus, ut timeatur.* Sensus autem est, quod mundus sit ità perfectus, ut neque additione, neque diminutione possit fieri perfectior; sed si ablati peccatis, mundus esset perfectior, posset fieri perfectior ablatione peccatorum; ergo ablati peccatis, mundus non fieret perfectior.

13. Probatur secundò conclusio ex Patribus. Primò enim Patres citati q. 57. num. 16. dicunt Deum semper facere id, quod est melius, & convenientius ad perfectionem mundi; sed Deus de facto permittit peccata; ergo existimant melius, & convenientius esse ad perfectionem, ut Deus permittat peccata. Secundò plures Patres dum opponitur, quod melius fuisset, ut Deus peccata non permitteret,

16. Secunda ratio desumpta ex parte ipsius mundi est. Quandoquidem mundus est vniuersitas rerum, & bonorum, debet esse perfectus in ratione vniuersitatis, ac proinde ad perfectionem formalem mundi spectat, vt in eo sint omnes ordines, omnia genera, & omnes species rerum, & bonorum cum suis proprietatibus, & accidentibus, donec perueniatur ad ea, in quibus proceditur in infinitum, absque exigentia sistendi in hoc potius, quam in illo, vt dictum est quæst. 51. num. 10. & 11; sed multa sunt bona, quæ non possunt dari in vniuerso, nisi permittantur peccata; e. g. patientia Martyrum non potest dari sine crudelitate Tyrannorum; bonum poenitentiae non potest dari, nisi præcesserit culpa; bonum iustitiae vindicatiuae non potest dari, nisi præcesserint delicta; actus ille eximiae charitatis Christi, quo voluit mori, & se offerre hostiam Dei pro peccatis nostris, & totius mundi, non potuit dari, nisi Deus permisisset peccata nostra, & totius mundi; ergo.

17. Confirmatur, nam ex dictis eadem quæst. 51. num. 11. ad perfectionem mundi spectat etiam, vt entia, & bona ordinentur, ac disponantur optimè, & pulcherrimè: sed ad optimam, & pulcherrimam dispositionem spectat, vt contraria disponantur iuxta sua contraria: opposita enim iuxta se posita magis elucescunt; ergo.

18. Hæc ratio desumpta est ex Scriptura, & Patribus, & præsertim ex Augusti-

gustino. Ecclesiast. 33. dicitur: *Contra malum bonum est, & contra mortem vita, sic & contra virum iustum peccator: & sic intueri in omnia opera altissimi; duo & duo, & unum contra unum; ergo Scriptura docet Deum sicut disposuit alia contraria iuxta sua contraria, sic disposuisse iustos iuxta peccatores, ut sic omnia optimè, & pulcherrimè ordinarentur, ac disponerentur. Sic intelligit hunc locum Augustinus lib. II. de Ciuit. cap. 18. dicens: Nec enim Deus vltimum non dico Angelorum, sed vel hominum crearet, quem malum esse praescisset, nisi pariter nosset, quibus eos bonorum vñibus commodaret, atque ita ordinem sacnlorum tanquam pulcherrimum carmen quasi quibusdam antithetis honestaret: & allatis exemplis aliorum oppositorum subdit. Sicut ergo ista contraria contrarijs opposita sermonis pulchritudinem reddunt, ita quadam non verborum, sed rerum eloquentia contrariorum oppositione saeculi pulchritudo componitur. Apertissimè hoc possumus in libro Ecclesiastico hoc modo: Contra malum bonum est &c. & in Enchiridio cap. 10. & 11. dicit: Ex omnibus consistit vniuersitatis admirabilis pulchritudo. In quo etiam illud, quod malum dicitur, bene ordinatur, & suo loco possumus eminentius commendat bona, ut magis placeant, & laudabilia sint, dum comparantur malis. Consonat Augustino Anselmus in Flucidario, vbi loquens de malis Angelis dicit. Cum Deus praesciret eos tales futuros, quare creauerit eos? Propter ornatum sui operis, Ut enim*

fuerit ab æterno, vt dixi in Philosophia; ergo cum in speciebus rerum procedatur in infinitum, mundus ex eo, quod darentur plures species Angelorum, & rerum, esset solum materialiter, non autem formaliter perfectior, ac proinde ex eo, quod Deus non produxerit plures species Angelorum, & aliarum rerum, non sequitur, quod Deus non fecit mundum formaliter optimum. Ruiz de voluntate Dei disput. 9. sect. 8. respondet, quod etiamsi possibile esset infinitum in actu, nihilominus ad perfectionem mundi spectat potius, vt dentur finitæ species, & finita indiuidua, quam infinita, idque posset confirmari ex Aristotelis verbis 8. physic. textu 48. supra citatis: *In ijs, quæ sunt natura, finitum sit potius, & id, quod melius est, oportet, si modo esse possit.*

24. Ad 4. nego antecedens. Mundus cum sit vnus numero, debet habere vnum tantum caput intrinsecum, alioquin esset monstrosus; sed natura intellectualis eo ipso, quod assumatur à Persona diuina, respectu mundi habet rationem capitis; ergo vna tantum natura intellectualis debet assumi. Rursus est magis conforme naturæ creatæ, vt terminetur vna tantum Personalitate, quam pluribus; ergo conuenientius fuit ad perfectionem vniuersi, vt natura humana assumeretur ab vna tantum Persona, quam à pluribus, præsertim cum natura assumpta ab vna tantum Persona per circuminfessionem habeat in se perfectionem omnium personalitatum,

vt

vt dicetur inferius in Tractatu septimo de Trinitate: in tractatu etiam de Incarnatione ex communi doctrinâ Theologorum, & Patrum dicetur ad perfectionem vniuersi fuisse conuenientius, vt assumeretur natura humana, quam Angelica, quia cum natura humana constet ex natura intellectuali, & corporea, assumpta quodammodo fuit vtraque natura, ac proinde Deus extensiuè se magis communicauit. Dicetur etiam fuisse specialiter conueniens, vt natura humana assumeretur à Filio, quam à Patre, vel Spiritu Sancto; vt Incarnatio fieret in medio temporis, quam in principio, vel fine mundi. Ex his verò confirmatur nostra sententia. Cum enim Patres adeo solliciti fuerint in explicando, quo pacto fuerit melius, & conuenientius, vt Incarnatio fieret eo pacto, quo facta est, supposuerunt Deum semper facere id, quod est melius, & conuenientius ad perfectionem vniuersi.

23. Ad 5. & 6. Quia solutio argumenti pendet à solutione quæstionis, in qua quæritur, vtrum vniuersum esset perfectius, vel imperfectius, si Deus nulla, vel pauciora, & minora peccata permisisset, & si omnes Angelos, & homines prædestinasset, vel saltem plures prædestinasset, quam reprobasset, quæ quæstio est grauissima, & difficillima, libet illam ex professo examinare quæstione sequenti;

Q V A E S T I O L I I.

Utrum Mundus esset formaliter perfectior, vel imperfectior, si Deus nulla vel pauciora peccata permisisset, & si omnes Angelos, & homines prædestinasset, vel saltem plures prædestinasset, quam reprobasset.

1. **V**ideretur, quod mundus esset perfectior, si nemo damnaretur, nemo peccaret, primo quia ex Aristotele 3. Top. cap. 4. *Albius est, quod est nigro impermixtus*; ergo melius est, quod est malo impermixtus; ergo si Deus fecisset mundum, in quo nulla fierent peccata, talis mundus fuisset melior hoc mundo, ac proinde hic mundus non est formaliter optimus.

2. Secundò homo innocens, cæteris paribus, est melior poenitente, & magis à Deo diligitur; ergo mundus innocens, cæteris paribus, est melior poenitente: sed si nulla essent peccata, mundus esset innocens; ergo &c.

3. Tertiò ex dicendis in Tractatu de Incarnatione, peccatum mortale in genere mali est maius, quam in genere boni sit bonus quilibet actus honestus puræ creaturæ; ergo malum peccati non potest adquatè compensari vllò actu honesto elicito

cū to à pura creatura; sed si malum peccati non potest compensari vllō actu honesto elicito à pura creatura, perfectior est mundus sine vllis peccatis, quam cum peccatis; ergo.

4. Quartò si dicatur, quod bonum Incarnationis, & actuum honestorum Christi est maius malo peccati, quod bonum non extitisset, nisi fuissent peccata: contra est, quia saltē si nulla fuissent peccata, & nihilominus fuisset Incarnatio, mundus fuisset perfectior, quam sit de facto; ergo.

5. Quintò perfectio mundi, quam Deus primo, & per se, & voluntate antecedenti intendit, est maior perfectione, quam intendit solum secundario, & ex suppositione, quod à creatura peccante impediatur illa alia perfectio: sed Deus primo, & per se, ac voluntate antecedenti vult mundo perfectionem innocentiae, & salutis: nam vult neminem peccare, & damnari, & vt dicitur 1. ad Timoth. 2. *Vult omnes homines saluos fieri*, alia verò bona compensatiua peccatorum vult mundo solum secundario, & ex suppositione, quod homines liberè peccando impediant bonum Innocentiae; ergo &c.

6. Sextò Hierocheus, & ex eo Dionysius cap. 6. de diuinis nominibus infert tanquam inconueniens, quod erit malum ad omne, hoc est ad perfectionem vniuersi conferens: sed si mundus esset minus perfectus, si non darentur peccata, malum

peccati conferret ad perfectionē vniuersi ; ergo .

7. Septimò Sanctus Thomas 1. sentent. dist. 46. art. 1. ad 3. dicit : *Quædam mala sunt , quæ si non essent , vniuersum perfectius esset , illa scilicet , quibus maiores perfectiones priuantur , quam in alio acquirantur , sicut præcipuè est in malis culpæ , & cōcludit ; unde si nullus homo peccasset , vniuersum genus humanum melius foret ;* ergo S. Thomas existimat vniuersum futurum perfectius , si Deus non permisisset vllum peccatum .

8. Octauò demum videtur , quod mundus fuisset perfectior , si Deus pauciora peccata permisisset , & plures prædestinasset , quam reprobasset ; ergo Deus permittendo tot peccata , & reprobans plures homines , quam prædestinet , facit id , quod est minus bonum , & minus confert ad perfectionem vniuersi .

9. Respondeo duas esse opiniones . Prima Durandi in 1. dist. 46. quæstione 2. Vasquez 1. parte quæstione 22. artic. 2. & disput. 107. cap. 3. quam sequuntur plures recentiores , docet mundum futurum perfectiorem , si Deus nullum permisisset peccatum .

10. Secunda communis Scholasticorum , nimirum S. Thomæ 1. parte quæst. 22. art. 2. & quæst. 48. ar. 2. ad 3. & quæst. 49. art. 2. in corpore , & 3. contra gentes cap. 71. præsertim num. 5. & de Potentia quæst. 3. art. 6. ad 4. & alijs locis ; Alexandri prima parte quæstione 38. memb. 4. & quæ-

quæstione 40. membro 3. Alberti prima parte quæst. 27. de malo membro 5. ad 1. & aliorum, quos refert, & sequitur Ruiz Tomo de Prouidentia disput. 2. sect. 4. docet mundum futurum minus perfectum, si Deus nulla peccata permisisset. Ferrariensis tamen 3. contrà gentes conclusionem limitat, ac docet mundum de facto esse perfectiorem solum extensiuè, non autem intensiuè, quam si Deus nulla peccata permisisset.

11. Dicendum cum secunda sententia? Mundus de facto est formaliter perfectior, quam si Deus nulla peccata permisisset.

12. Probatur primò conclusio ex Scriptura. Ecclesiast. 3. dicitur: *Non possumus eis quidquam addere, vel auferre, quæ fecit Deus, ut timeatur.* Sensus autem est, quod mundus sit ità perfectus, ut neque additione, neque diminutione possit fieri perfectior; sed si ablatis peccatis, mundus esset perfectior, posset fieri perfectior ablatione peccatorum; ergo ablatis peccatis, mundus non fieret perfectior.

13. Probatur secundò conclusio ex Patribus. Primò enim Patres citati q. 57. num. 16. dicunt Deum semper facere id, quod est melius, & conuenientius ad perfectionem mundi; sed Deus de facto permittit peccata; ergo existimant melius, & conuenientius esse ad perfectionem, ut Deus permittat peccata. Secundò plures Patres dum opponitur, quod melius fuisset, ut Deus peccata non permitteret,

negant hoc cum quadam detestatione; & expressè docent melius fuisse, vt Deus peccata permitteret; ergo. Probatur antecedens, asserendo testimonia Patrum. Augustinus lib. 11. contra aduersarium legis, & Prophetarum cap. 14. dicit: *Quibus autem videtur, sic hominem fieri debuisse; vt peccare nollet, non eis displiceat sic factum esse, vt non posset peccare, si vellet: & paulo post: Aut verò vsque adeo desipiendum est, vt homo videat melius aliquid fieri debuisse, & hoc Deum vidisse non putet, aut putes vidisse, & credat facere noluisse, aut voluisse quidem, sed minimè potuisse. Auertat hoc Deus à cordibus nostris;* ergo Augustinus expressè negat hominem sic fieri debuisse, vt peccare nollet, & tanquam insipientes reprehendit eos, qui asserunt melius fuisse, vt sic fieret. Idem Augustinus lib. de quantitate animæ dicit: *Dei iustitia factum est, vt non modo sint omnia, sed omnino sic sint, vt melius esse non possint; sed vniuersum potuisset esse sine peccatis; ergo existimat, quod sine peccatis non fuisset melius, atque perfectius.* In Enchirid. cap. 27. dicit: *Melius enim iudicauit de malis benefacere, quam mala nulla esse permittere;* ergo si Deus iudicauit hoc melius, verè fuit melius, vt permitterentur peccata, ex quorum permissione Deus faceret multa bona, quam vt non permitterentur. Idem docet alijs locis, quæ videri possunt apud Ruiz de Prouidentia disputatione secunda sectio de 4.

14. Augustinum secuti sunt quidam alij Patres, & præsertim Hugo Victorinus lib. 1. de Sacramentis parte 4. cap. 3. dicens: *Diximus, quod maius est esse bonum ex malo, quam ex solo bono. Permitti itaque, mala debuerunt ut essent, quoniam ut essent id bonum erat, ex quibus bonum futurum erat.* Petrus Chrysologus Serm. 97. de Parabola Zizaniorum post medium dicit: *Maius est reparare perditam, quam illa illæsa reservare.*

15. Probatur tertio conclusio rationibus desumptis ex ijsdem Patribus. Prima ratio desumpta ex parte ipsius Dei est. Deus cum sit omnipotens, & summè bonus, in opere suo non debuit permittere mala, nisi vellet ea adæquatè compensare alijs bonis; sed si vniuersum fuisset melius, si Deus non permisisset peccata, malum peccati non compensaretur adæquatè, sed solum inadæquatè alijs bonis; ergo. Hæc ratio desumpta est ex Augustino in Enchirid. cap. 10. & 11. vbi dicit: *Nec enim Deus omnipotens (quod etiam infideles fatentur, rerum cui summa potest,) cum summè bonus sit, ullo modo sineret malum esse aliquid in operibus suis, nisi usque adeo essei omnipotens, & bonus, ut beneficeret etiam de malo.* Et cap. 96. dicit: *Quamuis enim ea, quæ mala sunt, in quantum mala sunt, non sint bona, tamen ut non solum bona, sed etiam sint & mala bonum est. Nam nisi hoc bonum ut essent, & mala, nullo modo esse sinerentur ab omnipotenti bono.*

16. Secunda ratio desumpta ex parte ipsius mundi est. Quandoquidem mundus est vniuersitas rerum, & bonorum, debet esse perfectus in ratione vniuersitatis, ac proinde ad perfectionem formalem mundi spectat, vt in eo sint omnes ordines, omnia genera, & omnes species rerum, & bonorum cum suis proprietatibus, & accidentibus, donec perueniatur ad ea, in quibus proceditur in infinitum, absque exigentia sistendi in hoc potius, quam in illo, vt dictum est quæst. 51. num. 10. & 11; sed multa sunt bona, quæ non possunt dari in vniuerso, nisi permittantur peccata; e.g. patientia Martyrum non potest dari sine crudelitate Tyrannorum; bonum poenitentiae non potest dari, nisi præcesserit culpa; bonum iustitiae vindicatiuae non potest dari, nisi præcesserint delicta; actus ille eximiae charitatis Christi, quo voluit mori, & se offerre hostiam Dei pro peccatis nostris, & totius mundi, non potuit dari, nisi Deus permisisset peccata nostra, & totius mundi; ergo.

17. Confirmatur, nam ex dictis eadem quæst. 51. num. 11. ad perfectionem mundi spectat etiam, vt entia, & bona ordinentur, ac disponantur optimè, & pulcherrimè: sed ad optimam, & pulcherrimam dispositionem spectat, vt contraria disponantur iuxta sua contraria: opposita enim iuxta se posita magis elucescunt; ergo.

18. Hæc ratio desumpta est ex Scriptura, & Patribus, & præsertim ex Augusti-

gustino. Ecclesiast. 33. dicitur: *Contra malum bonum est, & contra mortem vita, sic & contra virum iustum peccator: & sic intueri in omnia opera altissimi; duo & duo, & unum contra unum; ergo Scriptura docet Deum sicut disposuit alia contraria iuxta sua contraria, sic disposuisse iustos iuxta peccatores, ut sic omnia optimè, & pulcherrimè ordinarentur, ac disponerentur. Sic intelligit hunc locum Augustinus lib. 11. de Ciuit. cap. 18. dicens: Nec enim Deus velum non dico Angelorum, sed vel hominum crearet, quem malum esse prae-scisset, nisi pariter nosset, quibus eos bonorum vñibus commodaret, atque ita ordinem saeculorum tanquam pulcherrimum carmen quasi quibusdam antithetis honestaret: & allatis exemplis aliorum oppositorum subdit. Sicut ergo ista contraria contrarijs opposita sermonis pulchritudinem reddunt, ita quadam non verborum, sed rerum eloquentia contrariorum oppositione saeculi pulchritudo componitur. Apertissimè hoc possumus in libro Ecclesiastico hoc modo: Contra malum bonum est &c. & in Enchiridio cap. 10. & 11. dicit: Ex omnibus consistit vniuersitatis admirabilis pulchritudo. In quo etiam illud, quod malum dicitur, bene ordinatur, & suo loco possumus eminentius commendat bona, ut magis placeant, & laudabilia sint, dum comparantur malis. Consonat Augustino Anselmus in Elucidario, vbi loquens de malis Angelis dicit. Cum Deus prae-sciret eos tales futuros, quare creaueris eos? Propter ornatum sui operis, Vt enim*

Pictor nigrum colorem subternit, ut albus. vel ruber pretiosior sit, sic collatione malorum iusti clariores fiunt. Hugo etiam Victorinus lib. 1. de Sacramentis par. 4. cap. 23. dicit: *Non debet in compensatione minoris boni impediri, quod maius est bonum ab illo, qui optimus est. Et diximus, quod maius bonum est esse bonum ex malo, & bono, quam ex solo bono.* Permitti igitur mala debuerunt, ut essent, quoniam ut essent id bonum erat, ex quibus bonum futurum erat; & in summa sententiarum tract. 1. cap. 13. agens de peccatis dicit. *Licet bonum sit isti, quod precipitur ei, non tamen bonum est uniuersitati: & quod prohibetur, licet illi malum sit, bonum est uniuersitati.* Et quia maius bonum est, quod totius, quam quod partis, & minus malum, quod unius partis, & maius quod totius, ideo quod bonum est uni, & non uniuersitati, non vult esse, & quod malum est uni, bonum uniuersitati, vult (voluntate nimirum permissua) ne bonum uniuersitatis impediatur. Nihil enim fit, quod uniuersitati bonum non sit, quamuis iudicia Dei nobis occulta sint.

19. Tertia ratio desumpta ex fine Mundi est. Finis Mundi est, ut in eo manifestentur diuina attributa, et diuinæ perfectiones; ergo perfectior est Mundus, qui est aptior ad manifestanda diuina attributa, et diuinas perfectiones; sed aptior ad manifestanda diuina attributa, & perfectiones est Mundus, in quo sint peccata; ergo perfectior est Mundus, in quo sint peccata. Probatur antecedens assumptum: nam
iusti-

iustitia Dei maximè manifestatur, puniendo peccata, & peccatores poenis æternis: misericordia Dei maximè manifestatur, parcendo peccatoribus. Rursus summa Dei iustitia, & misericordia maximè apparet in eo, quod voluerit Christum mori pro peccatis nostris: in hoc etiam apparet summa Dei potentia, & Sapientia, ideoque canit Ecclesia: *Deus qui omnipotentiam tuam parcendo maxime, & miserendo manifestas*. Infinita Patientia, & Longanimitas Dei apparet in eo, quod toleret peccatores addentes peccata peccatis iuxta illud ad Rom. 2. *An diuitias patientia, eius, & longanimitatis contemnis?* &c. Debet autem aduerti, quod ad perfectionem Mundi non sufficit, vt beati videntes Deum, videant illum esse infinitè sapientem, infinitè iustum &c. sed requiritur vt infinita sapientia, infinita potentia, infinita iustitia, misericordia, & cetera diuina attributa manifestentur per ipsum Mundum, & per ipsa opera diuina, ita vt Deus creando, & gubernando Mundum, exerceat opera maximæ sapientiæ, iustitiæ, misericordiæ &c. talia autem opera non posset exercere, nisi permetteret innumera peccata, vt magis etiam explicabitur in solutione obiectionum.

20. Ad 1. concedo antecedens, & nego consequentiam, loquendo de bonis creatis. Disparitas est, quia quilibet gradus albedinis potest dari sine nigredine; ergo nigredo non est necessaria ad hoc, vt obiectum sit album in quolibet gradu. E

conuerso multa bona, & plures gradus bonorum non possunt dari sine aliquibus malis; ergo quædam mala sunt necessaria ad hoc, vt dentur quædam bona, ac quidam gradus bonorum; sed est perfectior formaliter Mundus, in quo dentur omnes gradus bonorum, quam in quo non dentur aliqui gradus bonorum; ergo perfectior est Mundus, in quo dentur aliqua mala, & peccata, quam in quo nullum fuisset peccatum. Audiatur S. Thomas 1. parte quæst. 48. art. 3. ad 3. dicens. *Vt dicit Augustinus in Enchiridio cap. 11. Deus est aded potens, quod etiam bene potest facere de malis; undè multa bona tollerentur, si Deus nullum malum permetteret esse. Non enim generaretur ignis, nisi corrumpere Aer, neque conseruaretur vita leonis, nisi occideretur Asinus; neque etiam laudaretur Iustitia vindicans, & Patientia sufferens, si non esset iniquitas.* Possumus addere ex Cardinali de Lugo disp. 2. de Incarnatione sect. 2. num. 34. quod pulchrior est consideratio Prædestinatorum, & reprobatorum, in quibus quasi in luce, & tenebris eximiè splendet Misericordia, & Iustitia Dei, quam vnica Misericordiæ vniuersalis series, quæ omnes saluaret.

21. Ad 2. concedo antecedens, & nego consequentiam. Disparitas est, quia cum totum debet constare ex partibus habentibus perfectiones inæquales, & impossibiles, illa pars est perfectior, quæ habet maiorem perfectionem, illa est imperfectior, quæ habet minorem perfe-

ctio-

tionem : e. g. quia animal debet constare ex membris inæqualibus , puta ex oculo , aure , pedibus , manibus , illa pars , quæ habet perfectionem maiorem oculi , est perfectior parte habente minorem perfectionem auris , & pedis . At totum est perfectius , si in diuersis suis partibus habeat perfectiones inæquales , quam si in omnibus haberet perfectionem eandem , & summam : e. g. animal est perfectius , si in vna sui parte habeat perfectionem oculi , in alia perfectionem auris , in alia perfectionem pedis &c. quam si in omnibus suis partibus haberet perfectionem oculi : *Sed enim totum corpus oculus ubi auris &c.* ut dicit Apostolus 1. ad Corint. 12; sed quilibet homo respectu Mundi habet rationem partis , Mundus habet rationem totius constantis ex partibus habentibus perfectiones inæquales ; ergo ex hominibus , cæteris paribus , sunt perfectiores illi , qui habent perfectionem maiorem innocentie , quam qui habent perfectionem minorem poenitentie : at Mundus ipse est perfectior , si in aliquibus suis partibus , puta in Christo , Beata Virgine , Angelis bonis , habeat perfectionem maiorem innocentie , in alijs partibus habeat perfectionem minorem poenitentie &c. Si enim omnes innocentes , ubi essent poenitentes ; si omnes prædestinati , in quos nam exerceretur iustitia vindicativa : Confirmatur : nam in exercitu equites sunt nobiliores peditibus , si tamen totus exercitus constaret ex solis equitibus , esset imperfectior , quam si con-

si constaret ex equitibus, & peditibus; idemque dic in pluribus alijs; ergo in collectione omnium hominum innocentes sunt perfectiores; poenitentibus: collectio tamen hominum est perfectior, si constet ex innocentibus, & poenitentibus, quam si constet ex solis innocentibus. Hæc solutio, & doctrina desumpta est ex Augustino pluribus in locis. Lib. 3. de lib. arbitrio cap. 5. dicit. *Non est autem vera ratio sed invidia infirmitas, cum aliquid melius faciendum esse cogitaueris, iam nihil aliud inferius velle fieri, tanquam si perspecto Cælo, nolles terram factam esse unquam omnino. Et inferius. In eo plerique homines errant, quia meliora cum mente conspexerint, non in sedibus congruis ea oculis quarant: velut si quisquam perfectæ rotunditatem ratione comprehendens, stomachetur, quod talem in nuce non inuenit.* Possumus etiam hic applicare discursum Apostoli. Si quia figura rotunda est omnium perfectissima, omnia corpora essent rotunda, vbi figura oualis; figura quadrata, figura nucis, & aliæ figuræ? Idem Augustinus lib. 11. de Gen. ad literam, cap. 7. postquam concessit meliorem esse naturam, quæ omnino peccare nolit, quam quæ peccare velit, redarguit eos, qui ex hoc inferebant Deum debuisse facere talem hominem, vt nunquam peccaret, dicens. *Cum aquare volunt genera bonorum, numerum minuunt, & immoderate augendo vnum genus, alterum tollunt. Quis autem hos audiret, si dicerent, quoniam ex cel-*

cellentior sensus est videndi, quam audiendi, quatuor oculi essent, & aures non essent? ita si excellentior est natura rationalis, quae Deo subditur &c. quis recte intelligens dicat, talis esset ista, qualis illa, nec videat se nihil aliud dicere, quam non esset ista, sed sola esset illa. Videri etiam potest cap. 10. eiusdem libri, & lib. 1. contra aduersarium legis, & Prophetarum cap. 14. & lib. de natura boni cap. 32. 33. & 37.

22. Dices: si eidem addatur aliquid melius, totum, quod resultat, est melius, quam si addatur aliquid minus bonum; sed si hominibus innocentibus additi fuissent alij innocentes, fuisset additum aliquid melius, quam si additi fuissent poenitentes; ergo.

23. Respondeo, distinguo maiorem: si eidem addatur aliquid melius, totum, quod resultat, est melius, si retineat eandem varietatem, integritatem, & proportionem partium, concedo: si non retineat, nego: distinguo eodem pacto minorem; & nego consequentiam. In corpore humano, si loco pedis addatur aliud caput, eidem additur aliquid melius, quam si addatur pes, & tamen corpus illud euaderet deterius, mutilum, & monstrosum, idemque explicari potest innumeris alijs exemplis; ergo si hominibus innocentibus additi fuissent alij innocentes, multitudo resultans esset minus perfecta. Huc spectat doctrina, quam q. 54. Logicae tradidi, quod nimirum praecipua perfectio in rebus est perfectio relatiua
ordi-

ordinis, & proportionis, quæ sæpè amittitur, addita magna perfectione absoluta, & valdè augetur, addita parua perfectione absoluta, eaque subtracta, valdè minuitur. Notauit hoc Augustinus lib. 11. de Ciuit. Dei, & explicauit exemplo supercilij: *quod si radatur, quam præpèmodum nihil corpori, & quam multum destrahitur pulchritudini.*

24. Ad 3. distinguo antecedens: peccatum mortale in genere mali est maius malum respectu peccantis, quam quilibet actus honestus puræ creaturæ sit bonus respectu honestè agentis, concedo: respectu vniuersi, nego: & nego consequentiam. Peccatum mortale respectu peccantis est maximum malum, & maius, quam sit bonus quilibet actus honestus puræ creaturæ respectu honestè agentis, vt dicetur in Tractatu de Incarnatione: at respectu vniuersi peccatum mortale non est maius malum, quam sint multa bona, quæ Deus trahit ex peccato; ergo non sequitur, quod peccatum mortale respectu vniuersi non possit adæquatè compensari bono iustitiæ vindicatiuæ, bono patientiæ, bono misericordiæ, quam Deus exercet, dum peccatoribus parcat, & pluribus alijs bonis. Confirmatur responsio: nam damnatio, & poena æterna, quæ est maximum malum respectu damnatorum, non solum non est maximum malum respectu vniuersi, sed est magnum bonum; spectat enim ad bonum, & pulchritudinem vniuersi, vt qui finaliter peccarunt,

sint

sint in æternum miseri; ergo non est mirum, quod peccatum mortale, quod est maximum malum respectu peccantium, & in genere mali maius bono cuiuslibet actus honesti puræ creaturæ, respectu vniuersi non sit maximum malum, neque sit in genere mali maius bono iustitiæ vindictiæ, & alijs bonis, quæ Deus elicit ex peccatis, ac proindè malum peccati mortalis in ordine ad vniuersum adæquatè compensetur bonis, quæ Deus elicit ex peccatis. Consonat huic doctrinæ Hugo Victorinus verbis supracitatis num. 18.

25. Ad 4. nego antecedens, & dico, quod si nullum fuisset peccatum, & fuisset Incarnatio, Mundus fuisset minus perfectus, quam fuerit de facto, siquidem illi defuissent maxima bona, quæ non possunt dari, nisi ex suppositione peccatorum, & diuina attributa præsertim Misericordiæ, & Iustitiæ non explicarentur in diuinis operibus ita perfectè, sicut explicantur de facto vt dictum est num. 19.

26. Ad 5. distinguo maiorem; perfectio Mundi, quam Deus primo, & per se intendit voluntate inefficaci, est maior perfectione, quam intendit secundo voluntate efficaci, vt compensatiuam illius alterius perfectionis, nego; voluntate efficaci, transeat: distinguo eodem modo minorem; & nego consequentiam. Deus solum inefficaciter vult neminem peccare, & omnes saluari, efficaciter autem vult bona compensatiua peccatorum, & ipsa peccata permittit, vt habeat bona ipsorum
com-

compensatiua ; sed cum sit optimus , non permetteret peccata , vt haberet bona compensatiua , nisi bona illa respectu vniuersi adequatè compensarent malum peccati ; ergo . Confirmatur , nam Deus primo , & per se vult neminem peccare ; bonum autem Redemptionis per Christum vult ex suppositione peccati ; ergo argumento allato probaretur bonum redemptionis esse minus bono innocentie à peccatis , quod ab aduersarijs non admittitur , adeoque etiam ipsi debent soluere argumentum allatum .

27. Ad 6. Hierotheus , & ex eo Dionysius negant peccatum ex se conferre ad bonum vniuersi , quod etiam nos negamus ; at non negant Deum esse ita bonum , vt malum peccati compenset adequatè bonis , quibus vniuersum reddatur perfectius , quàm si peccatum non fuisset commissum , quod solum nos asserimus .

28. Ad 7. Respondeo , quod S. Thomas licet iunior in sententiariorum docuerit Mundum fore perfectiorem , si nulla darentur peccata , tamen senior , & doctior in summa Theologica , & in summa contra Gentes sententiam mutauit , ac docuit oppositum .

29. Ad 8. nego antecedens . Fuit conuenientius , & melius , vt Deus permetteret innumera peccata , vt sic magis appareret Diuina Patientia , & longanimitas ; fuit melius , vt ex hominibus plures damarentur , quam saluarentur , vt sic melius appareret , quanta sit diuina Misericordia

in

in praedestinos, quos eligit, pluribus alijs reiectis, & ut ipsa reiectorum multitudine ostenderetur, quod nullius momenti sit apud Deum iustum quantalibet multitudo iustissime damnatorum, ut loquitur Augustinus lib. 21. de ciuit. cap. 12. & epist. 157. ad Optatum. Sed maior numerus reproborum, quam praedestinatorum spectat ad occulta iudicia Dei.

QVAESTIO LIII.

Utrum Deus aliqua necessitate morali necessitetur ad faciendum optimum, & magis conueniens.

I. **V**idetur necessitari, primo quia tunc liberum arbitrium necessitatur moraliter ad aliquid, cum ita ad illud faciendum inclinatur, ut ex tali inclinatione possit cum euidencia morali inferri, quod illud faciet, licet absolute posset non facere: e.g. quia liberum arbitrium humanum non praeventum specialibus auxilijs gratiae ita inclinatur ad peccandum venialiter, ut ex hac inclinatione possimus inferre cum euidencia morali, quod quilibet homo non praeventus specialissimis auxilijs gratiae aliquando moraliter peccat; dicimus liberum arbitrium humanum non praeventum specialissimis auxilijs gratiae necessitari ad moraliter peccandum venialiter; sed Deus ita inclinatur ad facien-

ciendum id, quod est melius, ut ex hac inclinatione possit inferri cum euidencia morali Deum semper facere id, quod est melius; ergo &c.

2. Secundò Patres sapè ex eo, quod quædam sint meliora, & magis conuenientia, inferunt necesse esse, ut à Deo fiant; ergo cognoscunt in Deo necessitatem, ad illa facienda; non aliam quam moralem; ergo &c. Probaturs antecedens; nam Augustinus in psal. 76. explicans illum versiculum, *numquid in æternum projiciet Deus, aut non apponet, ut complacitior sit adhuc*, dicit: *Necesse est, ut reuocet ad se seruos suos; necesse est, ut recipiat fugitiuos redeuntes ad dominum; necesse est, ut exaudiat voces compeditorum*; & ferm. 7. de Natali Domini, qui est 11. de Tempore dicit: *Sicut non poterat caro nisi de carne nasci, ita non poterat Dei caro de sæmineo utero nisi sine generante prodire*; ergo &c.

3. Respondeo, ac dico primo, quod si propriè loquamur, Deus nulla necessitate morali antecedenti suam liberam electionem necessitatur ad faciendum optimum formaliter.

4. Probaturs primo, nam ut docet Augustinus lib. 13. de Trinitate cap. 10. *Diuina potestati omnia equaliter subiacent*; sed si Deus aliqua moraliter non posset facere, illa non equaliter subiacerent Diuinæ potestati, ac ea, quæ Deus potest moraliter facere; ergo &c. Idem Augustinus lib. 83. quæst. 22. & lib. 1. contra aduersarium legis,

legis , & Prophetarum cap. 7. dicit ; *ubi nulla indigentia , nulla necessitas : ubi nullus defectus , nulla indigentia : nullus autem defectus in Deo : nulla ergo necessitas ;* ergo negat dari in Deo ullam necessitatem propriè dictam in ordine ad operandum ad extra .

5. Probatur secundo , nam necessitas moralis propriè dicta consistit in hoc , ut potentia libera ità inclinetur ad vnam partem , ut non possit sine difficultate , conatu , & excitatione omnium , vel penè omnium suarum virium se determinare ad oppositum , ideoque Augustinus lib. 2. de Peccatorum meritis , & remissione cap. 3. moralem necessitatem aliquando peccandi venialiter describit dicens : *Ad nonnullas superanda , vel quae malè cupiuntur , vel quae malè metuuntur , magnis aliquando , & totis viribus opus est Voluntatis , quas nos non perfectè in omnibus adhibitu- res esse praevidit , qui per Psalmistam psal. 142. veridicè dici voluit : non iustificabitur in conspectu tuo omnis caro : sed Deus ità perfectissimè inclinatur ad faciendum optimum , ac semper facit optimum , ut sine vlla difficultate , & conatu possit non facere optimum , sed minus bonum ; ergo &c.*

6° Dico secundò : sicut Deus metaphoricè dicitur irasci , paenitere &c. sic metaphoricè dicitur necessitari moraliter ad faciendum id , quod est melius , & convenientius . Probatur , nam ideo Deus irascitur metaphoricè , quia licet non pa-

tia

tiatur perturbationem iræ, prout requireretur ad hoc, vt propriè irasceretur, tamen facit ea, quæ faciunt homines irati, & ex eadem ratione Deus dicitur metaphoricè poenitere; sed Deus licet posset sine vlla difficultate facere minus bona, & minus conuenientia, tamen sicut nos semper facimus ea, ad quæ moraliter necessitatur, ita vt sine maxima difficultate ab ijs abstinere non possimus, sic Deus semper facit optimum, licet facillimè, & sine vlla difficultate posset illud omittere; ergo. Non igitur negamus Deum habere talem inclinationem ad faciendum id, quod est formaliter melius, vt possimus euidencia morali inferre, Deum semper facere id, quod est formaliter melius, sed solum asserimus hanc inclinationem non includere vllam moralem necessitatem; siquidem moralis necessitas importat difficultatem faciendi oppositum, quæ difficultas repugnat Deo.

8. Dices: si Deus ita esset inclinatus ad faciendum id, quod est optimum, vt semper faceret optimum, ac magis conueniens, orationes essent inutiles ad obtinendum ea, quæ petimus; ergo &c. Probatur antecedens: vel enim id, quod petimus, est magis conueniens, ac Deus illud faciet etiam nobis non petentibus; vel est minus conueniens, minusque bonum, & Deus illud non faciet, etiamsi petamus.

8. Respondeo, negando sequelam. Ratio est, quia plurima sunt, quæ magis con-

conueniens est, vt fiant, si nos petamus instanter, & perseueranter; si non petamus, vel si petamus minus instanter, & perseueranter, magis conueniens est, vt non fiant; ergo in ordine ad illa obtinenda orationes sunt vtilissimæ. Addo, quod quia ignoramus, vtrum positis etiam orationibus, magis sit conueniens, vt obtineamus potius, quam non obtineamus quæ petimus, orationes nostræ semper debent includere tacitam conditionem, qua petamus, vt fiat id, quod petimus, si melius est, & diuinæ voluntati conformius, ideoque Christus in oratione Dominica docuit nos, vt orantes petamus, vt fiat voluntas Dei, & Lucæ 22. ipsemet in horto orans addidit: *Verumtamen non mea, sed tua Voluntas fiat.*

9. Dices secundo: Deus ita est indifferens ad omnia, quæ facit ad extra, vt antecedenter ad suam liberam electionem non magis inclinatur ad vnam partem, contradictionis, quam ad alteram, putà non magis inclinatur ad creandum Mundum, quam non creandum; ad Incarnandum Verbum suum, quam ad non incarnandum; ergo neque metaphoricè necessitatur ad faciendum optimum necessitate consistente in hac maiori inclinatione ad faciendum id, quod est melius, & magis conueniens.

10. Respondeo negando antecedens. Ad perfectionem enim optimæ voluntatis spectat, vt antecedenter ad suam liberam electionem ad bona inæqualia inclinetur
inæ-

inæqualiter, ac magis inclinetur ad bonum maius, quam ad minus, ità vt inclinatio sit proportionata ipsis bonis.

11. Sed oppones: inclinatio diuinæ voluntatis est infinita, & indiuisibilis; sed inclinatio infinita, & indiuisibilis non potest esse maior ad vnum bonum, quam ad aliud; ergo &c.

12. Respondeo distingo minorem: inclinatio infinita, & indiuisibilis non potest esse maior entitatiuè, & materialiter ad vnum bonum, quam ad aliud, concedo: non potest esse maior terminatiuè, & virtualiter ad vnum bonum, quam ad aliud, nego; & nego consequentiam. Inclinatio diuina cum sit infinita, & indiuisibilis, entitatiuè, & materialiter non potest esse maior ad vnum, quam ad aliud, sed terminatiuè, & virtualiter est maior ad vnum bonum, quam ad aliud: est maior terminatiuè, quia est ad vnum bonum vt maius alio bono: est maior virtualiter, & æquiuvalenter, quia æquiualeat infinitis inclinationibus inæqualibus ad bona inæqualia. Explicatur. Quia Deus per eandem æternitatem indiuisibilem, & infinitam coexistit temporibus inæqualibus, puta anno, mensi, diei, & horæ, non per maiorem entitatiuè durationem coexistit tempori maiori, quam minori, puta anno, quam mensi: at potest dici, quod duratio, per quam Deus coexistit tempori maiori, virtualiter est maior, quam duratio, per quam coexistit tempori minori, puta duratio, per quam coexistit anno,

anno, virtualiter est maior duratione, per quam coexistit mensi, quia æquiualeat durationi maiori. Proportionaliter in casu nostro Deus æquiualeat magis inclinatur ad bonum maius, quam ad minus, quia eadem entitatiuè inclinatio in quantum est ad bonum maius, æquiualeat inclinationi maiori.

13. Dices rursus: vt ex antecedenti inferatur aliquod consequens, requiritur, vt falsitas consequentis non possit coniungi cum veritate antecedentis: sed cum hoc antecedenti: *Deus inclinatur ad faciendum optimum*, potest coniungi falsitas huius consequentis: ergo *Deus facit optimum*; ergo ex illo antecedenti non inferatur legitimè hoc consequens.

14. Respondco distinguo antecedens: vt ex aliquo antecedenti inferatur aliquod consequens per consequentiam logicam, requiritur, vt falsitas consequentis per nullam potentiam possit coniungi cum veritate antecedentis, concedo; vt inferatur per consequentiam rhetoricam, vel moralem, nego; concedo minorem, & nego consequentiam. Duplex est syllogismus, logicus, & Rhetoricus, seu moralis. Syllogismus logicus nititur dicto *de omni*, ac dicto *de nullo*, & est in quo ex præmissis sequitur necessario conclusio, ita vt per nullam potentiam falsitas conclusionis possit coniungi cum veritate præmissarum. Syllogismus Rhetoricus, seu moralis nititur dicto *de plerisque*, & negato *de plerisque*, & non implicat contradictionem,

nem, vt falsitas conclusionis coniungatur cum veritate præmissarum, licet nunquam vel penè nunquam coniungatur: e. g. hic *plerumque matres amant filios suos: hæc est mater; ergo, amat filium*, est syllogismus Rhetoricus, & tamen posita veritate præmissarum, potest esse falsa conclusio, licet raro sit falsa. In casu nostro hoc argumentum: *Deus utpotè optimus habet perfectam inclinationem ad faciendum optimum; ergo semper facit optimum*, est Rhetoricum, seu morale, ideoque consequentia est bona, seu legitima, licet falsitas consequentis per potentiam absolutam liberi arbitrij diuini sine vlla difficultate possit coniungi cum veritate antecedentis.

15. Ad 1. distingo maiorem: tunc liberum arbitrium necessitatur moraliter necessitate propriè dicta, cum ita inclinatur ad aliquid faciendum, vt ex tali inclinatione possit cum euidencia morali inferri, quod illud faciet, licet posset illud non facere pro libito, & sine vlla difficultate, nego: licet posset illud facere cum maxima difficultate, vel non pro libito, concedo: distingo eodem pacto minorem; & nego consequentiam. Ex dictis num. 5. ad necessitatem moralem propriè dictam requiritur, vt potentia libera ità inclinetur ad vnā partem contradictionis, vt non possit nisi cum maxima difficultate se determinare ad alterā partem; sed Deus ità inclinatur ad faciendum optimum, vt posset sine vlla difficultate facere quod est minus bonum, omisso meliori; ergo.

16. Ad

16. Ad 2. Patres dum aliquando dicunt, vel insinuant Deum necessitari ad faciendum optimum, loquuntur metaphoricè, sicut metaphoricè loquuntur non solum Patres, sed etiam Scripturæ, cum dicunt Deum irasci, pænitere, &c, vt explicatum est num.6.

QVAESTIO LIV.

Vtrum Deus sit liber, & indifferens non solum ad creaturas producendas, vel non producendas, sed etiam ad efficaciter volendum, vel nolendum illas producere.

1. **V**idetur Deus non esse liber, & indifferens ad efficaciter volendum, vel nolendum producere creaturas, sed solum esse liber, & indifferens ad illas producendas, vel non producendas. Deus enim non habet potentiam volendi, vel nolendi, sed cum sit actus purus, est ipsa actualis volitio, & intellectio; sed si esset liber ad Mundum efficaciter volendum, vel nolendum, haberet potentiam volendi, vel nolendi Mundum, & sic non esset actus purus; ergo &c.

2. Secundò actus volendi, & nolendi sunt vitales, ac proindè sunt intrinsecæ perfectio volentis, & nolentis; sed Deus non est liber & indifferens ad habendum, vel non habendum vllum actum vitalem,

& ullam perfectionem intrinsecam, alioquin esset intrinsecè mutabilis, cum posset carere aliqua perfectione vitali; ergo &c.

3. Respondeo Aureolum in 1. dist. 40. prop. 1. & 2. & dist. 46. art. 2. docuisse, vel insinuasse, Deum propriè non esse liberum ad volendum, vel nolendum, sed solum ad agendum, vel non agendum ad extra, puta ad Mundum producendum, vel non producendum. Hinc infert propriè in Deo non dari volitionem efficacem faciendi ea, quæ facit, puta creandi Mundum, saluandi Sanctum Petrum &c. sed solum in Deo dari simplicem complacentiam obiectorum extrinsecorum, puta creandi Mundum, quæ dicitur volitio efficax creandi Mundum, cum Deus creat Mundum, nolitio efficax creandi Mundum, cum Deus Mundum non creat. Sicut igitur si ignis applicatus stupæ posset illam comburere, vel non comburere, esset quidem liber, & indifferens ad stupam comburendam, vel non comburendam, & tamen non esset indifferens ad volendum comburere, vel non comburere, cum non haberet potentiam volitiuam: sic Deus est quidem liber, & indifferens ad agendum, vel non agendum ad extra, sed non est liber, & indifferens ad efficaciter volendum, vel nolendum agere, vel non agere, cum non sit potentia ad volendum, sed sit ipsa actualis volitio simplicis complacentiæ de omnibus obiectis extrinsecis. Hanc sententiam videtur etiam insinuasse

nuasse Altisiodorensis in 1. cap. 13. & Ochamus in 1. dist. 44. quæst. vnica, & dist. 46. quæst. vnica, eamque videtur supponere Gabriel eadem dist. 46. quæst. vnica apud Ruiz de Voluntate Dei, quæst. 11. sect. 1. Sed non desunt qui citatos auctores aliter explicant, & ad bonum sensum trahunt.

4. Sed cuiuscunque sit hæc opinio, dicendum cum communi opinione omnium Theologorum: in Deo verè & propriè datur volitio efficacissima creandi Mundum, saluandi prædestinatos, & faciendi alia, quæ facit, ac proindè non solum est liber ad agendum, vel non agendum, ad extrà, sed etiam ad volendum efficaciter agere, vel non agere. Addit Ruiz loco citato conclusionem hanc propter testimonia Scripturarum, & Patrum non posse sine errore negari.

5. Probatur ex Scriptura, quæ Deo tribuit non solum complacentiam indeterminatam, sed etiam voluntatem absolutam, determinatam, & efficacem faciendi quæ facit. Isa. 53. *Dominus voluit contedere eum in infirmitate*: Psal. 113. & 134. *Omnia quacumque voluit Dominus fecit in Cælo, & in Terra*: Iudith nono: *Hoc factum est, quod ipse voluisti*.

6. Probatur secundo ratione: ad perfectionem enim Dei spectat, vt non operetur solum cum simplici complacentia, sed cum voluntate efficaci faciendi ea, quæ facit, vel vult facere; ergo.

7. Confirmatur, nani sequeretur, quod

cut Deus propriè non haberet voluntatem efficacem , & determinatam producendi Mundum , sic propriè non haberet scientiam determinatam , qua cognosceret Mundum existere , quod est absurdum . Probatur sequela : nam scientia determinatè affirmans Mundum existere est actus vitalis , ac perfectio intrinseca scientis ; sed Deus hanc scientiam posset habere , vel non habere ; ergo Deus posset habere , vel non habere aliquem actum vitalem , & aliquam perfectionem intrinsecam scientis , ac proindè esset mutabilis ; ergo eodem argumento , quo Aureolus probat Deum non habere voluntatem efficacem creandi Mundum , probatur Deum non habere scientiam determinatam de existentia Mundi . Porro Aureolus in 1. dist. 35. part. 1. art. 4. & parte 2. art. 4. consequenter ad sua principia concedit , ac docet , cognitionem Dei non terminari ad creaturas formaliter , sed solum eminenter , inquantum præcisè terminatur ad essentiam diuinam , in qua omnes creaturæ eminenter continentur , quod est absurdum , & repugnans Scripturæ , & Patribus .

8. Ad 1. concedo maiorem , & nego minorem , ac dico , quod vt Deus sit liber ad Mundum volendum , vel nolendum , non requiritur , vt habeat potentiam physicam , habendi , vel non habendi volitionem actualem Mundi , sed sufficit , vt habeat potentiam applicandi , vel non applicandi suam volitionem necessariam Mundo , ità vt per talem applicationem sit potius

tius volitio, quam nolitio Mundi, ut magis explicabitur quæst. 55. proximè sequenti. Eodem pacto respondeo ad 2.

QVÆSTIO LV.

Utrum Deus sit liber, & indifferens ad habendā, vel non habendam volitionem efficacem vitalem Mundi, quæ sit perfectio libera intrinseca Deo, & distincta ab eius perfectione necessaria.

1. **V**idetur, quod sit, primò, quia voluntas creata non potest esse libera ad aliquod obiectum volendum, vel nolendum, nisi per hoc, quod sit libera, & indifferens ad habendam, vel non habendam volitionem vitalem talis obiecti; ergo etiam voluntas diuina.

2. Secundò non minus volitio efficax, qua Deus vult aliquod obiectum, puta Mundum, est actus, & perfectio vitalis secundum omnia, quæ importat, quam volitio efficax, qua homo, vel Angelus vult aliquod obiectum; ergo sicut homo, vel Angelus, sic Deus, eo ipso quod sit liber, & indifferens ad aliquid volendum, vel non volendum, est liber, & indifferens ad habendam, vel non habendam aliquam perfectionem vitalem intrinsecam.

3. Respondeo Caietanum 1. parte quæst. 19. art. 2. & 3. part. quæst. 1. art. 1. docuisse volitionem producendi creaturas esse perfectionem diuersam à perfectione necessaria Dei, quæ perfectio superaddita quoniam libera est, potuit ab æterno non esse in Deo, ac proindè est perfectio solum diminuta, per quam Dens redditur perfectior solum extensiuè, non autem intensiuè; & hanc sententiam Caietani sequuntur aliqui recentiores Thomistæ, & ex nostris videtur illam sequi Henriquez lib. vltimo de fine hominis cap. 3. num. 2. & illi videntur fauere Fonseca lib. 7. Metaph. cap. 8. quæst. 1. sect. 4. & 5. ad 3. & Salas 1. parte tom. 1. quæst. 6. tract. 3. disput. 1. sect. 8.

4. Dicendum primò contra hanc sententiam cum Ferrariensi, Suarez, Vasquez, Valentia, Molina, Bannez, Medina, & alijs communiter, quos refert, & sequitur Ruiz de Voluntate Dei, disp. 13. sect. 1. num. 2. Deus non est indifferens, & liber ad habendam, vel non habendam volitionem vitalem Mundi, vel alterius obiecti, quæ sit perfectio Dei intrinseca, potens non esse in Deo.

5. Probatur primò: omne positium, quod ita est, vt possit non esse, est creatura: nam sicut definitio Dei est, vt sit ens positium necessarium, quod nimirum ita est, vt non possit non esse, sic creatura definitur ens, seu perfectio positiua contingens, quod nimirum ita est, vt potuerit non esse; sed volitio libera Dei includeret

deret perfectionem positivam, quæ ita ab æterno esset in Deo, vt potuisset non esse; ergo volitio libera Dei includeret aliquam creaturam, quæ ab æterno esset in Deo: quod est absurdum, & hæreticum. Nam de fide est nullam creaturam fuisse ab æterno

6. Confirmatur, nam Arriani quia dicebant Filium Dei ita esse, vt potuerit non esse, & liberè fuerit productus à Patre, consequenter dicebant Filium esse creaturam; Patres è conuerso, vt defenderent Filium Dei non esse creaturam, asserebant Filium ita esse, vt non potuerit non esse, ac non liberè, sed necessario productum à Patre, vt magis explicabitur infra in tractatu de Trinitate; ergo tum Ariani, tum Catholici conveniunt in hoc principio, vt euidenti, quod omnis perfectio positiva, quæ ita est, vt potuerit non esse, & vt liberè procedat à Deo, sit creatura; sed volitio libera Dei includeret talem perfectionem; ergo includeret aliquam creaturam æternam.

7. Probatur secundo: nam omnis perfectio, quæ potuit non esse, includit aliquam imperfectionem: nam manifestè potentia non essendi importat imperfectionem; sed volitio libera Dei includeret perfectionem, quæ potuisset non esse; ergo includeret imperfectionem, ac sic Deus non esset actus purus ab omni imperfectione intrinseca.

8. Probatur tertio, nam vel istæ perfectiones sunt Deus, vel non; si non

sunt Deus ; ergo sunt creatura : nam omnis perfectio positiua , quæ non est Deus , est creatura : si sunt Deus , contra est , nam quod est Deus per identitatem non potuit non esse ; ergo non sunt Deus per identitatem . Confirmatur : nam volitio alterius Mundi de facto non est , ac proinde non est Deus ; sed si Deus voluisset creare alium Mundum , talis volitio esset , & esset Deus ; ergo aliquid , quod de facto non est , potuisset esse Deus per identitatem , non minus perfectè , quam Pater , & Spiritus Sanctus sit Deus : hoc repugnat principijs naturalibus , & principijs fidei ; ergo &c.

9. Probatur quartò , nam sequeretur , quod Deus non esset actus purus , sed haberet aliquam potentialitatem . Quod enim potest habere , vel non habere aliquam perfectionem , eo ipso non est actus purus , sed est potentia ad talem perfectionem ; sed Deus posset habere , vel non habere perfectiones liberas ; ergo . Hinc infertur , quod esset mutabilis . Quod enim potuit carere aliqua perfectione intrinseca , quam habet de facto , est mutabile .

10. Ad 1. concedo antecedens , & nego consequentiam . Quia creatura non est actualis volitio , sed potentia volendi , creatura est libera ad actualem volitionem habendam , vel non habendam . Deus è conuerso quia est ipsa actualis volitio , non est liber ad habendum , vel non habendum vllum actum vitalem , & vllam volitionem ,
sed

sed solum est liber ad volitionem, quam necessario habet, applicandam ad hoc, ut sit volitio, vel nolitio potius huius, quam illius obiecti, puta ad hoc, ut sit volitio efficax huius Mundi, vel sit nolitio efficax alterius Mundi. Deus igitur est liber ad volendum, vel nolendum, non ex parte actus, sed ex parte ipsius applicationis ad obiectum extrinsecum. Hinc sequitur diuinam volitionem, & nolitionem non esse liberam libertate actus secundi, consistente in hoc, quod volitio possit esse, & non esse: siquidem omnis Diuina volitio necessario est, sed sola libertate actus primi, per quam volitio necessario existens potest seipsam applicare liberè ad hoc, ut sit volitio, vel nolitio efficax huius, vel illius obiecti extrinseci.

11. Proportionaliter Deus cum sit ipsa actualis intellectio, non est indifferens ad habendam, vel non habendam intellectiorem, qua per scientiam visionis cognoscit Mundum esse e. g. sed solum est indifferens ad habendam, vel non habendam applicationem, qua Diuina intellectio applicatur ad hoc, ut sit intellectio affirmans potius Mundum esse, quam non esse; idemque dic de scientia media.

12. Ad 2. distinguo maiorem: non minus volitio efficax, qua Deus vult aliquod obiectum, puta mundum, est actus, & perfectio secundum omnia, quæ importat, tanquam constitutiva ipsius volitionis, quam volitio efficax, qua homo, vel

Angelus vult aliquod obiectum, sit actus, & perfectio secundum omnia, quæ importat, concedo: non minus volitio Dei est actus, & perfectio secundum omnia, quæ importat tanquam applicationem ad hoc determinatum obiectum, quam volitio efficax hominis, vel Angeli, nego: & nego consequentiam. Volitio hominis, & Angeli propter suam limitationem est per se ipsam applicata, & alligata huic obiecto, & non potest huic non applicari, ideoque est perfectio secundum omnia, quæ importat, etiam secundum applicationem huic obiecto. At volitio diuina propter suam illimitationem, & infinitatem non est per se ipsam applicata huic potius, quam alteri obiecto contingenti efficaciter volendo, ideoque est quidem actus, & perfectio secundum omnia, quæ importat tanquam constitutiua ipsius volitionis, non autem secundum omnia, quæ importat tanquam applicatiua volitionis huic potius, quam alteri obiecto, & magis explicabitur quaestione 58.

QVÆSTIO LVI.

Utrum applicatio libera diuine volitionis, ac scientiæ huic potius, quam alteri obiecto contingenti, sit Deo intrinseca, & cum Deo identificata.

- I. **V** Idetur identificari cum Deo, vel saltem esse Deo intrinseca,

ta, primo quia cognitio, & volitio non possunt applicari obiecto, nisi per se ipsas, vel saltem per aliquid ipsis intrinsicum, ut patet inductione; ergo applicatio cognitionis, & volitionis diuinæ huic potius obiecto, quam alteri, vel identificatur cum ipsa cognitione, & volitione diuina, vel est intrinseca cognitioni, & volitioni diuinæ; sed cognitio, & volitio diuina est ipse Deus, & ipsa diuina essentia; ergo applicatio cognitionis, & volitionis diuinæ huic potius, quam alteri obiecto contingenti, vel identificatur cum Deo, vel est intrinseca Deo, & essentiæ diuinæ.

2. Secundò omnis vitalitas actus diuini identificatur cum Deo, vel saltem est ipsi intrinseca: siquidem vitalitas ex sua ratione debet esse intrinseca viuenti; sed applicatio, per quam diuina scientia, & volitio applicatur huic obiecto est vitalitas; ergo. Probatur minor: nam in volitione, qua Deus vult mundum existere, hoc ipsum, quod est *Velle efficaciter Mundum existere* est prædicatum adequatè vitale; sed hoc prædicatum includit applicationem ad volendum efficaciter mundum; ergo.

5. Tertiò implicat, quod Deus constituitur liberè volens mundum per aliquid Deo extrinsecum: sed denominatio liberè volentis mundum includit applicationem volitionis necessariæ ad mundum volendum; ergo talis applicatio non est Deo extrinseca, sed intrinseca, ac proinde cum Deo identificata.

4. Ref.

4. Respondeo ijsdem argumentis, quibus quæstione 55. contra Caietanum probatum est volitionem liberam Dei non superaddere diuinæ essentiz perfectionem intrinsecam Deo, quæ potuerit non esse, probari etiam applicationem, seu terminationem liberam, qua volitio necessaria Dei applicatur huic potius obiecto, quam alteri, non esse perfectionem liberam, quæ potuerit in Deo non esse. Ideo aliqui recentiores Theologi docuerunt, applicationes, seu terminationes liberas esse quidem intrinsecas Deo, sed secundum se præcisè non esse perfectiones; & quia neque possunt esse imperfectiones, vel includere imperfectionem, (nam nulla imperfectio potest esse Deo intrinseca) asseruerunt applicationes, seu terminationes liberas secundum se præcisè neque esse perfectiones, neque imperfectiones. Auctores huius sententiæ diuiduntur in duas classes. In prima classe sunt Antonius Perez disput. 3. de voluntate Dei cap. 3. & 4. & alij, qui docuerunt applicationes, seu terminationes liberas diuinas ita esse Deo intrinsecas, vt cum diuina essentia realiter identificentur, ac solum virtualiter intrinsecè distinguantur, proportionaliter ac Personalitates diuinæ realiter identificantur cum diuina essentia, & virtualiter intrinsecè ab illa distinguuntur, vt dicetur infra in Tractatu de Trinitate. Et quia quæ realiter identificantur cum diuina essentia, per talem identitatem infinitè perficiuntur, ideo dixerunt terminationes

nes liberas licet secundum se præcisè nullam dicant perfectionem, tamen per identitatem cum diuina essentia esse infinitè perfectas, ac non minus perfectas, quam Diuina essentia. In secunda classe sunt aliqui, qui dixerunt terminationes liberas ità esse intrinsecas Deo, vt neque realiter cum Deo identificentur, ac proinde neque ratione identitatis cum diuina essentia sint perfectiones, vel entitates, sed puræ veritates obiectiuæ carentes omni entitate, & perfectione.

5. Contra has sententias dicendum, primò: applicationes, seu terminationes liberæ diuinæ volitionis, ac scientiæ non possunt realiter identificari cum Deo, & cum diuina essentia.

6. Probatur primò, nam est primum principium metaphysicum, & euidentissimum, quod ea, quorum vnum potest esse sine alio, realiter distinguuntur, & non identificantur realiter; sed Deus potest esse sine his determinatis applicationibus, seu terminationibus liberis, e. g. sine terminatione, & applicatione, quæ liberè applicatur ad mundum efficaciter volendum; ergo Deus realiter distinguitur à terminationibus, seu applicationibus liberis.

7. Secundò videtur euidentius, quod id, quod de facto realiter distinguitur ab aliquo, & cum illo non identificatur, pro nullo casu potuit cum illo realiter identificari: sed applicatio, qua Deus potuisset suam volitionem necessariam applicare

ad.

ad volendum alterum mundum, cum de facto non sit, realiter distinguitur à Deo, & non identificatur cum Deo: nam quod non est, non identificatur cum eo, quod est; ergo pro nullo casu potuit identificari cum Deo. Similiter est evidens, quod id, quod realiter identificatur cum aliquo, pro nullo casu potuit non identificari cum illo; identitas enim non est prædicatum contingens, & potens rei convenire, vel non convenire: sed si Deus non decrevisset mundum creare, non fuisset applicatio diuinæ volitionis ad mundum, creandum, ac proinde Deus non fuisset identificatus cum tali applicatione, seu terminatione; ergo Deus de facto non identificatur cum tali applicatione, ac terminatione.

8. Tertiò videtur evidens, quod id, quod potuit non esse, non est realiter id, quod nullo pacto potuit non esse: sed applicatio, seu terminatio libera potuit non esse, essentia autem diuina nullo pacto potuit non esse; ergo. Confirmatur primò: nam sicut animal rationale, & irrationale non possunt identificari, quia habent definitiones oppositas; nam animal rationale est id, quod potest discurrere, animal irrationale est id, quod non potest discurrere, ac proindè si identificarentur, idem animal posset discurrere, & non posset discurrere; sic necessarium, & contingens non possunt identificari, cum habeant definitiones oppositas: nam necessarium est id, quod non potest non esse: con-

contingens est quod potest non esse, ac proinde si identificarentur, idem posset non esse, & non posset non esse.

9. Quartò non potest aliquid esse indifferens ad hoc, ut sit Deus, hoc est, ens necessarium, vel sit nihil; sed terminationes liberæ essent indifferentes ad hoc, ut sint Deus, vel sint nihil: terminatio enim, qua Deus est liberè applicatus ad volendum mundum, de facto est Deus, hoc est ens necessarium, & tamen potuit non existere, & sic esse nihil; ergo. Proportionaliter applicatio, qua Deus potuisset suam volitionem applicare ad volendum efficaciter alium mundum, de facto non existit, & sic est imperfectior, quam formica, & tamen potuisset existere, & esse Deus æquè perfectè, ac Pater æternus.

10. Quintò Deus non potest identificari cum aliquo importante imperfectionem; sed posse nō esse est imperfectio; ergo Deus non potest identificari cum terminationibus liberis, quæ potuerunt non esse; ergo &c.

11. Sextò, quod ex se est indifferens ad hoc, ut cum aliquo identificetur, vel non identificetur, est mutabile: siquidem potuit non esse id, quod est, & potuit esse id, quod non est; sed Deus ex se esset indifferens ad hoc, ut identificaretur, vel non identificaretur cum terminationibus liberis; ergo esset mutabilis.

12. Opponunt: Personalitates diuinæ
ita

itā realiter identificantur cum diuina essentia, vt virtualiter distinguantur ab illa, distinctione sufficienti ad verificanda prædicata contradictoria; ergo etiam terminationes liberæ possunt itā realiter identificari cum Deo, vt ab eo virtualiter distinguantur distinctione sufficienti ad prædicata contradictoria.

13. Respondeo concedo antecedens, & distinguo consequens; ergo terminationes possunt ita realiter identificari cum Deo, vt ab eo virtualiter distinguantur, distinctione sufficiente ad verificanda contradictoria, quantum est ex hoc præcisè capite, transeat: quantum est ex alijs capitibus, nego. Identitas realis terminationum liberarum cum diuina essentia reiecta est, non ex hoc præcisè capite, quod de terminatione, & essentia verificarentur contradictoria, sed ex sex alijs capitibus allatis in fundamentis nostræ conclusionis: sed nullum ex his argumentis valet contra identitatem [realem] Personalitatum diuinarum cum diuina essentia; ergo &c.

14. Dicendum secundò: terminationes, & applicationes liberæ non solum, non identificantur cum Deo, & cum diuina essentia, sed neque sunt intrinsecæ Deo, & diuinæ essentiæ.

15. Probatur, nam nihil ab æterno est intrinsecum Deo, quod non sit realiter ipse Deus, vt videtur colligi ex Concilio Rhemenfi: sed terminationes, & applicationes liberæ non sunt ipse Deus, vt
pro-

probatum est ; ergo . Confirmatur : nam Ioannes cap. i. cum dixisset : *In principio erat Verbum, & Verbum erat apud Deum, statim intulit, & Deus erat Verbum ;* ergo ex eo , quod Verbum esset ab æterno intrinsecum Deo , intulit Verbum esse Deum ; ergo si terminationes essent ab æterno intrinsecæ Deo , identificarentur cum Deo . Confirmatur rursus , nam Patres ex eo , quod Verbum ab æterno sit intrinsecum Deo , inferunt illud esse Deū ; ergo .

16. Ad 1. distinguo maiorem : cognitio , & volitio finita , & contingens non possunt applicari obiecto , nisi per se ipsas , vel per aliquid ipsis intrinsecum , concedo ; cognitio , & volitio infinita , & necessaria , nego : concedo minorem ; & nego consequentiam . Cognitio , & volitio finita , & contingens propter suam limitationem per se ipsam est applicata , affixa , & alligata suo obiecto contingenti , ideoque non potest obiecto applicari applicatione distincta , & extrinseca , vt constat etiam inductione ; at cognitio , & volitio infinita , & necessaria in existendo , non potest per se ipsam esse applicata , & alligata obiecto contingenti ; nam necessarium non potest per se ipsum esse affixum , & alligatum existentia obiecti contingentis : cognitio autem , & volitio infinita intrinsecè in omni genere non est capax alicuius intrinsecè superadditi , quo applicetur huic potius obiecto , quam alteri ; ergo debet huic potius obiecto con-

contingenti applicari per aliquid distinctum, & extrinsecum.

17. Ad 2. concedo maiorem, & nego minorem. Ad probationē, distinguo maiorem: hoc ipsum, quod est *Deum velle efficaciter Mundum existere*, est prædicatum adæquatè vitale, inquantum significat formam volendi, concedo; inquantum significat applicationem formæ, nego; concedo minorem; & nego consequentiam. Deum velle efficaciter mundum existere significat vt formam, ipsam volitionem diuinam infinitam, & applicabilem huic, vel illi obiecto contingenti; & hæc forma est adæquatè vitalis, & præterea significat applicationem liberam, qua volitio applicatur huic, vel illi obiecto, & hæc applicatio cum supponat in ipsa volitione vitalitatem, & perfectionem infinitam in omni genere, nullam addit vitalitatem, & perfectionem, ideoque potest à Deo distingui, & esse illi extrinseca, vt explicatum est.

18. Ad 3. distinguo maiorem. Implicat, vt Deus constituatur liberè volens mundum per aliquid Deo extrinsecum, tanquam per formam vitalem volendi, concedo; tanquam per puram applicationem formæ, nego: distinguo eodem pacto minorem; & nego consequentiam. Forma, qua Deus constituitur volens mundum, debet esse perfectio vitalis, & Deo intrinseca: at applicatio talis formæ potest esse purè extrinseca, vt explicatum est num. 18.

QVAESTIO LVII.

Utrum applicatio libera diuinæ volitionis, ac scientiæ huic potius, quam alteri obiecto contingenti, sit temporalis, vel æterna.

1. **V**idetur esse temporalis, primo, quia ex dictis quæstione præcedenti, talis applicatio distinguitur à Deo, & est ipsi extrinseca; sed nihil distinctum à Deo, & ipsi extrinsecum est æternum; ergo.

2. Secundò eatenus talis applicatio deberet esse aliquid æternum, quatenus cum Deus ab æterno denominetur volens creare mundum, & videns mundum suo tempore creandum, omnia constitutiua huius denominationis deberent esse æterna: sed non est necesse, vt omnia constitutiua denominationis æternæ sint æterna, sicut non est necesse, vt omnia constitutiua denominationis præsentis sint præsentia; ergo &c. Probatur minor: nam domus nunc denominatur antiqua, per denominationem à duratione præterita, quæ nunc non est, sed fuit: mundus ab æterno denominabatur futurus per denominationem à duratione, quæ ab æterno non erat, sed futura erat suo tempore; ergo Deus ab æterno potuit denominari volens efficaciter mundum per denominationem.

nationem ab applicatione extrinseca, quæ non erat ab æterno, sed futura erat suo tempore.

3. Respondeo, quod quia ex dictis applicatio libera diuinæ volitionis, & cognitionis ad hoc potius obiectum, quam ad aliud, non identificatur cum Deo, nec est illi intrinseca, sed extrinseca, sequitur, vt examinemus, vtum talis applicatio sit aliquid æternum, vel temporale, & quid sit? Vasquez 1. parte quæst. 80. cap. 2. & alij apud ipsum, & recentiores communiter docent diuinam volitionem, & cognitionem applicari, ac determinari ad hoc potius obiectum contingens, quam ad aliud, per aliquid creatum, ac proinde temporale: non conueniunt tamen in explicando, per quid applicentur, & determinentur. Primò Vasquez docuit, quod applicantur per ipsum obiectum extrinsecum: e. g. volitio æterna, & necessaria Dei applicatur ad volendum efficaciter hunc mundum per ipsam existentiam huius mundi; ad volendum efficaciter Angelum Michaellem per ipsam existentiam Angeli Michaelis; proportionaliter applicatur ad nolendum efficaciter alium mundum per ipsam negationem existentiae alterius mundi. Quia verò Deus ab æterno voluit, vt neque mundus, neque vlla alia res existeret ab æterno, voluit autem, vt existerent in tempore, ideo dicunt nolitionem necessariam Dei per negationem æternam mundi, & aliarum rerum existentium, applicatam

catam fuisse ad volendum, ut neque mundus, neque alia res existeret ab æterno; per existentiam temporalem mundi applicatam fuisse, & determinatam ad volendum, ut mundus, & aliæ res existerent in tempore.

4. Secundò, quia contra hunc modum dicendi opponitur, quod mundus est indifferens ad hoc, ut producat, & intendatur à Deo propter hunc, vel illum finem, puta propter finem naturalem, vel supernaturalem; ergo volitio diuina per ipsam existentiam mundi non sufficienter applicatur, & determinatur ad volendum producere mundum propter hunc potius finem, quam propter alium: Ideo secundus modus dicendi est Arrubalis, & plurimum aliorum recentiorum, qui magis explicantes sententiam relatam Vasquez docuerunt volitionem Dei applicari, ac determinari ad volendum res producere propter hunc determinatum finem, non per ipsas res nudè sumptas, sed per res simul, & actiones, quibus illas creat, & producit. Deus igitur applicatur, ac determinatur ad volendum producere mundum propter hunc finem, per hoc, quod illum producat, & creet per hanc actionem: applicatus autem, ac determinatus fuisset ad producendum mundum propter alium finem, per hoc, quod illum creasset, & produxisset per aliam actionem.

5. Tertiò etiam contra hunc modum dicendi opponitur: Deus liberè promittit condonat pœnas, leges fert, sanat

inefficaciter plura &c; sed istæ denominationes non sufficienter explicantur per actiones productiuas ; ergo &c. Tertius igitur modus dicendi est aliquorum recentiorum , qui docuerunt vniuersaliter applicationem ad obiecta creata denominanda quocunque genere denominationis liberæ , esse aliquam entitatem temporalem , de cuius ratione formali sit hoc ipsum munus præstare , nimirum esse exercitium liberum diuinæ volitionis se actu applicantis obiecto determinato creato . Sicut igitur creata voluntas obiecta diuersa , & etiam idem obiectum pluribus modis denominat , producendo in se varios , & multiplices modos se applicandi tum multis obiectis , tum eidem obiecto ; sic diuina voluntas producendo ad extra , varios modos se applicandi varijs obiectis , immò & eidem obiecto , multa obiecta , & idem obiectum multipliciter denominat , cum hoc solum discrimine , quod modi intra se producti à voluntate creata sunt actus vitales , modi autem extra se producti à voluntate diuina non sunt actus vitales , sed meræ applicationes variæ , & multiplices diuini actus vitalis infiniti , hoc est volitionis necessariæ potentis ex se omnia obiecta , & omnibus modis denominare , dummodo denominationes non inuoluant imperfectionem Deo indignam .

6. Contra hanc sententiam , & contra omnes modos , quibus explicatur , dicendum : Diuina volitio , & cognitio non possunt

possunt applicari ad denotanda obiecta contingentia ab æterno efficaciter volita, & scita per applicationem temporalem, sed debent applicari per applicationem æternam.

7. Probatur primò: nam est de fide, quod Deus non ab æterno, sed in tempore creauit mundum, & facit omnia, quæ in mundo sunt, at ab æterno decreuit, & voluit efficaciter creare mundum, & facere, aut permittere omnia, quæ in tempore sunt euentura, & sic ab æterno vidit, & sciuit omnia, quæ fecit, & est factururus in tempore, ideoque Prouerb. 8. Sapientia dicit: *Cum eo eram cuncta componens: Ad Ephes. 1. Elegit nos in ipso ante Mundi constitutionem, ut essemus Sancti: Ad Rom. 8. Quos præsciuit, & prædestinauit &c;* sed si Deus per aliquid temporale applicaret suam volitionem, & scientiam ad volendum efficaciter creare mundum, & facere quæ facit, & ad videndum, & sciendum quæ facit, sequeretur, quod sicut Deus non ab æterno, sed solum in tempore creauit mundum, & facit ea, quæ facit, sic non ab æterno, sed in tempore voluisset efficaciter creare mundum, & facere ea, quæ facit, ac non ab æterno sciuiisset quæ factururus, aut permissurus erat in tempore; ergo &c. Probatur minor: nam quia Deus applicat suam omnipotentiam æternam ad creandum mundum, & ad operandum ad extra per aliquid non æternum, sed temporale, non ab æterno, sed in tempore creauit mundum,

dum, & operatus est ad extrà; ergo si Deus applicaret suam volitionem ad volendum efficaciter mundum per applicationem temporalem, non ab æterno, sed in tempore voluisset creare mundum; idemque proportionaliter dic de scientia.

8. Respondent aliquas denominationes requirere, vt omnia earum constitutiua existant pro tempore, pro quo conuenit denominatio, alias hoc non requirere: e.g. aqua denominatur benedicta nunc, licet benedictio, à qua denominatur, non sit, sed fuerit. Hoc posito, dicunt denominationem producentis, creantis, operantis ad extra requirere, vt omnia earum constitutiua existant, cum rei conueniunt tales denominationes; sed ab æterno non existunt creatio, productio, & operatio ad extra, per quæ constituuntur denominationes Dei creantis, producentis, & operantis ad extra; ergo Deus ab æterno non fuit creans, produciens, & operans ad extra. At denominationes volentis, scientis &c. non requirunt, vt omnia earum constitutiua existant, cum rei conueniunt tales denominationes; ergo licet non fuerit ab æterno applicatio diuinæ volitionis, & scientiæ ad hoc determinatum obiectum, nihilominus Deus ab æterno fuit volens, ac sciens mundum.

9. Sed contrà, nam ideo dicimus, quod denominationes producentis, operantis &c. requirunt, vt omnia earum constitutiua existant, quando rei conuenit denominatio, quia videmus in creaturis,

ris, quod nulla res dicitur producere, vel operari, quando non existunt constitutiva talium denominationum, puta quando non existit productio, vel operatio: sed videmus, quod in creatis nulla res dicitur videre, audire, cognoscere, scire, aut velle aliquod obiectum, cum non existunt omnia constitutiva talium denominationum, puta cum non existit applicatio cognitionis ad obiectum determinatum; ergo etiam denominationes scientis, & volentis aliquod obiectum, requirunt, ut omnia earum constitutiva sint præsentia, quando conveniunt rei tales denominationes. Confirmatur, nam sola inductione ex creaturis possumus discernere, quænam denominationes requirant, vel non requirant omnia constitutiva præsentia; sed talis inductio ostendit, quod non minus denominationes volentis, & scientis, quam denominationes producentis, & operantis requirunt omnia constitutiva præsentia; ergo &c.

10. Probatur secundò conclusio; nam etiam si Deus noluiſſet creare mundum, & operari ad extrà, nihilominus per scientiam mediam cognoviſſet, quid liberum arbitrium creatum eſſet facturum in his, vel illis circumſtantijs, & potuiſſet per decreta conditionata libera velle facere hoc, vel illud sub hac, vel illa conditione: sed tunc diuina cognitio, & volitio necessaria applicaretur ad cognoscendum hoc potius contingens conditionatum, quam oppositum, & ad volendum sub con-

ditione hoc potius , quam illud obiectum , & non applicaretur per applicationem creatam , & temporalem ; ergo .

11. Respondent , quod scientia Dei applicatur ad cognoscendum , quid liberum arbitrium esset facturum sub hac , vel illa hypothefi per hoc ipsum , quod liberum arbitrium esset illud facturum : & volitio Dei applicatur ad volendum conditionatè hoc , vel illud , per hoc , quod posita hypothefi , Deus esset factururus hoc , vel illud .

12. Sed contra , quia non potest Deo de facto convenire denominatio scientis , & volentis ab æterno , si applicatio ad obiectum volitum constitutiua talis denominationis non solum non sit ab æterno , sed neque sit futura absolutè in tempore , sed solum sit futura conditionatè ; sed si Deus decreuisset nihil producere ad extra , id , quod liberum arbitrium creatum , & diuinum esset facturum sub hac , vel illa conditione , non solum non existeret ab æterno , sed neque esset futurum absolutè vlllo tempore , ac solum esset futurum conditionatè ; ergo .

13. Confirmatur , nam sicut Deus non potest constitui actu creans per applicationem ad creandum , quæ nunquam sit futura absolutè , sed solum sit futura conditionatè , sic non potest constitui actu sciens , & volens aliquod obiectum per applicationem ad sciendum , & volendum tale obiectum , quæ applicatio nunquam sit futura absolutè , sed solum conditionatè . Sicut autem vt Deus denominetur abso-

absolutè creans, vel produciens aliquid, applicatio ad creandum debet esse non solum logicè, sed physicè, sic ut Deus denominetur absolutè sciens, vel volens aliquod obiectum scientia, vel volitione conditionata, applicatio ad illud volendum, & sciendum non solum debet esse logicè, sed physicè. Vtrumque enim a què probatur inductione desumpta ex creaturis.

14. Ad 1. concedo maiorem, & distinguo minorem; nihil distinctum à Deo, & illi extrinsecum est æternum, si sit ens reale positivum, concedo; si sit ens rationis, vel pura veritas obiectiva, aut ens negativum, nego: & nego consequentiam. Nullum ens reale positivum distinctum à Deo est æternum: at entia rationis, puræ veritates obiectivæ, & negationes possunt esse æternæ, ideoque ipsi aduersarij fatentur decretum negativum, quo Deus non vult producere mundum, ab æterno compleri, & applicari per æternam negationem mundi; ergo applicatio libera diuinæ volitionis, ac scientiæ ad volendum hoc potius obiectum, quam illud, potest consistere in aliqua veritate obiectiva æterna, vel in aliqua negatione æterna, ut explicabimus quæstione sequenti.

15. Ad 2. concedo maiorem, & distinguo minorem; non est necesse, ut omnia constitutiva vniuscuiusque denominationis præsentis sint præsentia, concedo: ut omnia constitutiva denominationum co-

gnoscentis, & volentis sint præsentia, ac proinde sint æterna, si tales denominationes debeant esse æternæ, nego: & nego consequentiam. Iam dictum est num. 8. & 9. quod licet constitutiva aliquarum denominationum possint non esse præsentia, quando rei conueniunt tales denominationes, tamen constitutiva denominationum cognoscentis, & volentis hoc potius obiectum, quam illud, debent esse præsentia, quando rei conueniunt tales denominationes.

16. Dices: applicatio diuinæ volitionis ad volendum efficaciter mundum non est constitutivum intrinsecum huius denominationis, per quem Deus denominatur volens mundum, sed est solum connotatum quoddam extrinsecum; sed licet Deo non possit conuenire denominatio volentis mundum, quando non sunt præsentia omnia constitutiva intrinseca talis denominationis, tamen potest illi conuenire denominatio volentis mundum etiam quando non est præsens aliquod connotatum extrinsecum; ergo Deus potuit ab æterno denominari volens creare mundum, etiamsi applicatio diuinæ volitionis ad mundum creandum non fuerit ab æterno, sed solum suo tempore.

17. Sed contra, nam repugnat, ut dentur omnia constitutiva intrinseca, & essentialia alicuius denominationis, aut rei, & non detur talis res, & denominatio: e.g. repugnat, ut dentur omnia constitutiva intrinseca, & essentialia hominis, & non detur

detur homo ; vt dentur omnia constitutiua intrinseca , & essentialia hominis vt albi , & non detur homo albus , ac homo non denominetur albus . Et ratio est , quia non potest dari tota essentia rei , aut denominationis , & non dari res , aut denominatio : sed essentia rei nihil aliud dicit , quam omnia eius constitutiua essentialia ; ergo repugnat , vt dentur omnia constitutiua intrinseca , & essentialia rei , aut denominationis , & non detur talis res , & denominatio ; sed Deus de facto non denominatur volens alterum mundum ; ergo non dantur omnia constitutiua essentialia , & intrinseca huius denominationis ; sed nullum aliud constitutiuum deficit , nisi applicatio libera volitionis diuinæ ad volendum alterum mundum ; ergo talis applicatio est constitutiuum intrinsecum , & essentialiale Deo , vt volenti alterum mundum , ac non est connotatum purè extrinsecum , ac proinde applicatio diuinæ volitionis , & cognitionis ad volendum efficaciter , & videndum determinatè obiectum , est constitutiuum intrinsecum Dei vt volentis , & cognoscentis hoc determinatè obiectum , ac debet esse ab æterno , vt Deus ab æterno denominetur volens efficaciter hoc determinatè obiectum , vt explicatum est.



QVÆSTIO LVIII.

Utrum applicatio libera diuinæ volitionis , ac scientiæ huic potius , quam alteri obiecto contingenti sit aliquod ens rationis, vel aliqua veritas obiectiua æterna .

1. **V**idetur , quod non , primò quia sola prima veritas est æterna ; ergo nulla veritas obiectiua distincta à prima veritate est æterna ; ergo applicatio libera diuinæ cognitionis , ac scientiæ ad hoc potius obiectum , quam illud , non potest esse veritas obiectiua distincta à Deo , hoc est à prima veritate .

2. Secundò Deus ita est sibi sufficiens , vt possit esse sine quolibet distincto à se : sed non potest esse sine suis actibus liberis , & sine scientia visionis , & media ; ergo actus liberi Dei , scientia visionis , & media non necessario includunt aliquam veritatem obiectiuam æternam distinctam à Deo .

3. Tertiò istæ veritates obiectiue essent intrinsecè veræ , vt conceditur , essent etiam intrinsecè bonæ , tum quia essent vltimum completum actus diuini optimi , & honestissimi , tum quia prædestinatis bona , & appetibilis est determinatio diuinæ volitionis ad illos efficaciter prædestinandos : sed omne verum , & bonum est

est etiam ens reale ; ergo tales veritates obiectiuæ essent ens reale : ac proinde darentur ab æterno aliqua entia realia, distincta à Deo , quod est absurdum, & hæreticum . Confirmatur, nam esse semper, & vbique, & non posse deficere, si semel sit positum, est magna perfectio ; sed tales veritates essent semper, & vbique, ac non possent deficere semel posita; ergo essent magnæ perfectiones, ac proinde magnæ entitates .

4. Quartò, vel tales veritates sunt pura perfectio, & sic sunt Deus; vel sunt pura imperfectio, & sic sunt nihil ; vel sunt perfectiones mixtæ cum imperfectiõibus, & sic sunt creaturæ; vel neque sunt perfectio, neque imperfectio, & sic sunt omnino superflue; nam nihil est magis superfluum, quam quod nullam includit bonitatem, ac proinde Deus non posset esse sine aliquo omnino superfluo, & necessarium esset aliquid superfluum, vt potè nullam bonitatem habens .

5. Quintò contingentia est imperfectio ; sed tales veritates obiectiuæ possent esse, vel non esse, ac proinde essent contingentes; ergo essent imperfectiõnes .

6. Sextò omne contingens debet à Deo determinari per volitionem liberam, antecedentem : sed istæ veritates essent contingentes ; ergo deberent determinari per volitionem liberam antecedentem: sed illa ipsa volitio vt potè libera deberet applicari per aliquam veritatem contingen-

tem, quæ deberet determinari per voluntatem Dei antecedentem; ergo procederetur in infinitum.

7. Respondeo auctores pœnè omnium scholarum concedere, quod in rerum natura præter entia realia, & positiua, quæ sola sunt simpliciter, & absolutè entia substantialia, vel accidentalia, dantur aliquæ veritates obiectiuæ, quæ cum neque sint substantiæ, neque accidentia, non sunt entia propriè, & simpliciter, sed solum vocari possunt entia cum addito distrahente, nimirum entia rationis, entia moralia, entia abusiua, entia diminuta. Patet: nam multæ scholæ admittunt possibilitates obiectiuas necessarias distinctas à Deo, quæ suo modo sunt ab æterno; Thomistæ multas denominationes explicant per relationes rationis, ac non fictas ab intellectu: Scotistæ passim admittunt entia diminuta æterna: Auctores pœnè omnium scholarum concedunt, nemine cogitante, dari negationes obiectiuas etiam æternas, ac dicunt illas esse entia abusiua: illi ipsi recentiores, qui cum P. Antonio Perez disput. 3. de Voluntate Dei, cap. 3. & 4. negant negationes, & omnes veritates obiectiuas distinctas realiter ab omni ente reali, nihilominus ponunt veritates obiectiuas non-necessarias, virtualiter intrinsecè distinctas ab omni ente reali, sed realiter identificatas cum Deo, quas asserunt secundum se præcisè non esse entia realia, sed entia purè denominatiua. Hæc doctrina

na desumpta est ex Aristotele 9. Metaph. tex. 21. ubi docet, quod præter ens reale, quod diuiditur in decem prædicamenta, hoc est in substantiam, & accidentia, datur etiam ens, quod diuiditur in verum, & falsum, & sic concedit dari aliquas veritates obiectiuas, quæ non sint substantia, neque accidens, ac proinde non sint ens propriè, & simpliciter, sed solum cum addito distrahente. Augustinus. etiam lib. 26. contra Faustum cap. 5. & Anselmus in monologio cap. 17. concedunt dari aliquam veritatem æternam distinctam ab omni ente reali, per quam verificetur ab æterno res contingentes esse futuras.

8. Hoc supposito, dicendum cum sententia, quam ab antiquis acceptam, explicauit, & securus est Cardinalis Pallaucinus lib. 8. assertionum Theologicarum cap. 40. terminationes, seu applicationes liberas diuinæ volitionis, ac scientiæ consistere in veritatibus obiectiuis, æternis, non necessarijs, distinctis realiter à Deo, illique extrinsecis, quæ cum neque sint substantiæ, neque accidentia, propriè non sunt entia realia, sed possunt cum addito distrahente dici entia sabusiua, vel rationis, vel purè denominatiua, quarum veritatum munus sit applicare diuinam volitionem, ac scientiam, huic potius, quam alteri obiecto contingenti.

9. Probatur primò conclusio: ex dictis enim quæst. 57. quia Deus ab æterno.

voluit liberè facere quidquid facit, & est facturum in tempore, & ab æterno sciuit se hæc facturum suis temporibus, debuit ab æterno dari applicatio non necessaria, diuinæ cognitionis, ac scientiæ ad hæc objecta efficaciter volenda, & determinatè scienda; sed hæc applicatio potuit non dari, ac proindè non identificatur realiter cum Deo, qui non potuit non dari; ergo talis applicatio ita est æterna, vt distinguatur realiter à Deo; sed nihil datur ab æterno, quod sit propriè, & simpliciter ens reale, ac distinguatur à Deo; ergo talis applicatio non est ens reale propriè, ac simpliciter, & neque est substantia, neque accidens, sed est pura veritas obiectiua, & dici potest ens cum addito distrahente, nimirum ens abusu-
suum, ens purè denominatiuum &c. proportionaliter, ac negationes communiter vocantur entia rationis, & entia abusiua.

10. Probatur secundò conclusio; nam quia vt ex omnium confessione docet Ruiz de voluntate Dei disput. 11. sect. 1. num. 1. in hac difficillima questione nulla est via declinandi, quin aliquid durum, ac difficile denoretur, debemus eligere illam opinionem, quæ nihil durum, ac difficile admittat, quod non fuerit receptum etiam in scholis Philosophorum, & quod non admittatur etiam in alijs sententijs, quæ euitet alia dura luminis naturæ repugnantia, & vt talia à philosophis negata, quæ tamen admittuntur in alijs senten-

tentijs , & quæ dignissimè sentiatur de Deo ; sed allata opinio est talis ; ergo &c.

11. Probatur minor per singulas partes , & primò probatur , quod hæc sententia nihil admittat durum , & difficile , quod non fuerit receptum in scholis Philosophorum . In hac enim opinione illud vnum videtur durum , & difficile , quod dentur aliquæ veritates obiectiuæ præsertim æternæ , distinctæ ab omni ente reali ; sed hoc passim admittitur in schola Aristotelis , in qua præter ens , quod diuiditur in substantiam , & accidens , admittitur ens verum , quod non sit substantia , neque accidens : admittuntur veritates necessariae , puta quod quatuor , & tria faciunt septem &c. , quæ veritates neque sint substantiæ , neque accidentia ; admittuntur negationes , priuationes &c. ac priuatio licet non sit substantia , neque accidens , dicitur esse vnum ex principijs rerum naturalium ; ergo .

12. Secundo probatur hoc durum , & difficile concedi etiam ab alijs. sententijs . Sententiæ enim reducuntur ad duas classes . In prima sunt , qui docent decreta Dei compleri per aliquid Deo intrinsecum , quod aliqui ponunt identificari cum Deo , alij putant distingui realiter à Deo . Qui dicunt hoc intrinsecum æternum distingui à Deo , concedunt illud consistere in veritate obiectiua æterna , quæ cum distinguitur à Deo , & creaturis , non est ens reale , adeoque concedunt illud durum , quod
con-

concedit nostra sententia. Qui dicunt hoc intrinsecum identificari cum Deo, excepto Caietano, dicunt illud secundum se præcisè, prout distinguitur virtualiter à Deo, non esse ens reale, sed esse puram veritatem obiectiuam, ac ens purè denominatiuum, ac proindè deuorat hoc durum, quod deuorat nostra sententia. Qui dicunt decreta Dei compleri per aliquid contingens extrinsecum Deo, dicunt decreta negatiua, puta per quæ Deus noluit quicquam producere ab æterno, compleri, & ultimo applicari per negationes æternas distinctas ab omni ente reali, quæ proindè sint puræ veritates obiectiuæ, vel entia abusina; dicunt rursus, quod si Deus noluisse creare Mundum, & operari ad extrà, tale decretum fuisset completum, terminatum, & applicatum per negationes æternas omnium rerum, distinctas ab omni ente reali, quæ proindè essent puræ veritates obiectiuæ.

13. Tertiò probatur, quod hæc opinio euitet alia inconuenientia, & lumini naturæ repugnantia, quæ admittuntur ab alijs sententijs. Primò enim ex sententia dicente terminationes liberas, & non necessarias identificari realiter cum Deo, sequitur, quod Deus, licet possit esse sine his terminationibus liberis, non distinguatur realiter ab ipsis; quod terminationes liberæ, quæ quia de facto non existunt, non identificantur realiter cum Deo, potuerint identificari realiter cum Deo; & quod terminationes, quæ de facto

exi-

existunt, & sic cum Deo realiter identificantur, potuerint non existere, & sic realiter distingui à Deo; quod terminationes, quæ de facto existunt, fuerint indifferentes ad hoc, vt essent Deus, vel essent nihil; quod terminatio, qua Deus determinaretur ad volendum alium Mundum, quæ de facto non existit, & sic est imperfectior formica, potuerit esse Deus, & sic esse æquè perfecta, ac Pater æternus; sed hæc omnia sunt inconuenientia, ac luminis naturali repugnantia, & vt talia negata ab omnibus philosophis, & euitantur à nostra sententia; ergo. Secundò ex sententia docente terminationes liberas distingui à Deo, sed esse ab æterno intrinsecas Deo, sequitur aliquid ab æterno esse intrinsecum Deo, quod non sit Deus, quod est inconueniens, & euitatur à nostra sententia. Tertiò ex sententia dicente terminationes liberas esse aliquid temporale, sequitur, quod Deus sicut non ab æterno, sed in tempore creauit Mundum, sic non ab æterno voluerit creare Mundum, & sciuerit se creaturum Mundum in tempore; siquidem denominationes scientis, & volentis non minus, quam denominationes creantis, & producentis requirunt, vt omnia earum constitutiva sint præsentia, quando debent conuenire tales denominationes; quod est absurdum, & euitatur in nostra sententia.

14. Quartò demum probatur nostram sententiam dignissimè sentire de Deo. Nam dignius sentimus de Deo, si dicamus

mus illum non identificari cum aliquo contingenti, & ab æterno non habuisse aliquid intrinsecum, quod potuerit non esse, ac denominationes cognoscentis, & volentis esse adæquatè æternas, quam si dicamus opposita his; sed in omnibus alijs sententijs dicimus aliquid his oppositum; ergo &c.

15. Probatur tertiò conclusio Auctoritate. Scotus in 1. dist. 39. expressè docet res futuras ab æterno fuisse in esse voliti, & sciti à Deo. Hoc autem esse voliti, & sciti vocat ens diminutum æternum, quod nos vocamus veritatem obiectivam, ac Scotum sequuntur omnes Scotistæ; ergo Scotus, & omnes Scotistæ expressè docent nostram sententiam. Thomistæ communiter docent volitionem liberam, supra volitionem necessariam addere solum relationem rationis ad obiectum creatum, quæ relatio sit æterna, & potuerit non esse; eandem sententiam docuerunt Alexander, & alii antiqui, quos refert Ruiz de Voluntate Dei disp. 11. sect. 3. num. 1. 2. 3. & 4; sed nomine relationis rationis non intelligunt relationem fictam, nam proculdubio denominatio Dei volentis, ac scientis non habetur per aliquid fictum; ergo intelligunt aliquam veritatem obiectivam æternam.

16. Pro maiori explicatione sententiæ allatæ, quæres primo, vtrum tales veritates obiectivæ sint ens, vel non ens, hoc est nihil?

17. Respondeo, quod sicut ens dicitur du-

dupliciter, nimirum ens reale, quod dicitur in substantiam, & accidens, & ens rationis, & abusuum, quod complectitur etiam negationes; sic non ens, seu *nihil* sumitur dupliciter, primò pro eo, quod non est ens reale, sed est ens rationis, vel abusuum; secundò pro eo, quod neque est ens reale, neque ens rationis, seu abusuum. Veritates ergo obiectivæ, de quibus loquimur, non sunt ens reale, sed sunt nihil entis realis, at sunt ens rationis, seu abusuum, & non sunt nihil entis etiam abusuui. Addi potest, quod non sunt ensi transcendente, quod abstrahitur solum ab entibus realibus, substantia, nimirum, & accidente, sed sunt nihil entis transcendentalis; at sunt ens supertranscendente, quod abstrahitur ab ente reali, & ab ente rationis, seu abusuui, ac non sunt nihil entis supertranscendentalis. Addo rursus idem quesitum posse fieri de negationibus obiectivis, utrum sint ens, vel nihil, ac debet eodem pacto responderi. Potest etiam similiter queri ab ijs, qui dicunt terminationes liberas identificari cum Deo, & secundum se præcisè neque esse perfectiones, neque imperfectiones, utrum tales terminationes secundum se præcisè sint ens, vel non ens, seu nihil, & debent eodem pacto respondere.

18. Dices: ergo inter ens, & non ens, seu nihil, datur medium.

19. Respondeo, negando consequentiam. Nam neque datur medium inter ens transcendente, & non ens transcenden-

den-

dentale ; siquidem quodlibet vel est ens transcendentalē , vel est non ens transcendentalē , ac puræ veritates obiectiuæ , negationes &c. sunt non ens transcendentalē : neque datur medium inter ens supertranscendentalē , & non ens supertranscendentalē : siquidē quodlibet vel est ens supertranscendentalē , vel non est ens supertranscendentalē , ac puræ veritates obiectiuæ sunt ens supertranscendentalē . Hoc idem aduersarij debent dicere de negationibus , ac de terminationibus identificatis realiter cum Deo .

20. Quæres secundò , quo pacto ens reale differat ab ente purè abusuò , seu purè denominatiuo , & à puris veritatibus obiectiuis ?

21. Respondeo primò , quod etiam huic interrogationi debent respondere aduersarij , qui vel concedunt dari negationes obiectiuas distinctas ab omni ente reali , vel dicunt in Deo dari terminationes liberas , quæ secundum se præcisè non sunt ens reale , sed sunt ens purè denominatiuum . Respondeo secundò directè , quod ens reale est , quod vel debet per se subsistere , vel debet alteri inharere , adeoque vel est substantia , vel accidens : quod autem neque debet per se subsistere , neque debet alteri inharere , sed ex se solum debet aliquid excludere , vel vnum ad aliud referre , non est ens reale , cum neque sit substantia , neque accidens , sed solum est ens abusuum , pura veritas obiectiuæ , & ens purè denominatiuum . Hinc patet

patet ratio, quare negationes, & priuationes, puta negatio Mundi, tenebræ, cæcitas &c. non sint entia realia. Ratio est, quia negationes, & priuationes neque per se subsistunt, neque alteri inhaerent, sed purè excludunt opposita. Patet rursum, quare terminationes non necessariae, quibus Deus constituitur volens, ac sciens hoc potius obiectum, quam illud, non sint entia realia. Ratio est, quia neque per se subsistunt, neque alteri inhaerent, sed purè diuinam volitionem, & scientiam necessariam referunt ad hoc potius obiectum, quam illud. Ideò S. Thomas de potentia quæst. 2. art. 5. dicit: *Relatio ratione sui generis non habet, quod sit aliquid, sed solum quod sit ad aliquid; quod autem sit aliquid secundum rem, habet solum ex illa parte, qua inest, vel ut idem secundum rem, ut in diuinis, vel ut habens causam in subiecto, ut in creaturis*; sed terminationes liberae ità Deum referunt ad obiectum volitum, & scitum, ut neque sint idem cum Deo, ac per se subsistant, neque inhaereant vlli subiecto; ergo non sunt aliquid, hoc est ens reale, sed solum sunt ad aliquid, ac sunt puræ relationes rationis, ut docuerunt antiqui communiter.

22. Quæres terriò, vtrum terminationes non necessariae volitionis, ac scientiæ diuinæ sint negationes?

23. Respondeo, quod sunt negationes simul, & relationes rationis. Probat, nam nomine negationis intelligimus puram

ram veritatem obiectiuam per se ipsam, exclusiuam alicuius entis; nomine relationis rationis intelligimus puram veritatem obiectiuam, qua aliquis intelligens, & volens refertur ad aliud tanquam ad obiectum scitum, volitum, aut nolitum; sed Deus per terminationes liberas applicatur ad volendum aliquas creaturas nunquam esse, alias creaturas non esse ab æterno, & vsque ad certum tempus, ac certo tempore esse; ergo quia sunt puræ veritates obiectiuæ excludentes creaturas vsque ad certum tempus, sunt negationes; quia verò per illas Deus certo modo refertur ad creaturas, vt ad obiecta scita, volita, & nolita, sunt relationes rationis. Si verò quærat, vtum terminationes liberæ sint puræ negationes, respondeo, quod si ly *puræ* excludat identitatem cum ente reali, sunt puræ negationes, quia ita sunt negationes, vt non sint vllum ens reale; si ly *puræ* excludat identitatem cum relatione rationis ad obiectum volitum, & scitum, non sunt puræ negationes, quia referunt Deum ad aliud tanquam ad obiectum volitum, vel scitum. Puræ ergo veritates obiectiuæ reducuntur ad negationes, priuationes, & relationes rationis. Debet autem aduerti, quod Deus vt nolens aliquod obiectum, & cognoscens illud non esse, refertur ad illud obiectum, vt non existens: vt volens obiectum, & cognoscens illud esse suo tempore, refertur ad obiectum vt suo tempore existens.

24. Dices primò ; negatio non potest esse applicatio diuinæ voluntatis ad aliquid efficaciter volendum .

25. Respondeo, negando antecedens . Sicut enim Aristoteles dixit puram priuationem esse principium rerum , sic possumus dicere puram negationem fungi munere applicationis diuinæ voluntatis. Confirmatur, nam si Deus decreuisset nihil omnino creare per totam æternitatem , pura negatio esset applicatiuum diuinæ voluntatis etiam in sententia aduersariorum; ergo non possunt assumere , quod negatio non possit esse applicatio Diuinæ voluntatis .

26. Dices secundò : Decretum liberum compleri non potest per negationem necessariam : sed negatio Mundi existentis ab æterno est necessaria, siquidem implicat Mundum fuisse ab æterno , vt diximus in Philosophia ; ergo &c.

27. Respondeo concedo maiorem , & distingo minorem : negatio, per quam Mundus non est ab æterno vsque ad certum tempus , est necessaria, nego : negatio, per quam Mundus non est ab æterno vtrumque, transeat : & nego consequentiam . Ab æterno datur negatio, per quam Mundus non est ab æterno vsque ad certum tempus , puta vsque ad tempus creationis. Hæc autem negatio est contingens, & complet vltimo decretum diuinum non creandi Mundum vsque ad certum tempus , & creandi illo tempore .

28. Dices tertio: negatio tollitur, posita

sita re, cuius est negatio; ergo negatio Mundi tollitur, posito mundo, adeoque posito mundo, ablata fuisset applicatio diuinæ voluntatis, quod est absurdum.

29. Respondeo, distinguendo antecedens: negatio tollitur, si res, cuius est negatio, ponatur pro tempore, pro quo aufertur à tali negatione, concedo: si ponatur pro alio tempore, nego. Negatio Mundi completiua diuini decreti aufert Mundum solum vsque ad tempus creationis, adeoque Mundo posito pro tempore creationis, non tollitur talis negatio.

30. Quæres quartò, vtrum terminationes non necessariae diuinæ volitionis, ac scientiæ sint puræ perfectiones, vel puræ imperfectiones, vel perfectiones mixtæ imperfectionibus, vel neque sint perfectiones, neque imperfectiones?

31. Respondeo primò, quod simili interrogationi debent respondere etiam aduersarij, qui vel concedunt dari negationes obiectiuas æternas distinctas realiter à Deo, de quibus quæri potest, vtrum sint perfectiones, vel imperfectiones &c. vel dicunt dari terminationes non necessariae identificatas realiter cum Deo, sed ab illo virtualiter distinctas, de quibus itidem quæri potest, vtrum secundum se præcisè sint perfectiones, vel imperfectiones.

32. Respondeo secundò directè, quod sunt perfectiones abusiue mixtæ aliquam-
im-

imperfectione . Probatur primò , nam bonum , & perfectio dicitur proportionaliter , ac ens ; ergo sicut terminationes habent aliquod esse abusuum , sic habent aliquam bonitatem , & aliquam perfectionem abusuam ; sed hoc ipsum , quod est *esse ens solum abusuum , esse contingens &c.* est magna imperfectio ; ergo habent perfectionem nullam , cum imperfectione . Confirmatur : nam qui concedunt tenebras , cæcitates &c. habere aliquod esse abusuum , concedunt etiam habere aliquam bonitatem , & perfectionem abusuam , ideoque in Cantico trium puerorum dum dicitur *benedicite lux , & tenebra Domino* , indicatur etiam tenebras , quæ consistunt in negatione , habere aliquam perfectionem .

33. Probatur secundò , nam quod habet rationem appetibilis , & volibilis , habet rationem boni , & perfectionis ; quod habet rationem nolibilis , habet rationem imperfectionis , ac defectus ; sed terminationes liberæ habent rationem appetibilis , & volibilis , & etiam nolibilis ; ergo .

34. Adde , quod sicut , vt dictum est num. 17. terminationes liberæ non habent esse transcendente , sed supertranscendente , sic non habent perfectionem transcendentem , sed supertranscendentem :

35. Dices primò : omnis perfectio est aliqua participatio diuini esse , adeoque est ens ; sed terminationes liberæ non
sunt

sunt ens ; ergo neque sunt perfectiones .

36. Respondeo , quod perfectio transcendentalis est participatio diuini esse transcendentalis : perfectio autem supertranscendentalis est participatio diuini esse secundum prædicata supertranscendentalia .

37. Dices secundò : ad perfectionem requiritur , vt præponderet suo contradictorio ; sed vna diuina terminatio non præponderat alteri terminationi contradictoriæ ; ergo &c.

38. Respondeo , distinguo minorem ; non præponderat respectu sui , nego ; respectu Dei , concedo . Deo non est melius habere vnā terminationem liberam , quam oppositam ; sed terminationi liberæ melius est , vt ipsa sit , quam sit opposita , & hoc sufficit , vt sit aliqua perfectio abusiva .

39. Ad 1. distinguo maiorem ; sola prima veritas est æterna quoad esse reale , concedo ; quoad esse rationis , denominatiuum , & abusiuum , nego : & distinguo eodem modo consequens . Iam ostensum est , quod in omnium , vel pænè omnium sententia dantur aliquæ veritates æternæ quoad esse purè denominatiuum distinctæ realiter , vel virtualiter à prima veritate . Et ratio huius videtur euidentis . Nam prima veritas est necessaria ; ergo distinguitur realiter à veritatibus contingentibus ; sed ex veritatibus contingentibus contradictoriè oppositis , etiam ab æterno
ne.

necesse est, vt altera sit, altera non sit; ergo necesse est, vt ab æterno detur aliqua veritas contingens distincta realiter à prima veritate.

40. Ad 2. distinguo maiorem: Deus est ita sibi sufficiens, vt possit esse sine quolibet ente reali distincto à se, concedo; sine qualibet veritate obiectiua distincta à se, nego: & nego consequentiam. Deus potest esse sine quolibet ente reali distincto à se; potest etiam esse sine qualibet determinata veritate obiectiua distincta à se, sed non potest esse sine qualibet vaga, & indeterminata veritate obiectiua à se distincta realiter, aut virtualiter in omnium sententia. Patet: nam Deus non potest esse, quin determinatè cognoscat Mundum esse, vel Mundum non esse; sed Deum determinatè cognoscere Mundum, esse, cum sit veritas non necessaria, distinguitur aliquo pacto à Deo: Deum determinatè cognoscere Mundum non esse, ex eadem ratione distinguitur aliquo pacto à Deo; ergo in omnium sententia Deus non potest esse sine aliqua veritate obiectiua distincta à se. Ad hoc porrò, vt Deus sit sibi ipsi perfectè sufficiens, requiritur quidem, vt possit esse absque eo, quod aliud sit, sed non requiritur vt possit esse, absque eo, quod aliud sit, vel non sit; sed tum esse, tum non esse rem contingentem, est aliqua veritas; ergo ad hoc, vt Deus sit sibi ipsi perfectè sufficiens, nõ requiritur, vt Deus possit esse sine omni veritate contingentè distincta à Deo.

41. Ad 3. distinguo maiorem: istæ veritates obiectivæ essent intrinsecè veræ, & bonæ supertranscendentaliter, concedo; transcendentaliter, nego: distinguo eodem pacto minorem; & nego consequentiam. Sicut præter ens transcendentalē, datur ens supertranscendentalē abstrahens ab ente positivo, & negativo, & purè denominatiuo, sic datur etiam verum supertranscendentalē, & bonum supertranscendentalē: siquidem verum e.g. & bonum est me nunc habere negationem doloris &c. ergo ex eo, quod veritates obiectivæ necessariæ, & æternæ sint veræ, & bonæ supertranscendentaliter, non arguitur illas esse entia realia, & transcendentalia, sed solum illas esse entia supertranscendentalia, & purè denominatiua, vt explicatum est.

42. Ad confirmationem, distinguo maiorem: esse semper, & ubique transcendentaliter, & non posse deficere, amittendo esse transcendentalē, est magna perfectio, concedo: esse semper, & ubique supertranscendentaliter, & non posse deficere, amittendo esse supertranscendentalē, est magna perfectio, nego: distinguo eodem pacto minorem; & nego consequentiam. Esse semper, & ubique transcendentaliter, est posse operari semper, & ubique, & hoc est magna perfectio; sed veritates obiectivæ, de quibus agimus, non sunt activæ, neque passivæ, ac proinde non solum non possunt operari semper, & ubique, sed nullo loco, vel tempore possunt ope-

operari ; ergo non sunt semper , & vbique transcendentaliter , sed solum supertranscendentaliter , inquantum semper , & vbique est verum , quod diuina volitio est applicata his determinatè obiectis ; sed esse semper , & vbique supertranscendentaliter , est perfectio solum supertranscendentalis , quæ ex suo genere est minima , cum possit conuenire etiam negationibus ; ergo . Similiter non posse deficere , amittendo esse reale , est magna perfectio : at non posse deficere , amittendo solum esse supertranscendentale , quod conuenit etiam negationibus , est parua perfectio , & supertranscendentalis .

43. Ad 4. Iam dictum est veritates obiectiuas , de quibus loquimur , esse perfectiones supertranscendentales , mistas imperfectionibus . Neque ex hoc sequitur illas esse creaturas . Siquidem ad creaturam non sufficit , vt habeat perfectionem supertranscendentalem mistam imperfectione , qualis perfectio conuenit etiam negationibus , & priuationibus , sed requiritur , vt habeat perfectionem transcendentalem mistam imperfectione .

44. Ad 5. concedo veritates obiectiuas , de quibus loquimur , habere imperfectionem contingentiam .

45. Ad 6. distinguo maiorem ; omne contingens , quod non includatur in ipso exercitio libero diuinæ voluntatis , debet à Deo determinari per volitionem antecedentem , concedo : quod includatur in ipso exercitio libero diuinæ voluntatis ,

nego : distinguo eodem pacto minorem ; & nego consequentiam . Sicut nos volitionem liberam determinamus per se ipsam , & non per determinationem antecedentem , sic Deus applicationem liberam suæ volitionis determinat per se ipsam , & non per determinationem antecedentem . Ratio est , quia exercitium immediatè liberum determinatur seipso , non autem determinatione antecedenti ; sed applicatio diuinæ volitionis est exercitium immediatè liberum Deo ; ergo &c.

46. Dices : omnis determinatio est actio ; sed Deus determinat istas veritates obiectiuas ; ergo illas determinat per aliquam actionem ; sed quod determinatur per actionem , est ens reale ; ergo tales veritates obiectiuæ sunt ens reale .

47. Respondeo distinguo maiorem : omnis determinatio supertranscendentalis est actio , nego ; transcendentalis , concedo : distinguo eodem pacto minorem ; & nego consequentiam . Determinatio supertranscendentalis non est actio , ut patet in sententia prædictæ omnium . Nam Deus determinat negationes contingentes , & non per actionem : auctores etiam , qui admittunt puram omissionem liberam , dicunt voluntatem se determinare ad puram omissionem , & non se determinare per actionem .

48. Quæres , quo pacto determinentur veritates obiectiuæ , per quas completur scientia media ?

49. Respondeo , quod quia cognitio diuina

diuina est determinata ad affirmandum, quodlibet obiectum etiam conditionatum, dummodò illud obiectum sit verum, cognitio diuina eo ipso, quod aliquod obiectum conditionatum est verum, se ipsam necessario applicat illi obiecto, ac proinde determinat veritatem illam obiectiuam, per quam formaliter applicatur.

QV AESTIO LIX.

Vtrum Deus amet se ipsum, & omnes creaturas, non solum existentes, sed etiam possibiles, & meliora magis amet.

S. Th. 2. 20. a. 1. 2. 3. & 4.

1. PRIMò videtur in Deo non dari amor propriè, sed solum metaphoricè. Amor enim est passio; sed passiones, puta ira, tristitia &c. non dantur propriè in Deo, sed solum metaphoricè; ergo.

2. Secundò videtur Deus amare solum se ipsum, non autem creaturas. Vt enim docet Dionysius cap. 4. de diuinis nominibus, amor, quo quis amat alterum à se, amantem ponit extra se; sed est indignum Deo, vt se ponat extrà se; ergo.

3. Tertiò videtur Deus non amare omnia existentia. Vt enim dicitur Psal. 5. *Odisti omnes, qui operantur iniquitatem*; sed Deus non potest eosdem si-

nul amare, & odio habere; ergo.

4. Quartò videtur Deus non amare possibilìa. Amare enim est velle aliquod bonum; sed possibilibus Deus non vult aliquod bonum; ergo &c.

5. Quintò videtur Deus meliora non magis amare. Potest enim æqualia inæqualiter amare; ergo potest etiam meliora non magis amare. Probatur antecedens: nam Beati, qui habent æqualem grãtiam, & gloriam, sunt æquales, & tamen vnus potest magis diligi à Deo, quam alius; nam si vni dederit hæc auxilia efficacia, paratus dare alia auxilia efficacia, si vidisset hæc fore inefficacia, alteri autem dederit hæc auxilia efficacia, paratus non dare alia, si vidisset hæc fore efficacia, illum magis amasset, quam hunc, & quamuis dedisset illis æquale bonum, dedisset inæquali amore.

6. Respondeo, quod quia cum S. Thoma quæst. 19. egimus de voluntate Dei, sequitur, vt cum eodem quæst. 20. agamus de præcipuo actu volitionis, qui est amor.

7. Dicendum igitur primò; Deus amat se ipsum necessariò, & efficaciter amore infinito, tum ex parte amoris, tum ex parte boni voliti.

8. Probatur, nam amare est velle bonum, amare autem efficaciter est velle bonum voluntate, quæ sit efficax ratio, vt amatum habeat bonum volitum; sed vt dictum est quæst. 49. Deus necessariò vult sibi existentiam, & omne bonum voluntate,

tate, quæ cum sit idem cum Diuina essentia, est adæquata ratio, vt Deus habeat existentiam, & omne bonum; ergo &c. Rursus amare amore infinito ex parte amoris, est amare amore, qui sit infinite perfectus in genere amoris: amare infinite ex parte boni voliti, est amare amore, qui infinita efficacia velit amato infinitum bonum; sed amor, quo Deus amat seipsum, est infinite perfectus in genere amoris, ac Deo vult infinitum bonum infinita efficacia; ergo &c.

9. Dicendum secundà: amor, quo Deus efficaciter vult sibi omne bonum, non est amor desiderij, sed est simul amor strictus, & perfectissimum gaudium, quo gaudet de hoc ipso, quod habeat omne, & infinitum bonum.

10. Probatur, nam amor desiderij est, quo amans tendit in bonum ex cognitione, qua cognoscit amatum carere tali bono: gaudium est, quo amans tendit in bonum ex cognitione, qua cognoscit amatum habere tale bonum: amor strictus est, quo amans vult amato bonum absolute, neque supponendo, quod illud habeat, neque supponendo, quod careat bono voluto; sed amor, quo Deus vult sibi omne bonum, est idem cum Deo, adeoque neque supponit Deum habere omne bonum, cum non supponat seipsum, neque supponit Deum carere omni bono, cum non supponat carentiam sui ipsius; ergo est amor strictus, ac non est desiderium; sed est ex cognitione, qua Deus cognoscit se

bere omne bonum, siquidem est ex Diuina essentia, quæ est idem tum tali cognitione; ergo est simul perfectissimum gaudium, quo Deus gaudet de hoc, quod habet omne bonum.

11. Dicendum tertio: Deus creaturas existentes amat liberè, & efficaciter amore infinito ex parte amoris, sed finito ex parte boni voliti, ideoque amat omnia existentia æqualiter ex parte amoris, sed inæqualiter ex parte boni voliti, ita vt meliora magis amet, & vnamquodque tantum amet, quantum est bonum, quod habet.

12. Conclusio est Sancti Thomæ hic quæst. 20. art. 2. 3. & 4. Probatur: nam, amare est velle bonum; sed existere est bonum, & Deus omnibus creaturis existentibus liberè, & efficaciter vult existentiam; ergo Deus liberè, & efficaciter amat omnes creaturas existentes; sed amor, quo Deus creaturis vult existentiam, est idem cum essentia Diuina, & est infinite perfectus in genere amoris; ergo Deus omnes creaturas existentes amat amore infinito ex parte amoris, & æquali, immo penitus eodem; sed Deus creaturis vult bonum inæquale, quibusdam maius, quibusdam minus, & melioribus vult hoc ipsum, vt sint meliores; ergo Deus amat creaturas inæqualiter ex parte boni voliti, et vnamquamque tantum amat, quantum est bonum, quod illi vult.

13. Dicendum quarto: Deus etiam creaturas possibles amat aliquo amore.

Pro-

Probatur; nam Deus creaturis possibili-
bus vult possibilitatem, & complacet de
hoc, quod sint possibles; sed possibili-
tas est aliquod bonum rei possibili; er-
go. Probatur minor: ex Aristotele
enim 1. Rhetor. cap. 6. *Bonum est quod
omnia appetunt, vel appeterent si haberent
intellectum*; sedabilia, si haberent in-
tellectum, appeterent suam possibili-
tatem, & de illa gauderent; ergo &c. Ad-
do, quod Deus possibilibus potest velle
aliqua bona sub conditione, quod habuis-
set hanc, vel illam scientiam mediam:
puta potest habere decretum liberum ali-
quos creandi, & beatificandi, sub con-
ditione, quod per scientiam mediam vi-
disset illos consensuros his auxilijs; sed
velle alicui bonum sub aliqua conditione
est illum amare aliquo amore conditiona-
to; ergo Deusabilia potest amare
aliquo amore conditionato.

14. Ad 1. distinguo maiorem: amor
appetitus sensitivi est passio, concedo;
amor, & gaudium appetitus intellectivi,
hoc est voluntatis, est passio, nego: con-
cedo minorem; & nego consequentiam.
Amor appetitus intellectivi, seu volun-
tatis non est passio, sed est actus dicens
perfectionem simpliciter simplicem, &
abstrahens ab omni imperfectione, ideo-
que debet convenire Deo. Desiderium,
& tristitia, & alia huiusmodi, etiam
in quantum sunt actus appetitus intellecti-
vi, dicunt imperfectionem, ideoque non
conveniunt Deo.

15. Ad 2. distinguo maiorem: amor, quo quis amat alterum à se, ponit amantem extra se, in quantum facit, ut amans sicut vult bonum sibi, sic velit bonum amato, concedo; in alio sensu, nego: distinguo eodem pacto minorem; & nego consequentiam. Non est indignum, sed est convenientissimum summo bono, ut sicut vult sibi bonum, ita velit etiam, & det bonum alteri, & sic quodammodo se effundat extra se; ergo non est indignum Deo, ut amet etiam creaturas.

16. Ad 3. concedo maiorem, & distinguo minorem: Deus non potest eisdem amare, & odio habere in ordine ad diuersa, nego: in ordine ad eadem, transeat; & nego consequentiam. Deus peccatores odio habet in quantum abominatur illos propter malum culpæ, & vult illis malum pænæ: eosdem etiam aliquantulum diligit, in quantum vult illis bonum existentie, & bonum nature, ac de tali bono complacet. Addo, quod si ipsum peccatum identificatur cum aliquo bono, Deus ita odit simpliciter peccatum, ut in eo amet secundum quid bonum, cum quo identificatur. Vnumquodque enim in quantum habet aliquid boni, aliquantulum diligitur à Deo.

17. Ad 4. nego minorem, ac dico, quod quia Deus etiam possibilibus vult bonum possibilitatis, etiamabilia aliquantulum amat.

18. Ad 5. distinguo antecedens: potest Deus æqualia inæqualiter amare simpliciter.

simpliciter, & absolute, nego: potest inaequaliter amare secundum quid, & conditionate, concedo; & distinguo eodem. patet o consequens. Amare simpliciter, & absolute est velle alicui bonum simpliciter, & absolute; sed Deus aequalibus vult conferre simpliciter, & absolute bonum aequale; melioribus vult simpliciter, & absolute conferre bonum maius; ergo aequalia simpliciter, & absolute aequaliter amat, meliora simpliciter, & absolute magis amat. Velle alicui bonum, non absolute, sed solum conditionate conferendum est illud amare solum secundum quid, & conditionate; ergo ex eo, quod Deus ex duobus aequalibus possit velle vni conferre aliquod bonum sub aliqua conditione, sub qua non velit conferre alteri, sequitur solum, quod vnum secundum quid, & conditionate magis amet quam alterum, non autem quod magis amet simpliciter, & absolute.

QVAESTIO LX.

Utrum Deus creaturas rationales possit amare, ac de facto amet amore amicitiae.

1. **V**idetur non posse, primo ex Aristotele 8. Ethicorum cap. 2. ad amicitiam requiritur, ut sit *Mutuus Amor, non latens*: sed homines in hac vita igno-

rant, vtrum à Deo amentur : *Nescit enim homo, vtrum Amore, an odio dignus sit, ut dicitur Ecclesiastici 9. ergo.*

2. Secundò ex eodem Aristotele primo Ethicorum cap. 5. *Amicus est qui que bona amico fore putat, ea propter ipsum agit Amicum*; sed homines non possunt facere Deo vllum bonum, Deus autem licet faciat homini multa bona, tamen illa facit, non propter homines, sed propter ipsum Deum; siquidem, ut dicitur Prouerb. 16. *Omnia propter semetipsum operatus est Deus*; ergo &c.

3. Tertiò ex Aristotele 8. Ethicorum cap. 5. amicitia ordinatur ad hoc, ut Amici inuicem conuiuant, & conuersentur: sed homines non possunt cum Deo, & Angelis conuiuere, & conuersari, ut Daniel. 2. Sapiètes Chaldæorum dixerūt Nabuchodonosor Regi; ergo.

4. Quartò ex Aristotele 9. Ethicorum cap. 11. Domini ad seruum, ut seruum dari non potest amicitia; sed homo, & omnis creatura essentialiter est serua Dei; ergo &c.

5. Quintò ex Aristotele 7. Moralium ad Eudemum cap. 5. ad amicitiam perfectam requiritur, ut amici sint æquales, vel non valdè inæquales; sed Deus, & creatura habent infinitam inæqualitatem; ergo. Ideo idem Aristoteles 2. magnorum moralium capit. 12. docet dari non posse amicitiam inter Deum, & hominem.

6. Sextò ex Aristotele 8. Ethicorum cap. 13.

cap. 13. & 14. ad amicitiam requiritur, vt amici præstent sibi inuicem æqualia, vel proportionalia; sed homines non possunt Deo dare æqualia, neque proportionalia, ijs, quæ accipiunt; ergo &c.

7. Septimò ex Aristotele 8. Ethicorum cap. 6. in amicitia perfecta non possunt esse multi amici; sed Deus esset amicus omnibus iustis, qui sunt plurimi; ergo &c.

8. Octauò ad amicitiam perfectam, requiritur, vt amicus, si potest impedire, nè amicus peccando incidat in æternam miseriam, impediatur; sed Deus solos iustos prædestinatos impedit, ne peccando incident in æternam miseriam; ergo videtur Deus esse amicus non omnibus iustis, sed solis prædestinatis.

9. Respondeo, quod amicitia ex doctrina Aristotelis 8. Ethicorum, cap. 2. definiri potest: *Mutua beneuolentia non latens, qua aliqui bona sibi volunt, & conferunt ad inuicem, gratia alterius, & volunt inuicem conuiuere, & mutuo delectari de bonis alterius.*

10. Quatuor igitur ad veram amicitiam requiruntur conditiones. Prima est, vt amicus ametur, tamquam finis cui, & propter ipsum amicum, adeoque amore beneuolentiæ, & non solum amore concupiscentiæ, hoc est propter nostram delectationem, vel utilitatem, eo pacto, quo amatur equus, panis, vinum &c. quia sunt nobis utilia, & iucunda. Secunda conditio est, vt amor sit mutuo notus.

Ideò

Ideo qui se mutuò diligunt, sed hoc ignorant, sunt quidem mutuò beneuoli, & ad amicitiam dispositi, sed adhuc non sunt amici. Tertia est, vt amici se mutuò ament amore non purè speculatiuo, sed practico, & actiuo, ita vt velint efficaciter sibi mutuò conferre bona, saltem illa, quibus non collatis, potest rationabiliter dissolui amicitia. Quarta est, vt amici velint inuicem conuiuere, & mutuò delectari de bonis alterius. Vt enim docet Aristoteles 8. Ethicorum, cap. 5. actus conuiuendi est præcipuus inter actus amicitie, & est finis amicitie, & ideo qui se mutuò diligunt, sed nolunt conuiuere, & conuersari, sunt potius beneuoli, quam amici, & qui propter ætatem, vel nimiam quandam seueritatem sunt parum iucundi in conuietu, sunt parum apti ad amicitiam, vt loco citato Aristoteles docet.

II. Hoc posito, dicendum primò: inter Deum, & creaturam naturaliter dari non potest vera, & propria amicitia. Probatur: nam amicitia ordinatur ad hoc, vt amici inuicem conuiuant, & conuersentur, ideoque qui naturaliter non possunt inuicem conuiuere, & conuersari, naturaliter non possunt esse amici; sed Deus, & creatura naturaliter non possunt inuicem conuiuere, & conuersari; ergo &c. Probatur minor: ad conuiuendum enim requiritur, vt amici possint se mutuò videre, & intuitiue percipere; sed nullus intellectus creatus potest

test naturaliter videre Deum, illumque intuituè percipere, vt dictum est quæst. 25. ergo.

12. Dicendum secundò: inter Deum, & hominem, aliasque creaturas intellectuales, potest supernaturaliter dari amicitia.

13. Probatur primò: nam Psalmo 138. dicitur: *Nimis honorati sunt amici tui Deus: Sapientia 7. Participes facti sunt amicitia Dei.* Lucæ 13. *Vos amici mei estis:* Ioan. 15. *Vos autem dixi amicos.* Confirmatur: nam possumus esse filij adoptiui Dei, ideoque Ioan. 1. dicitur: *Dedit eis potestatem filios Dei fieri:* sed inter Patrem, & filium adoptiuum dari potest, & debet vera amicitia; ergo &c.

14. Probatur secundò: Deus enim, & homo possunt supernaturaliter se mutuò diligere amore habente quatuor conditiones explicatas in definitione amicitia; ergo &c. Probatur antecedens, discurrendo per singulas conditiones.

15. Prima conditio est, vt amicus velit amico bona propter ipsum amicum, & non solum propter commodum, & utilitatem amantis; sed Deus vult conferre homini bona gratia, & gloria, vt benè sit ipsi homini, non autem propter commodum, vel utilitatem Dei, siquidem Deo ex bonis nostris non prouenit vlla utilitas, & vllum commodum: proportionaliter homines iusti volunt Deo dare bona extrinseca honoris, gloria, laudis, impletionis præceptorum, vt per hæc Deus glo-

ritice-

ritificat

rificetur, adeoque amant Deum, vt finem *cui* gloriæ; ergo.

16. Dices: Deus dat homini bona supernaturalia propter semetipsum, & propter suam gloriam extrinsecam; ergo habet se ipsum vt vltimum finem *cui* totius gloriæ: sed repugnat amicitia, vt amicus habeat se ipsum, vt vltimum finem *cui*; ergo &c.

17. Respondeo, distinguendo antecedens assumptum: repugnat amicitia, vt amicus habeat se ipsum, vt vltimum finem *cui* totius gloriæ, quam ponat in hoc, vt benè sit amico, habendo amicum pro fine *cui* totius utilitatis, & commodi, nego: non habendo amicum pro fine *cui* utilitatis, concedo: & nego consequentiam. Ad amicitiam requiritur, & sufficit, vt amicus velit amico bona, vt benè sit amico, habendo amicum, vt finem *cui* commodi, & utilitatis. Posito tamen hoc, non imminuit, sed auget actum amicitia, quod amicus ex excessu bonitatis, & amoris ponat suam gloriam in hoc, vt benè sit amico, & benefaciat amico, ad hoc, vt benefactor glorificetur ex eo, quod benè sit amico: sed Deus vult nobis bona supernaturalia, vt benè sit nobis, sine vlllo Dei commodo, vel utilitate, & ex excessu bonitatis, & amoris constituit suam gloriam in hoc, quod benè sit nobis; ergo &c.

18. Secunda conditio est, vt amor sit mutuò notus; sed Deo notus est amor actualis, & habitualis, quo diligitur à iustis:

stis : iustis autem per fidem notum est, quod si amant Deum, redamantur à Deo: nam Prouerb. 8. Deus dicit: *Ego diligentes me diligo*; ergo &c.

19. Non obstat, quod iusti in hac vita non sciunt certo, vtrum ament Deum, adeoque vtrum absolute redamentur à Deo. Ad amicitiam enim naturalem non requiritur, vt amicus sit certus de hoc, quod redametur ab amico, sed sufficit, vt valde probabiliter id conijciat ex signis, & effectibus; ergo à fortiori ad amicitiam cum Deo sufficit, vt simus certi, quod si amamus Deum, redamamur à Deo, & vt ex signis probabiliter possimus conijcere nos amare Deum. Addo, quod amicitia cum Deo ultimo perficitur in patria, vbi Beati euidentissimè vident se amare Deum, & à Deo redamari.

20. Tertia conditio est, vt amici se mutuò ament amore practico, quo efficaciter velint, & faciant sibi mutuò bona: sed Deus amat homines amore practico, quo illis confert bona supernaturalia gratiæ: homo amat Deum amore practico, quò vult efficaciter Deo dare bona extrinseca honoris, gloriæ, laudis, obseruantie præceptorum, & omnia, quæ si non faciat, Deus rescindet amicitiam; ergo &c.

21. Quarta conditio demum est, vt amici velint simul conuiuere, & conuersari; sed Deus ita amat iustos, vt si perseverauerint in amicitia, velit illis in æternum conuiuere, & conuersari in supernaturali

turali Beatitude : Iusti etiam ita amant Deum , vt velint in æternum conuiuere Deo , videntes Deum facie ad faciem , & in æternum amantes Deum ; ergo &c.

22. Ad 1. 2. & 3. patet ex dictis .

23. Ad quartum. ex Aristotele loco citato , dominus si vtatur seruo , vt seruo , referens illum præcisè ad utilitatem domini , non potest erga seruum exercere amicitiam ; at si vtatur seruo , vt homine capaci felicitatis , & conuictus cum domino , & velit seruo gratia ipsius serui , vt sit felix , & vt feliciter conuiuat Domino , potest esse amicus seruo . Et quidem si bonum sit seruo manere seruum , Dominus ex amicitia potest velle , vt seruus permaneat seruus ; ergo si Deus velit hominem esse felicem , & Deo conuiuere , vt bonum sit homini , & velit hominem permanere seruum Deo , quia bonum est homini seruire Deo , siquidem *Deo seruire regnare est* , Deus exercet amicitiam erga hominem .

24. Ad 5. distinguo maiorem : ad amici *Li. 1.* , quæ in amico præcellenti non supponat excessum quemdam amoris , requiritur , vt amici sint æquales , vel non valdè inæquales , concedo : quæ supponat excessum amoris in amico præcellenti , nego . Æqualitas requiritur ad amicitiam proportionaliter , ac ad matrimonium . Sicut igitur ad Matrimonium requiritur , vt coniuges sint æquales , vel pœnè æquales , nisi in coniuge præcellenti detur excessus .

cessus amoris, ex quo velit se dimittere ad contrahendum matrimonium cum valde inferiori: si autem in præcellenti detur excessus amoris, Imperator totius mundi posset contrahere matrimonium cum rustica, & cum illa seruare omnes leges perfecti matrimonij: sic potest Imperator totius mundi ex excessu amoris contrahere amicitiam cum rustico, & cum eo seruare leges amicitiae. In casu nostro Deus ex quodam inexplicabili excessu amoris infiniti contrahere vult amicitiam cum creatura, & cum illa seruare leges amicitiae. Aristoteles negans dari posse amicitiam inter Deum, & hominem, vel solum negat dari posse naturaliter, vel si negat dari posse simpliciter, & absolutè, errauit, quia lumine naturæ non potuit intelligere Deum esse ita bonum, ut ex excessu amoris possit contrahere amicitiam cum creatura.

25. Ad 6. distinguo maiorem: ad amicitiam requiritur, ut amici præstent sibi æqualia, vel proportionalia, & hæc proportio consistit in eo, ut vterque præstet alteri, quæ rationabiliter exigit, concedo: & non sufficit hæc proportio, nego: distinguo eodem pacto minorem; & nego consequentiam. Ad amicitiam sufficit, ut amici præstent sibi mutuò proportionalia proportionem consistente in hoc, ut vterque præstet alteri quæ ille rationabiliter exigit: sed Deus ita præstat homini bona supernaturalia, per quæ sanctificatur, & beatificatur, ut exigit ab homine sibi

sibi rependi perpetuum amorem, laudem, gratiarum actionem, obedientiam &c. hæc autem homo potest Deo præstare; ergo &c.

25. Ad 7. distinguo maiorem: in amicitia non possunt esse multi amici, cum multitudo amicorum imminuit amorem, & impedit actus amicitiae, concedo: cum non impedit, nego. Deus cum habeat capacitatem infinitam potest multos amicos perfectè diligere, non minus, quam vnum tantum, & potest omnibus in vita æterna conuiuere, exercendo cum illis actus amicitiae; ergo potest esse amicus omnibus iustis, etiamsi essent infiniti.

37. Ad 8. distinguo maiorem: ad amicitiam perfectam, dum adhuc est dissolubilis ex culpa vnius amici, requiritur, ut amicus, si potest impedire, nè alter amicus peccando incidat in æternam miseriam, impediatur, si hæc obligatio auferat dissolubilitatem amicitiae, nego: si non auferat, transeat. Deus cum iustis in vita præfenti contrahit amicitiam adhuc dissolubilem culpa ipsorum; sed si Deus teneretur impedire, nè iusti peccando dissoluant amicitiam, eo ipso amicitia cum iustis redderetur indissolubilis; ergo Deus ad hoc non tenetur: alioquin non posset Deus contrahere aliam amicitiam, quam omninò indissolubilem, qualem contrahit cum Beatis, non autem dissolubilem, qualem regulariter contrahit cum viatoribus. Deus autem debet posse contrahere amicitiam, non solum in-

dissol-

dissolubilem, sed etiam solubile ex culpa hominis, adeoque sine obligatione impendendi peccatum, per quod solvatur ex culpa hominis.

QVAESTIO LXI.

Vtrum in Deo dentur virtutes voluntatis, ac praesertim Misericordia, & Iustitia.

S. Th. 9. 11. 4. 1. 2. 3. & 4.

1. **P**rimò videntur in Deo non dari propriè virtutes. Virtutes enim sunt habitus, qui sunt medij inter potentiam, & actum; sed Deo, cum sit actus purus, repugnat habitus; ergo &c.

2. Secundò videntur in Deo non dari virtutes morales, sed dari sola caritas, quæ est virtus Theologica. Virtutes enim morales amant aliquam honestatem creatam, ut obiectum formale: sed Deus solam suam bonitatem increatam amat ut obiectum formale, ut dictum est quaest. 48. nu. 4. ergo &c.

3. Respondeo, ac dico primò, quod ex virtutibus voluntatis charitas, quæ est virtus Theologica, propriissimè est in Deo, ac magis propriè conuenit Deo, quam virtutes morales.

4. Probatur: nam charitas est, quæ Deus amatur efficaciter propter suam bonitatem, tamquam propter adæquatissimè obiectum.

obiectum formale, cætera verò amantur, vel odio habentur propter bonitatem diuinam; sed Deus ita seipsum efficaciter amat propter suam bonitatem, tamquam propter adequatum obiectum formale, ut cætera amet, vel odio habeat, velit, vel nolit, aut permittat, propter suam bonitatem; ergo &c. In hoc sensu ita rigoroso Deus non habet virtutes morales, quia licet velit facere actiones iustitiæ, liberalitatis &c. & amet honestatem creatam, quæ est obiectum formale virtutum moralium, tamen talem honestatem ut pote creatam non amat propter seipsam, tamquam propter obiectum formale, sed purè amat propter bonitatem diuinam, quæ est obiectum formale charitatis. Dicitur ergo Deus habere aliquas virtutes morales, quatenus perfectè amat honestatem propriam ipsarum, & ex eius amore optimè se habet ad exercendas actiones talium virtutum, & licet honestatem propriam ipsarum, ut pote creatam non habeat pro obiecto formali, tamen habet pro obiecto formali suam bonitatem, in quantum continet adæquatè honestatem creatam virtutem moralium.

5. Dicendum secundò: virtutes morales, quæ ponunt modum passionibus, non sunt in Deo propriè, sed solum metaphoricè. Probatur, nam essentia talium virtutum consistit in hoc, ut ponant debitum modum passionibus: e. g. essentia Temperantiæ consistit in hoc, ut ponat debitum modum concupiscentiis voluptatum spectan-

stantium ad gustum, & tactum: essentia fortitudinis consistit in hoc, ut ponat debitum modum timoribus, & audacijs; sed Deus est incapax passionum; ergo &c.

6. Dicendum tertio: virtutes morales, quæ versantur circa actiones, & quæ in suo conceptu formali non includunt imperfectionem, propriè conueniunt Deo: e. g. Deus propriè dicitur iustus, liberalis &c.

7. Probat: nam propriè iustus est, qui dat unicuique, quod illi debetur secundum proportionem suæ dignitatis, & prout postulat bonitas, & sapientia dantis, amans hanc ipsam honestatem propter se ipsam, vel propter obiectum formale, in quo adæquatè contineatur: sed Deus dat omnibus creaturis quæ illis debentur secundum proportionem dignitatis: dat enim omnibus substantijs proprietates debitas, & conuenientes secundum suam naturam; dat etiam præmia, & pœnas pro meritis, & amat honestatem sic dandi propter suam bonitatem, tamquam propter obiectum formale, quod continet adæquatè omnem bonitatem creatam; ergo &c. Liberalis propriè est qui dat ita, ut intendat solam vtilitatem accipientis; sed Deus ita dat, ut nullam dando intendat vtilitatem propriam, sed purè intendat vtilitatem creaturarum; ergo &c. Misericordia conuenit Deo, non quoad affectum, sed solum quoad effectum. Affectus enim misericordiæ est tristitia de miseria,

feria, vel de defectu alterius: effectus misericordiæ est auferre miseria, & defectus alterius; sed Deus est incapax tristitiæ, & per sua opera semper aufert defectus creaturarum; ergo. Obedientia, gratitudo &c. licet versentur circa actiones, tamen non conueniunt Deo, quia in suo conceptu formali includunt imperfectiones indignas Deo: e.g. obedientia, est, quæ amat honestatem obediendi superiori, & ex amore talis honestatis superiori obedit; sed Deus non habet superiorem; ergo est incapax obedientiæ. Gratitude est, quæ amat honestatem referendi gratiam pro beneficio accepto; sed Deus est incapax accipiendi beneficium: *Quis enim prior dedit illi, & retribuetur ei*, ut dicitur ad Rom. 11; ergo in Deo non datur gratitudo. Videri potest S. Thomas 1. parte quæst. 21. & Ruiz de Voluntate Dei quæst. 55.

8. Addo ex S. Thoma art. 4. quod in omnibus operibus Dei exercetur Misericordia, & Iustitia. Ratio est, quia Iustitia est, per quam unicuique datur quod illi debetur secundum proportionem suæ dignitatis, & prout postulat bonitas, & sapientia dantis; sed Deus in omnibus suis operibus dat unicuique quod illi debetur secundum proportionem suæ dignitatis, prout postulat bonitas, & sapientia ipsius Dei, qui dat; ergo. Misericordia consistit in hoc, ut creatura liberetur ab aliqua miseria saltem latè sempra, seu defectu; sed Deus per omnia sua opera
crea-

creaturis dat aliquod bonum, easque liberat ab opposito defectu carentiæ talis boni; ergo &c. Addit S. Thomas in responsione ad primum, quod Deus etiam dum damnatos punit in inferno, exercet misericordiam, siquidem illos punit citrà condignum. Videri potest etiam Ruiz de Voluntate Dei disput. vltima, sect. vltima.

9. Ad 1. distinguo maiorem: virtutes ex suo conceptu vniuersali abstrahente à diuinis, & creatis, sunt habitus, nego: virtutes creatæ, concedo maiorem; concedo minorem; & nego consequentiam. Virtus voluntatis ex suo conceptu vniuersali est, per quam voluntas bene se habet ad amandam aliquam honestatem, & ad faciendas actiones conformes tali honestati; sed diuina voluntas per se ipsam optimè se habet ad amandas omnes honestates, & ad exercendas omnes actiones honestas, ac Deum decentes; ergo diuina voluntas est omnis sua virtus. Voluntas creata è conuerso, quia per se ipsam non optimè se habet ad amandas omnes honestates, indiget virtutibus distinctis, quæ sunt qualitates, & habitus superadditi.

10. Ad 2. distinguo maiorem: virtutes morales strictè sumptæ habent pro obiecto formali honestatem creatam, concedo: virtutes morales latius sumptæ, nego: concedo minorem; & distinguo eodem pacto consequens. Iam dictum est in Deo non dari virtutes morales in eo rigore, in quo datur charitas, quæ est virtus Theologi-

ca, sed solum dari minus strictè, inquantum sunt, per quas Deus benè se habet ad amandas honestates creatas propter obiectum formale, in quo continentur adæquate, & ad exercendas actiones conformes tali honestati.

Q V A E S T I O L X I I .

Vtrum Deus ex pacto, & promissione possit se ipsum obligare creaturis non solum obligatione fidelitatis, sed etiam obligatione iustitiæ strictæ.

1. **V**idetur Deus non posse se obligare creaturis vlla obligatione morali, ne fidelitatis quidem; primò quia omnis obligatio moralis supponit, vel includit potentiam physicam non faciendi id, ad quod faciendum quis obligatur moraliter: sed Deus non habet potentiam physicam non obseruandi promissa; ergo per promissionem non obligatur moraliter ad obseruanda promissa.

2. Secundò plures Patres negant Deo omnem obligationem, & omne debitum; ergo.

3. Tertiò omnis obligatio moralis restringit libertatem; sed Deo repugnat omnis restrictio libertatis; ergo &c.

4. Quartò omnis obligatio moralis minuit

nuit dominium : sed Deo repugnat imminutio domini; ergo &c. Probatur sequela : perfectum enim dominium est potestas disponendi de re sua ad omnem usum ; sed posita obligatione morali ad non disponendum de re ad aliquem usum , dominus rei non potest de illa re disponere ad illū usum ; ergo .

5. Quintò videtur , quod licet Deus possit obligari obligatione fidelitatis , tamen non potest obligari obligatione iustitiæ . Per obligationem enim fidelitatis Deus obligatur solum sibi ipsi ad faciendum , quod ipsum decet ; per obligationem iustitiæ obligatur alteri ; sed licet non repugnet , ut Deus obligetur sibi , tamen repugnat ut obligetur alteri ; ergo &c.

6. Sextò ut Deus exerceat erga hominem iustitiam strictam , debet se conformare iuri hominis , quod ita sit ius hominis , ut simul non sit ius Dei ; sed hoc repugnat , cum Deus sit essentialiter Dominus omnium rerum , & omnium iurium creatorum ; ergo .

7. Septimò ut Deus obligaretur creaturæ ex iustitia , creatura deberet habere ius aduersus Deum ; sed hoc repugnat ; ergo .

8. Octauò ius strictum aduersus alterum est quadam non plena subiectio voluntati illius , & est quadam vis dominatiua , directiua , & coercitiua voluntatis illius , aduersus quem habemus ius ; est potestas restringendi libertatem alterius in fauorem illius , qui habet ius ; sed repu-

gnat, vt creatura non sit plenè subiecta voluntati Dei; ergo.

9. Nonò repugnat, vt Deus obligetur creaturæ obligatione obedientiæ, & vt creatura habeat ius iurisdictionis in Deū; ergo à fortiori repugnat, vt Deus obligetur creaturæ obligatione iustitiæ, & vt creatura habeat ius proprietatis in Deum.

10. Respondeo constare ex Scripturis Deum multa hominibus promississe, ac cum illis pactum, & fœdus inisse, ac Christum Dominū iam iam moriturum per testamentum nouum suam vltimam voluntatem declarasse, ac de sua hæreditate, suisque bonis sub certis conditionibus disposuisse, & testamentum morte confirmasse, vt esset irrevocabile. Deum multa hominibus promississe constat. Numer. 10. *Dominus bona promissit Israel* 1. ad Timoth. 4. *Promissionem habens vita, qua nunc est, pariter & futura*: Act. 1. *Sed expectarent promissionem Patris*: Rom. 1. *Quod ante promiserat per Prophetas suos*: Hæb. 6. *Abraham namque promittens Deus*: 1. Io. 1. *Hæc est repromissio, qua Deus promissit vobis vitam æternam*. Deum pactum cum hominibus fecisse legimus Exodi 6. & 19. & 31. Deuteron. 4. Isai. etiam 55. dicitur; *Feriam vobiscum pactum sempiternum*: Psalm. 77. *Auerterunt se, & non seruauerunt pactum*. Fœderis inter Deum, & homines initi mentio fit Gen. 6. Exod. 2. 23. & 24. & frequenter in libris Numer; & Deuteronomij: ac leuem. 49. Christo Domino dicit Pater: *De-*
di

di te in fœdus populi, & cap. 54. *Fœdus pacis meæ non mouebitur*, & cap. 6. *Fœdus perpetuum feriam eis*. Demum Christum Dominum moriturum fecisse testamentum nouum, idque morte confirmasse, constat ex Paulo ad Hæb. 9. ubi dicit: *Vbi enim testamentum est, mors necesse est intercedat testatoris. Testamentum enim in mortuis confirmatum est, alioquin nondum valet, dum uiuit, qui testatus est.*

11. Si quærat, quo pacto differant promissio, pactum, fœdus, ac testamentum, dicendum, quod promissio importat obligationem solum ex parte promittentis; pactum autem importat obligationem mutuam: ideoque Lege *Pactum* ff. de Pollicitationibus Vlpianus dicit: *Pactum est duorum consensus, atque conuentio: Pollicitatio uerò offerentis solius promissio*. Fœdus est pactum, quo depositis inimicijs, firmatur pax inter dimicantes, ideoque omnia fœdera à Deo cum hominibus inita in veteri testamento significabant pacem, & amicitiam à Deo sociali fœdere iungendam cum hominibus antea inimicis. Testamentum propriè dictum est, *Quo quis disponit de sua hereditate, & bonis, dispositione per mortem testatoris confirmanda.*

12. Quæri potest primò, utrum promissiones, pacta, fœdera, & testamenta Dei cum hominibus intelligenda sint propriè, vel metaphoricè?

13. Respondeo, quod Deus propriissimè promisit, ac fecit pactum, & fœdus cum hominibus. Ratio est, quia tam

multæ Scripturarum locutiones , quibus horum mentio fit , non debent ad sensus improprios , & metaphoricos detorqueri . Confirmatur , nam Scriptura narrat Dei promissiones , & pacta ad confirmandam , nostram spem iuxta illud Apostoli ad Hæb. 6. *Vt firmissimum solatium haberemus* , & ad Hæb. 10. *Teneamus spei confessionem indubitabilem. Fidelis est enim, qui repromissit*; & ad Rom. 4. *Secundum gratiam firma sit promissio* ; sed vt spes magis roboretur , promissiones , & pacta Dei debent intelligi propriè ; ergo &c. Testamentum etiam nouum respectu Christi fuit propriissimè testamentum , & confirmatum est morte testatoris . Testamentum vetus fuit testamentum minus propriè , & figuratiuum noui . Fuit tamen verum pactum , & testamentum sæpè in Scriptura sumitur pro pacto , iuxta illud Hieronymi in cap. 31. Ieremiæ in illa verba *Ecce dies veniunt: Quod pactum pro testamento ponimus Hebraica veritatis est , licet testamentum rectè pactum appelletur , quia voluntas in eo, atque testatio eorum , qui pactum ineunt , continetur* .

14. Quæri potest secundò , quare cum modus operandi per promissiones , pacta , foedera , testamenta , sit humanus , Deus voluerit se accommodare huic modo operandi humano .

15. Respondeo , quod quia Deus voluit fieri homo , ideo sæpè ab initio mundi apparuit vt homo , & cum hominibus egit modo humano . Videri potest Chrysostomus

sostomus Homil. 37. in Genesim super illa verba cap. 15. *Secundum quid cognoscam, quod in hereditatem accipiam eam.*

16. His positis, duplex quæstio est examinanda. Prima est, vtrum Deus per promissiones, & pacta possit se obligare, ac de facto obligauerit hominibus debito fidelitatis. Secunda est, vtrum possit se obligare, ac de facto se obligauerit debito iustitiæ strictæ.

17. Tres sunt præcipuæ sententiæ. Prima negat Deum posse per promissiones, & pacta se obligare vlla obligatione etiam fidelitatis. Hanc sententiam videtur sequi Ruiz de Voluntate Dei disp. 36. sect. 2. & 3. in quibus docet, quod licet res à Deo promissæ sint nobis debitæ, & obligatæ, tamen Deus ipse non constituitur debitor, neque obligatus. Alij tamen dicunt nec ipsas res promissas à Deo esse nobis debitas, & obligatas, sed solum esse congruum, vt nobis dentur.

18. Secunda sententia docet Deum per promissiones, & pacta posse se creaturis obligare, ac de facto obligare debito fidelitatis, non autem debito iustitiæ strictæ. Hanc sententiam inter alios sequitur Vasquez 1. parte disput. 85, & 86. & 1. 2. disputatione 314. & 3. parte disputatione 7. 8. & 9.

19. Tertia sententia docet Deum per promissiones, & pacta posse se obligare, ac de facto obligasse non solum debito fidelitatis, sed etiam debito iustitiæ strictæ. Hanc sententiam docet Suarius in opuscu-

lis de libertate, disput. 2. sect. 2. & disp. de Iustitia Dei, & Tom. 3. de Grat. lib. 12. cap. 30. & 3. parte Tom. 1. disputatione 4. sect. 5. & 6. quem alij plures sequuntur.

20. Dicendum primò : Deus potest per promissiones, & pacta se obligare creaturis obligatione fidelitatis, & de facto se obligavit.

21. Probatum primò ex Scriptura, & Patribus. Ad Rom. 4. *Ei autem, qui operatur, merces imputatur nō secundum gratiam, sed secundum debitum* : quæ verba exponens Chrysostomus dicit : *Numquam imputaretur, nisi & ipse homo aliquid attulisset*. Itaque etiam hic debitorem sibi Deum habet, non vilium rerum, sed magnarum, sublimiumque : & S. Thomas in commentario eiusdem loci Lect. 1. dicit : *Ei, qui operatur, scilicet opera iustitia, merces æterna retributionis, de qua dicitur Isaia 4. Ecce merces eius cum eo, non reputatur secundum gratiam tantum, sed secundum debitum, secundum illud Matth. 20. nonne ex denario convenisti mecum?* Augustinus in Psalm. 83. circa finem dicit. *Debitorem Dominus ipse fecit se, non accipiendo, sed permittendo. Non ei dicitur : redde quod accepisti, sed redde quod promissisti*. Et Serm. 16. de Verbis Apostoli : *Debitor enim factus est, non aliquid a nobis accipiendo, sed quod ei placuit promittendo* : & paulo post possumus exigere Dominum nostrum ; *redde quod promissisti, quia fecimus quod iussisti, & hoc tu fecisti, quia laborantes iunxisti*.

Ful.

Fulgentius in Praefat. lib. ad Monimum. :
Ille auctor est debiti, qui auctor est doni.
Nam et seipsum sua largitate dignatus est fa-
cere debitorem. Bernardus lib. 1. de libero
 arbitrio propè finem : *Promissum quidem ex*
misericordia, sed iam ex iustitia persoluen-
dum; & paulo post: Iustum quippe est, ut
reddas quod debes: debet autem, quod pollici-
us est.

22. Probatur secundò conclusio ratio-
 ne. Obligatio enim fidelitatis consistit in
 hoc, ut qui promisit, non possit non im-
 plere promissa, quin sit infidelis, & opere-
 tur contra dictamen rectæ rationis: sed
 posito, quod Deus aliquid promiserit, non
 potest non implere promissa, quin sit infi-
 delis, & operetur contrà dictamen diui-
 num, quo videt implendum esse, quod
 promisit; ergo. Ideo Apostolus 2. ad Ti-
 moth. 1. dicit: *Ille fidelis permanet, nega-*
re se ipsum non potest: Ad quæ verba allu-
 dens Dionysius cap. 8: de diuinis Nomini-
 bus dicit: *Negatio sui est à veritate prola-*
psio. Veritas autem est, & à veritate prola-
psio est ab eo, quod est prolapsio. Si ergo veri-
tas est: negatio autem veritatis prolapsio ab
eo, quod est, Deus ab eo, quod est prolabi non
potest.

23. Dices: quare non dicimus cum,
 Ruiz de Voluntate Dei disput. 56. sect. 2.
 & 3. res quidem promissas, puta æternam
 beatitudinem &c. obligari, & deberi nobis,
 Deum autem non obligari nobis, nec fieri
 debitorem.

24. Respondeo, quod hoc non dicimus

primò , quia Patres citati dicunt Deum , promittendo se facere nobis debitorem . Secundò , quia est impossibile , vt res promissa , puta vita æterna sit nobis debita ex promissione , & quod Deus non debeat illam nobis dare , ac sic sit debitor . Demum quod aliquis debeat ex fidelitate obseruare promissa , nihil aliud est , quam quod non possit non obseruare , quin sit infidelis , & operetur contra dictamen fidelitatis , quod dicat promissionem seruandam ; ergo .

25. Dicendum secundò : Deus per promissiones , & pacta potest se obligare creaturis , ac de facto obligauit obligatione non solum fidelitatis , sed iustitiæ strictæ .

26. Probatur primò auctoritate Scripturarum , & Patrum . Nam ei , qui operatur , merces promissa debetur non solum ex fidelitate , sed etiam ex iustitiâ , cum debeat ex contractu oneroso ; sed ad Rom. 4. dicitur : *Ei , qui operatur , merces debetur non secundum gratiam , sed secundum debitum* ; ergo . Matth. etiam 20. dicitur : *Quod iustum fuerit dabo vobis : reade illis mercedem ; nonne ex denario conuenistis mecum : Tolle quod tuum est , & vade* : sed quod datur operario vt pretium operis , & vt merces laboris , & vt debitum ex pacto , & conuentione , datur vt debitum debito iustitiæ ; ergo . Confirmatur , nam quod Deus debet non solum , quia est fidelis , sed etiam quia est iustus , & ita , vt si negaret , esset iniustus , debet non solum debito fidelitatis , sed etiam iustitiæ ; sed Deus pro-

promissa debet non solum, quia est fidelis, sed etiam quia est iustus, & ita ut si negaret, esset iniustus; ergo. Probatur minor: Io. 4. *Si confiteamur peccata nostra, fidelis, & iustus est, ut remittat nobis peccata nostra.* &c. Ad Hab. 6. *Nomen enim iniustus est Deus, ut obliuiscatur operis vestri, & laboris.* Augustinus lib. de Natura, & Gratia, cap. 72. *Non enim iniustus Deus, qui iustos fraudet mercede iustitie:* lib. 4. contra Iulianum cap. 3. *Deus namque ipse, quod absit, erit iniustus, si ad eius regnum verus non admittitur iustus.* Bernardus etiam lib. primo de libero arbitrio propè finem dicit: *Promissum quidem ex misericordia, sed iam ex iustitia persoluentum.*

27. Probatur secundò ratione; & ne fiat quæstio de nomine, præmitto explanationem nominum. Nomine obligationis ex iustitia stricta intelligo obligationem, qua aliquis obligatur alteri ad dandum illi ius suum, hoc est id, quod illi debetur titulo suitatis. Nomine Iuris actui stricti intelligo potestatem exigendi aliquid ab altero, ut debitum titulo suitatis. Nomine iustitiæ strictæ intelligo virtutem dandi alteri ius suum, hoc est id, quod illi debetur titulo suitatis. Dum igitur dicimus Deum obligari iustitia stricta, nomine iustitiæ strictæ intelligimus virtutem dandi alteri ius suum, hoc est id, quod illi debetur titulo suitatis, seu talis virtus amet ut obiectum formale hanc honestatem creatam dandi unicuique ius suum,

seu amet ut obiectum formale solam bonitatem diuinam continētem adequatè hanc honestatem creatam, iuxta dicta q. 61. n. 4. & 7.

28. His positis, probatur conclusio. Ex Aristotele enim 8. Ethicorum cap. 11. inter eos, inter quos potest dari amicitia, potest etiam dari iustitia; sed inter Deum, & creaturas intellectuales potest supernaturaliter dari, ac de facto datur amicitia propria, & stricta, ut cum communi opinione Theologorum ostendimus in quaestione 60. ergo &c. Probatur maior, asserendo verba Aristotelis. *In unaquaque autem Politia easenus amicitia apparet, quatenus, & ius; & paulo post. In prauis autem Politijs sicut iuris, ita amicitia parum admodum est, & minimū omnium in pessima. In Tyrannide siquidem amicitie reperitur aut nihil, aut parum, Addit deinde: Sed erga inanimata neque amicitia ulli est, neque ius, neque erga equum, aut bonem, neque erga seruum quatenus seruus: Nihil enim habent commune. Concludit: Quocirca in eo, quod est seruus, erga ipsum amicitia non est: in eo quod homo, est: Quippe cum unicuique homini ius quoddam esse videatur, erga unumcunque, qui cum ipso legis, ac fœderis esse particeps poterit. Et amicitia igitur erit quatenus homo est; ergo Aristoteles expressè docet inter eos, inter quos dari potest amicitia, dari posse etiam ius, & iustitiam.*

29. Confirmatur; nam si inter Deum, & Creaturam non posset dari Iustitia propria,

pria, nec posset dari amicitia propria, quod est falsum. Probatur sequela: nam idè inter Deum, & creaturam non posset dari Iustitia propria, quia inter Dominum, & seruum non potest dari Iustitia propria, vt docet Aristoteles loco citato, ac proindè cum creatura secundum omnem rationem sit essentialiter serua Dei, Deus non potest exercere Iustitiam propriam erga creaturam; sed hæc ratio probat etiam inter Deum, & creaturam non posse dari amicitiam propriam; nam inter Dominum, & seruum quatenus seruum non potest dari amicitia propria, vt docet Aristoteles eodem loco; ergo &c.

30. Probatur secundò conclusio, & simul soluitur, ac retorquetur fundamentum contrariæ sententiæ. Nam tunc inter dominum, & seruum non potest dari propria Amicitia, & Iustitia, cum seruus ità habet pro fine *cui* Dominum, & est gratia Domini, vt simul in alio genere non habeat pro fine *cui* se ipsum, & non sit gratia sui. Cum autem seruus ità habet pro fine *cui* Dominum, vt in alio genere habeat etiam pro fine *cui* seipsum, & sit gratia sui ipsius, inter Dominum, & seruum potest dari Amicitia, & Iustitia; sed creatura intellectualis ità est serua Dei, vt Deum habeat pro fine *cui* excellentiæ, hoc est perceptiuo solius boni extrinseci, honoris nimirum, & gloriæ, seipsam autem habeat pro fine *cui* utilitatis perceptiuo nimirum commodi, & felicitatis intrinsecæ; ergo &c.

§1. Confirmatur, & explicatur argumentum. Amicitia enim ex Aristotele 8. Ethico. cap. 2. definitur *mutua benevolentia non latens, per quam aliqui bene sibi volunt ad inuicem gratia ipsorum*; sed cum seruus ita est gratia Domini, vt in nullo genere sit gratia sui ipsius, potest solum amari gratia Domini, non autem gratia sui ipsius: cum autem seruus ita in vno genere est gratia Domini, vt in alio genere sit gratia sui ipsius, potest ita amari gratia Domini, vt ametur etiam gratia sui ipsius; ergo seruus in primo casu non potest à Domino amari amore amicitiae, in secundo potest. Proportionaliter Iustitia est virtus tribuendi alterius suum, hoc est id, quod illi debetur titulo suitatis; sed cum seruus ita est gratia domini, vt in nullo genere sit gratia sui, ita est domini, vt in nullo genere sit suus; ergo nihil illi debetur à domino titulo suitatis, ac proinde nihil illi debetur ex iustitia. E conuersò cum seruus ita in vno genere est domini, vt in alio genere sit gratia sui ipsius, & sit suus, potest illi à Domino aliquid deberi vt suum, & titulo suitatis, ac proinde ex Iustitia.

§2. Probatur quartò conclusio: vt enim dicitur in Tractatu de Iustitia, & Iure, Iustitia est *constans, & perpetua voluntas ius suum unicuique tribuendi*, hoc est Iustitia est virtus tribuendi alteri id, quod illi debetur titulo suitatis; sed eo ipso, quod creatura ita est serua Dei, vt sit etiam gratia sui, Deus potest se obligare ad tribuen-

buendum creaturæ id, quod illi debetur titulo suïtatis; ergo &c. Probat^{ur} minor: nam eo ipso, quod creatura intellectu^{alis} in aliquo genere est gratia sui ipsius, potest Deus ex pacto inito in fauorem creaturæ intellectu^{alis} se obligare ad dandum, illi a quale pro meritis, & labore; sed obligatio, qua quis in fauorem alterius se obligat ad dandum ipsi æquale pro meritis, & labore, est obligatio, qua se obligat ad dandum illi quod debetur titulo suïtatis; ergo &c. Confirmatur primò: nam Deus de facto in Testamento veteri per Moysen fecit cum Israelitis pactum, quo. in fauorem ipsorum se obligauit ad dandam illis terram promissionis, & plurima bona temporalia, si obseruarent legem veterem. In Testamento autem nouo per Christum fecit cum omnibus hominibus in eorum fauorem pactum dandi illis bona spiritualia, & æternam Beatitudinem aequali meritis, si obseruarent legem Christi. Voluit autem hæc pacta fieri per Moysen, & Christum ritu solennissimo, ac pactum vetus voluit confirmari sanguine Hircorum, & Vitulorum, pactum nouum voluit confirmari sanguine Christi, qui idcirco dicitur sanguis noui, & æterni testamenti. Pactum enim per modum testamenti ita confirmatur sanguine, & morte testatoris, vt reddatur omnino irreuocabile; ergo Deus de facto per hæc duo pacta se obligauit hominibus ex iustitia.

33. Hinc sequitur Deum de facto non
soluam

solum se obligasse hominibus ex iustitiâ, sed etiam se illis obligasse ex iustitiâ commutativa. Obligatio enim, qua aliquis in fauorem alterius se obligat ad dandum illi arithmeticè æquale pro meritis; & labore, est obligatio iustitiæ commutatiuæ, vt ex Aristotele, & S. Thoma 2.2. quæst. 61. art. 1. dicitur in Tractatu de Iustitiâ, & iure; sed Deus per nouum pactum, & Testamentum se obligauit ad dandum hominibus arithmeticè æquale in sensu eo loco explicato pro meritis, & labore: ergo se obligauit ex iustitiâ commutatiua, ideoque beatitudo æterna ab Apostolo 2. ad Timotheum 4. vocatur corona iustitiæ per illa verba: *in reliquo reposita est mihi corona iustitiæ, quam reddet mihi Dominus in illa die iustus Iudex*. Confirmatur, nam obligatio, qua per pactum, & contractum onerosum duo in mutuum fauorem se mutuo obligant ad aliquid dandum, vel faciendum, est ex iustitiâ commutatiua: e.g. obligatio, qua Dominus vineæ in fauorem operarij obligat se ad dandum operario pretium æquale operi, ac labori, quo vineam excolnerit, operarius autem in fauorem Domini obligat se ad laborandum in vinea, est ex iustitiâ commutatiua; sed in Testamento, seu pacto veteri, Deus in fauorem Israelitarum se obligauit ad dandam illis Terram promissionis, & multa bona temporalia, si obseruarent legem, & vt legem obseruarent; Israelitæ in fauorem, & honorem Dei se obligarunt expressè ad obseruandam legem, vt acci-
pe-

perent terram promissionis, & alia bona promissa; ergo Deus, & Israelitæ mutuò se obligarunt ex iustitia commutativa. Proportionaliter in nouo Testamento adulti, dum sponte baptizantur, obligant se in fauorem, & honorem Dei ad obseruandam legem Christi, vt obtineant bona spiritualia promissa: Deus autem in fauorem hominum obligat se ad danda illis bona spiritualia, & æternam Beatitudinem, vt ab ipsis obtineat obseruantiam legis Christianæ; ergo &c.

34. Dices: ad obligationem ex iustitia stricta requiritur, vt non supponat, neque inuoluat gratiam; sed obligatio, qua Deus se obligat ex promissione, vel pacto, supponit, & inuoluit promissionem, & pactum gratuitum: est enim magna gratia, quod Deus voluerit promissione, & pacto se obligare ad dandam nobis vitam æternam, si seruauerimus mandata &c. ergo obligatio ista non est ex iustitia stricta.

35. Respondeo, negando maiorem. Potest enim obligatio strictissimæ iustitiæ supponere, vel includere gratiam: e. g. potest aliquis gratis se obligare ex iustitia ad seruiendum alteri. In hoc casu ex iustitia obligatur ad seruiendum illi, & tamen gratis se obligauit, adeoque obligatio ex iustitia supponit gratiam. Proportionaliter licet Deus ex gratia promittat vitam æternam seruantibus mandata, tamen posita promissione, & pacto gratuito, Deus ex iustitia obligatur ad dan-

dant vitam æternam servantibus mandata , iuxta illud Bernardi lib. 1. de libero arbitrio propè finem : *Promissum quidem ex misericordia , sed iam ex iustitia persolvendum .*

36. Dices : saltem quod debetur ex iustitia stricta , non potest esse gratia , seu donum gratuitum ; sed vita æterna est gratia iuxta illud Apostoli ad Rom. 6. *Stipendium peccati mors ; gratia autem Dei vita æterna ; ergo .*

37. Respondeo , distinguo maiorem : quod debetur ex iustitia stricta non potest esse gratia debita pro gratia , nego ; non potest esse gratia omnino indebita , concedo ; distinguo eodem pacto minorem ; & nego consequentiam . Duplex est gratia , altera omnino indebita , altera debita ex suppositione alterius gratiæ . Gratia omnino indebita non potest esse debita ex iustitia , ut patet : at gratia debita ratione alterius gratiæ potest esse debita etiam ex iustitia , si Deus sua promissione , & pacto se obligaverit ad illam dandam pro altera gratia . Ideò Apostolus sicut vitam æternam vocat gratiam dicens ad Rom. 6. *Stipendium peccati mors , gratia autem Dei vita æterna* , sic vocat etiam coronam iustitiæ dicens 2. ad Timoth. 4. *In reliquo reposita est mihi corona iustitiæ , quam dabit mihi Dominus in illa die iustus iudex .*

38. Ad 1. distinguo maiorem : omnis obligatio moralis supponit , vel includit potentiam physicam non faciendi in sensu composito cum obligatione id , ad quod facien-

faciendum datur obligatio moralis, nego: in sensu diuiso, concedo: distingo eodem pacto minorem; & nego consequentiam. Ad obligationem moralem sufficit, vt quis in sensu diuiso ab obligatione possit physicè facere oppositum, at non requiritur, vt in sensu composito cum obligatione possit facere oppositum; sed Deus in sensu diuiso à promissione posset facere oppositum eius, quod promittit; ergo Deus potest sua promissione se obligare moraliter ad aliquid; & in Deo vtpotè impeccabili obligatio moralis semper coniungitur cum necessitate physica faciendi id, ad quod Deus se moraliter obligat.

39. Dices: ergo Deus non liberè obseruat promissa.

40. Respondeo, distingo consequens; ergo Deus non liberè obseruat promissa libertate coniungendi non impletionem promissi cum promissione, concedo; libertate non promittendi, & sic non faciendi rem promissam, nego. Deus proculdubio non est liber ad coniungendam non impletionem rei promissae cum promissione; alioquin posset esse infidelis. At est liber ad non promittendum, & sic ad non faciendam rem promissam, & eadem voluntate liberrima, qua promittit, liberrimè vult facere rem promissam, & obseruare promissionem, ideoque liberè obseruat promissa.

41. Ad 2. distingo antecedens: Patres negant Deo omnem obligationem, &

& omne debitum absolutum, & antecedens pactum, & promissionem diuinam, concedo: conditionatum, & consequens promissionem diuinam, vel aliquam operationem Deo liberam, nego; & nego consequentiam. Patres dum videntur negare Deo omne debitum, negant solum debitum antecedens promissionem, & pactum, debitum autem consequens concedunt, vt patet ex testimonijs allatis num. 26.

42. Ad 3. concedo maiorem, & distinguo minorem: Deo repugnat restrictio libertatis consequens determinationem liberam Dei, nego; antecedens determinationem liberam Dei, concedo; distinguo eodem pacto minorem; & nego consequentiam. Liberum arbitrium etiam diuinum, eo ipso quod est potentia se determinandi ad vnā partem contradictionis, est potentia restringendi suam libertatem ad vnā partem contradictionis, & eo ipso, quod se determinat, suam libertatem restringit; ergo non est absurdum, quod Deus cum liberè promittit aliquid, suam libertatem restringat ad faciendum id, quod promittit.

43. Ad 4. nego maiorem: ad probationem, distinguo maiorem: Perfectum dominium est potestas disponendi de re ad omnem vsum consequenter ad voluntatem disponendi solum ad aliquem determinatum vsum, & non ad alium, nego: antecedenter ad talem voluntatem, concedo: distinguo eodem pacto minorem; & nego
con-

consequentiam . Ad perfectum dominium requiritur , vt quis antecederet ad voluntatem disponendi de re ad aliquem vsum , & non ad alium , possit de re disponere ad omnem vsum , sed non requiritur , vt consequenter ad voluntatem disponendi de re solum ad aliquem vsum , & non ad alium , intelligatur potens disponere de re ad omnem vsum ; hæc enim potentia est chimerica . Deus dum promissione , vel pacto se obligat ad aliquid faciendum , iam vult disponere de re ad vsum promissum , & non ad alios vsus oppositos ; ergo non minuitur perfectio dominij per hoc , quod consequenter ad talem voluntatem , ac dispositionem , non possit de re disponere ad vsus oppositos promissioni .

44. Dices: saltem ad perfectum dominium requiritur , vt quis possit de re sua disponere ad omnem vsum , altero inuito ; sed Deus non posset disponere ad omnem vsum , inuita illa creatura , cui obligaretur ex iustitia ; ergo .

45. Respondeo , negando maiorem . Deus enim de facto non potest de creaturis liberis disponere ad faciendos actus liberos , ipsis inuitis ; siquidem repugnat , vt actus liberi fiant , inuito eo , cuius sunt actus liberi , & tamen Deus est perfectus Dominus creaturæ liberæ etiam in ordine ad actus liberos , quia potest facere , vt creaturæ non sint inuitæ in ordine ad quoslibet actus liberos , sed vt illos voluntariè faciant ; sed si Deus obligaretur
ad

ad disponendum de re aliqua iuxtà voluntatem creaturæ, posset facere, vt illa non esset inuita ad quemlibet vsum, sed illi voluntariè consentiret; ergo.

46. Ad 5. nego minorem. Iam enim dictum est non solum non repugnare, vt Deus obligetur sibi ipsi obligatione fidelitatis, sed etiam non repugnare, vt obligetur alteri in fauorem illius obligationis iustitiæ.

47. Ad 6. nego maiorem. Sicut enim vt Deus exerceat cum homine amicitiam, sufficit, vt operetur gratia hominis, & in fauorem ipsius hominis, licet simul operetur gratia ipsius Dei, & in fauorem Dei; sic vt Deus exerceat iustitiam erga homines, sufficit, vt se conformet iuri, quod sit ius hominis, & in fauorem intrinsecum ipsius hominis, licet simul sit ius Dei, & in fauorem extrinsecum Dei.

48. Dices: ex Aristotele 5. Ethicorum cap. 6. Nullius erga sua simpliciter iustitia, aut iniustitia est, ac proinde nemo potest exercere iustitiam, vel iniustitiam simpliciter erga sua; ergo &c.

49. Respondeo distinguo antecedens: nemo potest exercere iustitiam, vel iniustitiam erga sua simpliciter, quæ simul in alio genere sint simpliciter alterius, nego: quæ in alio genere non sint etiam alterius, concedo. Sicut Deus potest exercere amicitiam, operando gratia sui, si simul etiam operetur gratia Creaturæ rationalis, sic potest exercere iustitiam per hoc, quod vtatur re, quæ ita sit sua ipsius Dei, vt in alio

alio genere sit etiam alterius hoc est creaturæ rationalis.

50. Ad 7. distinguo maiorem: creatura deberet habere ius aduersus Deum, quo nimirum Deus graueretur, nego; quo Deus ita obligaretur in fauorem creaturæ, ac titulo iustitiae, vt simul obligaretur in fauorem ipsius Dei, concedo: distinguo eodem pacto minorem; & nego consequentiam. Repugnat, vt creatura habeat ius aduersus Deum, quo nimirum Deus grauetur: at non repugnat, quod creatura habeat ius aduersus Deum, quo Deus obligetur obligatione restringente libertatem Dei in fauorem Dei simul, & creaturæ. Confirmatur, nam aduersarij concedunt, Deum pacto, ac promissione posse suam libertatem restringere obligatione fidelitatis; ergo potest etiam restringere obligatione iustitiæ.

51. Ad 8. distinguo maiorem: ius strictum aduersus alterum non subordinatum altiori iuri illius, est quædam non plena, & non totalis subiectio, concedo: subordinatum altiori iuri illius, nego: concedo minorem; & nego consequentiam. Duplex est ius, & dominium, alterum vtilitatis, alterum excellentiæ. Ius, & dominium vtilitatis est potestas disponendi de aliquo in ordine ad suam perfectionem intrinsecam, saltem in ordine ad intrinsecum gaudium de tali dispositione. Ius, & dominium excellentiæ est potestas disponendi de aliquo in ordine ad suum bonum purè extrinsecum, hoc est in ordine ad

ad suum honorem, & gloriam. Deus est prorsus incapax ex dispositione creaturarum percipiendi vllum bonum, & vllum gaudium intrinsecum, cum per se ipsum sit omne suum bonum intrinsecum, & omne suum gaudium, & solam est capax ex dispositione creaturarum percipiendi bona extrinseca honoris, & gloriæ, ideoque Deus est capax solius dominij, ac iuris excellentiæ, & est prorsus incapax dominij, ac iuris vtilitatis. Hinc sequitur, quod creatura potest habere plenum, ac perfectum dominium, & ius vtilitatis, subordinatum tamen perfectissimo dominio diuino excellentiæ. Hoc dominium coniungitur cum plena, & totali subiectione creaturæ erga Deum: siquidem creatura subijcitur Deo sola subiectione excellentiæ, per quam refertur ad bonum extrinsecum Dei honoris, & gloriæ; non subijcitur subiectione vtilitatis, per quam referatur ad bonum intrinsecum Dei; ergo creatura potest habere plenum, & perfectum dominium, & ius vtilitatis coniunctum cum plena, & totali subiectione erga Deum. Proportionaliter dico, quod ius subiectum altiori iuri diuino non est dominium in Deum, neque est vis directiua Dei. Licet autem omne dominium sit ius, non omne ius est dominium; siquidem dominium est species iuris.

52. Confirmatur solutio: nam simili argumento probari posset repugnare amicitiam propriam creaturæ cum Deo. Amicitia

citia enim propria, & stricta est quadam non plena servitus; plenè enim servus non amatur gratia sui, sed gratia solius Domini: amicus autem amatur gratia sui. Argumentum soluitur simili distinctione, quod amicitia, qua aliquis amatur ut finis *cui* non subordinatus amanti tanquam fini altiori, opponitur perfectæ servituti: at amicitia, qua aliquis amatur ut finis *cui* subordinatus amanti tanquam fini altiori, non opponitur perfectæ servituti.

53. Dices: ius proprietatis definitur *potestas restringendi libertatem alterius in fauorem illius, qui habet ius*; sed repugnat, ut creatura habeat ius restringendi libertatem Dei; ergo.

54. Respondeo, distinguo maiorem; ius supponens libertatem alterius iam liberè determinatam ad facienda omnia, quæ videt exacturum eum, qui habet ius, est potestas restringendi libertatem alterius, nego: ius non supponens voluntatem alterius sic determinatam, concedo maiorem: concedo minorem; & nego consequentiam. Deus dum promissione, vel pacto se obligat creaturæ ad aliquid, cum iam videat per scientiam mediam, quid creatura sit exactura, si sic se obligauerit, vult determinatè facere illa omnia, quæ videt creaturam exacturam, adeoque liberè suam libertatem determinat, & restringit ad singula illa facienda; ergo creatura, quæ acquirit ius, non potest libertatem diuinam, quam supponit li-

berè determinatam, & restrictam à se, restringere & determinare. At qui habet ius aduersus creaturam, cuius libertas supponitur indifferens ad faciendā, vel non faciendā quæ exegerit habens ius, potest voluntatem eius, aduersus quem habet ius, restringere, & determinare.

55. . Ad 9. concedo antecedens, & nego consequentiam. Disparitas est, quia obligatio obedientiæ est obligatio operandi iuxta directionem alterius: Deus autem cum sit prima regula non potest obligari ad operandum iuxta directionem alterius. At obligatio Iustitiæ est obligatio operandi in fauorem alterius; non repugnat autem vt Deus supernaturaliter se obliget ad operandum in fauorem alterius, qui fauor ordinetur vltimò ad honorem, & gloriam ipsius Dei.

QVÆSTIO LXIII.

Vtrum Deus viuat vitam perfectissimam, & beatissimam.

S. Th. 9. 18. & 26.

1. **V**idetur Deus non viuere: nam viuere est mouere seipsum; sed Deus non mouet seipsum, cum sit omninò immobilis; ergo &c.

2. Respondeo Deum viuere vitam perfectissimam, & beatissimam, immo esse ipsam vitam perfectissimam, & beatissimam.

mam. Probatur, nam vita consistit in hoc, ut res propriè, vel analogicè moueat se ipsam, ità ut habeat à se suos actus, & operationes; sed Deus habet à se ipso adequatè actus, & operationes intelligendi, & volendi; ergo &c. Rursus vita beata consistit in cognitione perfectà, summi veri continentis omne verum, & in amore, & gaudio perfectò de summo bono continentè omne bonum; sed Deus cognoscit comprehensiuè seipsum, qui est verum continens omne verum, & amat, & gaudet de seipso, qui est bonum continens omne bonum; ergo &c. Quia verò Deus est ipsa cognitio, amor, & gaudium de se ipso, ideò non solum viuunt vitam perfectissimam, & beatissimam, sed est ipsa vita perfectissima, & beatissima.

3. Addo primò omnem vitam creatam comparatam cum vita diuina esse vitam imperfectam. Ratio est, quia perfectio vite consistit in hoc, ut viuens habeat à se ipso suos actus, & suas operationes præsertim intelligendi, & volendi; sed solus Deus adequatè habet à se ipso suos actus, & operationes; creaturæ verò licet habeant aliquo pacto à se ipsis suos actus, & operationes, tamen illas inadæquatè habent à se ipsis, & magis habent à Deo principio extrinseco, quam à se ipsis, & ab intrinseco; ergo creaturæ viuunt imperfectè, ac solus Deus viuunt perfectè. Videri possunt quæ de hoc diximus in Philosophia lib. 5. cum S. Thoma art. 4. quaest. 18.

4. Addo secundò, quod omnia etiam quæ in se ipsis non viuunt, ac non sunt vita, in Deo sunt vita, iuxta illud Ioan. 1. *Quod factum est, in ipso vita erat.* Ratio est, quia omnia existunt in Deo vt cognita, & intellecta per ipsam diuinam intellectionem; sed diuina intellectio est vita; ergo omnia in quantum existunt in Deo, sunt vita.

5. Ad argumentum in contrarium distinguo antecedens; viuere est mouere se ipsum propriè, vel analogicè, concedo; solum propriè, nego: distinguo eodem pacto minorem; & nego consequentiam. Viuere est mouere se ipsum, vel propriè per hoc, quod aliquid sit principium actuum motus, siue operationis in se ipso, vel analogicè per hoc quod aliquid sit ratio sui motus, & operationis; sed Deus licet non sit principium actuum suæ intellectionis, & volitionis, tamen est adæquata ratio suæ intellectionis, & volitionis; ergo perfectissimè viuunt.

TRACTATVS SEXTVS

*De Prouidentia, Prædestinatione, & Re-
probatione.*



VIA Prouidentia, & Prædesti-
natio, ac Reprobatio includunt
simul actus intellectus, & volun-
tatis, idè S. Thomas postquam
à qua-

à quæstione 14. vsque ad 21. egit de Intellectu, & Voluntate Dei, quæstione 22. agit de Prouidentia Dei, quæstione 23. de Prædestinatione, & Reprobatione, quæstione 24. de Libro vitæ. Doctrinam harum quæstionum examinabimus quæstionibus, quarum tituli videri possunt in Indice initio proposito.

QVÆSTIO LXIV.

Utrum in Deo sit. prouidentia, cui omnia sint subiecta, & per quam omnibus immediatè provideat.

S. Th. 9. 22. 41. 2. 3. & 4.

1. **P**rimò videtur in Deo non dari Prouidentia: prouidentia enim, sicut & prudentia est consiliatiua, & consultatiua de rebus agendis; sed consultatio, & consilium, cum sint de rebus dubijs, repugnant Deo, qui de nulla re potest dubitare; ergo.

2. Secundò videntur non omnia, quæ fiunt, esse subiecta diuinæ prouidentiae. Quod enim sit ex prouidentia gubernantis, non sit fortuito, neque casualiter; sed in Mundo multa fiunt fortuito, & casualiter; ergo.

3. Tertiò quæ fiunt præter intentionem gubernantis non sunt subiecta eius prouidentiae; sed peccata fiunt præter in-

174 *De Providentia Dei*
teⁿtionem Dei ; ergo non sunt subiecta
diuinæ Providentiæ .

4. Quartò Providentia , sicut & pru-
dentia ex Aristotele 6. Ethicorum cap. 5.
9. 10. & 11. est *recta ratio contingentium* ,
de quibus est consilium , & *electio* ; sed præ-
ter effectus contingentes dantur etiam in
Mundo multi effectus necessarij ; ergo
&c.

5. Quintò videtur Deus non provide-
re immediatè omnibus rebus . Si enim
Deus immediatè prouideret omnibus re-
bus , excluderentur causæ secundæ , ac
saltem excluderetur providentia causarum
secundarum vt frustranea .

6. Sextò ad dignitatem supremi Prin-
cipis spectat , vt non omnibus provideat
immediatè , sed aliquibus provideat solum
mediatè per ministros , & vt docet Augu-
stinus in Enchiridio cap. 17. & Aristoteles
12. Metaph. text. 41. melius est quædam
nescire , quam scire , vt valdè vilia ; sed
Deo tribuendum est omne , quod est me-
lius ; ergo Deus quædam vilia , quæ fiunt
in vniuerso , non scit , ac proindè neque
illis immediatè prouidet , ideoque Aposto-
lus 1. ad Corinthios 9. dicit : *Numquid de
bobus cura est Deo ?*

7. Septimò Deus non prouidet ijs, quæ
reliquit in manu consilij sui ; sed Deus
creaturas liberas reliquit in manu consilij
sui , ideoque Ecclesiast. 15. dicitur : *Deus
ab initio constituit hominem , & reliquit
eum in manu consilij sui* ; ergo Deus non
immediatè prouidet creaturis liberis. Con-
firma-

firmatur, nam si Deus immediatè prouideret creaturis liberis, imposeret illis necessitatem, & libertatem auferret.

8. Respondeo, quod prouidentia definitur à Sancto Thoma hac quæstione 22. art. 1. in corpore: *Ratio ordinis rerum in finem*, & vt idem Sanctus Doctor refert, definitur à Boetio lib 4. de Consolatione Philosophiæ Prosa 6. *Diuina ratio in summo omnium Principe constituta, per quam cuncta disponit*. Sensus harum definitionum est, quod Prouidentia est *diuina ratio, qua res ordinat ad suos fines per media conuenientia*.

9. Circa diuinam Prouidentiam in hoc sensu plures tuerunt errores, qui referuntur à Ruiz de Prouidentia disp. 1. sect. 2. & ex doctrina Sancti Thomæ hac quæst. 22. art. 2. & 4. reduci possunt ad quinque. Primus est Democriti, Epicuri, & aliorum, qui totaliter negarunt Deo Prouidentiam, ac dixerunt Mundum factum fuisse casu. Secundus est aliorum, qui dixerunt, Deum habere Prouidentiam solum rerum caelestium, & incorruptibilem, non autem sublunarium, & corruptibilem, & ex horum persona dicitur de Deo Iob. 22. *Circa cardines Celi perambulat, nec nostra considerat*. Hunc errorem videtur secutus Aristoteles, & magna ex parte Plàto, vt docet Ruiz de Prouidentia disp. 1. sect. 2. Tertius fuit Rabbi Moyfis, qui vt refert S. Thomas hac quæst. 22. art. 2. docuit Deum habere Prouidentiam de solis indiuiduis incor-

ruptibilibus, non autem de corruptibilibus, exceptis hominibus, quos propter splendorem intellectus dignos existimauit, vt de ijs etiam quoad indiuidua Deus haberet prouidentiam, & gereret curam. Quartus est eorum, qui dixerunt Deum non habere præscientiam, & prouidentiam immediatam de nostris actibus liberis, quia alioquin auferret illis libertatem, & hunc errorem videtur secutus Tullius, de quo dixit Augustinus lib. 5. de Ciuitate cap. 9. *Dum homines vult facere liberos, facit sacrilegos.* Quintus est aliorum, qui dixerunt Deum ita habere prouidentiam de omnibus, etiam de actibus nostræ voluntatis, vt rebus omnibus imponat necessitatem, ac actibus voluntatis auferat libertatem.

10. Contra hos errores de fide est, ac ratione etiam naturali demonstratur, Deum habere prouidentiam omnium rerum, non solum cælestium, & incorruptibilium, sed etiam inferiorum, & corruptibilium, non solum quoad speciem, sed etiam quoad indiuidua, ac præsertim habere prouidentiam actionum humanarum, nec illis libertatem auferre.

11. Probatur primò hæc veritas ex Scriptura. Sapientiæ enim sextò dicitur: *Aequaliter est illi cura de omnibus*: & cap. 11. *omnia in mensura, numero, & pondere constituisti*; & cap. 12. *Non est alius Deus, quam tu, cui est cura de omnibus.* Prouerb. 18. *Attingit à fine, usque ad finem fortiter, & disponis omnia suauiter.*

Mat-

Matthæi 6. & 10. & Lucæ 12. Christus dicit. *Respicite volatilia Cæli, quoniam non ferunt, neque metunt, neque congregant in horrea, & Pater cælestis pascit illa. Nonne vos magis pluris estis illis?* & Matth. 10. *Nonne duo passeret asse venderunt, & unus ex illis non cadet super terram sine Patre vestro?* Præterea tota Scriptura in eo versatur, ut proponat Deum per præcepta, consilia, doctrinam, exempla, reuelationes, supplicia, præmia &c. nos à vitijs auocantem, & ad virtutem allicientem; sed hæc omnia probant Deum habere specialem prouidentiam rerum humanarum, ac illis non auferre libertatem; nam iniuste puniret pro peccatis commissis, si non fuisset liberum ad illa vitanda; ergo.

12. Probatur secundò eadem veritas ratione naturali. Ex dictis enim quæst. 18. num. 9. & sequentibus, Deus est infinite perfectus, & habet omnes perfectiones simpliciter simplices; sed ad infinitam Dei perfectionem spectat, ut omnia ab æterno cognoscat non solum in vniuersali, sed etiam in particulari, & in indiuiduo, & ut omnia etiam in particulari, & in indiuiduo disponat, ita ut nihil fiat, quod eius prouidentiam effugiat; ergo &c. Confirmatur, nam naturaliter homines in angustijs, & periculis inuocant diuinum auxilium; multi etiam in aduersitatibus Deo irascuntur, & in illum blasphemias proferunt; ergo naturaliter supponunt nihil euenire, quod diuinam prouidentiam effugiat.

13. Probatur tertio: nam id, quod in vniuerso est pulcherrimum, & optimum, non debet dari casu, per accidens, & præter intentionem; sed agentia particularia, habent ideam solum effectuum particularium, illosque intendunt; ergo ne totum vniuersum sit casu, per accidens, & præter intentionem, necesse est, vt primum agens vniuersale, hoc est Deus habeat ideam totius operis, & omnium partium vniuersi, & omnia non solum in vniuersali, sed in particulari, & in indiuiduo disponat, & ordinet ad suos fines, ac proinde per suam prouidentiam immediatè descendat ad omnia, & singula, non solum incorruptibilia, sed etiam corruptibilia, non solum in vniuersali, sed etiam in particulari, & in indiuiduo; sed si Deus debet omnia disponere, & ordinare ad suos fines, & ad suas operationes, debet etiam causas disponere, ita vt operentur iuxta suas naturas; est autem iuxta naturam causarum liberarum, vt operentur liberè; ergo Deus per suam prouidentiam debet efficere, vt causæ liberæ operentur liberè, ac proinde non debet illis imponere necessitatem ablatiuam libertatis. Videri possunt quæ ad ostendendam prouidentiam dicta sunt quæstione 16. num. 22. & sequentibus, & quæ fusè affert Ruiz de Prouid. disp. 1. sect. 3. & sequentibus.

14. Ad 1. distinguo maiorem: prouidentia est consiliatiua formaliter, vel eminenter, concedo; formaliter solum, nego; distinguo eodem pacto minorem; & nego

con-

consequentiam. Prouidentia debet considerare omnia, quæ ad res agendas pertinent, vt de ipsis habeat cognitionem certam, in quantum haberi potest; & quia nos propter imperfectionem nostri intellectus non possumus peruenire ad cognitionem, certam rerum agendarum, nisi via consilij, consultationis, & inquisitionis, ideo Prouidentia in nobis debet consultare formaliter. Deus è conuersò quia vnico intuitu videt omnia spectantia ad res agendas, non debet consultare formaliter, sed solum eminenter. Cognitio autem illa, certissima, qua Deus vnico intuitu videt omnia, quæ spectant ad res agendas, continet eminenter, & seclusis imperfectionibus, omnes nostras consultationes, & inquisitiones, ideoque est eminenter consultatio, & ad Ephesios 1. de Deo dicitur: *Qui operatur omnia secundum consilium voluntatis sue.*

15. Ad 2. distinguo maiorem: quod fit ex prouidentia gubernantis, non fit fortuito, & casualiter respectu ipsius gubernantis, concedo; respectu aliorum, nego; & distinguo minorem: in Mundo multa fiunt fortuito, & casualiter respectu Dei, nego; respectu agentium inferiorum, concedo: & nego consequentiam. Gubernator potest per suam prouidentiam multa ita ordinare, vt accidunt fortuito, & casualiter respectu causarum inferiorum, intendens hoc ipsum, vt accidunt fortuito, vel casualiter respectu inferiorum: e.g. (& est exemplum S. Thomæ hac

q. 22. ar. 2. in resp. ad primum) potest dominus mittere duos seruos per duas vias, vt sibi prater opinionem occurrant in certo loco, & tunc ille occurfus est fortuitus, & casualis respectu seruorum, non autem respectu domini; ergo Deus, qui debet ita vnuerfum disponere, vt in eo dentur omnes ordines rerum, & causarum, debet etiam quædam ita disponere, vt sint fortuita, & casualia respectu causarum inferiorum, licet non possint esse fortuita, & casualia respectu Dei.

16. Ad 3. distinguo maiorem; quæ sunt prater intentionem gubernantis, ipso prauidente, & permittente propter aliquod bonum, non sunt subiecta eius prouidentie, nego: ipso non prauidente, neque permittente, concedo; distinguo eodem pacto minorem; & nego consequentiam. Ad perfectam prouidentiam spectat, vt permittat etiam quædam mala, ex quibus videt se posse elicere maiora bona, ideoque hæc mala, si fiant, gubernante prauidente, & permittente, sunt subiecta eius Prouidentie; sed Deus peccata, facienda prauidet, & permittit, vt ex ipsis eliciat maiora bona iuxta illud Augustini in Enchiridio cap. 11. *Deus omnipotens nullo modo sineret malum aliquod esse in operibus suis, nisi usque adeo esset omnipotens, & bonus, ut beneficeret etiam de malo*; ergo etiam mala, & peccata, quæ fiunt, sunt subiecta diuinæ Prouidentie.

17. Ad 4. concedo maiorem, & distinguo minorem; dantur in mundo aliqui effectus

fectus necessarij absolutè , & respectu causæ primæ , nego : ex suppositione , & respectu causæ secundæ , concedo : & nego consequentiam . Licet ex suppositione , quod aliquæ causæ secundæ existant , & sic disponantur , quidam effectus sint necessarij respectu ipsarum , tamen non fuit necessarium Deo causas secundas ponere , & sic disponere , adeoque Deus , sicut sua providentia posuit aliquas causas secundas , easque sic disposuit , ut suos effectus producerent necessariò , sic causas liberas ita posuit , & disposuit , ut quosdam effectus producerent liberè .

18. Ad 5. nego minorem . Deus ita providet immediatè omnibus effectibus , ut ad quosdam producendos utatur etiam causis secundis , & earum providentia . Nec sequitur causas secundas , & earum providentiam esse frustraneam . Nam hoc ipsum spectat , & conducit ad ordinem universi , ut causæ secundæ participant à Deo primò agente , & providente hoc , quod est agere , & providere ijs , quæ ad ipsas spectant .

19. Ad 6. distinguo maiorem : ad dignitatem supremi Principis habentis capacitatem finitam spectat , ut non omnibus provideat immediatè , sed quibusdam provideat solum mediatè per ministros , concedo : habentis capacitatem infinitam , nego : & nego consequentiam . Ad dignitatem supremi Principis , qui propter suam capacitatem finitam non potest omnibus immediatè providere , spectat , ut solum
rebus

rebus maioris momenti prouideat immediate , rebus autem minoris momenti prouideat solum mediatè per ministros ; sed Deus habet capacitatem infinitam, per quam ità potest immediate prouidere minimis, vt non defatigetur, neque auertatur à cura maiorum ; ergo debet ità vti ministris , vt omnibus immediate prouideat . Intellectui etiam finitæ capacitatis melius est quædam vilia nescire, quam scire, ne impediatur à scientia digniorum. At diuino intellectui habenti infinitam capacitatem melius est scire omnia etiam vilissima, ac non solum in vniuersali, sed etiam in singulari, & in indiuiduo . Apostolus dicens : *Nunquid de bobus cura est Deo ?* Solum significat Deum non habere curam bouum ratione ipsorum, sed gratia hominum, ad quos ordinantur .

20. Ad 7. nego maiorem . Deus reliquit hominem in manu consilij sui, ità vt sinat illos liberè facere quod volunt, sed non ita, vt abiecerit eorum prouidentiam, qua regit eos præceptis, & consilijs, terret minis poenarum, allicit propositione præmiorum, præuidet, & permittit mala, quæ faciunt, mouet, & impellit ad actus bonos per auxilia gratiæ &c. Ad confirmationem nego antecedens, ac dico, quod sicut Deus ità immediate prouidet causis necessarijs, vt faciat eas agere necessario, sic ità prouidet immediate causis liberis, vt faciat eas agere liberè, vt magis explicabitur infrà quæst. 81. 82. 83. & 84. in quibus ex professo agetur de concordia

libertatis creatæ cum diuinâ scientia, voluntate, prouidentia, & Prædestinatione.

QV AESTIO LXV.

Quos actus includat Prouidentia, & utrum principaliter, & in recto importet actum intellectus, vel actum voluntatis, vel utrumque æquè principaliter.

1. **P**rimò videtur prouidentia consistere solum in actu intellectus, non autem in actu voluntatis. Definitur enim: *Ratio ordinans res ad suos fines*: sed ratio est actus intellectus, non autem voluntatis; ergo.

2. Secundò videtur non posse explicari, in quo actu intellectus consistat. In Deo enim datur triplex actus scientiæ, nimirum scientia simplicis intelligentiæ, scientia visionis, & scientia media; sed non potest explicari, utrum prouidentia consistat in omnibus his scientijs, vel solum in aliqua ex his; ergo &c.

3. Tertiò videtur neque etiam posse explicari, in quo actu voluntatis consistat, an in intentione finis, vel in electione mediorum.

4. Respondeo, quod quandoquidem, ex dictis quaest. 64. num. 8. Prouidentia est: *Ratio ordinans res ad suos fines per media*
con-

convenientia, includit intentionem finis, electionem mediorum, & rationem ordinantem res ad fines per media electa: e. g. Providentia, per quam Deus ordinat mundum ad finem diuinæ gloriæ, includit intentionem diuinæ gloriæ, electionem mundi, & ordinis rerum tamquam mediorum ad Deum glorificandum, & rationem, qua Deus ordinat mundum ad finem diuinæ gloriæ. Cum autem in Deo detur triplex scientia, seu cognitio, nimirum scientia simplicis intelligentiæ, scientia media, & scientia visionis, dubitatur in quam ex istis tribus scientijs consistat illa ratio, per quam Deus ordinat res ad suos fines.

5. Prima sententia docet rationem, per quam Deus ordinat res ad suos fines, esse scientiam simplicis intelligentiæ, & mediam, per quas Deus dirigitur ad intendendum finem, & eligenda media.

6. Secunda plurium Thomistarum docet hanc rationem esse iudicium medium inter intentionem finis, & electionem mediorum, per quod Deus, intento fine, iudicat, quæ media sint eligenda, & dirigitur ad electionem mediorum.

7. Tertia, quam sequuntur Ruiz de Prædestinatione disput. 1. sect. 6. & Grano in primam partem tract. 3. disput. 3. docet hanc rationem consistere in iudicio, quo Deus, intento fine, & electis medijs, cognoscit, & intimat voluntati executionem mediorum, quorum facta est electio.

Hoc

Hoc autem iudicium vocant imperium Monasticum.

8. Dicendum primò contra secundam sententiam : in Deo non datur iudicium medium inter intentionem finis, & electionem mediorum, adeoque ratio, per quam Deus, ordinat res ad suos fines, non consistit in tali iudicio. Probatur, nam, ut dicetur in quaest. 67. Deus eodem actu indiuisibili intendit finem, & eligit media; ergo non datur iudicium, quod mediet inter intentionem finis, & electionem mediorum, cum intentio, & electio nullo pacto distinguantur.

9. Dicendum secundò: Deus eodem actu, quo intendit finem, & eligit media, cognoscit etiam se intendere finem, & eligere media, ac debere procedere ad executionem eorum, quæ decreuit, adeoque intimat sibi ipsi suam electionem, & conuenientiam, ac necessitatem exequendi quæ decreuit.

10. Probatur, & explicatur: nam sicut Deus eodem actu necessario vult esse se, & omnes veritates necessarias, & simul cognoscit comprehensiuè esse se, & omnes veritates necessarias, ita ut nulla detur distinctio intrinseca ne virtualis quidem inter volitionem, & cognitionem necessariam, ut dictum est quaest. 22. sic proportionaliter Deus eodem actu libero intendit finem, & eligit media, & cognoscit comprehensiuè per scientiam visionis existere hanc suam voluntatem, adfirmando quæ cum illa identificantur: sed cum hac

voluntate diuina intendente finem , & eligente media , identificatur conuenientia , exequendi quæ Deus decreuit ; ergo eodem actu cognoscit etiam hanc conuenientiam ; sed eo ipso , quod Deus cognoscit se habere hanc voluntatem , & conueniens esse illam exequi , intimat sibi hanc voluntatem , & conuenientiam illam exequendi ; ergo &c.

11. Dicendum tertio : cognitio, qua Deus intimat sibi ipsi voluntatem electiuam mediorum , & conuenientiam illam exequendi , est causa executionis , ideoque est practica respectu executionis mediorum . Probatur , nam talis cognitio identificatur omnino cum voluntate electiua mediorum ; sed voluntas , seu volitio electiua mediorum est causa actionum ad extra , in quibus consistit executio , per quam Deus exequitur media ; ergo cognitio identificata cum volitione est causa talium actionum , adeoque practica respectu executionis .

12. His positis , quæ spectant ad questionem de re , supersunt duæ quæstiones de nomine , ideoque breuiter explicandæ . Primo quæritur , vtrum cum dicitur , quod Providentiæ est ratio , per quam Deus ordinat res ad suos fines , debeat intelligi , quod sit ratio dirigens ad electionem mediorum , & intentionem finis , quæ ratio consistit in scientia simplicis intelligentiæ , & scientia media , an potius debeat intelligi , quod sit ratio identificata cum ipsamet volitione intentiua finis , & ele-

electiua mediorum, quæ ratio est scientia visionis. Duo sunt modi loquendi. Primus docet prouidentiam esse rationem, quæ dirigendo Deum ad intentionem finis, & electionem mediorum, ordinat res ad suos fines, adeoque prouidentiam, consistere in scientia simplicis intelligentiæ, & media. Secundus docet prouidentiam esse rationem, qua Deus videndo suam voluntatem, qua intendit finem, & eligit media, causat executionem, & sic ordinat res ad suos fines per media electa; & quia hæc ratio, qua Deus videt suam voluntatem liberam, est scientia visionis, docet prouidentiam consistere formaliter in sola scientia visionis, licet supponat scientiam simplicis intelligentiæ, & mediam.

13. Vterque modus loquendi est probabilis, & primus est communior inter recentiores, secundus videtur communior inter antiquos, & conformior Sancto Augustino, S. Thomæ, & Aristoteli Sanctus enim Augustinus prædestinationem, hoc est prouidentiam, qua Deus ordinat electos ad finem vitæ æternæ, definit præscientiam, & præparationem beneficiorum Dei; sed præscientia est scientia visionis; ergo censet rationem, qua Deus ordinat electos ad finem vitæ æternæ, consistere in scientia visionis. Sanctus Thom. 1. par. quæst. 22. art. 1. ad 3. dicit: *Prouidentia est in intellectu, sed supponit voluntatem finis. Nullus enim præcipit de agendis propter finem, nisi velit*; et hanc doctrinam confir-

confirmat ex Aristotele 6. *Ethicorum*, cap. 12; sed scientia supponens, vel includens voluntatem finis, est visionis; ergo &c.

14. Secundò queritur, vtrum Prouidentia principaliter, & in recto importet actum intellectus, vel potius actum voluntatis, vel vtrumque æquè principaliter?

15. Respondeo prouidentiam possè ità sumi, vt dicatur ratio cum voluntate, vel vt dicatur voluntas cum ratione, vel vt dicatur voluntas, & ratio. Si sumatur primo modo, ratio importatur in recto, voluntas in obliquo; si sumatur secundo modo voluntas importatur in recto, ratio in obliquo: si sumatur tertio modo, tum ratio, tum voluntas importatur in recto. Sanctus Augustinus definiens prædestinationem per hoc, quod sit præscientia, & preparatio, hoc est voluntas preparatiua, illam sumpsit ita, vt in recto importetur tum præscientia, tum voluntas, & hic modus sumendi videtur commodior ad explicandam prædestinationis definitionem.

16. Ad 1. Prouidentia definitur: *Ratio ordinans res ad suos fines*: sed ratio constituitur ordinans res ad suos fines per intentionem finis, & electionem mediorum; ergo Prouidentia ultra actum intellectus, seu rationis, includit saltem in obliquo actum voluntatis.

17. Ad 2. & 3. iam numer. 11. explicatum est, in quo actu intellectus Prouidentia

tia consistat. Dicitur est etiam, quod includit tum intentionem finis, tum electionem mediorum.

QVÆSTIO LXVI.

Vtrum Deus ad omnia sua decreta liberè dirigatur à tota scientia Deo non libera.

1. **V**idetur, quod Deus non ad omnia sua decreta libera debeat dirigi à tota scientia Deo non libera. Aliqua enim scientia omnino impertinenter se habet ad quædam decernenda: e. g. ad decernendum creare, vel non creare muscam. A. impertinenter se habet scientia media, qua Deus videt, quid liberum arbitrium Petri sit facturum, si poneretur in his, vel illis circumstantijs: sed Deus ad obiecta decernenda non debet dirigi à scientia, quæ omnino impertinenter se habet ad decernenda talia obiecta; ergo Deus ad decernendum creare, vel non creare muscam A. non debet dirigi à scientia media, qua videt, quid liberum arbitrium Petri esset facturum, si poneretur in his, vel illis circumstantijs, ac proinde non ad omnia decreta debet dirigi à tota scientia sibi non libera. Ex proportionali ratione ad decretum, quo prædestinavit S. Petrum, Deus non debuit dirigi à scientia media, qua vidit, quod si Turca poneretur in talibus circumstantijs liberè saltaret, cum

talis scientia sit omnino impertinens ad discernendam predestinationem Sancti Petri.

2. Respondeo, quod quia ex dictis quaest. 65. numer. 4. diuina Prouidentia ad sua decreta libera, quibus res ordinat ad suos fines, dirigitur à scientia, examinandum est, vtrum ad omnia sua decreta libera dirigatur à tota scientia, quam habet: & quia Deus habet tum scientiam simplicis intelligentiæ, & mediam Deo non liberam, tum scientiam visionis Deo liberam; debemus hac quaestione examinare, vtrum ad omnia sua decreta libera dirigatur à tota scientia non libera.

3. Dicendum: Deus ad omnia sua decreta libera dirigitur à tota scientia Deo non libera; & quia non solum tota scientia simplicis intelligentiæ, sed etiam, tota scientia media est Deo non libera, vt suppono ex quaest. 45. & 46. de scientia media, ideo Deus ad omnia sua decreta dirigitur à tota scientia simplicis intelligentiæ, & à tota scientia media.

4. Probatur: nam qui habet aliquam cognitionem, qua dirigi potest ad sapientissimè decernendum, eaque non vtitur, imprudenter operatur; sed Deus habet scientiam simplicis intelligentiæ, ac mediam, eaque potest vti ad quodlibet sapientissimè decernendum; ergo ad quodlibet decernendum vtitur, ac dirigitur à tota scientia simplicis intelligentiæ, & media. Probatur, & explicatur minor. Vt Deus sapienter decernat creare musicam

scam e. g. debet dirigi cognitione, qua comprehensivè novercat omnes usus, ad quos potest ordinare muscam in cunctis casibus possibilibus, & in omnibus eventibus, qui darentur, si quodlibet arbitrium liberum positum in his, vel illis circumstantijs, faceret hoc, aut illud: e. g. debet dirigi cognitione, qua cognoscit, quod possit uti musca ad puniendam duritiem Pharaonis, qui si poneretur in his circumstantijs, nollet obedire Deo per Moysen præcipienti, ut sineret Israelitas discedere ab Ægypto: sed cognitio, qua Deus cognoscit, ad quos usus posset adhibere muscam pro omnibus casibus possibilibus, includit totam scientiam simplicis intelligentiæ omnium casuum possibilium: cognitio, qua cognoscit, quo pacto possit adhibere muscam pro omnibus eventibus, qui de facto ponerentur dependenter à quolibet libero arbitrio constituto in hoc, vel in illo actu proximo, includit totam scientiam mediam; ergo Deus ad sapientissimè decernendam creationem muscæ debet dirigi à tota scientia simplicis intelligentiæ, & à tota scientia media. A fortiori ad sapientissimè decernendam permissionem peccati Adæ, Incarnationem Verbi &c. debet dirigi à tota scientia simplicis intelligentiæ, & media, per quas cognoscit, quo pacto possit uti peccato Adæ, Incarnatione &c. pro omnibus casibus possibilibus, & conditionatè futuris dependenter à quolibet arbitrio creato.

5. Ad argumentum in contrarium negō antecedens. Ostensum enim est nullam scientiam Deo non liberam impertinenter se habere ad vllum obiectum sapientissimè decernendum.

QVAESTIO LXVII.

Vtrum Deus omnia, quæ dēcernit, in eodem signo, & eodem decreto indiuisibili decernat.

1. **V**idetur Deus non omnia, quæ decernit, in eodem signo, & per idem decretum decernere, sed aliqua decernere in signo priori, aliqua in signo posteriori, puta in primo signo eligere finem, in posteriori media &c. primo quia, vt arguit Scotus in 3. dist. 29. Qui ordinatè vult, prius vult finem, quam media, & ex medijs prius vult media propinquiora fini; sed Deus omnia vult ordinatissimè; ergo prius vult finem, deinde media, e. g. prius vult Sanctum Petrum, & alios Prædestinatos saluari, deinde vult illis dare media, siue auxilia efficacia, per quæ infallibiliter saluentur.

2. Secundò intentio finis debet mouere ad intentionem mediorum; e. g. intentio, qua Deus vult Sanctum Petrum, & prædestinatos saluari, debet Deum mouere ad danda Sancto Petro, & prædestinatis media, & auxilia, quibus infallibiliter sal-

saluentur : sed intentio finis non potest mouere ad electionem mediorum , nisi præcedat electionem mediorum ; ergo intentio finis debet præcedere electionem mediorum .

3. Tertiò ea, quæ essentialiter præsupponunt peccatum , Deus non potest discernere , nisi prius præuideat absolutè peccatum ; sed præuisio absoluta peccati supponit , vel includit decretum permittendi peccatum ; ergo decretum , quo Deus vult bonum poenitentiae , conuersionis , & alia bona essentialiter supponentia peccatum , supponit decretum permittendi peccatum , ac proinde decretum , permittendi peccatum est in signo priori , decretum , quo vult bona essentialiter supponentia peccatum , est in signo posteriori . Probatur maior : nam si Deus vellet poenitentiam , & alia bona essentialiter supponentia peccatum , absque eo quod prius præuideret peccatum , vellet etiam peccatum , quod est absurdum . Probatur sequela : nam qui vult vnum , quod dari non potest , absque eo quod præcedat aliud , nisi antecedenter præuideat illud aliud futurum , vult etiam , vt præcedat illud aliud ; ergo &c.

4. Quartò aliqui sunt præelecti , & prædestinati ante alios , e. g. Christus est præelectus , & prædestinatus , ante omnes alios : Angeli fuerunt præelecti , & prædestinati ante homines : sed non possent esse præelecti , & prædestinati ante alios , nisi Deus illos prius elegisset , & præde-

194 *De ordine decretorum Dei*
stinasset, quam alios; ergo.

5. Quintò si Deus omnia simul decreuit, non potest explicari, quo pacto vnum sit causa moralis alterius: e. g. si Deus simul decernit dare electis merita, quibus mereantur gloriam, & ipsam gloriam, vt coronam, & pramium meritorum, non potest explicari, quo pacto merita sint causa moralis pramij, hoc est gloriæ.

6. Sextò si Deus simul decernit dare reprobis gratiam sufficientem, per quam possint saluari, & simul decernit negare illis gratiam efficacem, permittere, vt peccent, moriantur in peccato mortali, & damnentur, voluntas diuina dandi reprobis gratiam sufficientem non esset beneuola erga reprobos. Rursus si Deus simul vult dare prædestinatis gratiam sufficientem ad salutem, & vult efficaciter, vt saluentur, & vt talis gratia sit efficax, prædestinati non liberè, sed necessario saluantur, ac non possunt damnari, quæ sunt absurda; ergo dicendum est Deum non omnia, quæ decernit, simul, & in eodem signo, & eodem decreto indiuisibili decernere.

7. Respondeo, quod Theologi satis communiter distinguunt in Deo plura instantia, seu signa rationis, ac dicunt, quod Deus licet omnia decreuerit ab æterno, tamen aliqua decreuit in primo signo, aliqua in secundo, aliqua in tertio &c. quædam prius, quædam posterius. Sed non conueniunt in assignando numero signorum,

gnorum, & aliqui affigant plura, aliqui pauciora signa. E conuerso alij negant hac signa diuinorum decretorum, ac dicunt Deum liberè in eodem signo, siue instanti rationis omnia simul decreuisse, vt iam patebit, referendo præcipuas Theologorum sententias, quæ videri etiam possunt apud Vasquez tom. 1. in 3. partem disp. 11.

8. Prima ergo sententia Caietani 3. p. quæst. 1. in Commentario art. 3. distinguit tria instantia, seu signa rationis, ac docet in primo instanti, seu signo Deum egisse, & quodammodo deliberasse de condendo toto ordine naturæ, in quo includuntur non solum defectus physici, quales sunt monstra, sed etiam morales, hoc est peccata, ac decreuisse totum ordinem naturalem producere, illumque per scientiam visionis vidisse vt conditum. In secundo signo docet Deum decreuisse ordinem gratiæ adoptionis, eumque vidisse vt conditum. In tertio signo decreuisse ordinem vnionis hypostaticæ. Iuxta hanc opinionem Incarnatio decreta fuit in tertio signo.

9. Secunda sententia Scoti in 3. dist. 29. distinguit quinque instantia, seu signa rationis, ac docet Deum in primo signo intellexisse seipsum sub ratione summi boni: in secundo signo intellexisse omnes alias creaturas: in tertio prædestinasse quosdam ad gloriam, & gratiam, circa alios se habuisse præcisue; in hoc autem tertio signo prius Deus prædestinauit

Christum vt venturum in carne abstrahendo à passibili, & impassibili, deinde prædestinavit electos in Christo: in quarto prævidit electos casuros in Adamo: in quinto decrevit remedium per passionem Christi, & decrevit Christum in carne passibili. Eadem penè instantia distinguit Catharinus lib. de eximia Christi: prædestinatione.

10. Tertia opinio Suarij tom. 1. in 3. partem disput. 5. parum differt à sententia Scoti, quam accomodat principijs de scientia media, & conciliare conatur cum sententia Sancti Thomæ. Docet ergo Deum in primo signo decrevisse Incarnationem vt optimo modo faciendam secundum circumstantias occurrentes, illamque voluisse propter suam excellentiam vt medium inter possibilia optimum ad manifestanda quatuor præcipua Dei attributa, nimirum Sapientiam, Bonitatem, Misericordiam, & Iustitiam. In secundo signo Deus vidit per scientiam mediam, quod si Adam poneretur in talibus circumstantijs, peccabit, & quod si permittatur tale peccatum, remedium peccati per Christum erit optimus modus exequendi Incarnationem. In tertio Deus decrevit Incarnationem in remedium peccati, & Christum in carne passibili. Addit, quod si daretur scientia media de Adam non peccaturo, fieret nihilominus Incarnatio ex vi primi decreti, quo decreta est propter suam excellentiam, sed non fieret in carne passibili.

11. Quar-

11. Quarta sententia Vasquez 3. parte disput. 11. cap. 6. distinguit quatuor instantia, seu signa, ac docet Deum in primo signo permisisse peccatum Adami: in secundo per scientiam visionis vidisse illud ut absolutè commissum, & in totum genus humanum propagatum: in tertio voluisse remedium peccati: in quarto decreuisse Incarnationem in remedium peccati, tanquam propter finem motuum, & sine quo non incarnaretur.

12. Quinta sententia Molinæ 1. parte quaest. 23. art. 4. & 5. disput. 1. membro 7. Iacobi Granado hic Tractatu 3. disp. 1. sect. 4. & aliorum docet chimericam esse hanc instantiam, & signorum successionem, ac proinde Deum simul voluisse permissionem peccati Adami, & illius reparationem per Christum Redemptorem, saltem ly *simul* dicente negationem prioris, & posterioris inter decretum praedestinatum Incarnationis, & decretum permissum peccati. Videri etiam potest Ruiz de Voluntate Dei, disputatione 22. sect. 3.

13. Dicendum cum quinta sententia contra alias quatuor suprà relatas: Deus omnia, quæ ab æterno decernit, simul, & in eodem signo decernit, & non decernit vnum prius, aut posterius, quam aliud, prioritatem, qua vnum decretum precedat aliud.

14. Probatur, nam eatenus agens intellectuum non simul decernit omnia, quæ

decernit, sed illa decernit successivè, & quasi per partes, & occasionaliter, quatenus per cognitionem, qua dirigitur ad primum suum decretum, non sufficienter cognoscit quæ spectant ad alia prudenter decernenda; si verò sufficienter cognosceret quæ spectant ad omnia decernenda, decerneret omnia simul: e. g. Imperator exercitus decernit ordinem pugnae successivè, & per partes, quatenus cum decernit initium pugnae, non habet cognitionem sufficientem ad prudenter decernendas alias partes pugnae: si verò ad decernendum initium pugnae dirigetur cognitione, qua certissimè, & comprehensivè cognosceret omnes modos possibiles, quibus posset pugnam inchoare, prosequi, & ad finem perducere, & omnia, quæ posset facere, & de facto factururus esset hostis, si pugnam inchoaret, & prosequeretur hoc, vel illo modo, eo ipso deberet simul decernere totam pugnam: sed Deus per scientiam simplicis intelligentiae, & mediam cognoscit comprehensivè cuncta, quæ spectant ad omnia sapientissimè decernenda; nam per scientiam simplicis intelligentiae cognoscit omnia, quæ potest facere, & per mediam cognoscit omnia, quæ facturum esset liberum, arbitrium creatum, si Deus faceret hoc vel illud; ergo Deus debet simul decernere omnia, quæ decernit, & si decerneret successivè, & quasi per partes, imprudenter decerneret.

15. Infertur primò Deum non prius
inten-

intendere finem, & post eligere media, sed simul intendere finem, & eligere media. Eatenus enim prudens prius intendit finem, deinde eligit media, quatenus per cognitionem, qua proponitur talis finis, non sufficienter cognoscit quæ spectant ad media; si verò finis proponeretur cognitione, qua perfectissimè cognosceret quæ spectant ad media, deberet simul intendere finem, & eligere media; sed Deus dirigitur ad intentionem finis, putà salutis Sancti Petri, per scientiam simplicis intelligentiæ, & per mediam, per quas comprehensivè cognoscit omnia, quæ spectant ad media; ergo simul intendit salutem Sancti Petri ut finem, & eligit media, per quæ Sanctus Petrus fuit saluatus, & inconueniens est, ut intendens finem, quodammodo differat electionem mediorum. Hinc reiicitur sententia Suarrij, qui in Deo distinguit decreta per modum intentionis à decretis per modum executionis. Deus enim eodem decreto intendit finem, eligit media, & vult hæc omnia exequi, ac proinde idem decretum est simul intentium finis, electium mediorum, & executium tum mediorum, tum finis.

16. Infertur secundò, quod Deus non prius decernit permittere peccata, deinde decernit poenitentiam, punitionem, & alia bona, quæ est elicitor ex peccatis, sed simul, & per idem decretum decernit permittere peccatum, & omnia bona, quæ est elicitor ex peccato. Confirma-

tur, nam Deus vult permittere peccatum propter bona, quæ est eliciturus ex peccato; ergo in signo, in quo vult permittere peccatum, intelligitur velle bona, quæ est eliciturus ex peccatis.

17. Potest quæri, vtrum Deus omnia decernat non solum simul, sed etiam vnico indiuisibili decreto?

28. Respondeo, quod omnia decernit vnico indiuisibili decreto ex parte actus, cum omnia decernat decreto identificato cum essentia diuina, in qua nullæ dantur formalitates, non solum realiter, sed neque virtualiter intrinsecè distinctæ, vt dictum est quæst. 22.

19. Sed quæritur rursus, vtrum Deus decernat omnia vnico decreto indiuisibili etiam ex parte applicationis actus ad obiecta, quam applicationem in quæst. 56. diximus esse extrinsecam Deo. Probabile est, & commodius ad plura explicanda, circa nostros actus liberos, decretum diuinum, quo simul decernit omnia, compleri per applicationes, & complementa realiter distincta, licet omnia intelligantur in eodem signo, sine vlllo ordine prioris, & posterioris.

20. Infertur tertio, quod Deus ad nullum suum decretum dirigitur à scientia sibi libera; & quia tota scientia visionis est libera Deo, ideo Deus ad nullum suum decretum dirigitur à scientia visionis.

21. Probatur, nam nemo ad aliquid decernendum dirigi potest à scientia fundata

data in ipso suo libero decreto ut absolutè existente: e.g. Imperator ad decernendum, quo pacto aciem instruat, non dirigitur à scientia absoluta, qua cognoscit se sic aciem instruere, quia talis scientia dependet à decreto sic aciem instruendi; sed omnis scientia visionis fundatur in decreto diuino, quod ex dictis supra est vnicum, & indiuisibile; ergo Deus ad nullum diuinum decretum dirigitur à scientia visionis.

22. Ad 1. distinguo maiorem: qui ordinatè vult ordine conueniente Sapientiae infinitae, prius vult finem, quam media, nego: ordine conueniente Sapientiae finitae, concedo: distinguo eodem pacto minorem; & nego consequentiam. Deo, qui propter suam infinitam Sapientiam per cognitionem, qua dirigitur ad volendum finem, perfectissimè dirigitur etiam ad volenda omnia media, conuenit hic perfectissimus ordo volendi, ut simul velit finem, & omnia media. E conuersò nobis, qui propter limitationem, & imperfectionem nostrae Sapientiae per cognitionem, qua dirigitur ad volendum finem, non sufficienter dirigitur ad volenda media, conuenit oppositus, & imperfectus ordo volendi, nimirum ut prius velimus finem, quam media, ut explicatum est num. 14. ergo ut Deus velit ordinatissimè ordine conueniente infinitae Sapientiae, debet simul velle finem, & omnia media. Licet autem Deus velit omnia simul similitate se tenente ex parte actus volendi, non

vult omnia simul simultate se tenente ex parte rerum volitarum, sed vult, vt quædam volita existant prius, quædam posterius: ad perfectionem autem diuinæ voluntatis pertinet quidem, vt res velit eo pacto, & ordine, quo sunt futuræ, ordine, & modo se tenente ex parte rerum volitarum, non autem ordine, & modo se tenente ex parte actuum volendi; nam ea, quæ sunt in tempore, & successuè, Deus vult ab æterno, & simul.

23. Ad 3. distinguo maiorem: intentio finis in agente imperfecto debet mouere ad electionem mediorum, concedo; in agente perfectissimo, nego: concedo minorem; & distinguo eodem pacto consequens. Ex nostra imperfectione, propter quam cognoscimus finem ita imperfectè, vt non simul cognoscamus quæ spectant ad media, oritur, vt prius intendamus finem, deinde ex intentione finis moueamur ad consultandum de medijs; sed Deus cognoscit finem cognitione ita perfectâ, vt simul cognoscat omnia spectantia ad media; ergo intentio finis non mouet Deum ad eligenda media, sed Deus simul intendit finem, & eligit omnia media.

24. Ad 4. nego maiorem. Ad probationem nego sequelam; ad probationem, nego antecedens, ac dico, quod vt quis velit vnum, quod non potest dari absque eo quod præcedat aliud, non est necesse, vt illud aliud velit, sed sufficit, vt illud permittat. In casu nostro Deus videt bonum.

num poenitentia, conuerſionis, & alia bona essentialiter ſupponentia peccatum non poſſe poni, niſi præcedat peccatum; videt etiam ſe non poſſe peccatum velle, ſed poſſe permittere; & videt quod ſi permittet peccatum, peccatum fiet; ergo poſſet ſimul velle permittere peccatum, & velle poenitentiam, & alia bona essentialiter ſupponentia peccatum ..

25. Dices: qui vult finem, vult etiam media neceſſaria ad finem; ſed peccatum eſt medium neceſſarium ad poenitentiam, & ad alia bona essentialiter ſupponentia peccatum; ergo ..

26. Reſpondeo, tranſeat maior, & nego minorem. Medium ad finem eſt, quod habet virtutem cauſandi finem, vel diſponendi ad finem: quod autem caret tali virtute, non eſt medium; ſed peccatum non habet virtutem cauſandi poenitentiam ſalutarem, vel ad illam diſponendi; ergo &c. Confirmatur, nam ineptè dicitur ægritudinem eſſe medium ad remedium ægritudinis; ergo à pari. Ad medium igitur non ſufficit, vt ſit aliquid neceſſariò prærequiſitum ad aliud, ſed requiritur, vt habeat virtutem cauſandi, vel ſaltem diſponendi ad illud ..

27. Ad 4. diſtinguo maiorem; aliqui ſunt præelecti, & prædeſtinati ante alios prioritate, qua ipſi præcedant alios, concedo: prioritate, qua decretum electium, & prædeſtinatum ipſorum præcedat decretum electium, & prædeſtinatum aliorum, nego; diſtinguo eodem pacto

minorem; & nego consequentiam. Christus fuit electus, & prædestinatus ad hoc, ut esset primus prædestinatorum, & præcederet ceteros prædestinatos dignitate, gratia, beatitudine, ut esset finis aliorum prædestinatorum, ita ut alij prædestinarentur ad gloriam ipsius Christi. At non fuit primus prædestinatorum primitate, & prioritate, qua prædestinatio Christi præcesserit prædestinationem aliorum. Deus enim simul prædestinavit Christum ad hoc, ut esset primus omnium prædestinatorum, & ut præcederet ceteros, & alios omnes prædestinavit ad hoc, ut suo ordine præcederentur à Christo, dignitate, beatitudine &c. Proportionaliter Angeli fuerunt electi, & prædestinati ante homines per hoc, quod fuerunt electi, & prædestinati ad consequendam beatitudinem ab initio Mundi ante omnes homines, & ad cooperandum hominibus ad beatitudinem perducendis, non autem per hoc, quod decretum electivum, & prædestinativum Angelorum præcesserit decretum electivum, & prædestinativum hominum.

28. Ad 5. nego antecedens. Sicut licet Deus simul velit ponere solem, & lucem, tamen vult, ut sol sit causa physica lucis, & ut producat lucem, ideoque facit, ut sol lucem producat physicè per actionem productivam lucis, quæ actio est modus distinctus à sole, & luce: sic licet Deus simul velit merita, & gloriam, tamen vult, ut merita sint causa moralis gloriæ, & ut moraliter causent gloriam. Si verò quaratur,

tur, quid sit gloriam causari moraliter à meritis, respondeo, quod sicut lucem causari physicè à sole, addit supra solem, & lucem modum distinctum, qui est causalitas physica, qua lux causatur à sole: sic gloriam causari moraliter à meritis, addit supra gloriam, & merita modum distinctum, qui est causalitas moralis, qua gloria causatur à meritis. Idem dic de alijs causalitatibus moralibus. Sicut ergo Deus vult, & facit, vt ex rebus extrinsecis vna physicè causet aliam, absque eo quod vnum Decretum Dei physicè causet aliud; sic vult, & facit, vt vna res causet moraliter aliam, absque eo quod vnum Decretum moraliter causet aliud, & sit prius alio. Docet hoc expressè Sanctus Thomas 1. p. quæst. 19. art. 5. in corpore dicens: *Vult ergo Deus hoc esse propter hoc, sed non propter hoc vult hoc.*

29. Dices: non solum præmium debet supponere meritum, sed etiam voluntas præmiandi debet supponere meritum; alioquin voluntas præmiandi non esset remuneratiua, sed purè liberalis, siquidem voluntas, quæ non supponit debitum, est purè liberalis.

30. Respondeo negando antecedens. Ad voluntatem remuneratiuam, & non purè liberalem, sufficit, vt supponat meritum ex parte rei volitæ, non requiritur, vt supponat meritum ex parte actus volentis; sed voluntas, qua Deus vult præmium, supponit meritum ex parte rei volitæ, siquidem præmium supponit meri-

tum;

tum; ergo licet ipse actus volendi non supponat meritum, tamen voluntas non est purè liberalis, sed remuneratina. Eadem igitur, vel simultanea voluntas, qua Deus vult dare meritum, & præmium, relatè ad meritum est purè liberalis, relatè ad præmium est remuneratina, quia meritum vult dare gratis, ac nullo præcedente merito causante moraliter meritum, præmium vult dare non gratis, sed præcedentibus meritis causantibus moraliter præmium. Similiter ad actum iustitiæ strictæ sufficit, vt supponat ius strictum, ex parte rei volitæ, non requiritur, vt supponat ius strictum ex parte actus volendi.

31. Ad sextum. In argumento proponuntur duæ difficultates ex professo examinandæ infra qua st. 81. & 84.

Q V A E S T I O LXVIII.

Utrum prouidentia sit æterna, vel temporalis, causam habeat vel non habeat: semper consequatur suos fines, & bene diuidatur in naturalem, & supernaturalem.

1. **P**rimo videtur Diuina prouidentia non esse æterna, sed temporalis. Diuina enim prouidentia nihil aliud est, quam ordinatio rerum creaturarum ad suos fines per media conuenientia; sed hæc ordinatio

tiō non est æterna, sed temporalis, cum sit in ipsis creaturis temporalibus; ergo &c.

2. Secundò videtur Diuina prouidentia habere aliquam causam, & rationem. Prouidentia enim includit actus liberos diuinæ voluntatis, qui complentur per aliquid extrinsecum, vt dictum est questione 56; sed illud extrinsecum habet aliquam causam; ergo Diuina prouidentia, saltem quoad complementum extrinsecum actuum liberorum, habet aliquam causam.

3. Tertiò videtur, quod Diuina prouidentia non semper consequatur suos fines. Nam Deus cum velit omnes homines saluos fieri, vt dicitur 1. ad Timot. 2. omnes homines ordinat ad finem salutis æternæ per media, & auxilia conuenientia; sed non omnes homines consequuntur salutem; ergo &c.

4. Quartò videtur Diuina prouidentia non rectè diuidi in naturalem, & supernaturalem. Nullus enim actus diuinus est Deo supernaturalis, ac supra naturam Dei; sed prouidentia consistit in actibus diuinis intellectus, & voluntatis; ergo &c.

5. Respondeo, quod vt absoluiatur Tractatus de prouidentia diuina, breuiter expedienda sunt quatuor dubia in titulo proposita.

6. Dicendum igitur primò, respondendo ad primum, & secundum dubium, Diuinam prouidentiam esse æternam, &

incausatam, & esse causam per se, vel per accidens omnium temporalium, & causarum. Probatur, nam prouidentia consistit in actibus diuini intellectus, & diuinæ voluntatis, vt explicatum est questione 65. num. 4; sed tales actus sunt æterni, & incausati, cum sint ipsemet Deus, qui est æternus, & incausatus; ergo &c. Sicut verò Deus est causa per se, vel per accidens omnium temporalium, sic Diuina prouidentia est causa per se quidem eorum, quæ Deus vult, per accidens eorum, quæ Deus purè permittit, cuiusmodi sunt ipsa peccata.

7. Ex eo, quod actus Diuinæ prouidentiae non causentur in vlllo genere, sequitur, quod neque causentur in genere causæ finalis, & proindè quod sunt adequatè propter se ipsos, & propter diuinam essentiam, non autem propter vllum finem extrinsecum, & creatum. Cum igitur asseritur, quod Deus intendit finem salutis prædestinatorum, vel alium finem creatum, sensus est, quod intendit salutem vt finem eorum, quæ facit, non autem vt finem voluntatis, qua vult facere, siquidem opera Dei sunt propter fines creatos, voluntas autem Dei non est propter vllum finem creatum.

8. Dicendum secundò, respondendo ad tertium dubium: Diuina prouidentia semper consequitur fines, ad quos ordinat res ita, vt illos fines intendat efficaciter, & absolutè; at cum intendit finem conditionatè, si non purificetur conditio, non

con-

consequitur talem finem, sed consequitur alium finem spectantem ad bonum vniuersi. Explicatur. Diuina prouidentia per grauitatem, & motum deorsum ordinat graua ad finem se collocandi in centro, nisi detur impedimentum. Cum igitur datur impedimentum, non consequitur hunc finem, vt lapis constituatur in centro, sed consequitur aliquem alium finem spectantem ad bonum vniuersi, quem finem intendit pro casu, pro quo graua impediuntur peruenire ad centrum.

9. Dicendum tertio, respondendo ad quartum dubium. Diuina prouidentia potest diuidi in naturalem, & supernaturalem. Naturalis est, per quam Deus ordinat res ad suos fines naturales per media naturalia: supernaturalis est, per quam Deus ordinat res ad finem supernaturalem per media supernaturalia. Quia vero Deus vnico decreto per aliqua media naturalia ordinat quasdam res ad suos fines naturales, per alia media supernaturalia ordinat creaturas racionales ad finem supernaturalem, ideo eadem prouidentia, in quantum consideratur vt ordinans quasdam res per media naturalia ad fines naturales, vocatur prouidentia naturalis; in quantum consideratur vt ordinans creaturas racionales per media supernaturalia ad finem supernaturalem vitae aeternae, vocatur prouidentia supernaturalis.

10. Ad 1. nego maiorem. Prouidentia est Diuina ratio ordinationis temporalis rerum creaturarum ad suos fines per media

dia conuenientia, quæ ratio est æterna, cum consistat in actibus æternis diuini intellectus, & diuinæ voluntatis. Temporalis ordinatio rerum creaturarum ad suos fines non est prouidentia, sed est effectus, & executio diuinæ prouidentia, & vocatur gubernatio. Ideo prouidentia est æterna, gubernatio autem, quæ est effectus prouidentia, est temporalis, vt docet Sanctus Thomas 1. parte quæst. 22. art. 1. ad 2.

11. Ad 2. Prouidentia quoad ipsos actus liberos est incausata, quoad eorum applicationem liberam est abusiue causata, vt explicatum est quæst. 58.

12. Ad 3. Iam dictum est num. 8. diuinam prouidentiam semper consequi suos fines absolutè, & efficaciter intentos; fines autem ineffaciter, & conditionatè intentos tunc solum consequi, cum impletur conditio: cum autem conditio non impletur, consequi finem, quem intendit pro eo casu, pro quo conditio non impletur. Quia ergo Deus efficaciter, & absolutè vult saluare omnes predestinatos, semper consequitur salutem predestinati: quia vult saluare omnes reprobos, si per ipsos non steterit, per ipsos autem, stat, ipsos non saluat, sed consequitur finem, quem intendit, si per ipsos stet, nimirum bonum iustitiæ, & alia bona, quæ sequuntur ex reproborum damnatione.

13. Ad 4. Prouidentia dum dicitur supernaturalis, non dicitur supernaturalis Deo.

Deo, sed speciali modo supernaturalis creaturæ, in quantum creaturam ordinat ad finem supernaturalem per media supernaturalia.

QVÆSTIO LXIX.

Vtrum Deus ex Angelis, & hominibus aliquos ab æterno prædestinauerit, aliquos reprobauerit. Quid sit prædestinatio, quid reprobatio: vtrum sint pars prouidentie, & quos actus includant.

S. Tb. 9. 23. 4. 1. 2. & 5.

1. **P**rimò videtur Deus non prædestinasse homines, & Angelos. Deus enim licet ab æterno destinarit efficaciter aliquas naturas irracionales ad consequendos suos fines, tamen non dicitur illas prædestinasse; ergo licet aliquos homines, & Angelos efficaciter destinauerit ad consequendum suum finem supernaturalem, hoc est vitam æternam, tamen non debet dici illos prædestinasse.

2. Secundò licet Deus Angelos, & homines reprobos ab æterno destinauerit efficaciter ad poenam, & mortem æternam in poenam demeritorum, non dicitur illos prædestinasse ad poenam, & mortem æternam; ergo licet ab æterno aliquos Angelos, & homines destinauerit
ad

212 *De prædestinatione, & reprobatione*
ad gloriam, & vitam æternam in præmium
meritorum, non debet dici illos prædesti-
nasse ad vitam æternam.

3. Tertiò videtur Deus nullum ex ho-
minibus, aut Angelis ab æterno reprobaf-
se. Reprobare enim est aliquos exclude-
re ab æterna salute, & à Regno Cœlorum;
sed *Deus vult omnes homines saluos fieri*,
vt dicitur 1. ad Timot. 2. ac proindè nul-
lum hominem excludit ab æterna salute,
& à Regno Cœlorum; ergo &c.

4. Quartò videtur prædestinatio non
esse pars diuinæ prouidentia. Diuina enim
prouidentia identificatur cum diuina es-
sentia, quæ est omninò simplex, & caret
partibus; ergo etiam Diuina prouidentia
caret partibus, ac proindè prædestinatio
non potest esse pars Diuinæ prouidentia.

5. Respondeo, quod cum egerimus de
prouidentia, sequitur, vt agamus de præ-
destinatione, quæ vt iam explicabitur
num. 9. est altissima pars prouidentia.

6. Prædestinatio describitur à Sancto
Thoma 1. parte quæst. 23. art. 1. in corpo-
re; *Ratio in Deo existens transmissionis*
creaturæ rationalis in finem vitæ æternæ.
Explicatur, & simul probatur in Deo ab
æterno dari prædestinationem Sanctorum.
Ad hoc, vt aliquid perueniat ad finem,
ad quem virtute suæ naturæ peruenire non
potest, debet ab alio transmitti ad talem
finem, eo pacto, quo quia sagitta virtute
suæ naturæ peruenire non potest ad sco-
pum, debet ad scopum transmitti à sagit-
tario; sed creatura rationalis virtute na-
turæ

turæ non potest peruenire ad altissimum, finem vitæ æternæ consistentem in visione immediata Dei; ergo ut perueniat ad finem vitæ æternæ, debet ad illam transmitti à Deo; sed Deus non potest in tempore res ordinare, & transmittere ad suos fines, nisi ab æterno detur in Deo ratio talis ordinis, & transmissionis; ergo in Deo ab æterno datur ratio transmissionis creaturarum rationalium ad finem vitæ æternæ, quæ ratio vocatur prædestinatio, in quantum est æterna, & præcedens destinatio creaturarum rationalium ad altissimum, & supernaturalem finem vitæ æternæ per media, per quæ certissimè illam consequentur, quicumque consequentur.

7. Reprobatio describi potest ex doctrina Sancti Thomæ hac quæstione 23. art. 3. *æterna exclusio quarundam creaturarum rationalium à vita æterna propter demerita, propter quæ certissimè excluduntur, quicumque excluduntur.* Explicatur, & simul probatur in Deo dari ab æterno reprobationem eorum, qui excluduntur à vita æterna. De facto enim ex Hominibus, & Angelis multi excluduntur à vita æterna propter demerita; sed non possunt in tempore excludi, nisi Deus ab æterno voluerit excludere, & permittere demerita, propter quæ sunt digni tali exclusionem; ergo Deus ab æterno habet decretum excludendi aliquos à vita æterna, & permitendi demerita, propter quæ merentur talem exclusionem; sed hoc decretum excludendi est reprobatio; ergo in Deo ab æterno datur reprobatio,

8. Con-

8. Infertur primò, quanam possint propriè prædestinari. Dicendum, quod solæ creaturæ rationales possunt propriè prædestinari. Ratio est, quia cum prædestinatio stricte sumpta sit destinatio ad altissimum finem vitæ æternæ, illa solum, stricte possunt prædestinari, quæ sunt capacia altissimi finis consistentis in visione Dei; sed solæ creaturæ rationales sunt capaces altissimi finis consistentis in visione Dei; ergo &c. Licet autem omnes creaturæ rationales sint à Deo ordinatæ ad vitam æternam, iuxta illud Apostoli prima ad Timotheum 2. *Deus vult omnes homines saluos fieri*, tamen non omnes sunt prædestinatæ, quia non omnes sunt ordinatæ ad salutem per media, per quæ certissimè illam consequentur, prout requiritur ad prædestinationem: Ex proportionali ratione solæ creaturæ rationales propriè reprobantur.

9. Infertur secundò, in quo sensu prædestinatio sit pars prouidentiae, vt docet Sanctus Thomas hac quaestione 23. in fine corporis. Dicendum, quod licet ex dictis quaestione 67. num. 18. Prouidentia sit actus indiuisibilis, & carens partibus, quia tamen actus prouidentiae, quo Deus ordinat vniuersa ad suos fines, æquiualeat pluribus actibus, ideo nos ratione, & per modum concipiendi in actu Prouidentiae distinguimus plures actus, quos vocamus partes prouidentiae, & prædestinationem, hoc est actum, quo Deus ordinat electos ad altissimum finem vitæ æternæ, vocamus

mus altissimam partem prouidentiae, siue actus, quo Deus vniuersa ordinat ad suos fines.

10. Si vero prouidentia consideretur ex parte rerum, quibus Deus prouidet, & quas praedestinat, res, quas praedestinat, sunt pars rerum, quibus prouidet. Patet. Deus enim prouidet omnibus rebus creatis, praedestinat autem solos electos; sed electi sunt pars inclusa in vniuersitate rerum creatarum; ergo res, quas Deus praedestinat, sunt pars rerum, quibus prouidet, ideoque praedestinatio, & prouidentia ex parte rerum se habent sicut pars, & totum. Ex proportionali ratione praedestinatio ex parte ordinis, & finis est pars prouidentiae. Nam praedestinatio ponit ordinem electorum ad finem vitae aeternae, prouidentia ponit ordinem omnium rerum ad suos fines; sed ordo electorum est pars totius ordinis, finis vitae aeternae est pars totius finis; ergo &c. Addit Sanctus Thomas hac quaestione 23. art. 3. *Quod sicut Praedestinatio est pars Prouidentiae respectu eorum, qui diuinitus ordinantur in aeternam salutem, sic reprobatio est pars Prouidentiae respectu illorum, qui ab hoc fine decidunt.*

11. Infertur tertio, quos actus includat Praedestinatio. Dicendum, quod cum praedestinatio sit destinatio ad finem vitae aeternae per media certissima, includit intentionem efficacē dandi finem vitae aeternae, electionem mediorum certissimorum, & rationem, siue cognitionem ordinantem praedestestinos ad finem intentum.

per

216 *De prædestinatione, & reprobatione*
 per media electa. Ad quæstionem, in qua,
 quæritur, vtrum talis ratio sit scientia
 simplicis intelligentiæ, & media, vel scien-
 tia visionis; & vtrum prædestinatio prin-
 cipaliter, & in recto importet actum in-
 tellectus, vel voluntatis: respondendum
 est proportionaliter ad ea, quæ de prou-
 dentia diximus quæst. 65. num. 11. & 12.
 Proportionaliter reprobatio cum sit æter-
 na exclusio quorundam à vita æterna pro-
 pter demerita, vt docet Sanctus Thomas
 quæst. 23. ar. 3. vltra actum intellectus, ni-
 mirum præscientiam demeritorum, inclu-
 dit voluntatem permittendi demerita, &
 propter illa excludendi à vita æterna. Par-
 uuli, qui moriuntur cum peccato origina-
 li, excluduntur à vita æterna propter de-
 meritum peccati in Adamo commissi iuxta
 illud Apostoli ad Rom. 5. *In quo omnes pec-*
cauerunt.

12. Infertur quartò præcipuum dis-
 crimen inter prædestinationem, & reprobationem
 esse, quod Deus per prædestinationem ita
 vult dare sanctis vitam æternam propter
 merita, vt velit illis dare etiam merita,
 per quæ vitam æternam mereantur; at per
 reprobationem ita vult aliquos excludere
 à vita æterna propter demerita, vt demerita
 velit purè permittere.

13. Infertur quintò, quid dicendum
 sit de alijs descriptionibus prædestinationis.
 Primò celeberrima est definitio Augustini
 lib. de bono perseuer. cap. 14. *Prædestinatio est præscientia, & preparatio be-*
nefi.

beneficiorum Dei, quibus certissime liberantur quicumque liberantur. Hanc definitionem recipiunt Prosper ad excepta Genuensium cap. 8. Fulgentius lib. 2. ad Monimum cap. 1. Beda in Comm. ad Rom. 8. & communiter Scholastici cum Magistro in 1. sent. distinctione 40. Dicta porro definitio ab Augustino affertur contra Pelagianos. Pelagiani enim dicebant Deum ab æterno prædestinasse sanctos ad salutem ex præiudicatis meritis, sed negabant præparasse beneficia gratiæ, per quæ certissime consequerentur merita, ideoque prædestinationem definiebant: *Præscientiam meritorum, & voluntatem saluandi homines propter merita.* Augustinus è conuerso postquam contra Pelagianos ostendit Deum non solum præscire merita, sed præparare voluntatem hominis per beneficia gratiæ ad merendum, definit prædestinationem: *Præscientiam, & præparationem beneficiorum Dei, quibus certissime saluantur, quicumque saluantur.* Prima particula *præscientia* explicat actus intellectus, qui includuntur in prædestinatione. Secunda particula *præparatio* exprimit actus voluntatis, hoc est volitionem efficacem dandi dona gratiæ, & ipsa merita, & dandi æternam salutem propter merita. Idem Augustinus lib. de prædestinatione Sanctorum dicit: *Inter prædestinationem, & gratiam hoc interest, quod prædestinatio est gratiæ præparatio, gratia uero est ipsa donatio.* Ex hac doctrina prædestinatio describi potest: *Præparatio gra-*

218 De prædeterminatione, & reprobatione
tia, hoc est voluntas eterna dandi gratiam
in tempore, per quam gratiam certissime sal-
vantur quicumque saluantur, & sic hæc
definitio coincidit cum alia definitio-
ne.

14. Secundò Riccardus art. 7. de libe-
ro arbitrio prædeterminationum definit: *Effi-
cax ordinatio, & dilectio electorum per me-
dia cõgrua ad salutem eternam*. Bellarminus
lib. 2. de Gratia, & libero arbitrio præde-
stinationem definit: *Prædestinatio est pro-
videntia Dei, qua certi homines ex massa
perditionis misericorditer eruti, per infal-
libilia media ad vitam diriguntur eter-
nam*. Hinc patet omnes definitiones alla-
tas esse optimas, & coincidere cum ea,
quam ex Sancto Thoma attulimus num. 6.

15. Infertur sextò, quid dicendum
sit de alijs definitionibus reprobationis.
Primò Magister, quem sequuntur Scho-
lastici in 1. dist. 40. cap. ultimo reproba-
tionem definit dicens: *Reprobatio est præ-
scientia iniquitatis quorundam non finien-
de, & preparatio damnationis eorundem*.
Colligitur autem hæc definitio ex Augu-
stino lib. de Prædest. Sanctõrum cap. 10.
docente iniquorum peccata fuisse præ-
scita, & non preparata, pœnam autem
esse præparatam. Quia tamen Deus i'a
peccata præscit, vt etiam permittat, de-
beret addi in definitione, quod *Repro-
batio est præscientia, & permissio iniqui-
tatis*.

16. Secundò alij definiunt reprobatio-
nem ex Augustino de bono perseverantiæ
cap.

cap. 14. *Reprobatio est præscientia in quibusdam malitia non finiendæ, & præparatio pœnæ non terminandæ.* Hæc definitio licet non habeatur apud Augustinum sub his terminis, tamen potest facillè ex ipso colligi non solum ex loco citato, sed etiam lib. de Prædest. Sanctorum cap. 13. & 14. Hæ & aliæ similes definitiones sunt optimæ, & coincidunt cum allata num. 7.

17. Aduertit Bellarminus lib. 2. de gratia, & lib. arbitrio cap. 16. reprobationem ab Augustino in Enchiridio cap. 10. vocari prædestinationem ad pœnam. Verba Augustini sunt. *Implet ipse quod vult benè utens & malis tanquam summè bonus ad eorum damnationem, quos iustè prædestinauit ad pœnam, & ad eorum salutem, quos benignè prædestinauit ad gloriam.* Augustinum quoad hunc modum loquendi sequuntur plures alij Patres, quos refert Ruiz de Prædest. disp. 1. sect. 2. Vñs tamen obtinuit, vt non dicantur prædestinati, nisi qui ad gloriam sunt electi. Et verè in Scriptura hoc nomen non sumitur nisi in bonam partem. Reprobos Theologi vocant præscitos, quia licet hoc nomen sit commune etiam electis, cum Apostolus ad Rom. 8. dicat; *Quos præsciuit, & prædestinauit &c.* tamen Theologi applicarunt nomen commune ijs, quibus non conuenit nomen prædestinati.

18. Ad 1. & 2. concedo antecedens, & nego consequentiam. Ex dictis num. 8. licet creaturæ irrationales propriè prædestinari non possint, cum non possint de-

220 *De prædestinatione, & reprobatione*
stinari ad altissimum finem vitæ æternæ,
tamen creaturæ rationales cum possint de-
stinari ad hunc altissimum finem, propriè
possunt prædestinari. Ex eadem ratione
Deus non dicitur propriè reprobos præ-
destinasse ad poenam, quia destinando ad
poenam non destinavit ad altissimum fi-
nem, sed ad privationem altissimi finis.
Adde, quod Deus per se creaturas ratio-
nales destinat ad vitam æternam, ideoque
per beneficia gratiæ præparat merita, qui-
bus ad illam perveniant; at non per se de-
stinat ad poenam æternam, sed solum per
accidens, quatenus videt reprobos liberè
peccando positueros impedimentum, ne
consequantur vitam æternam.

19. Ad 3. distinguo maiorem: Deus
vult omnes homines saluos fieri, si per ip-
sos non steterit, concedo; si per ipsos ste-
terit, nego. Deus vult reprobos etiam
saluare, si per ipsos non steterit; sed quia
præscit per ipsos staturum, vult illos dam-
nare propter demerita præuisa, & permis-
sa. Non repugnat autem, quod Deus eos-
dem velit conditionatè saluare, si per ipsos
non steterit, & absolutè non saluare, quia
præscit per ipsos staturum.

20. Ad 4. Prædestinatio est pars diuinæ
providentiæ formaliter, & ratione nostra,
non autem realiter, cum providentia par-
tibus careat, ut explicatum est num. 9.
& 10.

QVAESTIO LXX.

*Utrum Deus quoslibet possit pro libito
prædestinare, faciendo ut beatitu-
dinem liberè mereantur, vel
reprobare, permittendo ut
liberè beatitudinem
demereantur.*

1. **V**idetur Deus posse pro libito quoslibet prædestinare ad gloriam, ut coronam, si mereantur gloriam, sed non esse ita dominus liberi arbitrij, ut possit pro libito facere, ut liberè gloriam mereantur: ac similiter posse quidem quoslibet destinare ad æterna supplicia, si peccent, at non posse pro libito permittere, ut peccent: primo quia ut ex principiis Stoicorum arguebant Pelagiani, actus formaliter liberi creaturis rationalibus non sunt liberi Deo; sed actus meritorij, vel demeritorij vitæ æternæ sunt formaliter liberi creaturis rationalibus; ergo non sunt formaliter liberi Deo; ergo Deus non est liber ad faciendum, ut beatitudinem mereamur, vel ad permittendum, ut illam demereamur, sed solum potest velle dare potentiam liberam merendi, vel demerendi beatitudinem, & ad beatitudinem, vel ad eius æternam priuationem destinare, si illam mereamur, vel demereamur.

2. Secundò auxilia indifferentia sunt

frustrabilia à libero arbitrio ; ergo posset contingere , vt aliquod liberum arbitrium redderet frustranea , & inefficacia omnia auxilia indifferentia , per quæ Deus posset ipsum mouere ad actus liberos , quibus mereretur beatitudinem ; ergo Deus non posset facere , vt hoc liberum arbitrium mereretur beatitudinem , ac non posset illud prædestinare ad beatitudinem vt coronam meritorum . Similiter posset contingere , vt aliquod liberum arbitrium pro nullo casu vellet peccare ; ergo Deus non posset permittere , vt hoc liberum arbitrium peccaret , & sic mereretur æterna supplicia , ac proindè non posset illud reprobare , ac destinare ad æterna supplicia , permittendo , vt illa libère mereretur .

3. Respondeo Pelagianos ex doctrina Stoicorum , & ex fundamento allato in primo argumento docuisse , Deum posse pro libito quemlibet prædestinare ad gloriam vt coronam , si mereatur gloriam , at non posse pro libito facere , vt gloriam mereatur ; ac similiter posse quoslibet destinare ad æterna supplicia , si peccent , at non posse pro libito permittere , vt peccent . Hinc consequenter docuerunt , Deum dare nobis potentiam ad merendum , & aliquam gratiam saltem externam , qua facitemur , & inclinemur ad faciendos actus meritorios vitæ æternæ , sed mordicus negarunt Deum dare nobis ipsa merita , vel habere potestatem dandi merita , & permittendi peccata .

4. Hæc

4. Hæc opinio est hæretica, & contra illam certum est ex fide Deum esse ita Dominum cuiuslibet liberi arbitrij creati, & peccabilis, vt habeat potestatem mouendi efficaciter creaturas liberas, ad quoslibet actus liberos bonos, & permit- tendi, vt faciant quodlibet peccatum, & quoslibet actus malos. Probatur primo ex Scriptura. Prouerb. 21. *Cor Regis in manu Domini; quocunque voluerit inclinabit illud.* Ad Rom. 9. *Cuius vult miseretur, & quem vult indurat: & paulò post An non habet potestatem figulus luti ex eadem massa facere aliud vas in honorem, aliud autem in contumeliam?* Hierem. 19. *Ecce sic ut lutum in manu figuli, ita vos in manu mea.* Matth. 3. *Potens est Deus de lapidibus istis suscitare filios Abrahe.* Epist. Iudæ: *Potens est vos conseruare sine peccato.*

5. Probatur secundò ex Augustino lib. de correptione, & gratia cap. 14. *Volenti, saluum facere, nullum hominis resistit arbitrium: sicut enim velle, & nolle in volentis est potestate; ut Diuinam voluntatem non impediat, nec superet potestatem.* In Enchirid. cap. 98. *Quis porro tam impiè desipiat, ut dicat Deum malas hominum voluntates, quas voluerit, quando voluerit, & ubi voluerit, in bonum non posse conuertere?* Idem docet cap. 96. 97. & alibi sæpè.

6. Probatur tertio rationibus desumptis ex Augustino. Nam Deus habet potestatem dandi vnicuique non solum

quod est minus bonum, sed etiam quod est maius bonum; sed maius bonum est liberè non peccare, ac liberè mereri vitam æternam, quam posse mereri, & posse non peccare; ergo Deus habet potestatem liberam dandi vnicuique non solum potentiam merendi, & non peccandi, sed etiam dandi ipsa merita, & ipsum liberè non peccare; sed si non posset liberè permittere, vt peccaremus, non posset nobis liberè dare, vt liberè non peccaremus; ergo &c. Confirmatur: nam cum melius sit mereri, quam posse mereri; iuxta hæresim Pelagij à Deo solum haberemus potentiam merendi, quæ est minus bona, ipsa autem merita non haberemus à Deo, sed solum à libero arbitrio. Huc spectant loca Script. 1. ad Corint. 4. *Quid habes, quod non accepisti?* ergo ipsa merita à Deo accipimus: *Quis te discernit?* sed discernimur per merita; ergo Deus dat merita. Semipelagiani conuicti argumentis Augustini concesserunt Deum dare Creaturis non solum potentiam merendi, sed etiam merita, excepto primo, & ultimo merito, hoc est excepto initio fidei, quod est primum meritum, & excepta finali perseverantia, quæ est ultimum meritum; contra quos Augustinus paulo ante mortem, scripsit duos libros de prædestinatione Sanctorum, & de Bono perseverantiæ, in quibus apertis testimonijs Scripturarum, efficaciter probat Deum dare nobis omnia omnino merita, etiam initium fidei, & finalem perseverantiam: alioquin aliquid ha-

haberemus, quod non accepissemus à Deo, quod repugnat Scripturis, & rationi naturali.

7. Hinc concluditur Deum posse prohibito non solum quemlibet predestinare ad gloriam, si illam mereatur, sed etiam posse predestinando dare illi omnia merita, per quæ gloriam mereatur, & posse prohibito non solum quemlibet destinare ad æterna supplicia, si peccet, sed etiam permittere peccata, per quæ mereatur æterna supplicia.

8. Ad 1. nego maiorem. Actus formaliter liberi creaturis sunt etiam liberi Deo, ita ut si sint honesti, Deus habeat potestatem faciendi, ut illos faciamus, vel permittendi, ut non faciamus, si sint inhonesti, & peccaminosi, habeat potestatem permittendi, ut illos faciamus, vel faciendi, ut ab illis liberè, & meritorie abstineamus, ut explicabitur infra questione 84. in qua agetur de concordia libertatis creatæ cum diuinæ providentiæ, & predestinatione.

9. Ad 2. distinguo antecedens: auxilia indifferentia sunt frustrabilia singula, concedo: sunt frustrabilia secundum totam collectionem, nego. Liberum arbitrium potest frustrari singula auxilia indifferentia, at non potest frustrari omnia collectivè. Ratio est, quia liberum arbitrium potest quidem resistere singulis auxilijs indifferentibus, utpotè habentibus finitam virtutem motivam ad consensum; at non potest resistere diuinæ Omnipotentia.

ciæ vt potenti mouere , & disponere liberum arbitrium ad consensum infinitis modis , & infinitis auxilijs maioribus , ac maioribus , ac potenti superare omnes difficultates , propter quas de facto liberum arbitrium non consentit huic auxilio ; sed si liberum arbitrium posset frustrari omnia omnino auxilia , posset resistere diuinæ omnipotentia vt potenti mouere infinitis modis , & per infinita auxilia maiora , & maiora ; ergo &c.

10. Queritur, vtum hæc impossibilitas resistendi diuinæ omnipotentia vt potenti mouere per infinita auxilia maiora , & maiora , sit impossibilitas metaphysica , vel solum moralis :

11. Dicendum contra aliquos , quod est impossibilitas metaphysica , ac non solum moralis . Probatur primò , nam allata loca Scripturæ , & Patrum significant impossibilitatem metaphysicam , & non solum moralem . Secundò probatur : nam est impossibile metaphysicè , vt Deus non habeat perfectum dominium creaturarum rationalium ; sed si Deus non posset creaturas rationales mouere ad quoslibet actus liberos , non haberet perfectum dominium creaturarum rationalium ; ergo &c.

12. Dices : liberum arbitrium potest resistere singulis auxilijs indifferentibus ; ergo etiam omnibus .

13. Respondeo , nego consequentiam . Ex doctrina communi Theologorum non valet : possumus moraliter vitare singula
pec-

peccata venialia ; ergo possumus moraliter vitare omnia venialia collectiuè . Rursus non valet : possumus moraliter frustrari singula auxilia ; ergo possumus moraliter frustrari omnia collectiuè ; ergo neque valet : possumus metaphysicè resistere singulis auxilijs indifferentibus ; ergo possumus metaphysicè resistere omnibus collectiuè . Ratio est , quia ex eo , quod possumus resistere diuinæ omnipotentiae vt mouenti per hoc auxilium finitæ virtutis , non sequitur , quod possumus resistere diuinæ omnipotentiae , vt potenti mouere per auxilia plura , & plura , & virtutis synkategorematicè infinitæ , hoc est maioris , & maioris ; ergo &c.

QVAESTIO LXXI.

Vtrum potestas diuina quoslibet prædestinandi, faciendo vt mereantur beatitudinem, vel reprobandi, permittendo vt illam demereantur, fundetur in scientia media.

1. **V**Idetur non sufficienter fundari in scientia media. Deus enim potest per scientiam mediam videre aliquod liberum arbitrium fore ita durum , vt restitutum esset omnibus auxilijs indifferentibus ; ergo stante hac scientia media , Deus

non posset hoc liberum arbitrium prædestinare, faciendo, ut liberè mereretur beatitudinem.

2. Respondeo cum omnibus auctoribus Societatis, potentiâ Dei ad quoslibet pro libito prædestinandos, faciendo, ut mereantur beatitudinem, vel reprobandos, permittendo, ut peccando finaliter, beatitudinem demereantur, sufficienter fundari in scientia media.

3. Probatur primò, & explicatur. Deus per scientiam mediam videt se in thesauris suæ omnipotentix habere infinitas series vocationum, & auxiliorum indifferentium, ad hoc, ut liberum arbitrium illis præuentum liberè obseruet præcepta, vel liberè transgrediatur præcepta, quæ si dederit Petro e.g. liberè obseruabit præcepta, perseverabit finaliter in gratia, & merebitur vitam æternam; & habere alias infinitas series, quas si dederit, Petrus liberè transgredietur præcepta, perseverabit finaliter in peccato mortali, & merebitur æterna supplicia; sed potest pro libito Petro dare hanc, vel illam seriem auxiliorum, & vocationum; ergo potest pro libito quemlibet, vel prædestinare ad vitam æternam, faciendo, ut illam mereatur, vel destinare ad æterna supplicia, permittendo, ut finaliter peccet, & mereatur æterna supplicia.

4. Probatur secundò, nam Augustinus diuinam potestatem mouendi cor hominis prout voluerit, reducit ad potestatem mouendi cor hominis vocatione, quam
scit

scit esse congruam, vel incongruam; sed potestas mouendi cor hominis vocatione, quam Deus scit esse congruam, vel incongruam, fundatur in scientia media; ergo &c. Probatur maior, afferendo aliquam ex innumeris testimonijs Augustini. Lib. i. ad Simplicianum cap. 30. dicit. *Et si multos vocat, eorum tamen miseretur, quos ita vocat, quomodo eis vocari aptum est, ut sequantur.* Et clarissimè paulò post: *Nul- lius Deus frustra miseretur; cuius autem miseretur, sic eum vocat, quomodo scit congruere, ut vocantem non respuat.* Et inferius loquens de Esau. *Cum ergo alius sic, alius autem sic moueatur ad fidem, eadem- que res sæpè alio modo dicta non moueat, aliumque moueat, alium non moueat, quis audeat dicere defuisse Deo modum vocandi, quo etiam Esau ad eam fidem mentem applicaret, voluntatemque coniungeret, in qua Iacob iustificatus est?* Ac deinde: *Cum Deus deserit, non sic vocando, quomodo ad fidem moueri potest, quis eum etiam dicat modum, quo ei persuaderetur ut crederet, omnipotenti defuisse? ergo.*

§. Ad argumentum in contrarium, nego antecedens. Iam enim dictum est quæ- stione 70. num. 10. repugnare metaphysicè, ut aliquod liberum arbitrium videretur restitutum omnibus auxilijs indifferentibus maioribus, & maioribus in infinitum; siquidem eo ipso esset restitutum virtutis motiue syncategorematicè infinitæ.

QVÆSTIO LXXII.

*Vtrum detur aliqua causa, vel ratio;
quare Deus quosdam prædestinet
quosdam reprobet.*

S. Th 9. 23. 4 5.

1. **V**ideretur non dari, primò quia prædestinatio, & reprobatio identificantur cum diuina essentia; sed diuina essentia non habet causam; ergo &c.

2. Secundò videtur, quod non possit, nec debeat afferri alia ratio, cur Deus aliquos prædestinet, alios reprobet, nisi, quia sic voluit, iuxta illud Apostoli ad Rom. 9. *quius vult miseretur, & quem vult inducit.*

3. Respondeo quæstionem posse agitari in pluribus sensibus. Primus sensus est, vtrum prædestinatio, & reprobatio, in quantum important volitionem necessariam identificatam cum diuina essentia, habeant aliquam causam. In hoc sensu certum est diuinam prædestinationem, & reprobationem non solum non habere causam, sed etiam non habere vllam rationem distinctam à se, sed esse omninò à se, sicut diuina essentia est omninò à se. Ideò Sanctus Thomas 1. parte quæst. 23. art. 5. dicit. *Non est assignare causam diuinæ voluntatis ex parte actus volendi.* Et paulò post: *Nullus fuit ita insanus mentis, qui dixerit meritum esse causam diuinæ præ-*

*prædestinationis ex parte actus prædestinan-
tis.*

4. Secundus sensus quæstionis est, utrum detur aliqua causa, vel ratio diuinæ prædestinationis, in quantum importat complementum, & applicationem extrinsecam. In hoc etiam sensu videtur certum, quod si ut multi dicunt, complementum extrinsecum diuinæ prædestinationis, & reprobationis est aliquod ens positivum, & temporale. verè existens in rerum natura, illud complementum propriè causatur à Deo illud in tempore producente: si verò hoc complementum est pura veritas obiectiva æterna, & aliquod ens abusi-
num, à Deo causatur solum impropriè, & abusiue, ac supertranscendentaliter, ut explicatum est quæstione 58. numero 47.

5. Tertius sensus quæstionis est, utrum detur, & possit à nobis assignari aliqua ratio motiua, & finalis, quæ moueat Deum ad hoc, ut quosdam velit prædestinare, quosdam reprobare.

6. Dicendum cum Sancto Thoma 1. par. quæst. 23. art. 5. ad 3. & in Commentario cap. 9. Epist. ad Rom. lect. 4. quod si quærat in genere, quare Deus quosdam prædestinet, quosdam reprobet, ex ipsa bonitate diuina desumi potest ratio prædestinationis aliquorum, & reprobationis aliorum. Probatur, & explicatur. Diuina bonitas dicitur esse adæquata ratio finalis mouens Deum ad volendum, facere omnia quæ facit, in quantum
omnia

132 *De causa prædestinationis*

omnia facit, vt manifestet suam bonitatem, & suas perfectiones, & præsertim Misericordiam, & Iustitiam: sed diuina Misericordia maximè manifestatur per hoc, quod aliqui consequantur æternam beatitudinem, diuina iustitia manifestatur per hoc, quod peccatores in æternum puniantur; ergo ratio, quare Deus quosdam prædestinet, quosdã reprobet est, vt in prædestinatis manifestet misericordiam, in reprobis iustitiam. Hanc rationem, vt explicat Sanctius Thomas loco citato, affert Apostolus ad Rom. 9. dicens. *Volens Deus ostendere iram, idest vindictam iustitiæ, & notam facere potentiam suam, sustinuit, idest permisit, in multa patientia vasa iræ apta in interitum, vt ostenderet diuitias gloriæ suæ in vasa misericordiæ, quæ parauit in gloriam: & 2. ad Tim. 2. In magna domo non solum sunt vasa aurea, & argentea, sed etiam lignea, & fictilia, & quædam quidem in honorem, quædã in contumeliam.*

7. Si verò quaratur, quare Deus specialiter hos prædestinet, illos autem reprobet: Dicendum, quod non potest assignari alia ratio, quam hæc, quod Deus sic voluit iuxta illud Apostoli ad Rom. 9. *Cuius vult miseretur, & quem vult induat;* & paulo post: *O homo tu quis es, qui respondeas Deo? numquid dicit figmentum ei, qui se finxit, quid me fecisti sic? an non habet potestatem figulus luti ex eadem massa facere aliud quidem vas in honorem, aliud vero in contumeliam,* Ideo Augustinus

nus tract. 26. in Ioannem dicit. *Quare hunc trahat, illum non trahat, noli velle iudicare, si non vis errare.* Explicatur. Quia figulus facit vasa in vsum domus, domus autem indiget non solum vasis factis ad honorem, hoc est ad nobilia ministeria, puta vt ponantur in mensa Domini, sed etiam vasis factis in contumeliam, hoc est ad vilia, & sordida ministeria, ideo ex fine figuli debet afferri ratio, quare ex eadem massa luti faciat aliqua vasa in honorem, aliqua in contumeliam. At si quaeratur, quare ex hac parte massae faciat vas in honorem, ex alia parte faciat vas in contumeliam, non potest assignari alia ratio, quam quia figulus sic voluit. Sed Deus creaturas rationales condidit ad finem manifestandi suam misericordiam, & iustitiam; ad hunc autem finem aliqui debent esse vasa in honorem, in quibus manifestetur diuina misericordia, aliqui debent esse vasa in contumeliam, in quibus manifestetur diuina iustitia; ergo ex fine potest reddi ratio generalis, quare Deus quosdam praedestinet, quosdam reprobet; at ratio specialis, quare hos praedestinet, illos reprobet, assignari non potest ex fine, sed vnica ratio est, quia Deus, qui est supremus Dominus, sic voluit. Videri potest Sanctus Thomas locis citatis.

8. Promouendo doctrinam traditam, sicut ex fine potest reddi ratio generalis, quare figulus faciat tot vasa in honorem, puta centum, & tot in contumeliam, puta mille; at ratio, quare centum vasa in hono-

quod est minus bonum, sed etiam quod est maius bonum; sed maius bonum est liberè non peccare, ac liberè mereri vitam æternam, quam posse mereri, & posse non peccare; ergo Deus habet potestatem liberam dandi unicuique non solum potentiam merendi, & non peccandi, sed etiam dandi ipsa merita, & ipsum liberè non peccare; sed si non posset liberè permittere, ut peccaremus, non posset nobis liberè dare, ut liberè non peccaremus; ergo &c. Confirmatur: nam cum melius sit mereri, quam posse mereri; iuxta hæresim Pelagij à Deo solum haberemus potentiam merendi, quæ est minus bona, ipsa autem merita non haberemus à Deo, sed solum à libero arbitrio. Huc spectant loca Script. 1. ad Corint. 4. *Quid habes, quod non accepisti?* ergo ipsa merita à Deo accipimus: *Quis te discernit?* sed discernimur per merita; ergo Deus dat merita. Semipelagiani convincti argumentis Augustini concesserunt Deum dare Creaturis non solum potentiam merendi, sed etiam merita, excepto primo, & ultimo merito, hoc est excepto initio fidei, quod est primum meritum, & excepta finali perseverantia, quæ est ultimum meritum; contra quos Augustinus paulo ante mortem, scripsit duos libros de prædestinatione Sanctorum, & de Bono perseverantiæ, in quibus apertis testimonijs Scripturarum, efficaciter probat Deum dare nobis omnia omnino merita, etiam initium fidei, & finalem perseverantiam: alioquin aliquid ha-

haberemus, quod non accepissemus à Deo, quod repugnat Scripturis, & rationi naturali.

7. Hinc concluditur Deum posse pro libito non solum quemlibet predestinare ad gloriam, si illam mereatur, sed etiam posse predestinando dare illi omnia merita, per quæ gloriam mereatur, & posse pro libito non solum quemlibet destinare ad æterna supplicia, si peccet, sed etiam permittere peccata, per quæ mereatur æterna supplicia.

8. Ad 1. nego maiorem. Actus formaliter liberi creaturis sunt etiam liberi Deo, ita ut si sint honesti, Deus habeat potestatem faciendi, ut illos faciamus, vel permittendi, ut non faciamus, si sint inhonesti, & peccaminosi, habeat potestatem permittendi, ut illos faciamus, vel faciendi, ut ab illis liberè, & meritorie abstineamus, ut explicabitur infra questione 84. in qua agetur de concordia libertatis creatæ cum diuinæ providentiæ, & predestinatione.

9. Ad 2. distinguo antecedens: auxilia indifferentia sunt frustrabilia singula, concedo: sunt frustrabilia secundum totam collectionem, nego. Liberum arbitrium potest frustrari singula auxilia indifferentia, at non potest frustrari omnia collectivè. Ratio est, quia liberum arbitrium potest quidem resistere singulis auxilijs indifferentibus, utpotè habentibus finitam virtutem motivam ad consensum; at non potest resistere diuinæ Omnipotentia

tia vt potenti mouere , & disponere liberum arbitrium ad consensum infinitis modis , & infinitis auxilijs maioribus , ac maioribus , ac potenti superare omnes difficultates , propter quas de facto liberum arbitrium non consentit huic auxilio ; sed si liberum arbitrium posset frustrari omnia omnino auxilia , posset resistere diuinæ omnipotentia vt potenti mouere infinitis modis , & per infinita auxilia maiora , & maiora ; ergo &c.

10. Queritur, vtum hæc impossibilitas resistendi diuinæ omnipotentia vt potenti mouere per infinita auxilia maiora , & maiora , sit impossibilitas metaphysica , vel solum moralis ?

11. Dicendum contra aliquos , quod est impossibilitas metaphysica , ac non solum moralis . Probatur primò , nam allata loca Scripturæ , & Patrum significant impossibilitatem metaphysicam , & non solum moralem . Secundò probatur : nam est impossibile metaphysicè , vt Deus non habeat perfectum dominium creaturarum rationalium ; sed si Deus non posset creaturas rationales mouere ad quoslibet actus liberos , non haberet perfectum dominium creaturarum rationalium ; ergo &c.

12. Dices : liberum arbitrium potest resistere singulis auxilijs indifferentibus ; ergo etiam omnibus .

13. Respondeo , nego consequentiam . Ex doctrina communi Theologorum non valet : possumus moraliter vitare singula
pec-

peccata venialia ; ergo possumus moraliter vitare omnia venialia collectiuè . Rursus non valet : possumus moraliter frustrari singula auxilia ; ergo possumus moraliter frustrari omnia collectiuè ; ergo neque valet : possumus metaphysicè resistere singulis auxilijs indifferentibus ; ergo possumus metaphysicè resistere omnibus collectiuè . Ratio est , quia ex eo , quod possumus resistere diuinæ onnipotentiae vt mouenti per hoc auxilium finitæ virtutis , non sequitur , quod possumus resistere diuinæ onnipotentiae , vt potenti mouere per auxilia plura , & plura , & virtutis synkategorematicè infinitæ , hoc est maioris , & maioris ; ergo &c.

QVÆSTIO LXXI.

Vtrum potestas diuina quoslibet prædestinandi, faciendo vt mereantur beatitudinem, vel reprobandi, permittendo vt illam demereantur, fundetur in scientia media.

I. **V**idetur non sufficienter fundari in scientia media. Deus enim potest per scientiam mediam videre aliquod liberum arbitrium fore ita durum , vt restitutum esset omnibus auxilijs indifferentibus ; ergo stante hac scientia media , Deus

non posset hoc liberum arbitrium prædestinare, faciendo, vt liberè mereretur beatitudinem.

2. Respondeo cum omnibus auctoribus Societatis, potentiâ Dei ad quoslibet pro libito prædestinandos, faciendo, vt mereantur beatitudinem, vel reprobandos, permittendo, vt peccando finaliter, beatitudinem demereantur, sufficienter fundari in scientia media.

3. Probatur primò, & explicatur. Deus per scientiam mediam videt se in thesauris suæ omnipotentix habere infinitas series vocationum, & auxiliorum indifferentium, ad hoc, vt liberum arbitrium illis præuentum liberè obseruet præcepta, vel liberè transgrediatur præcepta, quæ si dederit Petro e.g. liberè obseruabit præcepta, perseverabit finaliter in gratia, & merebitur vitam æternam; & habere alias infinitas series, quas si dederit, Petrus liberè transgredietur præcepta, perseverabit finaliter in peccato mortali, & merebitur æterna supplicia; sed potest pro libito Petro dare hanc, vel illam seriem auxiliorum, & vocationum; ergo potest pro libito quemlibet, vel prædestinare ad vitam æternam, faciendo, vt illam mereatur, vel destinare ad æterna supplicia, permittendo, vt finaliter peccet, & mereatur æterna supplicia.

4. Probatur secundò, nam Augustinus diuinam potestatem mouendi cor hominis prout voluerit, reducit ad potestatem mouendi cor hominis vocatione, quam
scit

scit esse congruam, vel incongruam; sed potestas mouendi cor hominis vocatione, quam Deus scit esse congruam, vel incongruam, fundatur in scientia media; ergo &c. Probatur maior, afferendo aliqua ex innumeris testimonijs Augustini. Lib. i. ad Simplicianum cap. 30. dicit. *Et si multos vocat, eorum tamen miseretur, quos ita vocat, quomodo eis vocari aptum est, ut sequantur.* Et clarissimè paulò post: *Nul- lius Deus frustra miseretur; cuius autem miseretur, sic eum vocat, quomodo scit congruere, ut vocantem non respuat.* Et inferius loquens de Esau. *Cum ergo alius sic, alius autem sic moueatur ad fidem, eadem- que res sæpè alio modo dicta non moueat, aliumque moueat, alium non moueat, quis audeat dicere defuisse Deo modum vocandi, quo etiam Esau ad eam fidem mentem appli- caret, voluntatemque coniungeret, in qua Iacob iustificatus est?* Ac deinde: *Cum Deus deserit, non sic vocando, quomodo ad fi- dem moueri potest, quis eum etiam dicat modum, quo ei persuaderetur ut crederet, omnipotenti defuisse? ergo.*

§. Ad argumentum in contrarium, ne- go antecedens. Iam enim dictum est quæ- stione 70. num. 10. repugnare metaphysicè, ut aliquod liberum arbitrium videretur re- stitutum omnibus auxilijs indifferenti- bus maioribus, & maioribus in infinitum: siquidem eo ipso esset restitutum virtuti- motiue syncategorematicè infinitæ.

QVÆSTIO LXXII.

*Vtrum detur aliqua causa, vel ratio,
quare Deus quosdam prædestinet
quosdam reprobet.*

S. Th 9. 23. a 5.

1. **V**ideretur non dari, primò quia prædestinatio, & reprobatio identificantur cum diuina essentia; sed diuina essentia non habet causam; ergo &c.

2. Secundò videtur, quod non possit, nec debeat afferri alia ratio, cur Deus aliquos prædestinet, alios reprobet, nisi, quia sic voluit, iuxta illud Apostoli ad Rom. 9. *cuius vult miseretur, & quem vult inducit.*

3. Respondeo quæstionem posse agitari in pluribus sensibus. Primus sensus est, vtrum prædestinatio, & reprobatio, in quantum important volitionem necessariam identificatam cum diuina essentia, habeant aliquam causam. In hoc sensu certum est diuinam prædestinationem, & reprobationem non solum non habere causam, sed etiam non habere vllam rationem distinctam à se, sed esse omninò à se, sicut diuina essentia est omninò à se. Ideò Sanctus Thomas 1. parte quæst. 23. art. 5. dicit. *Non est assignare causam diuinæ voluntatis ex parte actus volendi.* Et paulò post: *Nullus fuit ita insana mentis, qui dixerit meritum esse causam diuinæ præ-*

*prædestinationis ex parte actus prædestinan-
tis.*

4. Secundus sensus quaestionis est, utrum detur aliqua causa, vel ratio diuinæ prædestinationis, in quantum importat complementum, & applicationem extrinsecam. In hoc etiam sensu videtur certum, quod si ut multi dicunt, complementum extrinsecum diuinæ prædestinationis, & reprobationis est aliquod ens positivum, & temporale verè existens in rerum natura, illud complementum propriè causatur à Deo illud in tempore producente: si verò hoc complementum est pura veritas obiectiva æterna, & aliquod ens abusi-uum, à Deo causatur solum impropriè, & abusiue, ac supertranscendentaliter, ut explicatum est quaestione 58. numero 47.

5. Tertius sensus quaestionis est, utrum detur, & possit à nobis assignari aliqua ratio motiua, & finalis, quæ moueat Deum ad hoc, ut quosdam velit prædestinare, quosdam reprobare.

6. Dicendum cum Sancto Thoma, 1. par. quaest. 23. art. 5. ad 3. & in Com-mentario cap. 9. Epist. ad Rom. lect. 4. quod si quaeratur in genere, quare Deus quosdam prædestinet, quosdam reprobet, ex ipsa bonitate diuina desumi potest ratio prædestinationis aliquorum, & reprobationis aliorum. Probatur, & explicatur. Diuina bonitas dicitur esse adæquata ratio finalis mouens Deum ad volendum facere omnia quæ facit, in quantum
omnia

nus tract. 26. in Ioannem dicit. *Quare hunc trahat, illum non trahat, noli velle djudicare, si non vis errare.* Explicatur. Quia figulus facit vasa in vsum domus, domus autem indiget non solum vasis factis ad honorem, hoc est ad nobilia ministeria, puta vt ponantur in mensa Domini, sed etiam vasis factis in contumeliam, hoc est ad vilia, & sordida ministeria, ideo ex fine figuli debet afferri ratio, quare ex eadem massa luti faciat aliqua vasa in honorem, aliqua in contumeliam. At si quærat, quare ex hac parte massæ faciat vas in honorem, ex alia parte faciat vas in contumeliam, non potest assignari alia ratio, quam quia figulus sic voluit. Sed Deus creaturas rationales condidit ad finem manifestandi suam misericordiam, & iustitiam; ad hunc autem finem aliqui debent esse vasa in honorem, in quibus manifestetur diuina misericordia, aliqui debent esse vasa in contumeliam, in quibus manifestetur diuina iustitia; ergo ex fine potest reddi ratio generalis, quare Deus quosdam prædestinet, quosdam reprobet; at ratio specialis, quare hos prædestinet, illos reprobet, assignari non potest ex fine, sed vnica ratio est, quia Deus, qui est supremus Dominus, sic voluit. Videri potest Sanctus Thomas locis citatis.

8. Promouendo doctrinam traditam, sicut ex fine potest reddi ratio generalis, quare figulus faciat tot vasa in honorem, puta centum, & tot in contumeliam, puta mille; at ratio, quare centum vasa in hono-

honorem faciat ex hac parte massæ, mille
 vasa in contumeliam faciat ex alia parte
 massæ, non potest reddi ex fine, sed ex so-
 la voluntate figuli; sic ex fine potest affer-
 ri ratio generalis, quare Deus tot præde-
 stinauerit, & tot reprobauerit; at quare
 hos posuerit in numero prædestinatorum,
 illos autem in numero reproborum, non
 potest reddi ratio ex fine, sed ex sola vo-
 luntate Dei.

9. Addo Sanctum Bonauenturam in
 3. dist. 41. art. 2. quæst. 7. Carthusianum
 eadem dist. 9. 9. Henricum quodlibeto 5.
 quæst. 15. & alios asserere, quod datur
 etiam ratio specialis, sed nobis occulta,
 quare Deus hos prædestinet, illos autem
 reprobet. Hanc sententiam sequens Bellar-
 minus tom. 4. lib. 2. de gratia, & libero
 arbitrio, cap. 9. dicit. *In particulari quo-
 que dubitari non potest, quin Deo non desit
 sua ratio, cur istum potius, quam illum
 prædestinare voluerit ad vitam, quamuis ea
 nobis occulta sit: & etiam hæc sententia est
 probabilis, & fundatur in pluribus aucto-
 ritatibus Augustini, & aliorum Patrum,
 ac fortasse conciliari potest cum priori
 sententia, dicendo, quod illa negat dari
 aliquam specialem rationem à nobis assi-
 gnabilem, vel inuestigabilem, sed non
 negat dari rationem nobis omnino igno-
 tam, & non vestigabilem, iuxta illud Apo-
 stoli ad Rom. 11. *Quam incomprehensi-
 bilia sunt iudicia eius, & inuestigabiles viæ
 eius?**

10. Quartus sensus quæstionis esse po-
 test,

test, vtrum aliquid creatum vt absolute, vel conditionate praeuifum possit esse ratio, vel conditio, sine qua Deus aliquem non praedestinasset, vel reprobasset.

II. Respondeo affirmatiue. Probatur: nam peccatum Adæ vt absolute, vel conditionate praeuifum iuxta sententiam Sancti Thomæ, & communem fuit conditio, sine qua Verbum non fuisset Incarnatum, ac proinde sine qua Humanitas Christi non fuisset praedestinata ad vñionem hypostaticam, & ad eximiam illam beatitudinem, quam de facto habet ratione vñionis hypostaticæ: in sententia verò Scoti, & aliorum, peccatum Adami licet de facto non fuerit conditio, sine qua Verbum non fuisset incarnatum, tamen potuisset esse conditio, sine qua Verbum non fuisset incarnatum: ergo in omnium sententia aliquod creatum vt absolute, vel conditionate praeuifum potuit esse conditio, sine qua Deus aliquos non praedestinasset. Rursus iuxta illud Augustini: *Si Stephanus non orasset, Ecclesia Paulum non habuisset*, oratio Stephani fuit conditio, sine qua Deus Paulum non praedestinasset ad Apostolatam, & fortasse ad salutem; ergo. Potest etiam concedi sepè bona opera praedestinatorum vt conditionate praeuifa esse conditionem, sine qua non fuissent praedestinati; mala opera reproborum vt conditionate praeuifa esse conditionem, sine qua non fuissent reprobari, vt magis explicabitur infra quaest. 78. num. 23. & quaest. 79. num. 24.

Vide.

Videri potest Ruiz de Prædestinatione
disp. 3.

12. Addo primò, quod quia, vt dictum est quæst. 48. diuina voluntas non potest habere aliam rationem motiuam ad volendum, quam diuinam bonitatem, nullum creatum potest esse ratio motiua Dei ad volendum aliquem prædestinare, vel reprobare, sed solum potest esse conditio, sine qua diuina bonitas non moueretur. E. g. peccatum Adami non fuit ratio mouens Deum ad volendam Incarnationem, sed Deus ad volendam Incarnationem motus fuit adæquatè à sua bonitate: at peccatum Adæ, vt præuisum, fuit conditio, sine qua diuina bonitas non mouisset Deum ad volendam efficaciter Incarnationem.

13. Addo secundò, quod cum aliquid creatum est conditio, sine qua Deus aliquem non prædestinasset, vel non reprobasset, fungitur munere conditionis non vt absolutè, sed solum vt conditionatè præuisum. Ratio est, quia fungitur munere conditionis, in quantum præuidetur præuisione dirigente ad decretum prædestinatiuum, vel reprobatiuum: sed sola scientia media, per quam res præuidentur conditionatè, non autem scientia visionis, qua præuidentur absolutè, dirigit Deum ad sua decreta libera, vt dictum est quæstione 66. num. 3. & quæst. 67. num. 20. ergo.

14. Ad i. concedo totum, quòd nimirum prædestinatio, & reprobatio in quantum
impor-

important actus Deo intrinsecos non habeant causam. Possunt tamen habere causam propriam, vel impropriad, in quantum important liberam applicationem extrinsecam ad hoc potius, quam illud obiectum, ut explicatum est num. 4.

15. Ad 2. Iam dictum est, quod Deus prædestinat, vel reprobatur, quia vult; sed quia vult rationabiliter, datur ratio motiva volendi, quæ ratio est 'diuina bonitas', ita tamen, ut quædam creata ut conditio- natè prauisæ possint esse conditio, sine qua diuina bonitas non moueret ad hoc volendum, sed ad volendum oppositum, ut explicatum est num. 12.

QVAESTIO LXXIII.

*Vtrum omnia, quæ conducunt ad obti-
nendam salutem, & ipsa salus
sint effectus præde-
stinationis,*

S. Th. 9. 23. 49.

1. **P**Rimò videtur vera sententia Duran- di, qui dist. 42. quæst. 2. numer. 11. docuit, salutem, seu æternam beatitudi- nem non esse effectum prædestinationis. Prædestinatio enim propriè sumpta est præparatio mediorum, quibus certissimè saluantur, quicunque saluantur; ergo ef- fectus prædestinationis sunt solum media, per quæ prædestinati saluantur, ipsa autem
salus

salus, & beatitudo non est effectus prædestinationis.

2. Secundo videtur vera sententia Gabrielis, qui in 1. dist. 41. quæst. vnica, art. 3. dub. 1. contra Durandum docuit salutem, seu beatitudinem esse effectum prædestinationis propriè sumptæ, media verò gratiæ, quæ ad beatitudinem conducunt, non esse effectus prædestinationis. Propriè enim dicimur prædestinari ad finem, hoc est ad salutem, & ad beatitudinem, non autem ad media; sed effectus prædestinationis est solum id, ad quod prædestinamur; ergo.

3. Tertiò videntur actus liberi supernaturales prædestinatorum in quantum sunt ipsis liberi, & ab ijs procedunt, non esse effectus prædestinationis. Eatenus enim sunt effectus prædestinationis, quatenus procedunt, & causantur à Deo prædestinante; sed in quantum sunt liberi creaturis, non procedunt, & non causantur à Deo prædestinante; ergo.

4. Quartò videtur, quod gratia, & merita, quæ amittuntur, vel mortificantur ob subsequens peccatum mortale non sint effectus prædestinationis, sed sola gratiæ recuperatio, ac meritorum reuiuiscientia sit effectus prædestinationis, vt docet Vasquez 1. parte disput. 93. cap. 3. Beneficia enim communia prædestinatis, & reprobis, ac quæ non efficaciter ordinantur ad salutem, non sunt effectus prædestinationis; sed gratia, & merita per peccatum mortale amittenda sunt communia præ-

prædestinatis, ac reprobis, & antequam reuiuiscant, non efficaciter ordinantur ad salutem; ergo non sunt effectus prædestinationis.

5. Quintò videtur permissio peccatorum committendorum ab ipsis prædestinatis, & ab alijs, quæ prædestinatis cooperantur ad bonum, & ad salutem, non esse effectus prædestinationis, vt docet Vasquez 1. parte disput. 93. cap. 2. Effectus enim prædestinationis debent esse dona gratiæ collata à Deo ex intentione efficaci dandi beatitudinem, ac debent posse peti à Deo; sed permissio peccati non est donum gratiæ, nec peccata permittuntur à Deo ex intentione efficaci conferendi beatitudinem, ac non possunt à Deo peti; ergo &c.

6. Sextò videtur vera sententia Caietani, qui 3. parte quæst. 1. art. 3. docuit naturalia bona, & naturalia beneficia, putà indolem, ingenium &c. quantum ad substantiam rerum non esse effectum prædestinationis, sed solius naturalis prouidentie, licet earundem rerum ordinatio ad gloriam, & salutem sit effectus prædestinationis. Vt enim arguit Caietanus, Prouidentia naturalis, per quam producuntur omnia entia naturalia, debet esse prior, quam prouidentia supernaturalis; ergo res omnes naturales producuntur independenter ab intentione finis supernaturalis; sed vt essent effectus prædestinationis, deberent produci ex intentione efficaci dandi prædestinatis beatitudinem, hoc est finem

240 *De effectibus prædestinationis*
nem supernaturalem ; ergo .

7. Respondeo, quod cum egerimus de causa prædestinationis , sequitur , vt agamus de effectibus . Et primò quidem in genere statuemus, quinam sint effectus prædestinationis ; secundo per varias illationes descendemus ad determinandum in speciali de pluribus , de quibus apud Theologos est controuersia , vtum sint , vel non sint prædestinationis effectus .

8. Dicendum igitur, quod quia prædestinatio definitur ab Augustino lib. de Bono Perseuerantiæ cap. 14. *Præscientia, & preparatio beneficiorum Dei , quibus certissimò liberantur quicumque liberantur*, effectus prædestinationis sunt omnia beneficia, quæ Deus ab æterno præparauit, hoc est decreuit conferre prædestinatis, & in tempore illis confert, vt illis prosint ad salutem , & beatitudinem, & ex intentione efficaci prædestinatos perducendi ad salutem , & beatitudinem . Tres igitur conditiones requiruntur ad effectus prædestinationis . Prima est, vt sint beneficia Dei in tempore collata, & ab æterno præparata , & decreta prædestinatis . Secunda est, vt prædestinatis conferant ad salutem . Tertia est, vt in tempore illis conferantur , & ab æterno præparentur , ac decernantur ex intentione efficaci ducendi prædestinatos ad salutem , & beatitudinem . Omnia, quæ habent dictas conditiones, sūt effectus prædestinationis , cum sint effectus voluntatis prædestinatiuæ , qua nimirum Deus ab æterno efficaciter decreuit prædestina-

stinatos perducere ad salutem per beneficia, per quæ certissimè cōsequantur salutē.

9. Ex tradita doctrina infertur primo omnia beneficia Dei, quæ prædestinatis ad salutem confert, esse effectus prædestinationis ipsorum. Ratio est, quia Deus cum confert homini aliquod beneficium, confert illud ex intentione efficaci omnium bonorum, quæ videt ex talibus beneficijs prouentura: spectat enim ad diuinam bonitatem, vt sit causa per se, & ex intentione omnium bonorum, quæ de facto creaturis conferuntur; sed cum Deus confert prædestinatis aliquod beneficium, quod illis sit profuturum ad salutem, confert ex scientia, qua videt illis profuturum ad salutem; ergo confert ex intentione efficaci salutis; sed beneficia collata à Deo prædestinatis ex intentione efficaci salutis ipsorum, sunt effectus prædestinationis; ergo. Ideo Fulgentius lib. de Incarn. cap. 3. dicit. *Nihil prouenit in salutem hominum, quod ille non in æterna bonæ voluntatis suæ dispositione faciendum prædestinauerit*: & Augustinus lib. de Prædestinatione Sanctorum, ac de Bono perseuerantiæ, probat vocationem, fidem, gratiam, vitam, mortem, & vniuersim omnia beneficia diuina, quæ prædestinatis conducunt ad salutem, à prædestinatione prouenire, & esse effectus prædestinationis: ac S. Thomas 1. p. qu. 23. art. 5. in corpore dicit. *Quidquid est in homine ordinans ipsum ad salutem, comprehenditur totum sub effectu prædestinationis, etiam ipsa præ-*

242 *De effectibus prædestinationis
paratio ad gratiam*. Videri possunt Suan-
rius lib. 3. de Prædest. cap. 1. & sequenti-
tibus, & Ruiz de Prædestinatione disp. 21.
sect. 1. & sequentibus, vbi citat plures Scho-
lasticos.

10. Infertur secundò contra opinio-
nem Durandi relatam num. 1. in 1. argu-
mento, non solum beneficia, quæ condu-
cunt ad salutem, sed ipsam etiam salutem,
seu supernaturalem beatitudinem esse effe-
ctum, & quidem præcipuum prædestina-
tionis. Ratio est, quia prædestinatio est
præparatio beneficiorum, quibus prædesti-
nati saluantur, ac multo magis est præpa-
ratio ipsius salutis, & beatitudinis; ergo
salus, & beatitudo est effectus, & quidem
præcipuus, & finalis prædestinationis.
Confirmatur, nam Paulus ad Rom. 8. dicit:
Quos autem prædestinauit hos & vocauit,
& quos vocauit hos & iustificauit; quos autem
iustificauit, hos & glorificauit; ergo Aposto-
lus glorificationem ponit vt effectum præci-
piu prædestinationis. Et quidē quod Pau-
lus loquatur de glorificatione beatitudinis
docet Augustinus lib. de corrept. & gratia
cap. 9. dicens: *Illa gloria est hic intelligen-*
da, de qua idem dicit: Cum Christus ap-
paruerit vita vestra, tunc & vos apparebi-
tis cum ipso in gloria. Eodem pacto illum
locum Pauli intelligunt Fulgentius lib. 1.
ad Monimum cap. 11. Origines, Beda,
Sanctus Thomas, Caietanus in Commen-
tarijs eius loci, & alij, licet quidam exposi-
tores aliter interpretentur.

11. Infertur terciò contra Gabrielem
rela-

relatum n. 2. in secundo argumento, non solum beatitudinem, sed etiam beneficia gratiæ, quibus ad beatitudinem perducimur, esse effectus prædestinationis. Ratio est, quia prædestinatio non solum est præparatio finis, hoc est beatitudinis, sed etiam est præparatio mediorum, ac præcipuè beneficiorum gratiæ, quibus beatitudinem consequimur; ergo non solum beatitudo, sed etiam beneficia gratiæ sunt effectus prædestinationis: ideoque Apostolus inter effectus prædestinationis præter gloriam enumerat etiam gratiam, vocationis, & gratiam iustificationis, dicens: *Quos autem prædestinavit, hos & vocavit, & quos vocavit, hos & iustificavit.* Testimonia Patrum, quibus hoc ipsum probatur, videre potes apud Ruiz hic disput. 22. sect. 1. & 2.

12. Infertur quartò actus 'liberos supernaturales, & meritorios prædestinatorum esse effectus prædestinationis. Ratio est, quia ex dictis num. 9. omnia beneficia Dei, quæ prædestinatis ad salutem conferunt, sunt effectus prædestinationis: sed ipsi actus liberi, meritorij, & supernaturales prædestinatorum, etiam initium fidei, & finalis perseverantia sunt beneficia Dei, & prædestinatis ab salutem conferunt; ergo. Minor est certa contra Pelagianos, & Semipelagianos, & colligitur ex pluribus locis Scripturæ, & Patrum, qui dicunt, omnia nostra bona opera esse magis Dei, quam nostra, ideoque Deo tribuenda. Io. 15. *Sine me nihil potestis fa-*

244 *De effectibus prædestinationis*
facere. Iacobi 1. Omne datum optimum,
& omne donum perfectum desursum est. Ad
Cor. 11. Operatur omnia in omnibus. Isai. 26.
Omnia opera nostra operatus es in nobis. Ad
Philip. 2. dicitur: Deus est qui operatur in
nobis velle, & perficere: Ad Philipp. 1. Qui
capit in vobis opus bonum, ipse perficiet.
Ideo Celestinus in Epistola ad Episcopos
Galliæ cap. 5. dicit: Omnium bonorum affe-
ctuum, atque operum, & omnium studiorum,
atque virtutum, quibus ab initio fidei ad Deum
tendimus, Deum fateamur auctorem: Et Tri-
dentinum sess. 6. cap. ultimo dicit: Tanta
est Domini erga homines bonitas, ut eorum
velit esse merita, quæ sunt ipsius dona. Videri
possunt alia testimonia apud Ruiz disp. 21.
& 28. Addo actus supernaturales liberos
etiam in quantum sunt nobis liberi esse do-
na Dei, & esse effectus prædestinationis, ut
colligitur præsertim ex allato testimo-
nio Tridentini. Ratio est, quia Deus non
solum facit, ut illos faciamus, sed etiam
ut liberè faciamus; ergo etiam in quan-
tum sunt nobis liberi, sunt dona Dei, &
per consequens effectus prædestinationis,
ut docet Ruiz disp. 22. sect. 4. & disp. 27.
sect. 8.

13. Infertur quintò contra opinionem
 Patris Vasquez relatam num. 4. in 4. argu-
 mento, etiam gratiam, & merita prædesti-
 natorum, quæ ob subsequens peccatum
 mortale amittuntur, aut mortificantur,
 esse effectus prædestinationis. Ratio est,
 quia Deus dum dat prædestinato gratiam,
 & merita amittenda, & mortificanda per
 sub-

subsequens peccatum, dat ex intentione efficaci illa iterum viuificandi per gratiam, & faciendi, vt de facto conferant ad eorum salutem, & beatitudinem: sed omnia beneficia praedestinati collata ex intentione efficaci, vt per illa perducantur ad salutem, & beatitudinem, sunt effectus praedestinationis; ergo &c.

14. Infertur sextò contra Vasquez relatum numer. 5. in quinto argumento, quod licet peccata tum praedestinatorum, tum aliorum, non sint effectus praedestinationis, tamen permissio peccatorum est effectus praedestinationis. Quod peccata non sint effectus praedestinationis, probatur. Nam ex dictis num. 9. Effectus praedestinationis sunt beneficia Dei, ideoque praedestinatio definitur: *Prascientia, & preparatio beneficiorum Dei* &c; sed peccata non sunt beneficia Dei; ergo. Confirmatur: nam Deus est auctor, & causa per se omnium effectuum praedestinationis; sed Deus non est auctor, neque causa per se peccatorum; ergo &c. Quod permissio peccatorum sit effectus praedestinationis, probatur. Nam Deus permittit peccata, vt praedestinati cooperentur in bonum, ideoque Apostolus ad Roman. 8. dicit: *Scimus quia diligentibus Deum omnia cooperantur in bonum ijs, qui secundum propositum vocati sunt Sancti*; ergo Deus peccata permittit ex intentione efficaci, vt praedestinati cooperentur ad salutem; ergo talis permissio est beneficium praedestinati collatum ex intentione efficaci, vt

246 *De effectibus prædestinationis*

illis profuit ad salutem, ac proinde est effectus prædestinationis. Debet autem aduerti, quod si nomine permissionis peccatorum intelligatur voluntas, quæ Deus vult permittere peccata, vt electis profint ad salutem, talis voluntas non est effectus prædestinationis, sed est ipsa voluntas prædestinatiua. Dum ergo dicimus permissionem peccatorum esse effectum prædestinationis, nomine permissionis intelligimus constitutionem creaturarum rationalium in circumstantijs, in quibus Deus videt illas peccaturas; & hanc constitutionem dicimus esse effectum prædestinationis ex ratione allata.

15. Infertur septimò contra Caietanū relatum num. 6. in sexto argumento etiam bona, & beneficia naturalia, putà existentiam, indolem, ingenium &c. esse effectus prædestinationis; non solum secundum ordinationem ad finem supernaturalem, sed etiam secundum substantiam talium bonorum. Ratio est, quia Deus etiam dona naturalia confert prædestinatis ex intentione efficaci, vt illis profint ad salutem. Non tamen per hoc negamus, quod sint etiam effectus prouidentiae communis, cum etiam conferantur ad hoc, vt conducant ad finem prouidentiae communis. Cõfirmatur: nam ad Rom. 8. dicitur *Diligentibus Deum omnia cooperantur in bonum* ijs, qui secundum propositum vocati sunt Sancti; ergo prædestinatis etiam bona naturalia cooperantur in bonum. Videri potest Ruiz disput. 24.

16. Ad-

16. Addo, quod quia dona naturalia, putà ingenium, indoles &c. per accidens solum conferunt ad finem supernaturalem vitæ æternæ, dona autem supernaturalia per se conferunt ad salutem; ideo dona naturalia sunt effectus per accidens, dona autem supernaturalia sunt effectus per se prædestinationis.

17. Ad 1. & 2. nego maiorem. Prædestinatio enim non solum est præparatio mediorum, quibus prædestinati consequuntur beatitudinem, sed etiam est præparatio ipsius beatitudinis, ac proinde tum beatitudo ipsa, tum dona gratiæ, & vniuersim beneficia Dei, per quæ beatitudinem, infallibiliter consequuntur, sunt effectus prædestinationis, vt explicatum est numer. 10.

18. Ad 3. nego minorem, ac dico actus nostros liberos, etiam in quantum sunt nobis liberi, esse dona Dei, qui facit, vt liberè agamus, ac proinde esse effectus prædestinationis, vt explicatum est numer. 11.

19. Ad 4. nego minorem, ac dico, quod gratia, & merita per peccatum amittenda, in prima collatione dantur à Deo ex intentione efficaci, vt reuiuiscant, & vt conferant ad salutem prædestinatorum, ac proinde ex modo, quo dantur, non sunt communia prædestinatis, & reprobis, sed propria prædestinatorum, & sunt effectus prædestinationis vt explicatum est num. 13.

20. Ad 5. nego minorem, ac dico, quod

248 *De effectibus reprobationis*

permissio peccati, in quantum est constitutio hominis in circumstantiis, in quibus videtur peccaturus, ex intentione efficaci ut prosit prædestinatis ad salutem, est beneficium Dei, ut dictum est. num. 14. Dum opponitur, quia possemus à Deo petere, ut permittat peccata, respondeo hoc negando. Ratio est, quia sicut peccatum quidem est malum, sed bonum est, ut Deus peccata permittat, sic Deum peccata permittere est bonum, sed malum est, ut creatura petat talem permissionem. Creatura enim obligatur ad peccata impedienda, vel saltem ad non procurandum, & petendum eorum permissionem.

21. Ad 6. nego maiorem, ac dico Providentiam naturalem non debere esse priorem supernaturali. Deus enim sicut simul debet omnia decernere, ut dictum est qu. 67. sic debet simul decernere per providentiam naturalem, & supernaturalem.

QVÆSTIO LXXIV.

Utrum effectus reprobationis formaliter consideratæ sint permissio peccatorum, damnatio, & negatio beneficiorum, quorum subtractione reprobi certissime videntur damnandi.

1. **P**rimò videtur, quod non solum permissio peccatorum, sed ipsa peccata

ta sint effectus reprobationis . Merita enim , propter quæ prædestinati saluabuntur , sunt effectus prædestinationis , vt dictum est quæst. 73. num. 12; ergo demerita , propter quæ reprobi damnabuntur , sunt effectus reprobationis .

2. Secundò poena peccati est effectus reprobationis ; sed peccata præsertim , quæ à reprobis committuntur in statu dānationis , erunt poena peccatorum commissorum in via; ergo .

3. Tertiò videtur permissio peccati originalis non esse effectus reprobationis , vt docet Ruiz disput. 28. sect. 5. numer. 4. citans etiam Suarium lib. 5. de Reprobatione, cap. 7. num. 14. Nam peccatum originale est causa reprobationis eorum hominum , qui reprobantur; ergo permissio peccati originalis vt potè præcedens peccatū originale, non potest esse effectus reprobationis eorumdem hominum .

4. Quartò videtur permissio peccatorum personalium non esse effectus reprobationis eorum , qui damnantur propter peccata personalia ab ipsis commissa , vt docent plures auctores , quos refert Ruiz disput. 38. sect. 7. num. 1. Peccata enim personalia ; propter quæ reprobi damnantur , sunt causa reprobationis eorumdem ; ergo permissio talium peccatorum non potest esse effectus reprobationis .

5. Quintò videtur non solum negatio beneficiorum , sed ipsa etiam beneficia tum naturalia, tum supernaturalia reprobis

concessa esse effectus reprobationis eorundem. Sicut enim effectus prædestinationis sunt omnia, quæ Deus ita facit, ut videat prædestinatis cooperatura ad salutem, sic effectus reprobationis sunt omnia, quæ Deus ita facit, ut videat reprobis cooperatura ad damnationem; sed sicut omnia, etiam mala, iustis cooperantur ad salutem, sic omnia, etiam bona, reprobis ex culpa ipsorum cooperantur ad damnationem; ergo &c. Probatur minor ex Augustino in Soliloquijs cap. 28. ubi loquens de reprobis dicit. *Quibus omnia cooperantur in malum, & ipsa etiam oratio vertitur in peccatum, & ex Chrysostomo ad Rom. 8. ubi explicans illa verba: Diligentibus Deum omnia cooperantur in bonum, dicit: Quemadmodum autem diligentibus Deum, quæ nocitura videntur, ad utilitatem cedunt, ita vicissim Deum non diligentibus, quæ profutura videntur, damno sunt. Sic Iudeos & signorum ostensio, & dogmatum rectitudo, doctrinaque philosophia perdidit. Nam propter illa quidem demonstratum Christum vocabant, propter ista Deo contrarium.*

6. Respondeo, quod sicut effectus prædestinationis sunt liberatio, & salus, & omnia beneficia, quibus prædestinati certissimè liberantur, & saluantur, sic effectus reprobationis formaliter considerata, sunt damnatio, & negatio beneficiorum, quibus reprobi certissimè saluarentur, & ex quorum subtractione Deus videt, quod sua culpa certissimè peccabunt, & perseverantes finaliter in peccato, damnabuntur.

7. Ex tradita doctrina descendendo ad explicâdos in particulari effectus reprobationis, infertur primò, quod sicut salus, & æterna beatitudo est effectus præcipuus prædestinationis, sic negatio salutis, & æternæ beatitudinis, ac damnatio est effectus præcipuus reprobationis, vt docet Fulgentius lib. 1. ad Monimum cap. 5. Magister distinct. 40. & 41. & cum eo omnes Scholastici, ac S. Thomas 1. par. quæst. 23. art. 3. Suarius lib. 5. de Reprob. cap. 7. n. 4. & alij apud Ruiz disp. 38. sect. 6. num. 1. Ratio est, quia sicut prædestinatio includit voluntatem efficacem dandi salutem, & beatitudinem, sic reprobatio includit voluntatem efficacem excludendi à salute, & à beatitudine, ac in æternum damnandi propter demerita; ergo sicut salus, & beatitudo sunt effectus prædestinationis, quia sunt effectus voluntatis saluandi, quæ includitur in prædestinatione; sic damnatio, & exclusio à salute, sunt effectus reprobationis, quia sunt effectus voluntatis damnandi, & excludendi à salute propter demerita.

8. Infertur secundò, quod licet merita, per quæ prædestinati saluantur, sint per se effectus prædestinationis, tamen demerita, & peccata, propter quæ reprobi damnantur, non sunt effectus reprobationis, vt docent communiter Scholastici cū Magistro in 1. dist. 41. cap. ultimo, & cum S. Thoma 1. p. quæst. 23. ar. 3. & ultimo. Ratio est, quia ideo merita sunt per se effectus prædestinationis, quia Deus præ-

destinans ad beatitudinem, per se etiam intendit, & causat in prædestinatis merita, quibus consequantur beatitudinem; sed Deus reprobans non per se intendit, neque causat in reprobis peccata, & demerita, propter quæ damnantur, sed illa solum permittit; ergo demerita, & peccata, non sunt effectus reprobationis. Quia tamen reprobatio est præscientia, & permissio demeritorum, propter quæ reprobi certissimè damnabuntur, concedi potest demerita esse effectus, non quidem per reprobationem causatos, sed purè permisos. E conuerso iusta reproborum damnatio propter demerita, est effectus per reprobationem causatus ex suppositione demeritorum; & ex eadè ratione cætera mala poenæ, & vniuersim omnia bona consequentia ex peccatis reproborum, sunt effectus reprobationis; siquidem Deus permittit peccata ex intentione talium bonorum. Vt enim dicit Augustinus lib. 1. confes. cap. 12. *Iussit Deus, & sic est, ut poena sua sibi sit omnis inordinatus animus*. Hinc sequitur, quod sicut peccatum habituale, in quantum supra peccatum actuale addit eius moralem perseverantiã, quæ consistit in priuatione gratiæ, seu aptitudinis ad finem, habet rationem poenæ à Deo volitæ, sic secundum talem priuationem est effectus reprobationis, vt bene concedit Ruiz disp. 38. sect. 2. num. 4.

9. Infertur tertio, quod licet peccata ipsa non sint effectus reprobationis, tamen permissio peccatorum, in quantum est subtractio,

tractio, ac negatio gratiæ, qua negata, creaturæ rationales videntur peccaturæ, est effectus reprobationis. Ratio est, quia idè ipsa peccata non sunt effectus reprobationis, quia non sunt effectus Dei reprobantis; sed permissio in sensu explicato est effectus Dei reprobantis, & permittentis peccata ex intentione eliciendi ex ipsis bonum iustitiæ vindicatiæ in iustissima damnatione reproborum; ergo. Et quia etiam peccatum originale permixtum fuit à Deo vidente illud fore occasionem damnationis reproborum, & ex intentione eliciendi ex ipso bonum iustitiæ vindicatiæ, idè etiam permissio peccati originalis fuit effectus reprobationis reproborum, vt docent Marsilius, Bannez, Zumel, Molina, & Suar. lib. 5. de Reprob. cap. 5.

10. Infertur quartò beneficia diuinatum naturalia, tum supernaturalia non esse effectus reprobationis formaliter considerata, sed solum reprobationis materialiter considerata. Probatur. Nam sicut effectus prædestinationis formaliter considerata sunt salus, & beneficia, per quæ prædestinati videntur certissimè saluandi, sic effectus reprobationis sunt damnatio, & negatio beneficiorum, per quæ reprobis certissimè saluarentur, & per quorum subtractionem certissimè videntur damnandi. Quia tamen Deus eadem voluntate, qua vult reprobis negare beneficia, per quæ saluarentur, vult illis dare aliqua alia beneficia tum naturalia, tum
etiam

etiam supernaturalia, per quæ possent saluari; beneficia autem collata reprobis sunt effectus huius voluntatis; ideò etiam beneficia collata reprobis sunt effectus reprobationis, non quidem formaliter, sed materialiter, & identicè consideratæ.

11. Ad 1. concedo antecedens, & nego consequentiam. Disparitas patet ex dictis num. 8. Merita enim per se intenduntur, & causantur à Deo prædestinante, ideoque sunt per se effectus prædestinationis: peccata autem, & demerita non per se intenduntur, neque causantur à Deo reprobante, sed purè permittuntur vt causanda à peccatoribus, ac proindè non sunt effectus reprobationis.

12. Ad 2. concedo maiorem, & distinguo minorem: peccata, præsertim quæ à reprobis committuntur in statu damnationis, erunt propriè, & formaliter poena peccatorum commissorum in via, nego: erunt poena consecutiua, & minùs propriè, concedo: & distinguo eodem pacto consequens. Ad poenam propriam requiritur, vt intendatur, & ponatur à Iudice contra voluntatem patientis; sed Deus non potest intendere, & ponere peccata; ergo peccata propriè non possunt esse poena. Poena consecutiua, & impropria est malum, quod licet iudex non intendat, neque ponat, tamen prævidet secuturum ex poena intenta, & nihilominus illud permittit, quia reus dignus est tali permissione; sed Deus licet non intendat Peccata à reprobis committenda in inferno,

nō, tamen videt illa necessitate morali
secutura ex poena damnationis, subtra-
ctionis gratiae &c; & nihilominus illa per-
mittit, quia damnati digni sunt tali per-
missione; ergo &c. Sicut peccata damna-
torum non sunt propriè poena, sic non sunt
propriè effectus reprobationis, sed possunt
dici effectus per reprobationem permisi,
& ex effectibus reprobationis consequen-
tes, vt dictum est num. 8.

13. Ad 3. & 4. nego minorem. Pec-
catum enim originale, & peccata perso-
nalia non sunt causā reprobationis, vt di-
cetur quaest. 77. ac proinde possunt esse
effectus reprobationis.

14. Ad 5. nego maiorem, ac dico
quod licet beneficia, quæ Deus itā con-
fert, vt videat prædestinatis cooperaturā
ad salutem, sint effectus prædestinationis
formaliter consideratæ, tamen beneficia,
quæ itā confert, vt videat reprobis coope-
ratura ad damnationem, non sint effectus
reprobationis formaliter, sed solum ma-
terialiter consideratæ. Ratio est, quia
prædestinatio formaliter considerata est
voluntas conferendi beneficia, per quæ
prædestinati videntur saluandi; ergo bene-
ficia, per quæ videntur saluandi, sint ef-
fectus prædestinationis formaliter consi-
deratæ. At reprobatio est voluntas negan-
di beneficia, per quorum negationem
videntur reprobi sua culpa damnandi; vo-
luntas autem conferendi beneficia, per
quæ possint saluari, solum materialiter in-
cluditur in reprobatione, vt dictum est
num.

256 *De prædestinatione ante meritā*
num. 10; ergo sola negatio beneficiorum,
est effectus reprobationis formaliter confi-
deratæ, beneficia verò ipsa sunt effectus
reprobationis solum materialiter confide-
ratæ.

Q V A E S T I O LXXV.

*Utrum Deus electos ad gloriam, & ad
beatitudinem prædestinet ante
merita finalia abso-
lutè præuisa.*

1. **E**X vna parte videtur Deus electos
prædestinare ad gloriam, & ad bea-
titudinem ante eorum merita finalia abso-
lutè præuisa: primò quia hoc expressè
docuit Augustinus pluribus locis, quæ
videri possunt apud Ruiz. de prædestina-
tione disput. 10. sect. 2. & sequentibus.

2. Secundò, & est fundamentum Sco-
ti, & Scotistarum; ordinatè volens prius
vult efficaciter finem, deindè vult media
conducentia ad talem finem; sed Deus
gloriam, & beatitudinem electorum in-
tendit vt finem, gratiam autem ad meren-
dum, & ipsa merita vult vt media, per quæ
consequantur finem beatitudinis; ergo
Deus prius vult gloriam, & beatitudinem
electorum, deindè vult illis dare gratiam
ad merendum, & merita, ac ipsa merita
præuidet vt absolutè existentia.

3. Tertiò ex alia parte videtur Deus
prædestinare electos ad gloriam, & beati-
tudinem

tudinem solum post eorum merita finalia absolute prauiſa. Vt enim arguit Vasquez 1. parte disp. 89. cap. 9. num. 76. stultus esset Rex, qui proponens pramium vt dandum solis legitime certantibus, decerneret illud dare huic determinate, antequam videret illum legitime certaturum; sed Deus gloriam, & beatitudinem proponit vt pramium, & brauium dandum solis legitime certantibus, & vsque in finem perseuerantibus; ergo non decernit absolute dare beatitudinem vlli adulto, nisi postquam videt illos legitime certaturos, & vsque ad finem perseueraturos.

4. Quarto si voluntas efficax dandi gloriam vt coronam antecederet merita, & eorum prauiſionem, esset independens a meritis, ac proinde daretur, etiamsi non darentur merita; sed repugnat, vt Deus velit dare gloriam vt coronam meritorum, etiamsi non dentur merita; ergo.

5. Quinto voluntas dandi gloriam vt coronam meritorum est remuneratiua, & non est pure liberalis; sed voluntas non supponens prauiſionem meritorum est pure liberalis; ergo.

6. Sexto reprobatio est post demerita absolute prauiſa; ergo praedestinatio est post merita absolute prauiſa.

7. Septimo si Deus praedestinaret ad gloriam ante prauiſa merita, adulti praedestinati non haberent libertatem ad hoc, vt finaliter peccando amitterent beatitudinem,

258 *De prædestinatione ante merita*
dinem, & damnarentur.

8. Respondeo: certum est ex Tractatu de Gratia contra Semipelagianos, quod sicut prima gratia non datur ex meritis, sed datur ut sit principium omnis meriti, sic prædestinatio, seu voluntas diuina conferendi primam gratiam non supponit præscientiam absolutam ullius meriti, cui retribuatur prima gratia. Hoc supposito, in quo conveniunt omnes Catholici, quæstio est inter Scholasticos, utrum prædestinatio adultorum ad gloriam ut coronam meritorum, & finalis perseverantiæ, supponat præscientiam absolutam meritorum, & finalis perseverantiæ, an potius sit ante merita absolute præiusta; vel neque præcedat, neque subsequatur, sed sit simul cum tali præscientia.

9. Tres sunt præcipuæ sententiæ. Prima Scoti, & Scotistarum, ac Suarii lib. 1. de Prædestinatione, cap. 8. & 9. & plurium aliorum, docet, prædestinationem, seu voluntatem dandi gloriam adultis, præcedere voluntatem dandi gratiam ad merendum, & ipsa merita, & à fortiori præcedere absolutam præscientiam meritorum.

10. Secunda Patris Vasquez 1. parte disp. 90. & plurium aliorum docet voluntatem dandi gratiam ad merendum, & merita, ac præscientiam absolutam meritorum finalium præcedere prædestinationem ad gloriam, seu ipsam voluntatem dandi gloriam adultis ut coronam meritorum.

II. Ter-

11. Tertia Sententia Arrubalis, & aliorum docet, Deum in eodem signo, & eadem indiuisibili volitione velle efficaciter dare gloriam vt coronam meritorum, & gratiam efficacem ad merendum, & finaliter perseuerandum, ac ipsa merita, ac proindè prædestinationem, seu voluntatem efficacem dandi gratiam non præcedere, neque subsequi voluntatem dandi gratiam ad merendum, & ipsa merita.

12. Vt examinentur istæ opiniones, debet aduerti, quod auctores primæ, & secundæ sententiæ supponunt Deum non omnia simul, & in eodem signo, siue instanti rationis decernere, sed aliqua decernere in signo priori, aliqua in posteriori. Non conueniunt tamen in his signis explicandis, & ordinandis. Scotus igitur, & Scotistæ, alijque satis communiter distinguunt quatuor signa, ac dicunt, quod Deus videns omnes homines propter peccatum Adæ esse reos damnationis, & esse massam quamdam perditionis, in primo signo ex illa massa elegit aliquos, quos specialiter dilexit, eisque dare gloriam, absolutè decreuit, ac proindè prædestinavit: circa alios in hoc primo signo nihil decreuit, sed præcisivè se habuit. In secundo signo decreuit prædestinatis dare, gratiam, & auxilia efficacia, per quæ finaliter mererentur gloriam, ac decreuit etiam dare ipsa merita. In tertio signo per scientiam visionis vidit illos gratiæ cooperaturos, ac gloriam finaliter merituros.

turos. In quarto signo ex præuisione meritorum voluntate executiua voluit illis dare gloriam vt mercedem meritorum absolute præuiforum. Hæc signa non ponuntur ita indiuisibilia, vt aliqua non possint diuidi in alia signa, ac de facto secundum signum, in quo Deus decreuit prædestinatis dare gratiam, & meritum, subdiuidunt in plura signa, ita vt in primo ex. gr. decreuerit dare primam gratiam, & primum meritum: in secundo ex præuisione primi meriti decreuerit dare secundam gratiam, & secundum meritum, & sic deinceps. Suarius etiam docet, quod Deus ex directione scientiæ mediæ in primo signo habuit voluntatem per modum intentionis, qua voluit absolute, & efficaciter aliquibus dare gloriam: in secundo signo habuit voluntatem, qua voluit eis dare auxilia efficacia ad merendum, & ipsa merita finalia: in tertio signo habuit voluntatem executiuam, qua ex præuisione absoluta meritorum voluit eisdem dare gloriam. Vasquez negat Deum in primo signo ante præuisionem absolutam, meritorum habuisse voluntatem absolutam, & efficacem per modum intentionis dandi aliquibus gloriam, ac docet, quod in primo signo habuit solum voluntatem absolutam, & efficacem dandi gratiam, & auxilia congrua ad finaliter merendam gloriam; in secundo autem signo ex præscientia absoluta meritorum, & perseuerantiæ finalis, habuit voluntatem efficacem dandi gloriam, vt coronam meritorum.

E con-

E conuersò auctores tertiæ sententiæ supponunt Deum omnia simul, & in eodem signo decernere, vt dictum est quaest. 67. num. 13.

13. Dicendum primò cum tertia sententia: Prædestinatio, seu voluntas efficax dandi gloriam non præcedit, neque subsequitur voluntatem efficacem dandi gratiam, & auxilia congrua ad finaliter merendum, sed istæ duæ voluntates sunt simul, ac proindè Deus in eodem signo intendit efficaciter gloriam vt finem, & gratias, & auxilia vt media certissimè conducentia ad talem finem.

14. Probatur. Vt enim ostensum est quaest. 67. num. 14. Deus omnia, quæ libere decernit, simul & in eodem signo decernit; ergo simul, & in eodem signo decernit gloriam vt finem, ac gratiam, & merita finalia vt media, quibus prædestinati certissimè consequantur talem finem, & si aliter decerneret, operaretur modo imperfecto, vt ibidem est ostensum.

15. Dicendum secundò: prædestinatio ad gloriam non est positiuè ante, neque post præscientiam absolutam meritorum, sed est simul, & in eodem signo.

16. Probatur, nam sicut in Deo scientia necessaria omninò identificatur cum voluntate necessaria, sic scientia libera omninò identificatur cum voluntate libera, ac proindè voluntas libera dandi prædestinatis merita, & gloriam ex meritis,
om-

omnino identificatur cum scientia absoluta meritorum; ergo sicut prædestinatio ad gloriam non est positivè ante, neque post voluntatem dandi merita, sed est simul, & in eodem signo, sic non est ante, neque post præscientiam absolutam meritorum, quæ omnino identificatur cum voluntate dandi merita. Iuxta sententiam dicentem præscientiam meritorum esse post voluntatem dandi merita, dicendum esset prædestinationem esse ante absolutam præscientiam meritorum.

17. Dixi prædestinationem non esse positivè ante præscientiam absolutam meritorum. Potest enim admitti, quod sit ante negativè, hoc est quod Deus prædestinet ad gloriam, absque eo quod ante absolutè præsciuerit merita, licet neque præsciat post, sed in eodem signo. Plures porro ex antiquis, dum dicunt Deum prædestinasse ante merita absolutè præiussa, loquuntur de hac prioritate negativæ. Dixi rursus Deum prædestinare ante merita absolutè præiussa. Ut enim dixi quæst. 66. num. 4. Deus ad omnia sua Decreta libera dirigitur à tota sua scientia media; ergo etiam ad decretum prædestinatiuum dirigitur à scientia media meritorum conditionatè futurorum, ac proindè prædestinat post merita conditionatè præiussa per scientiam mediam. Addo sententiam traditam esse Sancti Augustini, & Sancti Thomæ. S. enim Augustinus lib. de bono Perseuerantiæ cap. 14. dicens, quod *Prædestinatio est præscientia, & præparatio beneficiorum Dei, quibus certissimè liberantur*
qui-

quicumque liberantur, indicat Deum simul præscire, & velle dare beneficia, quibus prædestinati consequantur liberationem, & salutem, & ipsam liberationem, & salutem. S. Thomas 1. p. quæst. 19. art. 5. in corpore dicit. *Deus autem sicut uno actu omnia in sua essentia intelligit, ita uno actu vult omnia in sua bonitate. Unde sicut in Deo intelligere causam non est causa intelligendi effectus, sed ipse intelligit effectus in causa, ita velle finem, non est ei causa volendi ea quæ sunt ad finem, sed tamen vult ea, quæ sunt ad finem, ordinari in finem. Vult ergo esse hoc propter hoc, sed non propter hoc vult hoc; ergo S. Thomas expressè docet Deum eodem actu velle finem, ac media, ac proinde eodem actu velle gloriam ut finem, & merita ut media, quæ est nostra sententia.*

18. Ad 1. Augustinus, dum videtur docere Deum prædestinasse ad gloriam, ante merita absolutè præiudicis, loquitur de prioritate negatiua. Addo dici posse prædestinationem esse priorem præscientiæ, prioritate non virtuali intrinseca, sed rationis purè extrinsecæ, & ex nostro modo concipiendi: siquidem nos concipimus, quod prius velit dare merita, deinde videat illa ut absolutè posita, & existentia.

19. Ad 2. Argumentum Scoti propositum, & solutum est quæst. 67. n. 22. ubi ostensum est, quod ordinatè volens ordine conueniente sapientiæ infinitæ, non prius, sed simul debet velle finem, & omnia media conducentia ad finem.

20. Ad

20. Ad 3. *distinguo maiorem* : stultus esset Rex, qui proponens præmiū ut dandum solis legitimè certantibus, decerneret huic dare determinatè, antequam neque absolutè, neque conditionatè videret hunc legitimè certaturum, concedo : antequam videret absolutè, sed videret conditionatè, nego ; concedo minorem ; & *distinguo eodem pacto consequens* . Si Rex antequam proponeret præmiū, conditionatè videret, quod si proponeret tale præmiū, & daret talia arma &c. hic determinatè legitimè certaret, & præmiū mereretur, prudenter posset simul proponere præmiū, ac decernere illud dare huic, quem conditionatè vidisset legitimè certaturum ; sed Deus proponens beatitudinem ut præmiū meritorum, supponitur iam per scientiam beatam vidisse, quod aliqui, si det illis talia auxilia, legitimè certabunt, & beatitudinem merebuntur ; ergo .

21. Ad 4. *distinguo antecedens* : voluntas efficax dandi gloriam ut coronam, esset independens à meritis, & non esset connexa essentialiter cum meritis, nego ; & esset essentialiter connexa cum meritis, concedo ; & nego consequentiam . Voluntas efficax dandi gloriam est quidem independens à meritis, sed est connexa cum meritis ; sed quod est independens ab alio, si sit connexum cum illo ut causa cum effectu, non daretur sine illo ; ergo voluntas dandi gloriam non daretur, si non darentur merita . Confirmatur : nam ex eo, quod Pater æternus sit independens à Fi-
lio,

lio, non sequitur quod daretur, etiam si non daretur filius. Rursus voluntas gloriæ etiam per aduersarios est independens à gloria, & tamen quia est connexa cum gloria, non daretur, si non daretur gloria. Debet aduerti, quod licet voluntas dandi gloriam sit independens à meritis absolute existentibus, tamen vult, ut gloria sit dependenter à meritis absolute existentibus, ut explicatum est quæst. 67. num. 28. in resp. ad primum.

22. Ad 5. concedo maiorem, & nego minorem. Voluntas gloriæ dicitur remuneratiua, non quia ipsa sit remuneratio meritorum, sed quia vult dare gloriam ut remunerationem meritorum; sed ad hoc sufficit, ut gloria supponat merita, & causetur à meritis, non requiritur, ut voluntas ipsa supponat præscientiam meritorum, & causetur à præscientia; ergo. Sed hæc magis explicata sunt quæstione 67. num. 30. in resp. ad 5.

23. Ad 6. respondebitur quæst. 76. proximè sequenti, in qua examinabitur, utrum Deus reprobet ante demerita finalia absolute præuisa.

24. Ad 7. ex eo, quod si adulti prædestinarentur ante præuisa demerita, non haberent libertatem ad hoc, ut finaliter peccando, damnarentur, respondebitur quæst. 84. in qua ex professo agetur de concordia libertatis cum diuina prædestinatione.

QVÆSTIO LXXVI.

Utrum Deus reprobet ante, vel post demerita finalia absolutè præiſa.

1. **V**idetur Deus ſaltem poſitiuè non reprobare, niſi poſt demerita finalia absolutè præiſa; primò quia reprobatio poſitiua eſt actus, quo Deus reprobum vult æternis ſupplicijs addicere; ſed Deus neminem vult æternis ſupplicijs addicere, niſi propter peccata absolutè præiſa; ergo. Probatur minor: Matth. enim 15. Chriſtus dicit: *Ite maledicti in ignem æternum: Eſuriui enim, & non dediftis mihi manducare &c;* ergo ante decretum damnationis ſupponitur præiſio peccatorum.

2. Secundò eatenus Deus poteſt prædeſtinare ad gloriam, abſque eo quod ante præiuderit absolutè merita, quatenus prædeſtinando poteſt etiam per auxilia gratiæ facere, vt prædeſtinatus mereatur gloriam; ſed reprobando non poteſt facere, vt reprobus peccet, & peccando mereatur damnationem, & æterna ſupplicia; ergo.

3. Tertiò Auguſtinus lib. 3. aduerſus Iulianum cap. 19. dicit: *Bonus eſt Deus: Iuſtus eſt Deus: poteſt ſine bonis meritis liberare, quia bonus eſt: non poteſt ſine malis meritis damnare, quia iuſtus eſt.* Idem Auguſtinus lib. de Gratia, & lib. arbitrio cap. 23. dicit. *Deus reddit mala pro*

pro malis , quia iustus est : bona pro malis , quia bonus est : bona pro bonis , quia bonus , & iustus est : solum non reddit mala pro bonis , quia iniustus non est ; ergo Deus nemini potest velle malum damnationis , nisi antè præviderit malum culpæ .

4- Respondeo , quod auctores , qui dicunt Deum non omnia simul , & in eodem signo decernere , satis communiter asserunt , quod Deus negatiuè reprobatur antè præuisa demerita , positiuè autem reprobatur post præuisa demerita , ac signa sic ordinant . In primo signo ante præuisionem absolutam meritorum , ac demeritorum Deus voluntate quadam generali , & communi prædestinatis , ac reprobis , decernit dare gloriam omnibus , qui illam finaliter meruerint , & dare omnibus adultis auxilia sufficientia ad gloriam merendam . In secundo signo voluntate speciali eligit quosdam specialiter dilectos , eisque dare gloriam absolutè decernit ; alios autem non eligit , sed circà illos præcisiuè se habet , & sic ante præuisionem absolutam demeritorum negatiuè reprobatur , hoc est non eligit ad gloriam . In tertio signo ex directione scientiæ mediæ prædestinatis confert auxilia , quibus videt illos finaliter perseveraturos in gratia , & sic gloriam merituros : negatiuè reprobis confert auxilia , quibus videt illos non finaliter perseveraturos in gratia , sed morituros in peccato mortali , & sic merituros damnationem . In quarto signo videt prædestinatos perseveraturos in gratia , & gloriam finaliter

liter merituos : ceteros autem negatiuè reprobatos non perseueraturos in gratia, sed finaliter perseueraturos in peccato mortali, & sic merituos aternam damnationem. In quinto signo post præuisa finalia demerita decernit morituos in peccato mortali aternis supplicijs addicere, & sic eos positiuè reprobat.

5. Dicendum primò contra hanc, & alias opiniones supponentes Deum non omnia simul, & in eodem signo decernere: Deus non ante, neque post, sed simul, & in eodem signo decernit aliquibus dare auxilia, cum quibus videt illos peccaturos, & finaliter perseueraturos in peccato mortali, & sic merituos aterna supplicia, & simul decernit illos aternis supplicijs addicere propter demerita, quæ vult permittere. Probatur. Ex dictis enim quaestione 67. Deus omnia, quæ decernit, simul, & in eodem signo decernit, & alius modus decernendi importat imperfectionem Deo repugnantem; ergo.

6. Dicendum secundò: reprobatio non est ante, neque post absolutam præuisionem demeritorum, sed est simul. Probatur, nam vt dictum est quaest. 76. num. 16. sicut voluntas dandi prædestinatis merita finalia omninò identificatur cum præscientia absoluta finalium meritorum, sic voluntas permittendi demerita finalia omninò identificatur cum præscientia absoluta demeritorum; ergo Deus in eodem signo, in quo vult permittere demerita, videt illa vt absolutè futura; sed in eodem signo,

in quo vult permittere demerita finalia ; vult eos , qui finaliter merebuntur damnationem , æternis supplicijs addicere , & sic positiuè reprobatur ; ergo præscientia demeritorum finalium , & positiua reprobatio sunt in eodem signo , ac proindè præscientia neque est ante , neque post reprobationem positiuam .

7. Quæres , vtrum possimus in Deo distinguere varios actus , putà voluntatem generalem saluandi omnes , & dandi omnibus auxilia sufficientia ; & voluntatem efficacem saluandi quosdam , & dandi illis auxilia efficacia , & merita , ac finalem perseuerantiam ; reprobationem negatiuam quorundam ; voluntatem dandi negatiuè reprobatis auxilia , cum quibus videt illos peccaturos , & morituros in peccato mortali , ac sic permittendi , vt moriantur in peccato mortali ; præuisionem mortis in peccato mortali ; ac demum reprobationem positiuam , seu voluntatem miseros illos æternis supplicijs addicendi .

8. Respondeo , quod possumus hos actus in Deo distinguere ex nostro modo concipiendi , sed ità , vt corrigentes modum imperfectum concipiendi , asseramus Deum hæc omnia simul , & in eodem signo decernere , non autem ità , vt vnum decernat prius , aliud posterius , & vt decernendo vnum ex his , maneat veluti suspensus ad alia decernenda , ac decretum circa illa differat in aliud signum . Sicut ergo in Deo distinguimus ratione nostra sapientiam , bonitatem , iustitiam , misericordiam ,

sed ita, ut corrigentes nostrum modum, concipiendi asseramus hæc omnia in Deo totaliter identificari; sic licet in Deo distinguamus plures actus, debemus modum concipiendi corrigere, & asserere Deum hæc omnia simul decernere. Addo Suarium Tomo 2. de Gratia cap. 53. num. 20. expresse docere ordinem intentionis in Deo solum nostro modo intelligendi distinguui ab ordine executionis, licet Deus vno actu indiuisibili omnia decernat, ac proinde non videri contrarium nostræ sententiæ.

10. Confirmatur, nam si Deus in eo signo, in quo eligit ad gloriam omnes prædestinatos, præcisive se habet ad alios, ac illos positiue non excludit à beatitudine, sed remanet indifferens ad illos in signis posterioribus efficaciter eligendos, cur deinde contingit, ut nullum eorum ad beatitudinem efficaciter eligat, nulli det finalem perseverantiam in gratia, sed omnes permittat finaliter perseverare in peccato mortali, ac deinde positiue reprobet? ergo figmentum est, quod Deus in eo signo, in quo eligit omnes prædestinatos, præcisive, & indifferenter se habeat ad omnes reprobos.

11. Ad 1. concedo maiorem, & distinguo minorem: Deus neminem vult æternis supplicijs addicere, nisi propter peccata absolute præiussa in eodem signo, concedo; in signo priori, nego; & nego consequentiam. Ut Deus velit addicere æternis supplicijs propter peccata absolute præ-

præuisa, sufficit, ut illa præuideat in eodem signo, non requiritur, ut præuideat in signo priori; sed Deus in eodem signo, in quo vult permittere peccata reproborum, præuidet illos finaliter peccaturos; ergo.

12. Ad 2. distinguo maiorem: eatenus Deus potest prædestinare ad gloriam, absque eo quod ante præuiderit merita, quatenus prædestinando, potest per auxilia gratiæ præcisè facere, ut prædestinatus mereatur gloriam, nego: quatenus per auxilia gratiæ potest præcisè facere, vel permittere, ut prædestinatus mereatur gloriam, concedo: distinguo eodem pacto minorem; & nego consequentiam. Si fingamus, quod Deus per auxilia gratiæ non posset facere, sed solum permittere, ut quis mereretur gloriam, & videret, quod si hoc permetteret, ille mereretur gloriam, posset illum prædestinare ad gloriam, absque eo quod ante præuidisset merita absolute, sed solum conditionatè; sed Deus dando auxilia, cum quibus videt aliquos finaliter merituros æterna supplicia, potest permittere, ut illi mereantur æterna supplicia; ergo potest illos velle damnare ad æterna supplicia propter demerita, absque eo quod illa præuiderit absolute.

13. Ad 3. Augustinus docet Deum, posse aliquem liberare à peccato, & à massa perditionis, absque eo quod præuideat bona merita, quibus meruerit talem liberationem, eo pacto, quo de facto Sanctum Paulum liberauit à peccato infidelitatis,

tatis, absque eo quod præcesserint bona merita, cum præcesserint mala merita: siquidem immediatè ante liberationem, persequēbatur Ecclesiam Dei: at neminem potest damnare, absque eo quod damnationem præcedant mala merita. Hoc autem totum nos concedimus. At non dicit Augustinus ante ipsam voluntatem, damnandi debere præcedere præscientiam absolutam meritorum. Similiter Augustinus dicit Deum, quia bonus est, dare bona pro malis præcedentibus, eo pacto, quo Sancto Paulo pro malo præcedente infidelitatis, & persecutionis Ecclesiæ dedit bonum conuersionis, & iustificationis: at nemini dare mala pro bonis, ità vt merenti bonum salutis e. g. det malum damnationis, quod totum nos concedimus, ac solum dicimus, quod vt Deus alicui velit dare malum damnationis, sufficit, vt in eodem signo præuideat præcessurum malum peccati finalis, ac demerita ipsius damnationis.

QVÆSTIO LXXVII.

Vtrum prædestinatio, ac reprobatio ex parte actus diuini, vel ex parte effectuum cadant, vel possint cadere sub meritum, aut demeritum.

S. Th. 9. 23. 4. 5.

1. **P**rimò videntur adulti prædestinati mereri suam prædestinationem. Qui enim

enim potest impedire suam praedestinationem, & illam non impedit, meretur suam praedestinationem; sed adulti praedestinati possunt non perseverare usque in finem, & sic impedire suam praedestinationem, & perseverando usque in finem, illam non impediunt; ergo.

2. Secundò videntur à fortiori reprobi mereri suam reprobationem. Nam qui potest impedire suam reprobationem, & non impedit, meretur suam reprobationem; sed adulti reprobi non peccando finaliter possunt impedire suam reprobationem, & dum finaliter peccant, illam non impediunt; ergo.

3. Tertiò merita finalia ut conditionatè praevisa sunt causa, ut Deus praedestinet: demerita finalia ut conditionatè praevisa sunt causa, ut Deus reprobet; ergo merentur praedestinationem, & reprobationem.

4. Respondeo, quod ex dictis quaestione 58. actus liber voluntatis, quo Deus praedestinat, & reprobatur, identificatur cum divina essentia omninò necessaria, sed applicatur per applicationem non necessariam extrinsecam Deo. Certum igitur est praedestinationem, in quantum est actus identificatus cum divina essentia, non posse cadere sub meritum, vel demeritum. Solum igitur quaeritur, utrum applicatio contingens, qua ultimò completur praedestinatio, ac reprobatio, & effectus praedestinationis, ac reprobationis possint cadere sub meritum, vel demeritum.

5. Dicendum primò : prædestinatio , ac reprobatio ex parte actus diuini vt liberè applicati non possunt cadere sub meritum , neque sub demeritum .

6. Probatur : nam meritum sicut non potest mereri se ipsum , sic non potest mereri , vt Deus velit ponere ipsum meritum , vel auxilia , per quæ ponatur ipsum meritum , ideoque est axioma commune , quod principium meriti non potest cadere sub meritum ; sed vt dictum est quæstione 75. num. 13. prædestinatio est actus , quo Deus vult prædestinatis dare salutem , & omnia merita , & vniuersim omnia beneficia , per quæ videt , quod certissimè saluabuntur , ac proindè prædestinatio est primum principium omnis meriti ; ergo prædestinati non possunt mereri suam prædestinationem , ac prædestinatio non potest cadere sub meritum . Ex proportionali ratione sicut demeritum non potest mereri se ipsum , sic non potest mereri , vt Deus velit permittere ipsum demeritum , ac proindè nemo potest mereri negationem gratiæ , ex qua sequatur ipsum demeritum ; sed reprobatio est voluntas permittendi omnia demerita , negando gratiam , ex qua vitærentur ; ergo &c. Huc spectant verba Apostoli ad Romanos 9. *Cum nondum nati fuissent , aut aliquid egissent boni , vel mali , non ex operibus , sed ex vocante dictum est , quia maior seruit minori , sicut scriptum est , Iacob dilexi , Esau autem odio habui .* Quia nimirum neque prædestinatus meretur prædestinationem , quæ ap-
pella-

pellatur dilectio, neque reprobis meretur reprobationem, quæ vocatur odium.

7. Dices: merita, ac demerita ut conditionatè præuisa per scientiam mediam, possunt Deum mouere ad hoc, ut velit illa absolutè ponere, vel permittere; sed hoc sufficit, ut merita, ac demerita conditionatè præuisa mereantur se ipsa ut absolutè ponenda; ergo &c.

8. Respondeo, distinguo maiorem: merita, ac demerita ut conditionatè præuisa possunt Deum mouere in ratione causæ meritoriae ad hoc, ut velit ponere ipsum meritum, nego: possunt mouere in ratione finis, & obiecti, concedo maiorem; nego minorem, & consequentiam. Finis *qui*, & meritum habent oppositum modum causandi. Nam finis *qui* cognitus ut possibilis, & ut conditionatè futurus, si ponantur media, mouet ad volendum absolutè ponere ipsum finem, & media effectiua finis; e.g. sanitas cognita ut possibilis, & ut absolutè ponenda, si ponantur media, mouet ad volendum ponere absolutè ipsam sanitatem, & media effectiua sanitatis, & in ista motione, qua finis mouet ad ponenda media, ut finis sit, consistit causalitas finis. Meritum è conuersò cognitum ut absolutè ponendum mouet ad ponendum præmium, & causalitas meritoria consistit in hoc, ut præmium ponatur, quia meritum videtur absolutè existens; sed merita cognita ut possibilis, & ut conditionatè ponenda mouent Deum ad volendum absolutè ponere ipsa merita, &

auxilia gratiæ, quæ causent ipsa merita, quæ auxilia dantur, non quia merita sunt, sed ut merita sint; ergo merita ut conditionatè præuisa possunt causare finaliter suam existentiam absolutam, & media hoc est auxilia gratiæ, sed non possunt causare meritoriè suam existentiam absolutam, & auxilia gratiæ.

9. Confirmatur: nam ut merita causarent meritoriè seipsa, & auxilia gratiæ, & voluntatem ponendi merita, deberet Deus, quia merita iam sunt, velle ponere ipsa merita, & auxilia ad merendum: sed hoc manifestè implicat; ergo. Proportionaliter ut demerita mererentur voluntatem, permittendi ipsa demerita, deberet Deus quia demerita sunt, velle permittere ut sint, siquidem in hoc consistit causalitas demeritoria. Hinc reiicitur error Semipelagianorum, qui, ut refert Augustinus lib. 1. de Prædest. Sanctorum cap. 12. & lib. de Bono perseuerantiæ cap. 9. dixerunt merita ut conditionatè præuisa mereri auxilia ad merendum. De ratione enim meriti est, ut quia ipsum absolutè est, ponatur præmium, non autem è conuerso detur præmium, ut meritum absolutè sit: sed auxilia gratiæ dantur, ut meritum sit, non quia meritum est; ergo meritum causat auxilia gratiæ finaliter, non autem meritoriè, ac proinde non meretur, nec potest mereri auxilia gratiæ, quibus ponatur ipsum meritum.

10. Dicendum secundò: effectus totalis prædestinationis non cadit, neque potest

test cadere sub meritum, sed datur omnino gratis. Probatur, nam effectus totalis prædestinationis est collectio omnium beneficiorum, quibus prædestinati consequuntur salutem, & comprehendit omnia merita, & primam gratiam ad merendum; ergo &c.

11. Hinc sequitur, quod neque Christus potuit mereri nostram prædestinationem quoad eius effectum totalem. Ratio est, quia effectus totalis nostræ prædestinationis includit omnia beneficia, per quæ prædestinati saluantur; sed inter hæc beneficia includitur ipse Christus, ipsa Incarnatio, & omnia merita Christi; Christus autem non potuit mereri seipsum, Incarnationem, & omnia sua merita; ergo &c. Rursus neque primus effectus partialis prædestinationis potest cadere sub meritum. Probatur, quia primus effectus prædestinationis est prima gratia ad merendum; sed hæc prima gratia non potest cadere sub meritum, cum sit principium omnis meriti; ergo.

12. Dicendum tertio: gloria, & secunda gratia ad merendum potest cadere sub meritum. Probatur, nam gloria cum sit corona Iustitiæ cadit sub meritum de condigno, iuxta illud Apostoli secunda ad Timoth. 4. *Reposita est mihi corona Iustitiæ.* Rursus per merita antecedentia possumus de congruo mereri gratiam ad obtinenda merita consequentia, etiam finalem perseverantiam, iuxta illud Augustini de Bono Perseverantiæ cap. 6. ubi de perseverantia
finali

QVÆSTIO LXXVIII.

*Vtrum, & qua prædefinitione Deus præ-
definiat efficaciter actus liberos
honestos creaturarum.*

1. **V**idetur Deus non prædefinire, sed solum præscire nostros actus liberos honestos; primò quia Damascenus lib. 2. de Fide cap. ultimo dicit. *Opera pretium est agnoscere omnia præscire Deum, non autem omnia prædefinire, neque prædestinare. Præscit enim ea, quæ in nobis, non autem prædefinit hæc.* Lib. etiam contra Manichæos dicit. *Quæ cum ita sint, Deus ea, quæ voluntariè à nobis futura sunt, hoc est ea, quæ in potestate nostra sita sunt, nimirum virtutem, & vitium præsciens, ea demum præfinit, quæ in arbitrio nostro minimo consistunt;* ergo iuxta Damascenum Deus actus liberos etiam honestos solum præscit, non autem prædefinit.

2. Secundò si Deus prædefiniret nostros actus liberos, eo ipso tales actus non essent nobis liberi; ergo.

3. Respondeo, quod idem est quærere, vtrum Deus prædefiniat, seu præfiniat actus liberos, & honestos creaturarum, ac quærere, vtrum Deus ab æterno efficaciter statuerit, ac decreuerit, vt creaturæ faciant actus liberos, & honestos, e. g. vtrum Deus ab æterno non solum præsciuerit. Sanctum Paulum conuertendum, sed etiam decre-

decreuerit efficaciter, vt conuerteretur.

4. Aliqui, quos tacito nomine refert Vasquez 1. p. disput. 99. cap. 5. num. 32. dixerunt Deum ab æterno non efficaciter decreuisse actus liberos creaturarum determinatè, & in singulari, sed solum indeterminatè, vagè, & in genere: e. g. Deus non decreuit determinatè, vt Sanctus Paulus conuerteretur, sed solum decreuit, vt vocatus faceret quod vellet, paratus concurrere ad actum, ad quem Sanctus Paulus se liberè determinaret. Fundamentum fuit, quia putarunt ex prædefinitione auferri libertatem actibus prædefinitis.

5. Dicendum cum communi sententia: Deus ab æterno non solum præsciuit, sed etiam prædefiniuit, & efficaciter decreuit determinatè, & in particulari cum omnibus suis circumstantijs omnes actus liberos, & honestos creaturarum. Pro hac sententia Ruiz de Prouidentia disput. 7. cap. 2. citat Sanctum Thomam, Sanctum Bonaventuram, Scotum, & omnes penè antiquos Scholasticos, & ex recentioribus Bellarm. lib. 1. de gratia, & libero arbitrio cap. 12. Molinam 1. p. quæst. 14. artic. 13. disput. 14. & 18. Suarium 3. p. disput. 37. sect. 3. & lib. 3. de Auxilijs cap. 16. Vasquez 1. p. disput. 87. cap. 1. & disput. 99. cap. 5. Arrubalem 1. p. disput. 65. & 66. & alios.

6. Probatur primò auctoritate. Nam Patres docent Deum ab æterno præscisse omnia nostra opera non solum bona, sed etiam mala, opera autem mala solum præscisse,

non

non autem prædestinasse, opera bonā non solum præscisse, sed etiam prædestinasse, hoc est efficaciter decreuisse; ergo. Probatur antecedens, afferendo loca Patrum. Prosper ad cap. Gallorum resp. 15. *Dubium non est sine ulla temporali differentia Deum, & præscisse simul, & prædestinasse, quæ ipso erant auctore facienda, vel quæ malis meritis iusto erant iudicio retribuenda, præscisse autem tantummodo, & non prædestinasse, quæ non ex ipso erant causam operationis habitura:* sed de Fide est ex tractatu de Gratia omnes actus bonos, & honestos fieri Deo auctore; ergo Deus prædestinat omnes actus bonos. Hæc verba Prosperi refert, & approbat Fulgentius lib. 1. ad Monimum, & in eandem sententiam præter alia plurā cap. 24. dicit; *Deus itaque omnia opera hominum siue bona, siue mala præsciuit, quia eum latere nihil potuit: sed sola bona prædestinauit, quæ se in filiis gratiæ facturum esse præsciuit.* Et paulo post subiungit. *Præsciuit enim omnes hominum voluntates, & malas, & bonas; prædestinauit autem solum bonas.* Et cap. 29. propè finem dicit. *Puto in his dictis Augustini euidenter ostensum bona opera sua Deum prædestinasse:* sed nostri actus boni sunt opus Dei, iuxta illud Apostoli: *Qui capit in vobis opus bonum ipse perficiet;* ergo Deus prædestinauit, hoc est efficaciter decreuit omnes actus bonos creaturarum. Libro etiam ad Monimum cap. 74. dicit: *Ac prime totius bonæ voluntatis initium ab illa sempiterna Trinitate, quæ unus solus, & verus est Deus,*
& præ-

¶ *prædestinatum confitemur, & datum*; ergo Fulgentius docet omnia bona opera, ac ipsum initium bonæ voluntatis à Deo fuisse prædestinatum, siuè efficaciter decretum, ac prædefinitum. Videri possunt alij Patres apud Ruiz de Prouid. disp. 9. sect. 3. & sequentibus.

6. Probatur secundò conclusio ratione. Nam Deus est prima causa per se, & ex intentione efficaci omnis boni; ergo omne id, quod est simpliciter, & absolutè bonum, Deus causat per se, & ex intentione, ac voluntate efficaci illud causandi; sed actus liberi, & honesti creaturarum sunt simpliciter, & absolutè boni; ergo. Hæc ratio desumpta est ex Patribus citatis, & præsertim ex Fulgentio lib. 1. ad Monimum cap. 14. vbi tradit hanc regulam, vt illa dicamus à Deo prædestinata, quæ iusta, & bona sunt, ac proinde Deo digna; illa autem, in quibus non inuenimus bonitatem, dicamus solum fuisse præscita.

7. Infertur Deum non solum de facto prædefinire omnes actus bonos, & honestos, sed etiam implicare contradictionem, vt detur aliquis actus bonus, & honestus, qui à Deo non prædefiniatur. Ratio est, quia nullo bonum simpliciter dari potest, quin procedat à Deo tanquam à causa per se, & ex intentione: sed vt Deus causet per se, & ex intentione, debet causare ex voluntate efficaci talis boni; ergo. Confirmatur, nam si non potest in homine nasci capillus absque eo, quod Deus efficaciter velit

velit illum nasci, multo minus potest in creatura rationali oriri actus liber bonus, & honestus, absque eo quod Deus efficaciter velit, & prædefiniat talem actum.

8. Hinc primò reijciuntur aliqui, qui dixerunt Deum de facto prædefinire omnes actus bonos, sed potuisse de potentia absoluta relinquere, vt fierent absque prædefinitione. Secundò reijciuntur illi, qui dixerunt de facto aliquos actus bonos fieri, Deo illos prædefiniente, aliquos fieri, absque eo quod prædefiniantur. Ex his Durandus in 1. dist. 47. quæst. 1. num. 6. docuit esse probabile quosdam actus moraliter bonos à Deo non prædefiniri, quod latius, firmitusque tradit Antonius à Corduba lib. 1. quæstionarij, quæst. 55. dub. 10. Suarez etiam lib. 2. de Auxilijs cap. 7. n. 11. & sequentibus, & lib. 3. cap. 17. num. 15. docet non esse præfinitos à Deo actus moraliter bonos, quando nec ad vitam æternam profunt, nec specialiter deseruiunt ad aliquem specialem finem prouidentia. Non defuerunt etiam aliqui, qui dixerunt actus bonos prædestinatorum à Deo prædefiniri, actus bonos reproborum non prædefiniri. Contra omnes istas opiniones auctoritatibus, & rationibus allatis ostenditur, omnes omnino actus moraliter bonos, tum naturales, tum supernaturales, tum prædestinatorum, tum reproborum à Deo prædefiniri. Videri potest Ruiz de Prouid. disp. 9. sect. 1. & sequentibus.

9. Posito, quod Deus ab æterno prædefiniat determinatè omnes, & singulos actus libe-

liberos moraliter bonos, quaeritur, vtrum talis praedefinitio ordine naturæ sit prior, vel posterior actu libero, vel potius illum comitetur.

10. Primò Catherinus opusc. de Præscientia, & Prouidentia Dei, cap. ultimo, & alij relati à Vasquez 1. p. disp. 99. cap. 5. num. 28. dixerunt praedefinitionem diuinam esse consequentem actum liberum, eiusque præscientiam absolutam, ita vt prius natura Deus videat liberum arbitriū à Deo motum, & existens se liberè determinare ad actum, deinde actum prædefiniat, & decernat ad illum concurrere.

11. Reijcitur hæc opinio, primò, quia sequeretur, quod non ideo peccator conuertitur, quia Deus vult illum conuerrere, sed ideo Deus vult peccatorem conuerti, quia videt illum conuerti; sed hoc licet concedatur ab aduersarijs, est absurdum, & valdè derogat gratiæ diuinæ; ergo.

12. Secundò si prius liberum arbitriū se determinaret ad actum, deinde Deus concurreret, & prædefiniret actum, Deus daret auxilium post bellum. Rursus Deus non faceret, vt faciamus, sed liberum arbitrium faceret, vt Deus concurreret.

13. Tertiò nullus datur concursus causæ secundæ ad actum liberum, qui simul, & indiuisibiliter non sit à Deo; ergo non potest intelligi, quod in aliquo signo concurrat ad actum liberum causa secunda, in quo ad illum non concurrat Deus.

14. Secundò Vasquez 1. p. disput. 99. cap. 6.

cap. 6. & 7. docet decretum efficax , quo Deus vult actus liberos moraliter bonos , nec esse prius , nec posterius natura actibus bonis , sed esse purè concomitans , ac proinde Deum prædefinire actus bonos prædefinitione priori quidem æternitate , sed natura concomitanti actus bonos. Fundamentum est , quia existimat decreta libera Dei compleri per ipsas res volitas ; ergo prædefinitio efficax actus liberi completur per ipsum actum liberum ; sed actus liber non præcedit , neque subsequitur se ipsum ; ergo prædefinitio efficax actus liberi non est prior , neque posterior actu libero , sed ipsum purè comitatur , ac proinde simul natura Deus , & creatura se liberè determinant ad actum liberum. Confirmat , nam existimat prædefinitionem , antecedentem absolutam auferre libertatem actui prædefinito ; ergo prædefinitio non potest esse antecedens , sed debet esse purè concomitans actum liberum .

15. Reijcitur , nam sicut potentia proxima faciendi actum liberum est prior natura ipso actu libero , sic decretum dandi voluntati potentiam proximam faciendi actum liberum est prior natura ipso actu libero ; sed Deus in eodem signo , in quo ex directione scientiæ mediæ , qua videt , quod si dederit talem potentiam proximam , sequetur actus liber moraliter bonus , decernit ponere talem potentiam , proximam , decernit simul ponere actum bonum , illumque efficaciter prædefinit ; Deus enim omnia simul , & in eodem signo de-

deceruit, ut dictum est quæstione 67. ergo prædefinitio efficax actus liberi est prior natura, quam actus liber, ac proinde non est purè concomitans. Falsum porro est decreta Dei libera compleri per ipsa obiecta volita, ut dictum est quæst. 58, ac proinde corrumpit præcipuum fundamentum, quo utitur Vasquez. Prædefinitio licet sit antecedens physicè, tamen est aliquo pacto consequens intentionaliter actum liberum, ideoque non aufert illi libertatem ut magis explicabitur quæst. 84.

16. Tertiò alij docuerunt prædefinitionem, seu decretum efficax, quo Deus vult nostros actus liberos honestos, ita esse priorem natura actibus liberis, ut non dirigatur à scientia media.

17. Reijcitur hæc opinio: nam si prædefinitio ita est prior actu libero, ut non dirigatur à scientia media de tali actu ut conditionatè secuturo, actus sequitur ex tali prædefinitione necessitate omnino antecedenti, quæ aufert libertatem actui, ut magis explicabitur qu. 81.

18. Quintò Auctores Societatis satis communiter docent prædefinitionem, qua Deus efficaciter vult actus liberos honestos, dirigi à scientia media de actibus liberis ut conditionatè futuris, ideoque ita esse priorem natura actibus liberis, ut sit etiam aliquo pacto posterior saltem intentionalitèr, & ideo non auferat libertatem; & hæc opinio est vera: & probatur ex impugnatione aliarum sententiarum, ac magis explicabitur quæst. 84.

19. Verum ex auctoribus Societatis , qui docent Deum ex directione scientiæ mediæ prædefinire actus liberos prædefinitione , quæ sit prior natura actibus prædefinitis , Suarius , & alij asserunt Deum in priori signo per modum intentionis præfinire ipsum actum liberum , puta conversionem peccatoris ; in signo posteriori discernere auxilia gratiæ , per quæ conuertatur . Alij è conuersò cum Molina in concordia quæst. 23. art. 1. & 2. disput. 2. & art. 5. disput. 1. membro 8. docent Deum in eodem signo simul intendere , & efficaciter prædefinire actum bonum , simul eligere auxilia gratiæ , ex quibus per scientiam mediam videt secuturum actum bonum , & hanc sententiam nos sequimur iuxta principia posita quæst. 67. & 75.

20. Ex dictis sequitur Deum dum dat auxilia efficacia , intendere , & efficaciter velle ipsam eorum efficaciam , in quocumque tandem consistat . Nam de quæstione , in qua quæritur , in quo consistat efficacia auxiliorum , disputare non licet . Ratio à priori est , quia ex dictis num. 6. Deus id , quod est simpliciter bonum , non confert solum per accidens , & præter intentionem , sed cum intentione , & voluntate efficaci illud conferendi ; sed quod auxilia sint efficacia , est simpliciter bonum ; ergo cum Deus dat auxilia efficacia , intendit , & efficaciter vult ipsam eorum efficaciam .

21. Iam verò dupliciter potest intelligi Deum , cum dat auxilia efficacia , prædefi-

definire consensum per talia auxilia ; primò ità vt sit paratus dare eadem auxilia , & permittere dissensum , si videret illa auxilia fore inefficacia , & dicat e. g. *Quia video , quod si dederò Petro auxilium A. Petrus consentiet , volo illi dare auxilium A , & volo vt consentiat , & si viderem quod Petrus per auxilium A. non esset consensurus , vellem dare hoc idem auxilium , & vellem permittere , vt dissentiret , & peccaret ;* secundò ità , vt si videret illa auxilia fore inefficacia , sit paratus dare alia auxilia , quæ videret fore efficacia , & dicat e. g. *Quia video , quod si dederò Petro auxilium A. consentiet , volo illi dare auxilium A , & volo vt consentiat : & si viderem Petrum per auxilium A. non consensurum , vellem dare aliud auxilium , cum quo consentiret , & vellem vt consentiret .*

22. Hoc posito , quæritur primò , vtrum Deus possit vtroque modo dare auxilia efficacia ?

23. Respondeo affirmatiuè . Probatur : nam qui vult efficaciter finem per aliquod medium , per quod videat se obtenturum , talem finem , potest finem illum velle , vel solum in quantum potest obtineri per illud medium , ità vt non velit ponere alia media ; vel potest illum finem velle absolute , ità vt sit paratus ponere alia media : e. g. qui vult emere domum centum nummis , potest velle emptionem solum in quantum potest haberi centum nummis , ità vt non sit paratus dare , vel offerre plures nummos , quam centum ; vel ita , vt

N

fit

fit paratus dare, vel offerre plures nummos, quam centum; ergo etiam Deus potest velle actum bonum, vel solum in quantum potest hic, & nunc obtineri per hæc auxilia, ita vt si videret hæc fore inefficacia, nollet ponere alia auxilia, vel absolutè, ita vt si videret hæc auxilia fore inefficacia, vellet ponere alia auxilia; ergo possibilis est vterque modus dandi auxilia efficacia, & prædefiniendi actum bonum.

24. Quæritur secundò, an Deus vtrolibet modo conferret auxilia efficacia, conferret cum speciali beneuolentia, cum qua non potest conferre auxilia inefficacia.

25. Respondeo affirmatiuè. Probatur: nam voluntas efficax dandi actum bonum est magis beneuola, quam voluntas solum inefficax dandi actum bonum; sed vtrolibet modo Deus conferat auxilia efficacia, confert illa cum voluntate efficaci dandi actum bonum; auxilia autem inefficacia non potest conferre cum voluntate efficaci, sed solum cum inefficaci dandi actum bonum; ergo &c. Addo Deum maiori beneuolentia conferre auxilia, si conferat paratus conferre alia, si videret hæc fore inefficacia, quam si conferat paratus eadem conferre, si videret fore inefficacia. Ratio est, quia qui finem ita vult per hæc media, vt sit paratus ponere etiam alia media, si hæc forent inefficacia, magis amat finem: e. g. qui ita emit domum centum nummis, vt sit paratus emere etiam ducentis

centis nummis, magis amat domum, quam si ita amat centum nummis, ut non sit paratus emere ducentis nummis.

26. Queritur tertio, utro ex duobus modis explicatis Deus de facto in praesenti providentia conferat auxilia efficacia?

27. Respondeo, quod Deus de facto confert auxilia efficacia, daturus alia, si videret haec fore inefficacia; & quod praedestinati confert auxilia, cum quibus videt ipsos saluandos, daturus alia auxilia, si videret illos per haec auxilia non fore saluandos.

28. Probatur: nam cum finis moraliter est aequè expetibilis ut habendus per hoc medium, ac ut habendus per alia media, qui vult efficaciter finem per hoc medium, si videret hoc medium fore inefficax, regulariter est paratus ad ponendum aliud medium, quod videret fore efficax, & per quod finis moraliter est aequè expetibilis: e. g. si domus moraliter est aequè expetibilis ut emenda centum nummis in numerata pecunia, ac ut emenda datione frumenti valentis centum nummos &c. qui vult efficaciter domum emere centum nummis in numerata pecunia, si videret oblationem centum nummorum fore inefficacem ad domum emendam, oblationem frumenti fore efficacem, regulariter est paratus domum emere etiam frumento; sed Deus cum efficaciter vult actum bonum per auxilium A, videt se posse obtinere actum bonum per alia infinita auxilia, per

quæ moraliter actus bonus est æquè expetibilis ipsi Deo ; ergo .

29. Hinc patet disparitas ad exemplum ementis domum centum nummis , qui sæpè non est paratus emere domum ducentum nummis . Ideo enim regulariter qui emit domum centum nummis, non est paratus emere ducentum nummis , quia domus vt empta ducentum nummis est multo minus expetibilis, quam vt empta centum nummis ; sed Deus habet plura auxilia, per quæ actus bonus est ipsi æquè expetibilis , ac per auxilium A. ergo &c.

30. Infertur Deum cum vult actum bonum per auxilia ordinaria , quæ videt fore efficacia, semper esse paratum ad volendum actum bonum per alia auxilia ordinaria , per quæ moraliter est æquè expetibilis , non autem ad volendum actum bonum per auxilia extraordinaria , quia actus bonus vt habitus per auxilia extraordinaria est minus expetibilis . Concedo tamen Deum aliquorum salutem , quos extraordinarijssima benevolentia prosequitur, ita velle , vt sit paratus ponere media etiam extraordinaria miraculorum &c, si videret media ordinaria fore iustificacia .

31. Confirmatur, nam licet Deus propter libertatem eligendi vnum præ alio omninò æquali possit absolutè velle salutem alicuius prædestinati vt habendam per hæc numero media , ita vt non sit paratus velle per alia media , per quæ est æquè expetibilis , tamen dignius sentimus de diuina benevolentia erga prædestinatos , si
dica-

dicamus Deum cumlibet prædestinati, salutem ita velle per hæc media, vt sit paratus ponere alia, per quæ esset æquè expetibilis, si videret hæc fore inefficacia; ergo ita dicendum est.

32. Infertur prædestinationem includere æternam, & specialissimam dilectionem, electionem, & descretionem Prædestinatorum. Probatur: Deus enim specialiter diligit eos, quibus efficaciter vult conferre bona specialia; si vero talia bona velit conferre aliquibus præ alijs, vt per ipsa discernantur ab alijs, eo ipso aliquos præ alijs eligit, atque discernit; sed Deus per suam æternam Prædestinationem prædestinatis conferre vult non solum potentiam ad merendum, perseverandum, & consequendum salutem, sed etiam ipsa merita, ipsam perseverantiam, & ipsam salutem; hæc autem non vult efficaciter conferre reprobis; ergo Deus per suam æternam prædestinationem prædestinatos specialissimè diligit, eligit, & discernit à reprobis; ideoque Apostolus ad Ephesios 1. dicit: *Elegit nos in ipso ante mundi constitutionem:*

1. ad Corinthios 4. *Quis te discernit? quid habes, quod non accepisti?* Quo testimonio Augustinus redarguit Pelagianos, & Semi-pelagianos dicentes, Sanctos discernere se ipsos per omnia, vel saltem aliqua merita, quæ non acceperint à Deo.

31. Ad 1. desumptum est auctoritate Damasceni, respondeo verbis Sancti Thomæ 1. p. quæstione 23. art. 1. ad primum. *Dicendum, quod Damascenus nominat præ-*

determinationem impositionem necessitatis , sicut est in rebus naturalibus , quæ sunt prædeterminatæ ad unum . Quod patet ex eo , quod subdit. Non enim vult malitiam, neque compellit ad virtutem : unde prædestinatio non excluditur . Deus igitur non prædeterminat , neque prædefinit actus liberos prædefinitione necessitante; & quia prædefinitio, quæ non dirigeretur à scientia media, esset omnino antecedens actum, liberum, adeoque ad illum necessitaret , vt dicitur qu. 81. ideo Deus non prædefinit actus liberos prædefinitione nõ directâ à scientia media. Prædefinit tamen illos prædefinitione directâ à sciētia media, quæ proindē non est omnino antecedens , sed aliquo pacto est consequens, ideoque non necessitat, vt explicabitur q. 84.

34. Ad 2. distinguo maiorem : si Deus prædefiniret nostros actus liberos prædefinitione omnino antecedenti , tales actus non essent nobis liberi, concedo: si prædefiniret prædefinitione aliquo pacto consequenti, tales actus non essent liberi, nego ; & distinguo eodem pacto consequens. Prædefinitio aliquo pacto consequens non aufert libertatem actui prædefinito; sed Deus prædefinit actus liberos honestos prædefinitione aliquo pacto consequenti; ergo non aufert illis libertatem .



QV AESTIO LXXIX.

Virum Deus prædefiniat, an solum permittat actus liberos moraliter malos?

1. **V**idetur Deus non solum permittere, sed etiam efficaciter prædefinire actus moraliter malos, & peccaminosos. Primo enim Deus in Scriptura dicitur inducere ad malum, mentes vertigine percutere, spiritu soporis inebriare, incutere amentiam, obdurare corda: sed hæc omnia significant Deum prædefinire actus malos; ergo &c.

2. Secundò Deus est causa per se, & ex intentione omnis boni, non solum moralis, sed etiam physici: sed peccatum, e. g. odium Dei est actus physicè bonus, licet sit malus moraliter; ergo. Confirmatur, nam de ratione boni non solum moralis, sed etiam physici est, ut non possit dari, nisi Deo volente; ergo actus peccaminosus, in quantum est physicè bonus, dari nequit, nisi Deo volente, & illum prædefiniendo.

3. Tertiò Deus non potest concurrere ad vllum effectum, nisi volens concurrere: sed Deus concurrit ad actum peccaminosum, puta ad odium Dei; ergo vult concurrere; sed concursus identificatur cum actu peccaminoso; ergo, Deus volendo concursum, vult, & prædefinit ipsum actum peccaminosum.

N 4

4. Quar-

4. Quartò Deus potest per suam Omnipotentiam physicè concurrere ad actum peccaminosum, puta ad odium Dei, non in quantum est actus moraliter malus, sed in quantum est physicè bonus; ergo Deus potest per suam voluntatem efficaciter velle, & prædefinire actum peccaminosum, puta odium Dei, non in quantum est moraliter malus, sed in quantum est physicè bonus. Nam quod est obiectum diuinæ Omnipotentiae, potest esse etiam obiectum diuinæ voluntatis, ut id efficaciter volentis.

5. Quintò Deus potest prædefinire actus bonos, salva eorum libertate; ergo potest etiam prædefinire actus malos, salva eorum libertate.

6. Respondeo plures fuisse errores Hæreticorum, & opiniones Catholicorum. Primò ergo ex hæreticis, ut ex Vincentio Lirinensi refert Bellarminus lib. 2. de Amissione gratiæ, & statu peccati, cap. 1. Simón Magus licet aperte non docuerit Deum velle, aut imperare, & etiam efficere mala, & peccata, tamen ea ratione Deum peccatorum nostrorum causam esse asseruit, quod eam naturam nobis dederit, quæ non possit non peccare.

7. Secundò Cerdonistæ, Marcionistæ, Manichæi, Priscillianistæ, & Albigenes, qui diuersis temporibus asseruerunt dari duo prima principia, & veluti duos Deos, alterum bonum, alterum malum, docuerunt Deum non quidem bonum, sed malum esse primariam causam peccati, & quæ co-
gat

gat homines ad peccandum.

8. Tertiò primus, qui expressè docuerit Deum, & bonum Deum esse auctorem peccati, & omnium scelerum, fuit quidam Florinus, qui ex Montani discipulo per nouum hoc dogma Hæresiarcha fieri meruit, & idcirco ab Ireneo apud Eusebium Cæsariensem lib. 5. Hist. cap. 20. plusquam hæreticus nominatus est. Errorè Florini ab initio secuti sunt Lutherus, & Melancton, qui in c. 8. Epist. ad Rom. dixit, sic esse opus Dei Dauidis adulterium, & Iudæ Proditionem, sicut Pauli vocatione. Sed hunc errorem Lutherus, & Melancton deinde retractarunt.

9. Quartò Zuinglius, Calvinus, & Beza licet verbo tenus negarint Deum, esse auctorem peccati, tamen dixerunt Deum non solum permittere, sed etiam efficaciter velle, & ab æternitate decernere, vt fiant quæcunque sunt ab hominibus peccata, imò imperare Sathanæ, & improbis hominibus, vt concipiant maleficia, eosque ad hoc inclinare, impellere, & etiam cogere, & in mentibus impiorum operari, & per eos, tanquam per sua instrumenta Deum vt primam causam facere ea omnia, quæ respectu hominum verè dicuntur, & sunt peccata. Addunt Deum, hæc omnia facere bona intentione, ac proinde non peccare, neque esse auctore, & causam peccandi.

10. Contra hos errores de fide est Deum non solum non esse auctorem peccati, sed nec velle, vt homines peccent,

ac proinde non prædefinire peccata. Concilium enim Arausicanum 2. cap. 25. dicit. *Aliquos ad malum diuina potestate prædestinatos esse non solum non credimus, sed etiam si sunt, qui tantum malum credere velint, cum omni detestatione illis anathema dicimus.* Tridentinum sess. 6. canone 6. dicit: *Si quis dixerit mala opera ita ut bona Deum operari, non permittendo solum, sed etiam propriè, & per se, adeo ut sit proprium eius opus non minus prodisio Iudæ quam vocatio Pauli, anathema sit.*

11. Probatur primò ex Scriptura. Psalmo 5. dicitur: *Non Deus volens iniquitatem tu es*: Ezech. 18. *Numquid voluntatis meæ est mors impij dicit Dominus.* 2. Petri 3. *Deus neminem vult perire*: sed si Deus vellet, ut impij peccarent, & propter peccata perirent, vellet mortem impij, & vellet, ut impij perirent; ergo &c.

12. Probatur secundò ex Patribus citatis quæst. 78. num. 6. qui dicunt Deum ab æterno omnia præscisse tum bona, tum mala, prædestinasse autem sola bona, mala præscisse tantum, non prædestinasse, neque prædefiniuisse. Patribus eo loco citatis addi potest Hieronymus, qui in cap. 1. Epist. ad Ephesios dicit. *Non quod omnia, quæ in mundo sunt, Dei voluntate, & consilio peragantur; alioquin & mala Deo posuerunt imputari* &c: ergo. Plura alia loca videri possunt apud Bellarm. lib. 2. de Amissione gratiæ, & de statu peccati, cap. 9. & apud Ruiz.

13. Probatur tertio conclusio ratione.
Nam

Nam repugnat diuinæ Bonitati, vt velit hominem facere id, quod illi prohibet; sed Deus prohibet homini peccata; ergo. Confirmatur, nam homo non potest peccare, si velit facere id, quod Deus, qui est prima regula, vult hominem velle; ergo si Deus vellet hominem peccare, homo peccando non peccaret, ac proinde sequeretur contradictio. Hæc ratio desumpta est ex Anselmo lib. de lib. arb. cap. 8. Aliæ rationes desumptæ ex alijs Patribus, qui videri possunt apud Bellar. 2. de Amissione gratiæ, & statu peccati, cap. 10.

14. His contra hæreticos statutis, superest controuersia inter Catholicos, vtrū licet Deus non possit efficaciter velle, & præfinire peccatum quoad formalem malitiam, tamen possit illud prædefinire quoad materialem entitatem actus. Explicatur. Constat apud omnes actus deliberatos, quibus quis odit Deum, vult blasphemare, peierare &c. esse malos, & peccaminosos: sed dubitatur, in quonam consistat malitia formalis talium actuum. Aliqui dicunt malitiam formalem odij Dei e. g. consistere in ipsa entitate positiua odij: siquidem odium per suam positiuam entitatem opponitur legi prohibenti odium. Alij satis communiter asserunt, malitiam formalem non consistere in entitate positiua actus, quæ entitas secundum se præcisè est bona, sed consistere in priuatione rectitudinis debiti, ac debiti ordinis ad regulam rationis. Hanc priuationem aliqui existimant identificari realiter cum actu, ac sola ra-

tionē distingui, & hanc sententiam ego secutus sum in Tractatu de vitijs, & peccatis: alij putant distingui realiter ab actu, sed ex actu ex necessitate sequi. Hoc posito, quaritur, vtrum Deus licet non prædefiniat, nec possit prædefinire actum quoad malitiam formalem consistentem in priuatione, possit actum peccaminosum prædefinire, ac de facto prædefiniat quoad entitatem materiale, quæ realiter, vel ratione distinguitur à malitia formali. Affirmant communiter recētiore Thomistæ. Negant Auctores Societatis.

15. Dicendum: Deus non prædefinit, nec potest prædefinire actus peccaminosos etiam quoad materiale entitatem.

16. Probatur primo: nam si Deus prædefiniret actus peccaminosos quoad materiale entitatem, vellet, vt peccator e. g. Deum odisset, haberet voluntatem liberam blasphemandi, peierandi, committendi furta, adulteria &c; sed Deus hoc non vult, neque potest velle; ergo. Probatur minor auctoritatibus Conciliorum, & Patrum allatis n. 10. 11. & 12. Arausicanum enim dicens anathema asserentibus aliquos ad malum prædestinari, loquitur absolute, ac proinde absolute negat aliquos à Deo prædestinari ad volendum blasphemare, peierare &c; ergo non debet restringi ad sensum metaphysicum, dicendo, quod negat solum Deum prædestinare ad malum secundum formalitatem formalis malitiæ, licet prædestinet ad actus, quibus quis

Quis vult blasphemare, peierare &c. Idem dic de Tridentino, & Patribus citatis. Confirmatur: nam hæretici absolutè dicebant Deum prædestinare ad volendum blasphemare, peierare, & non asseriebant hoc cum reduplicatione metaphysica, dicendo; *Deus prædestinat ad voluntatem blasphemandi, quatenus hac voluntas mala est*; ergo. Confirmatur secundo, nam Calvinus lib. 1. Inst. cap. 18, n. 4. videtur negasse Deum prædefinire formale peccati, dum loquens de defectione decem Tribuum à Filio Salomonis dicit: *Videmus, ut Deus perfidiam nolendo, defectionem tamen iussè velit*; ergo negat Deum voluisse perfidiam, in qua consistebat formale peccati; sed opinio Caluini damnata est à Tridentino; ergo Tridentinum negat Deum velle etiam materiale peccati.

17. Probatur secundo conclusio ratione. Nam sequeretur, quod Deus absolutè vellet, ut creatura Deum odio habeat, blasphemet, ac peieret, cognoscens se obligari ad hæc non facienda; sed hoc est absurdum; ergo. Minor, & ex se videtur manifesta, & probatur, inferendo ex ea alia absurda. Primo sequeretur neminem peccare. Probatur: nam nemo peccat per hoc præcisè, quod faciat id, quod Deus determinatè, & efficaciter vult, ut faciat, & facit eò modo, & cum ijs circumstantijs, cum quibus necessarium est, ut illud faciat, ne frustretur voluntas Dei; sed cum quis liberè, volens, ac sciens, & cognoscens se obligari ad non blasphemandum, blasphemet.

phemat, facit actum blasphemandi, quem Deus vult, vt faciat, & facit eo modo, & cum ijs circumstantijs, cum quibus Deus efficaciter, ac determinatè vult, vt faciat talem actum blasphemandi; ergo non peccat.

18. Dicunt: Deus vult, vt qui blasphemat faciat actum materiale blasphemandi, qui actus secundum se est bonus, sed non vult, vt faciat talem actum blasphemandi cum malitia formali, & cum deformitate; ideoque blasphemans peccat per hoc, quod faciat actum blasphemandi cum malitia formali, & cum deformitate, quam Deus non vult.

19. Sed contra primo, nam cum Deus vult, vt quis hic, & nunc, volens, ac sciens faciat actum materiale blasphemandi, vult, vt illum faciat eo pacto, quo possibilis est fieri hic, & nunc, non autem eo pacto, quo hic, & nunc fieri nequit; sed hic, & nunc possibile est solum, vt actus blasphemandi fiat cum malitia, & deformitate formali; ergo. Contra est secundo: nam cum Deus vult, vt quis blasphemet, vult, vt actum blasphemandi faciat eo pacto, quo debet fieri, ne frustratur voluntas Dei; sed ne frustratur voluntas Dei, blasphemans debet facere actum blasphemandi cum malitia formali; eo enim ipso, quod faceret sine malitia formali, frustraretur voluntas, qua Deus vult, vt hic & nunc non liceat blasphemare, adeoque vt eo ipso, quod quis liberè, sciens, & volens blasphemar, peccet; ergo.

20. Secundo sequeretur omnia peccata debere imputari Deo ut causæ non solum physicae, sed etiam morali. Probatur: nam peccatum imputatur illi, qui ad ipsum prædestinat, sciens, & volens, ut fiat etiam cum malitia formali: sed Deus ad hoc prædestinat, ut probatum est; ergo peccata imputarentur Deo.

21. Posito, quod Deus non possit prædefinire actus liberos moraliter malos, puta odium Dei &c, sequitur quod illos ex directione scientiæ mediæ purè permittat. Permissio porro consistit in voluntate ponendi illud principium proximum ex se indifferens ad peccandum, vel non peccandum, ex quo Deus per scientiam mediæ videt secuturum peccatum. Explicatur. Deus videbat per scientiam mediæ, quod si dedisset Adamo tale principium proximum, cum quo Adam poterat vel obedire præcepto, vel illud transgredi, & sic peccare, Adam esset liberè peccaturus. Non obstante hac scientiæ mediæ, Deus dixit: *Volo dare Adamo tale principium proximum, cum quo video illum peccaturum, & sic volo permittere, ut peccet.* Hic actus fuit permissio peccati, seu voluntas permissiva peccati, & nullum fit peccatum, quin Deus illud permittat, sciens, & volens.

22. Iam verò dupliciter potest intelligi Deum, cum dat auxilia inefficacia, permittere dissensum, & peccatum. Primò ita, ut sit paratus dare eadem auxilia, si videret illa fore efficacia, adeoque sit
pa-

paratus prædefinire consensum, ita ut dicat: *Volo dare Petro auxilium, quod video fore inefficax, & si viderem illud fore efficax, vellem dare idem auxilium, & vellem prædefinire consensum.* Secundò ita, ut si videret talia auxilia fore efficacia, paratus sit dare alia auxilia inefficacia, & dicat exempli gratia: *Volo dare Iudæ auxilium, quod video fore inefficax, & si viderem hoc auxilium fore efficax, vellem dare aliud auxilium, quod viderem fore inefficax, & vellem permittere, ut Iudas proderet, propter maxima bona secutura ex prodicione.*

23. Hoc posito, quæritur, utro ex duobus modis Deus conferat auxilia inefficacia.

24. Respondeo Deum conferre auxilia inefficacia voluntate, qua est paratus conferre eadem auxilia, si videret fore efficacia, non autem voluntate, qua sit paratus dare alia auxilia inefficacia, si videret hæc, quæ confert, fore efficacia. Abstrahimus porrò à quæstione, in qua quæritur, in quo consistat efficacia, vel inefficacia diuinorum auxiliorum, de qua per Pontificias Constitutiones disputare non licet.

25. Probatur; nam Deus auxilia inefficacia dat animo sincero, & primo, & per se intendens, ut creatura per hæc auxilia consentiat, & faciat actum bonum; dissensum verò, & peccatum purè permittit; bona consequentia ex peccato, & quæ non possent esse sine peccato, intendit

dit intentione solum secundaria ; sed hæc non verificantur , si daret auxilia inefficacia , non daturus eadem , si videret sequuturum consensum ; ergo &c. Probat-
 tur minor : nam quo pacto dat auxilia pri-
 mo , & per se per illa intendens consen-
 sum , dissensum autem purè permittens , si
 dat ità , vt nollet illa dare , si videret secu-
 turum consensum ? Profecto si medicus
 daret medicamentum , ex quo videt pro-
 pter abusum ægroti non secuturam sani-
 tatem , sed mortem , illud non daturus , si
 videret secuturam sanitatem , sed daturus
 aliud medicamentum , ex quo propter si-
 milem abusum ægroti videret secuturam
 mortem , non daret medicamentum ani-
 mo sincero , & primo , & per se intendens
 sanitatem , mortem autem purè permit-
 tens ; ergo idem proportionaliter dicen-
 dum de Deo .

26. Infertur primò , quod Deus non
 potest etiam de potentia absoluta dare
 auxilia inefficacia , paratus , si videret fore
 efficacia , non dare illa , sed dare alia , quæ
 videret fore inefficacia . Ratio est , quia
 Deus auxilia inefficacia non potest dare ,
 nisi animo sincero , & primo , & per se
 per illa intendens actum bonum , peccatum
 verò purè permittens ; sed hæc sunt in-
 compossibilia cum illo modo dandi ; er-
 go &c.

27. Infertur secundò , quod Deus cum
 dat auxilia inefficacia , amat quidem , &
 intendit permissionem peccati , sed amo-
 re , & intentione secundaria , ità vt quan-
 tum

tum est ex se, & si per voluntatem creatam non steterit, primario, & magis amet, & intendat prædefinitionem actus boni, quam prædefinitionem paratus est ponere, si videret liberum arbitrium his auxilijs consensurum.

28. Sed dices: si Deus primò, & per se intendit consensum, quare non dat aliud auxilium, cum quo videt liberum arbitrium consensurum?

29. Respondeo rationem esse, quia Deus ex sua libertate primo, & per se intendit consensum vt habendum per hæc auxilia, non vt habendum per alia.

30. Ad 1. nego maiorem. Deus dicitur inducere ad malum, tradere in passionnes ignominia &c. non per hoc, quod prædefiniat mala, & peccata, sed per hoc, quod deferat, ac non det auxilia efficacia, & sic permittat, vt homo peccet.

31. Opponunt Salmanticenses Tractatu 4. de Volunt. Dei disp. 10. dub. 7. hanc solutionem allatam fuisse à Iuliano, & reiectam ab Augustino lib. 5. contra Iulianum, cap. 3.

32. Respondeo cum Bellarmino lib. 2. de Amissione Gratia, & statu peccati cap. 16. Augustinum non reijcere illam doctrinam vt falsam, sed vt insufficientem ad soluendum id, quod Augustinus opposuerat. Dixerat Augustinus Deum in poenam vnius peccati tradere hominem in alia peccata, & ad id probandum attulerat locum Apostoli ad Roman. 1. *Propter hoc tradidit illos Deus in passionnes ignominia.*

nia. Responderat Iulianus Deum tradere in passiones ignominiae, deferendo, & permittendo. Augustinus hanc responsionem irridet. Nam quomodocunque tradat, verum est, quod Deus propter vnum peccatum tradat in aliud peccatum. Verba Augustini sunt. *Audis propter hoc, & quaris inaniter, quomodo intelligendus sit tradere Deus, multum laborans, ut offendas illum tradere deferendo. Sed quomodocunque tradat, propter hoc tradidit, propter hoc deseruit.* Quod autem Augustinus concedat Deum tradere, deferendo, & permittendo, probat Bellarminus ex ijs, quae Augustinus subiungit, dicens. *Cum ergo dicitur homo tradi desiderijs suis, inde fit reus, quod desertus à Deo cedit eis &c.* ergo Augustinus concedit Deum tradere desiderijs, deferendo, & permittendo. Solutionem aliarum obiectionum ex Scripturis, & Patribus vide apud Bellarm. lib. 2. de Amissione Gratiae, & de statu peccati, cap. 11. & sequentibus.

33. Ad 2. distinguo maiorem: Deus est causa per se, & ex intétione omnis boni non solum moralis, sed etiam physici, quod non sit moraliter, & simpliciter malum, concedo: quod sit moraliter, & simpliciter malum, nego; & nego consequentiam. Deus est causa per se, & ex intentione omnis boni physici, quod non est moraliter malum: at boni physici, quod est moraliter, & simpliciter malum, Deus non est causa per se, sed solum per accidens, & purè permissiva; sed odium Dei,
&

& alij actus peccaminosi, ita habent aliquam bonitatem physicam, vt moraliter, ac simpliciter sint mali; ergo. Ad confirmationem respondeo eodem pacto, de ratione boni physici, quod non sit moraliter, & simpliciter malum, esse, vt non possit dari, nisi Deo volente: de ratione autem boni physici, quod sit moraliter, & simpliciter malum, esse, vt non possit dari, nisi Deo permittente.

34. Ad 3. distinguo maiorem: Deus non potest concurrere per se ad vllum effectum, nisi positiuè volens concurrere, nego: nisi positiuè, aut permissiuè volens concurrere, concedo maiorem: concedo minorem; & distinguo eodem pacto primum, & secundum consequens. Vt Deus per se concurrat ad aliquem effectum, debet propriè, positiuè, & determinatè velle concurrere: at vt Deus per accidens concurrat ad aliquem effectum, debet solum permissiuè velle concurrere; sed Deus ad actus peccaminosos concurrat solum per accidens; ergo.

35. Ad 4. concedo antecedens, & nego consequentiam. Ad probationem distinguo maiorem: quod est obiectum diuinæ Omnipotentiae, potest esse obiectum diuinæ voluntatis vt positiuè illud volentis, nego: vt positiuè volentis, vel vt purè permittentis, concedo maiorem; concedo minorem; & nego consequentiam. Quidquid est obiectum diuinæ omnipotentiae, potest esse obiectum diuinæ voluntatis: sed sicut diuerso modo potest esse obiectum

ctum diuinæ Omnipotentia, sic diuerso modo potest esse obiectum diuinæ voluntatis. Quod igitur potest esse obiectum, diuinæ Omnipotentia, vt per se ad illud concurrentis, potest esse obiectum diuinæ voluntatis, vt illud volentis, & intendentis: quod autem potest esse obiectum diuinæ Omnipotentia, vt per accidens solum ad illud concurrentis, potest esse obiectum diuinæ voluntatis, non vt illud positinè volentis, sed vt illud solum permittentis. Sed actus peccaminosus est obiectum diuinæ omnipotentia vt per accidens solum ad illud concurrentis; ergo.

36. Ad 5. Deus potest prædefinire actus malos, salua eorum libertate, si aliundè hoc non repugnet; sed quia aliundè repugnat Deum prædefinire actus malos, vt ostensum est, ideò Deus non potest absolutè prædefinire actus malos.

QVÆSTIO LXXX.

Virum voluntas, qua Deus dat reprobis auxilia sufficientia, sit beneuola erga reprobos,

1. **V**idetur non esse, primò quia non est beneuola voluntas, qua nemo prudens vellet se amari, immo mallet nullo amore amari, quam amari tali voluntate; sed nemo prudens vellet se amari voluntate, qua Deus velit illi dare existentiam,

310 *De beneuolentia Dei erga reprobos*
tiam, & auxilia sufficientia, cum quibus
per scientiam mediam videt ipsum sua
culpa damnandum; ergo &c.

2. Secundò si medicus potens dare
ægroto medicamenta, quibus sciret ægro-
tum non solum posse sanari, sed etiam de
facto sanandum, daret medicamenta, qui-
bus sciret ægrotum posse quidem sanari,
sed de facto non sanandum, sed potius mo-
riturum, non exerceret erga ægrotum
voluntatem beneuolam; ergo à pari.

3. Respondeo voluntatem, qua Deus
vult reprobos creare, illisque dare auxi-
lia sufficientia, cum quibus per scientiam
mediam videt eos de facto sua culpa dam-
nandos, esse beneuolam erga reprobos.

3. Probatur: nam de ratione gratiæ, &
beneficij est, vt detur ex amore, & vo-
luntate beneuola, ideòque amor est pri-
ma gratia, & primum donum, à quo cæ-
tera denominantur beneficia, & dona,
ita vt si dentur absque amore, amittant
rationem gratiæ, & beneficij; sed Creatio,
Redemptio, Iustificatio, & Gratia suffi-
ciens ad consequendam salutem, sunt bene-
ficia, & gratiæ multis reprobis collatæ,
pro quibus debent Deo gratias agere;
ergo.

4. Confirmatur: nam Scripturæ, &
Patres laudant Diuinam bonitatem ex
hoc, quod multa beneficia conferat etiam
malis, & reprobis; sed non conferret be-
neficia, nisi conferret ex amore, & vo-
luntate beneuola; ergo &c. Probatur ma-
ior: nam Matthæi 5. dicitur, *qui solem*
suum

suum oriri facit super bonos, & malos, & pluit super iustos, & iniustos. Lucæ 6. eritis filij altissimi, quia ipse benignus est super ingratos, & malos: Chrysostomus homil. 5. de Anathemate. Mortuus est pro Inimicis, pro Tyrannis &c. quos tales ante constitutionem mundi sciebat, eosque præsciens formavit, vincente præscientiam bonitate: Augustinus lib. 3. de lib. arbitr. cap. 5. Nec ab illa creatura, quam præsciuit Deus non solum peccaturam, sed etiam in peccandi voluntate mansuram, abstinuit largitatem bonitatis, ut eam non conderet. Videri potest Ruiz disp. 17. de prædestinatione, sect. 1. ubi affert plura alia loca Patrum.

5. Ad primum responderi potest primo transmissa maiore, negando minorem. Ex doctrina Augustini lib. 3. de lib. arbitr. cap. 6. & 7. Damasceni Dialog. contra Manichæos post medium. S. Thom. opusc. de Prædestinatione cap. 7. quem sequuntur Thomistæ communiter, quos refert, & sequitur Ruiz disput. 17. de prædestinatione, sect. 2. melius, & eligibilius est reprobis creari, & in æternum damnari, quam non creari, vel post peccatum annihilari, adeoque quilibet prudens, data optione, deberet eligere primum præ secundo; ergo. Audiatur Augustinus lib. 3. de lib. arb. c. 6. Si quis dixerit non esse, quam miserum me esse mallem, respondebo, mentiris. Et cap. 7. initio: Si dixeris: ideo magis volo vel miser esse, quam omnino non esse, quia iam sum, si putem prius quam essem, possem

312 *De beneuolentia Dei erga reprobos*
consuli, eligerem non esse potius, quam ut
miser essem; nunc autem id nolo, quod uelle
deberem; hanc responsionem ex professio
reijcit Augustinus toto cap.7. Cum enim
qui existit, in quantum existit, licet mi-
ser sit, participet aliquid de diuino esse;
de diuino bono, de diuina vita, & de di-
uina cognitione, & amore, quo Deus
amat suam felicitatem, qui autem non est,
omninò nullum bonum participet, melius
est miserum esse, participando multa bo-
na, quam nullo pacto esse, carendo om-
ni bono.

6. *Opponitur illud Christi Matth.26.*
melius erat illi, si natus non fuisset.

7. Respondet Ruiz ex Damasceno, &
alijs per hoc solum significari, quod data
optione, vnusquisque practicè deberet po-
tius eligere non esse, non nasci, & non
creari, quam peccare, cum peccatum,
sit practicè ineligibile. In hoc autem
sensu, data optione, vnusquisque practicè
deberet potius eligere non creari, vel an-
nihilari, quam peccare, & prædestinari,
ac saluari, siquidem peccatum practicè est
ineligibile. At data optione deberet vnus-
quisque potius eligere creari, & præde-
stinari, Deo permittente peccatum, quam
non creari; & proportionaliter data
optione, deberet eligere creari, ac repro-
bati, & damnari in æternum, Deo per-
mittente peccatum finale, & æternam
damnationem, quam non creari, vel an-
nihilari. Iuxtà hanc doctrinam, cum
Deus etiam reprobis conferat statum ma-
gis

gis eligibilem, quam si non creasset, voluntas creandi reprobos, permittendo eorum damnationem, est erga reprobos beneuola.

7. Verum quia hæc doctrina à multis non approbatur: respondeo secundo distinguo maiorem; non est voluntas beneuola, qua nemo prudens vellet se amari secundum virtualitatem, quam voluntas habet per se, & ex intentione volentis, concedo: secundum virtualitatem, quam habet per accidens, & impedibiliter, propter abusum liberi arbitrij conditionatè prauisum, nego: distinguo eodem pacto minorem; & nego consequentiam. In voluntate, qua Deus vult dare reprobis auxilia sufficientia, potest considerari duplex virtualitas. Prima est, per quam Deus per se vult reprobis dare bonum creationis, & alia bona naturalia, & multa bona gratiæ, & bonum sufficientiæ ad consequendam salutem, & vult dare etiam salutem, si per reprobos non steterit, ideoque est paratus dare eadem auxilia, & per ipsa prædestinare, si videret reprobum bene vsurum ijs auxilijs. Secunda virtualitas est, per quam Deus, quia conditionatè videt reprobos abusuros ijs auxilijs, per accidens vult permittere peccatum finale reproborum, eosque in poenam peccati in æternum damnare. Quilibet prudens vellet se amari voluntate Dei secundum priorem virtualitatem, nollet se amari secundum posteriorem, ideoque voluntas Dei secundum priorem virtualitatem est simpliciter

O

bene-

314 *De benevolentia Dei erga reprobos*
beneuola, secundum posteriorem non est beneuola, sed iuste vult poenam. Hanc secundam virtualitatem reprobi sibi ipsis imputent, cum possint bene vtendo auxilijs sufficientibus, illam impedire, & indirectè facere, vt Deus dederit illis auxilia sufficientia voluntate habente solum priorem virtualitatem, sine posteriori.

8. Dices primo: vt voluntas illa sit simpliciter beneuola, debet esse beneuola secundum omnes virtualitates cum ipsa identificatas.

9. Respondeo hoc negando. Denominatio enim simpliciter beneuoli desumitur ex ijs, quæ Deus per se vult, non ex ijs, quæ solum per accidens vult, aut permittit.

10. Dices secundo: debet esse beneuola, omnibus pensatis.

11. Respondeo eodem pacto: debet esse beneuola, pensatis omnibus, quæ Deus per se vult, non autem pensatis ijs, quæ solum per accidens vult, aut permittit.

12. Dices tertio: ergo voluntas illa, considerata cum omnibus prædicatis, & virtualitatibus, non est beneuola.

15. Respondeo, distingo: non est beneuola benevolentia formaliter affirmabili de omnibus prædicatis, & formalitatibus, concedo: non est beneuola benevolentia formaliter affirmabili de prædicatis, & virtualitatibus per se iutentis, nego. Aliud est, quod voluntas illa sit formaliter beneuola, consideratis omnibus prædicatis; aliud est, quod sit formaliter beneuola, bene-

benevolentia affirmabili de omnibus prædicatis . Primum est verum, secundum falsū . Sicut enim homo , consideratis omnibus prædicatis essentialibus , differt ab equo , sed non secundum omnia prædicata, siquidem non differt secundum prædicatum animalis , sed solum secundum prædicatum rationalis ; sic voluntas illa , consideratis omnibus prædicatis , est simpliciter beneuola , sed non est beneuola formaliter secundum prædicata omnia, sed solum secundum prædicata per se intenta .

14. Ad 2. distinguo antecedens . Medicus dans Ægroto medicamenta , quibus præuidet Ægrotum sua culpa non sanandū, sed moriturum , paratus dare eadem medicamenta , si videret Ægrotum sanandum , & habens iustam rationem non dandi alia medicamenta, cum quibus videt Ægrotum sanandum , non daret voluntate beneuola, nego ; seclusis ijs circumstantijs , concedo : & nego consequentiam . Si Medicus daret Ægroto medicamenta , præuidens Ægrotum sanandum , si per ipsum non steterit , & de facto non sanandum culpa ipsius Ægroti , & paratus dare , si præuideret Ægrotum sanandum , & habens iustam rationem non dandi alia medicamenta , cum quibus videt Ægrotum sanandum , daret voluntate beneuola ; sed Deus dat cum istis circumstantijs auxilia sufficientia , & habet iustam rationem non dandi alia auxilia , quæ videt efficacia ; alioquin non posset permittere vllum peccatum , præsertim mortale , & sic creaturæ ratio-

316 *De benevolentia Dei erga reprobos*
tales essent essentialiter impeccabiles, &
incapaces damnationis; ergo Deus dat re-
probis auxilia sufficientia voluntate bene-
uola.

*De concordia libertatis humanæ cum di-
uina Scientia, Voluntate, Præ-
destinatione, ac Repro-
batione.*

QVÆSTIO LXXXI.

*Vtrum omnis necessitas antecedens, &
inimpedibilis à libero arbitrio, aufe-
rat libertatem actui, quem ne-
cessario infert,*

1. **V**idetur non auferre. Primo enim
ex dictis quæstione 70. numero
10. hæc veritas: *Deus potest per auxilia
indifferentia mouere cor hominis ad omnes
actus liberos, quos voluerit*, est metaphy-
sicè necessaria; sed Deus per scientiam
simplicis intelligentiæ antecederet ad
scientiam mediam cognoscit omnes verita-
tes metaphysicè necessarias; ergo Deus
per scientiam simplicis intelligentiæ co-
gnoscit se posse per auxilia indifferentia
mouere cor hominis ad quoslibet actus li-
beros, quos voluerit, & ex hac cognitio-
ne antecederet ad scientiam mediam
potest facere hoc decretum: *Ego volo,
ut Petrus liberè conuertatur, cum po-
tentiā proxima se non conuertendi, & ideo
volo*

volo illi dare aliquod ex auxilijs, cum quibus per scientiam mediam videro Petrum liberè conuertendam, cum potentia proxima se non conuertendi; sed hoc decretum cum vellet efficaciter liberam conuersionem, non auferret actui libertatem, alioquin frustraretur se ipsum, & faceret, vt conuersio, quam vult esse liberam, esset non libera; rursus hoc decretum cum esset essentialiter efficax, esset necessitas liberæ conuersionis Petri penitus antecedens, & omninò inimpedibilis à libero arbitrio Petri, quod nullo pacto potest impedire decretum regulatum à sola scientia simplicis intelligentiæ; ergo aliqua necessitas penitus antecedens, & inimpedibilis à libero arbitrio potest non auferre libertatē actus, quem necessariò infert.

2. Secundò Christus per vnionem hypostaticam non impedibilem à libero arbitrio Christi habet necessitatem penitus antecedentem ad non peccandum, & ad seruanda omnia diuina præcepta, præsertim naturalia, puta ad obseruanda præcepta non mentiendi, non peierandi, non blasphemandi &c; ergo si omnis necessitas antecedens auferret libertatem actibus, ad quos est necessitas, Christus non liberè, ac non meritoriè obseruasset præcepta diuina, præsertim naturalia.

3. Tertiò actus liber definitur: *Qui procedit a potentia proxima indifferenti; ergo sicut repugnat, vt aliquid sit animal rationale, & non sit homo, sic repugnat, vt actus voluntatis procedat à principio*

proximo indifferenti, & tamen non sit liber; sed actus, ad quem detur aliqua necessitas antecedens extrinseca principio proximo, illudque non immutans, potest procedere à principio proximo indifferenti; ergo tunc non potest non esse liber.

4. Respondeo cum pluribus auctoribus Societatis, omnem necessitatem omnino antecedentem, & inimpedibilem à libero arbitrio, auferre libertatem illius actus, quæ necessariò infert.

5. Probatur primò: nam Aristoteles, & etiam Sancti Patres, ut explicent, quo pacto, licet diuina Prouidentia sit necessitas necessariò inferens actus præscitos, tamen actus præsciti, e. g. peccata ab æterno præscita à Deo, fiant liberè, docent præscientiam Dei esse necessitatem aliquo pacto consequentem actus præscitos; ergo existimarunt, quod ut necessitas non auferat libertatem, debet esse aliquo pacto consequens actum liberum, & ut loquitur Ruiz disput. 33. de Scientia Dei. sect. 2. Patres videntur hanc doctrinam didicisse, ab Aristotele, aut eundem Spiritum, qui per lumen naturæ Aristotelem docuit, docuisse Patres per lumen gratiæ. Probatur antecedens: Aristoteles primo Periherm. cap. 8. ut conciliet præscientiam cum libertate actus præsciti, dicit: *Non enim quia affirmatio dicta est, aut negatio, idèò erit, aut non erit*; ergo per Aristotelem ideo præscientia actus futuri non aufert libertatem, quia non est antecedens, sed potius conse-

consequens actum. Iustinus Martyr q. 58. ut explicet, quo pacto Sanctus Petrus liberè negauerit, & Iudas liberè prodiderit Christum, licet Christus præsciuerit negationem Petri, & prodicionem Iudæ, dicit. *Non causa eius, quod futurum est prænotio, sed quod futurum est prænotionis; ita fit, ut non Christus prodicionis causa sit, sed proditio causa est Domini prænotionis.* Origenes lib. 7. in Epist. ad Rom. in illud capitis 8. *Quos præsciuit, & prædestinauit* dicit: *non propterea erit aliquis, quia id scit Deus futurum, sed quia futurum est, scitur à Deo ante quam sit.* Chrysostomus homil. 60. in Matthæum explicans illud Matthæi 18. *Va mundo à scandalis* dicit: *Non quia futura prædixit, idcirco euenient, sed quoniam omnino euentura erant, idcirco prædixit.* Hieronymus in caput. 26. Ieremiæ initio: *Non ex eo, quod Deus scit futurum aliquid, idcirco futurum est, sed quia futurum est, Deus nouit; & in cap. 2. Ezechielis: Non quia illa futura cognoscit, necesse est nos facere, quod ille præscit, sed quia nos propria voluntate sumus facturi, ille nouit futurum, quia Deus est.* August. lib. 5. de Ciuit. cap. 10. *Negue enim idcirco peccat homo, quia Deus illum peccaturum esse præsciuit, & concludit, qui si nolit, omnino non peccat, sed si peccare noluerit, etiam hoc ille præsciuit.* Cyrillus in Io. cap. 10. *Quoniam ita nonnulli spontè facturi erant, idcirco præsciuit futurorum futura prædixit.* Demum Anselmus lib. de concordia præscientiæ, prædestinationis,

ac gratiæ cum libero arbitrio totus est in eo, vt ostendat præscientiam, & prædestinationem, licet necessariò inferant actus præscitos, & prædestinatos, tamen non auferre actibus libertatem, quia inferunt necessitate non antecedenti, sed consequenti actus liberos, ac proindè euitabili à libero arbitrio, ideoque cap. 1. inter alia dicit. *Has necessitates facit voluntatis libertas, quæ prius quam sint, eas cauere potest.* Profectò si libertas facit has necessitates, tales necessitates sunt consequentes: si libertas potest illas cauere, sunt necessitates euitabiles, & aliquo pacto impedibiles à libero arbitrio. Et cap. 2. dicit: *Quædam præscita, & prædestinata, non eueniunt ea necessitate, quæ præcedit rem, & facit, sed ea, quæ rem sequitur.* Videri potest Ruiz loco citato.

5. Debet autem aduerti Patres ad conciliandam præscientiam, & prædestinationem cum libertate, non respondere necessitatem ex præscientia, & prædestinatione esse purè extrinsecam voluntati creatæ, sed esse necessitatem consequentem; ergo ex mente Patrum requiritur, vt omnis necessitas ad actum liberum sit consequens, & non sufficit, vt sit purè extrinseca.

6. Obijcitur Augustinus lib. 15. de Trinit. cap. 13. dicens. *Vniuersas creaturas spirituales, & corporeas, non quia sunt, ideo nouit, sed ideo sunt, quia nouit;* & Gregor. lib. 20. Moralium, cap. 23. dicens: *Quæ sunt non ab æternitate eius ideo videntur, quia sunt, sed ideo sunt, quia videntur.*

7. Ref-

7. Respondet Magister sententiarum in 1. distinct. 38. cap. 3. quod dum dicitur res ideò esse, quia Deus nouit, & videt, accipitur cognitio, & scientia Dei pro scientia simul, & beneplacito, & sensus est: *Res ideo sunt, quia scienti, & videnti placuit ita causas disponere, ut sint*; cum dicitur, quod non ideò Deus videt, & scit futura, quia sunt futura, negatur futura esse causas scientiæ, & visionis diuinæ, quæ scientia, & visio est incausata, ideoque non habet causam: at non negatur futura esse conditionem, sine qua non fuissent à Deo præscita, cum profectò Deus non præscisset futura nobis libera, nisi liberè ponerentur suo tempore, & per modum conditionis, & obiecti materialis determinarent diuinam præscientiam, ut explicauimus qu. 43. Eodem pacto explicandus est S. Tho. cum dicit scientiam Dei esse causam rerum.

8. Probatur secundò conclusio: nam actus, à quo voluntas non potest abstinere, procul dubio non est liber; sed voluntas non potest liberè abstinere ab actu, ad quem habet necessitatem omnino antecedentem; ergo &c. Probatur minor: nam neque potest abstinere à tali actu in sensu composito, hoc est coniungendo omissionem talis actus cum necessitate faciendi illum, ut fatentur aduersarij, cum talis coniunctio sit chimerica; neque potest abstinere ab actu in sensu diuiso, ita ut habeat potentiam liberam se diuidendi à necessitate penitus antecedenti, eamque im-

pediendi : alioquin eo ipso talis necessitas non esset omninò antecedens, sed aliquo pacto consequens, & libera : ergo solum potest abstinere ab actu in sensu diuiso, sine potentia se diuidendi ; sed potentia abstinendi ab actu in sensu diuiso, sine potentia se diuidendi ab eo, cum quo actus coniungi non potest, non sufficit ad libertatem ; ergo &c.

9. Probatur tertio : nam voluntas non est libera ad actum, ad quem habet necessitatem sibi nullo pacto liberam ; sed necessitas omninò antecedens nullo pacto est libera voluntati : ergo voluntas non est libera ad actum, ad quem habet necessitatem penitus antecedentem. Rursus voluntas non est libera ad id, quod hic, & nunc est illi impossibile impossibilitate ipsi non libera ; sed voluntas habens necessitatem antecedentem ipsi non liberam ad actum.

A. habet impossibilitatem ipsi non liberam omittendi actum A ; necessitas enim vnus contradictorij est impossibilitas alterius, eo pacto, quo necessitas ambulandi est impossibilitas non ambulandi ; ergo voluntas habens necessitatem penitus antecedentem non liberam faciendi actum A. non est libera ad omittendum actum A : sed cum non est libera ad omittendum actum A. nō est libera, sed est necessitata ad faciendum actum A ; ergo &c.

10. Probatur quarto. Vt enim voluntas sit libera ad actum A. e. g. debet habere potentiam proximam illum omittendi ; sed si habet necessitatem penitus antecedentem

æm ad actum A. non habet potentiam proximam illum omittendi; ergo &c. Probat^{ur} minor. Potentia enim proxima constituitur per negationem omnis impedimenti insuperabilis à libero arbitrio: e. g. vt ego possim proximè ambulare, debeo carere omni impedimento à me insuperabili ad ambulandum, si autem habeo aliquod impedimentum à me insuperabile ad ambulandum, possum quidem habere potentiam remotam, non autem proximam ambulandi, siquidem potentia proxima est potentia expedita ab omni impedimento inuincibili; sed si voluntas habet necessitatem penitus antecedentem ad actum A. habet impedimentum insuperabile omit-
tendi actum A: nam necessitas insuperabilis ad vnâ partem contradictionis est impedimentum insuperabile alterius; ergo.

II. Vt afferam quintam probationem, suppono tres regulas summulisticas traditas ab Aristotele 1. Priorum, & receptas ab omnibus. Prima est: cum antecedens est necessarium, etiâ consequens est necessarium. Vt demonstretur, præmittendæ sunt definitiones antecedentis, & consequentis, necessarij, & non necessarij. Antecedens dicitur propositio, ex cuius veritate sequitur necessariò veritas alterius propositionis, ita vt ipsa non possit esse vera, quin altera propositio sit vera. Consequens dicitur propositio, cuius veritas sequitur necessariò ex veritate alterius, ita vt non possit alia propositio esse vera,

324 *De necessitate antecedente*
quin ipsa sit vera. E. g. ex his duabus propositionibus *Petrus est homo; Petrus est animal*, prima est antecedens, secunda est consequens, quia ex veritate istius *Petrus est homo*, sequitur necessario; ergo *Petrus est animal*.

12. Propositio necessaria dicitur, quæ non potest non esse vera, adeoque pro quolibet casu possibili est vera, qualis est hæc, *homo est animal rationale*. Propositio non necessaria est, quæ potest non esse vera, adeoque pro aliquo casu possibili non est vera, qualis est hæc, *Petrus currit*.

13. His positis, demonstratur regula. Si consequens non est necessarium, pro aliquo casu possibili non est verum, ut dictum est in definitione non necessarij; sed antecedens ut potè necessarium, pro omni casu possibili est verum, ut dictum est in definitione necessarij; ergo pro aliquo casu possibili est verum antecedens, pro quo consequens non est verum, quod est contra definitiones allatas antecedentis, & consequentis, adeoque si stant tales definitiones, stat regula, & si antecedens est necessarium, etiam consequens est necessarium.

15. Secunda regula est: si antecedens est possibile prout opponitur impossibili, hoc est non impossibile, etiam consequens est possibile, hoc est non impossibile. Demonstratur. Possibile enim est, quod pro aliquo casu possibili est verum: impossibile est, quod pro nullo casu possibile est verum; ergo si antecedens est possibile, & consequens

quens impossibile, pro aliquo casu possibili verum esse antecedens, pro quo consequens non esset verum, quod repugnat definitionibus antecedentis, & consequentis.

16. Tertia regula est: si antecedens est possibile prout opponitur necessario, hoc est contingens, ac potens esse, & non esse, consequens potest esse necessarium. Probatur primò: nam ex hoc antecedenti *Creatura est*, sequitur hoc consequens; ergo *Deus est*, & tamen illud antecedens est contingens, & non necessarium, consequens est necessarium, & non contingens. Probatur secundò: nam antecedens potest esse falsum, & consequens verum: e. g. si *Deus nihil creasset*, falsum esset hoc antecedens *creatura est*, & verum esset hoc consequens, *Deus est*; ergo ex eo, quod antecedens ut potè contingens pro aliquo casu possibili esset falsum, consequens ut potè necessarium pro nullo casu possibili esset falsum, non sequitur vllum inconueniens.

17. His positis, probatur quintò conclusio. Nam iuxta primam regulam cum cum antecedens est absolutè necessarium, & non contingens, etiam consequens est absolutè necessarium, & non contingens; ergo cum antecedens est alicui, puta Petro necessarium, & non liberum, etiam consequens est eidem necessarium, & non liberum; sed si daretur necessitas omninò antecedens conuersionem Petri, puta decretum explicatum in primo argumento, quo

325 De necessitate antecedente

quo Deus antecederet ad scientiam mediam diceret: *Ego volo, ut Petrus conuertatur*, hoc antecedens, *Deus vult, ut Petrus conuertatur*, esset Petro necessarium, & non liberum, & prorsus inimpedibile à Petro; ergo etiam hoc consequens *Petrus conuertitur*, quod necessario sequitur ex illo antecedenti, esset Petro necessarium, & non liberum, adeoque Petrus non liberè, sed necessario conuerteretur. [Probaturs consequentia primi Enthymematis. Sicut necessarium absolutè est, quod pro omni casu possibili est verum, quod autem pro aliquo casu possibili non est verum, non est necessarium absolutè, sed contingens; sic alicui necessarium, & non liberum est, quod pro omni casu illi proximè possibili, & libero, est verum, quod autem pro aliquo casu illi proximè possibili, & libero, non est verum, non est illi necessarium, sed aliquo pacto liberum. Hoc posito sic argumentor. Si hoc consequens, *Petrus conuertitur* est Petro non necessarium, sed liberum, potest non esse verum pro aliquo casu Petro proximè possibili, & libero, nimirum pro casu, pro quo nolit conuerti; sed antecedens, nimirum *Deus vult, ut Petrus conuertatur*, ut potè Petro necessarium, est verum pro omni casu Petro proximè possibili, & libero; ergo antecedens potest esse verum pro casu, pro quo consequens non sit verum, quod repugnat definitionibus antecedentis, & consequentis.

18. Dices, Licet quouiescumque possibile

sibile est antecedens, possibile sit consequens iuxta secundam regulam, tamen non quotiescumque mihi possibile est antecedens, mihi possibile est consequens; ergo licet iuxta primam regulam quotiescumque necessarium est antecedens, necessarium sit consequens, tamen non quotiescumque mihi necessarium est antecedens, mihi necessarium est consequens. Probatur antecedens. Nam hoc antecedens, *Ego video Solem moveri*, est mihi possibile, & liberum, si quidem claudendo oculos, possum impedire, nè videam motum Solis; sed ex illo antecedenti inferitur hoc consequens; ergo *Sol movetur*, quod non est mihi possibile, & liberum, cum non possim impedire motum Solis; ergo &c.

19. Respondeo distinguo antecedens: licet quotiescumque possibile est antecedens, possibile sit consequens, tamen non quotiescumque possibile mihi est antecedens, possibile mihi est consequens, sumendo possibile pro non impossibili, ut sumitur in regula, nego; sumendo possibile pro non necessario, hoc est pro contingente, concedo; sed nego suppositum: & nego consequentiam. In illa regula: *cum possibile est antecedens, possibile est consequens*, possibile sumitur pro non impossibili, ac non repugnante. Sumendo possibile in hoc sensu, cum mihi possibile est antecedens, ita ut mihi non repugnet, etiam consequens est mihi possibile, ita ut mihi non repugnet, ideoque ex eo, quod mihi possibile, hoc est non repugnans est.

vide

videre Solem moueri, legitimè inferitur; ergo mihi possibile, hoc est non repugnans est Solem moueri. At si sumatur possibile pro non necessario, seu pro contingenti, potest esse absolutè possibile, hoc est non necessarium, sed contingens antecedens, & non esse possibile, hoc est contingens, sed esse necessarium consequens, vt dictum est in tertia regula; ergo proportionaliter potest esse mihi possibile, hoc est non necessarium, sed contingens, ac liberum antecedens, & tamen consequens non esse mihi possibile, hoc est contingens, ac liberum, sed necessarium; ergo non est mirum, si ex hoc antecedenti mihi possibili, hoc est libero, *video Solem moueri*, inferatur hoc consequens mihi non possibile, hoc est non liberum, sed necessarium; Ergo *Sol mouetur*. Hinc argumentum retorquetur. Nam sicut ex eo, quod possibile, hoc est non repugnans est antecedens, inferitur, quod possibile, hoc est non repugnans est consequens, sic ex eo, quod mihi possibile, hoc est mihi non repugnans est antecedens, inferitur, quod mihi possibile, hoc est mihi non repugnans est consequens; ergo sicut ex eo, quod necessarium, & non contingens est antecedens, inferitur, quod necessarium, & non contingens est consequens, sic ex eo, quod mihi necessarium, & non liberum est antecedens, inferitur, quod mihi necessarium, & non liberum est consequens; & sicut ex antecedenti non necessario, sed
 , & contingente, & libero potest inferri consequens

sequens necessarium, & non contingens, neque liberum; sic ex antecedenti mihi non necessario, sed contingenti, & libero, potest inferri consequens mihi necessariū, & non contingens, neque liberum.

20. Concluditur, quod sicut ex antecedenti necessario inferitur consequens necessarium, non sola necessitate consequentiæ, sed necessitate consequentis, quæ opponitur contingentia, sic ex antecedenti alicui necessario inferitur consequens illi necessarium, non necessitate solius consequentiæ, sed necessitate consequentis, quæ opponitur libero. Præter quam quod necessitas penitus antecedens causat necessarium necessitate non solius consequentiæ, sed consequentis, quæ opponitur libertati, licet quod inferitur necessario necessitate consequenti, & libera possit esse necessarium necessitate solius consequentiæ, quæ non opponitur libertati, ut explicabitur quæstione sequenti.

21. Ad 1. concedo Deum per scientiā simplicis intelligentiæ cognoscere se posse per auxilia indifferentia mouere, & conuertere cor hominis, pro ut voluerit, ut benè probatur in argumento; sed nego posse Deum dependenter ab hac scientia antecedenter ad scientiam mediam facere hoc decretum: *Ego volo, ut Petrus liberè conuertatur, cum potentia proxima se non conuertendi.* Impossibilitas huius decreti probatur dupliciter. Primo probatur; nam ex dictis quæst. 66. Deus ad omnia sua decreta debet dirigi à tota sua scientia ipsi

non

non libera: alioquin imprudenter decerneret; sed scientia media est Deo non libera; ergo repugnat Deum aliquid decernere ex sola scientia simplicis intelligentiæ, independenter à scientia media.

22. Probatur secundò impossibilitas illius decreti. Vt enim bene probatur in argumento, illud decretum esset necessitas antecedens, & inimpedibilis liberæ conversionis Petri: sed necessitas antecedens, & inimpedibilis alicuius actus aufert illi actui libertatem, vt probatum est in resolutione quæstionis; ergo illud decretum faceret, vt Petrus conuerteretur simul liberè, & non liberè, & frustraretur se ipsum, siquidem vellet, vt Petrus liberè conuerteretur, & faceret, vt conuerteretur non liberè, quod repugnat.

23. Ad 2. distinguo antecedens: Christus habuit necessitatem omninò antecedentem ad observanda diuina præcepta, per hunc, vel illum actum, concedo: per hunc actum determinatè, nego: & distinguo consequens; ergo Christus non liberè observauit præcepta libertate, qua posset non observare, sed transgredi, concedo: libertate, qua posset non observare vno actu, sed alio, nego consequentiam, & retorqueo argumentum. Christus quia per vnionem hypostaticam habuit necessitatem antecedentem ad non peccandum, & ad non transgredienda præcepta, non habuit libertatem peccandi, & transgrediendi præcepta; ergo necessitas antecedens aufert libertatem ad id, ad quod est
ne-

necessitas antecedens . Eatenus verò Christus fuit liber ad obseruanda præcepta per hunc actum , vel alium , quatenus non habuit necessitatem antecedentem ad præcepta obseruanda per hunc actum , sed potuit illa obseruare per alium actum , & omittere hunc actum . Proportionaliter si Deus antecederet ad scientiam mediam decerneret conuersionem Petri , sed non decerneret hanc conuersionem , Petrus posset esse liber ad se conuertendum hac , vel illa conuersione , sed non posset esse liber ad omittendam omnem conuersionem .

24. Ad 3. concedo antecedens , & primam consequentiam , sed nego suppositum antecedentis assumpti . Supponitur enim posse dari necessitatem penitus antecedentem , quæ non immutet principium proximum ; hoc autem est falsum . Ratio est , quia ex dictis num. 10. in quarta probatione , principium constituitur proximè liberum ad actum per negationem omnis impimenti inuincibilis ad omittendum actum ; sed necessitas penitus antecedens per se ipsam formaliter aufert hanc negationem , cum sit impedimentum inuincibile ad actum omittendum ; ergo .

25. Hinc potest responderi ad interrogationem , quæ quaritur , vtrum decretum extrinsecum conuersionis impediat formaliter , vel radicaliter , & efficienter potentiam proximè liberam se conuertendi ? Dico , quod per se ipsum formaliter aufert negationem impimenti inuincibilis ad omittendam conuersionem , adeoque per
se

se ipsum formaliter impedit potentiam, proximè liberam, eo pacto, quo quia lux in aere per se ipsam formaliter aufert priuationem lucis, per se ipsam formaliter impedit tenebrosam, quod constituitur tale per priuationem lucis.

26. Quæres: decretum extrinsecum, penitus antecedens conuersionem immutatur ne intrinsecè potentiam proximè liberam se conuertendi?

27. Respondeo affirmatiuè, siquidem aufert negationem impedimenti insuperabilis, quæ negatio est vnum ex constitutiuis intrinsecis, & essentialibus potentiae proximæ liberæ. Addo, quod fortasse voluntatem ipsam non immutat intrinsecè. Sed aliud est non immutare intrinsecè voluntatem, quæ secundum se præcisè est indifferens ad hoc, vt sit, vel non sit proximè libera; aliud est non immutare intrinsecè potentiam proximè liberam, vt proximè liberam.

28. Dices: voluntas non potest constitui proximè libera per negationem decreti penitus extrinseci voluntati.

29. Respondeo id negando. Communiter admittitur voluntatem constitui proximè liberam per decretum disiunctiuum extrinsecum, quo Deus est paratus concurrere ad plures actus; ergo etiam potest constitui proximè libera per negationem decreti extrinseci voluntati, vt infra magis explicabitur.

QV AESTIO LXXXII.

Utrum necessitas consequens possit auferre libertatem actui, quem necessario infert.

1. **V**idetur posse. Eadem enim est ratio de necessitate antecedenti, ac de necessitate consequenti; sed necessitas antecedens potest auferre, & de facto semper aufert libertatem actui, ad quem est necessitas antecedens; ergo etiam necessitas consequens.

2. Respondeo nomine necessitatis intelligi id, ex cuius positione aliud inferretur, ita ut esse non possit, quin aliud sit, eo quod coniungi nequeat cum negatione illius. E. g. quia scientia, qua Deus praesciuit Antichristum peccaturum, non potest coniungi cum hoc, quod Antichristus non sit peccaturus, ac proinde valet: *Deus praesciuit Antichristum peccaturum*; ergo *Antichristus peccabit*, talis praescientia est quaedam necessitas, ut Antichristus peccet. Necessitas diuiditur in antecedentem, & consequentem. Necessitas antecedens est, quae non includit, neque sequitur, aut determinatur ab actu, quem necessario infert. Necessitas consequens est, quae includit, vel sequitur, ac determinatur ab actu, quem necessario infert. E. g. necessitas, qua ex eo, quod Beati videant Deum, sequitur, quod ament, si qui-

quidem valet : *Beati vident Deum ; ergo Deum amant* , est necessitas anteccedens , quia visio ita infert amorem , vt non includat , neque sequatur , aut determinetur ab amore , sed præcedat natura , & determinet ipsum amorem . E conuersò necessitas , qua ex eo , quod quis operetur liberè contra conscientiam , infertur , quod peccat , est consequens , quia hoc , quod est operari contra conscientiam , includit ipsum peccatum . Similiter necessitas , qua ex eo , quod ego recordor me peccasse , infertur , quod peccarim , est consequens , quia memoria euidentis peccati sequitur , & determinatur ab ipso peccato commisso . Nam ideò recordor me peccasse , quia peccaui .

3. His positis , quaritur , vtrum necessitas consequens possit auferre libertatem actui , quem necessariò infert ?

4. Dicendum : necessitas consequens actum vt factum , aut faciendum à potentia proximè potente illum actum exercere , vel non exercere , non potest auferre libertatem tali actui .

5. Probatur primò : nam si necessitas consequens auferret libertatem actui , neque Deus ab æterno fuisset liber ad sua decreta exercenda ; quod est absurdum , & etiam contra fidem . Probatur sequela . Nam Deus ab æterno videt omnia sua decreta , puta videt Decretum creandi Mundum , prædestinandi Sanctum Petrum , reprobandi Iudam &c ; sed hæc visio est necessitas consequens exercendi talia decreta ;

creta: nam Deus non potest illa videre; quin exerceat, ideoque valet: *Deus vidit decretum creandi Mundum; ergo habuit decretum creandi; ergo.*

6. Probatur secundò: nam implicat, ut necessitas includens, vel supponens essentialiter actum ut factum, aut faciendum liberè, & ut habentem totam definitionem actus liberi, auferat actui libertatem; sed necessitas consequens actum ut factum, aut faciendum à potentia proximè potente illum exercere, vel non exercere, supponit actum ut factum, aut faciendum liberè, & ut habentem totam definitionem actus liberi; ergo &c. Probatur minor: nam actus liber definitur, actus procedens à potentia proximè potente illum exercere, vel non exercere; ergo necessitas supponens actum ut factum, aut faciendum à potentia proximè potente illum exercere, vel non exercere, supponit actum ut habentem definitionem liberi, adeoque ut liberum, nec potest illi auferre libertatem.

7. Dicendum secundò: omnis necessitas consequens actum ut exercitum, à potentia proximè potente illum exercere, est directè, vel indirectè impedibilis à libero arbitrio.

8. Probatur: nam qui potest directè impedire aliquid, potest saltem indirectè impedire omnia, quæ ita illud includunt, vel sequuntur ex illo, ut sine eo esse non possint: e. g. quia ex approximatione ignis ad stupam sequitur, quod ignis comburat

burat stupam, ita ut non possit comburere: si approximetur, qui potest directe impedire, ne ignis approximetur stupæ, potest saltem indirecte impedire, ne ignis comburat stupam; sed omnis necessitas consequens ita includit, aut sequitur actum, ut sine eo esse non possit: eo enim ipso, quod posset esse sine actu, non esset necessitas actus; ergo qui potest directe impedire actum, potest saltem indirecte impedire omnem necessitatem consequentem ex tali actu; sed liberum arbitrium, cum habet potentiam proximè exercendi, vel non exercendi actum, potest directe actum non exercere, adeoque directe impedire; ergo potest saltem indirecte impedire omnem necessitatem consequentem talem actum, adeoque omnis necessitas consequens actum liberum est directe, vel indirecte impedibilis à libero arbitrio.

9. Dicendum tertio: necessitas nullo pacto consequens actum liberum, adeoque antecedens negative, est omnino inimpedibilis à libero arbitrio.

10. Probatur: nam liberum arbitrium directe, & immediate potest solum impedire suos actus liberos, indirecte, & mediate potest impedire illa solum, quæ aliquo pacto pendent, & sequuntur à suis actibus liberis; ergo quæ nullo pacto pendent, aut sequuntur ex actibus liberis, sunt omnino inimpedibilia à libero arbitrio; sed necessitas eo ipso, quod nullo pacto sit consequens, nullo pacto sequitur, aut pendet ab actibus liberis; ergo necessitas,

tas, quæ nullo pacto sit consequens, est omninò inimpedibilis à libero arbitrio.

11. Infertur proprietatem conuertibilem necessitatis consequentis esse, ut sit directè, vel indirectè impedibilis à libero arbitrio; proprietatem conuertibilem necessitatis antecedentis negatiuè esse, ut sit inimpedibilis à libero arbitrio; ideoque necessitatem consequentem ab hac proprietate vocabimus etiam necessitatem impedibilem, necessitatem omninò antecedentem, ità ut nullo pacto sit consequens, vocabimus necessitatem inimpedibilem.

12. Ad argumentum in contrarium, patet ex dictis. De essentia actus liberi est, ut procedat à principio proximo non habente vllum impedimentum inuincibile à libero arbitrio ad omittendum talem actum; sed necessitas ad actum ità antecedens, ut nullo pacto sit consequens, est inimpedibilis, adeoque est impedimentum inuincibile ad omittendum actum; ergo aufert libertatem actui. At necessitas consequens est vincibilis, & impedibilis, & supponit actum ut factum, aut faciendum à principio proximo non habente impedimentum inuincibile à libero arbitrio; ergo necessitas consequens non potest auferre libertatem actui.



QVÆSTIO LXXXIII.

*Vtrum scientia visionis, & media aufe-
rant libertatem actibus abso-
lutè, & conditiona-
tè præiis?*

1. **V**Idetur auferre, primò, quia neces-
sitas antecedens aufert libertatem
actui, quem necessariò infert; sed scien-
tia visionis, qua Deus videt e.g. Antichri-
stum peccaturum, est necessitas antecedens
æternitate peccatum Antichristi, illudque
necessariò infert; ergo.

2. Secundò, si dicatur scientiam, qua
Deus videt peccatum Antichristi, antece-
dere peccatum solum æternitate, non
autem causalitate, & natura, contra est:
nam scientia media, qua Deus videt, quod
si dederit Antichristo talia auxilia, pecca-
bit, antecedit peccatum Antichristi etiam
natura; ergo &c. Probatur antecedens:
nam quod natura antecedit causam, natu-
ra antecedit causatum; sed scientia media,
qua Deus videt, *si dederit Antichristo hanc
potentiam proximam, peccabit*, dirigit Deum
ad dandam Antichristo hanc potentiam
proximam peccandi, adeoque natura ante-
cedit hanc potentiam proximam peccandi,
quæ proxima potentia est causa peccati;
ergo antecedit natura etiam peccatum,
adeoque aufert illi libertatem.

3. Tertiò scientia media, qua Deus
videt:

videt : Si dederò Antichristo talia auxilia , peccabit , antecedit natura peccatum ; ergo non potest natura consequi peccatū ; alioquin daretur mutua prioritas naturæ ; ergo est omnino antecedens , & nullo pacto consequens peccatum ; sed necessitas omnino antecedens aufert libertatem ; ergo &c.

4. Quartò necessitas inimpedibilis à libero arbitrio aufert libertatem actui , quem necessario infert ; sed scientia , qua Deus videt Antichristum peccaturum , est inimpedibilis à libero arbitrio Antichristi ; ergo &c. Probatur minor : nam non datur potentia impediendi præteritum ; ideoque certum est apud Philosophos , & Theologos id , quod dixit Agatho apud Aristotelem 6. Ethic. cap. 2.

Hoc etiam ipse Deus , solumque carere videtur , Infectum ut faciat , quod factum est , atque peractum.

5. Quintò cum antecedens est necessarium , etiam consequens est necessarium , ut demonstratum est quaest. 88. num. 12 ; sed hoc antecedens , *Deus ab æterno sciuit Antichristum peccaturum* , est necessarium , cum non possit non esse verum ; ex illo autem antecedenti sequitur hoc consequens : *ergo Antichristus peccabit* ; ergo etiam peccatum Antichristi erit necessarium , ac proinde non liberum .

6. Sextò nullus effectus potest impedire suam causam , dependenter à qua fuit positus ; sed potentia proxima peccandi fuit posita dependenter à scientia media ,

per quam Deus vidit, quod si poneretur talis potentia proxima, peccaret; ergo potentia proxima peccandi non potest impedire hanc scientiam mediam, adeoque hæc scientia media est inimpedibilis, & aufert libertatem peccato, quod purificata conditione, necessario infert.

7. Septimò demum explicari non potest, quo genere impeditionis scientia visionis, & media possit impediri à libero arbitrio.

8. Respondeo, quod si fingamus Deū dare homini potentiam proximam indifferentem faciendi, vel omittendi actum, & propter defectum luminis intellectiui Deū ignorare, an homo sit factururus, vel non factururus actum, puta an sit peccatururus, vel non peccatururus, procul dubio homo liberè se determinabit ad actum; sed pro eo casu homo liberè se determinaret, non quia Deus esset cæcus, & non videret liberam determinationem hominis, sed quia homo haberet potentiam proximam indifferentem ad actum faciendum, vel non faciendum; ergo posito, quod homo poneretur cum eadem prorsus potentia proxima, liberè se determinat ad actū, etiamsi Deus non sit cæcus, sed per infinitum lumen intellectiui ab æterno videat, quod homo ita se determinat ad actum, ut habeat potentiam proximam se determinandi ad omissionem actus. Confirmatur: nam est impossibile, ut Deus per hoc, quod videat hominem liberè se determinare ad actum, auferat libertatem actui; sed Deus quia

quia non est cæcus, sed habet infinitum lumen, videt hoc ipsum, quod nimirum homo liberè se determinat ad actum; ergo si Deo non vidente, actus esset liber, etiam Deo hoc vidente, actus remanet liber. Eodem pacto ostenditur scientiam mediam non auferre libertatem actui conditionatè præciso. Nam si Deus ex defectu luminis intellectiui non videret, quid liberum arbitrium esset facturum, si haberet hanc potentiam proximam faciendi, vel omit- tendi actum, actus procedens ex hac po- tentia proxima procul dubio esset liber; sed esset liber, non quia Deus esset cæcus, & careret scientia media, sed quia proce- deret à potentia proxima indifferente; er- go etiamsi Deus per scientiam mediam videat, quid liberum arbitrium esset fa- cturum, si haberet hanc potentiam proxi- mam, actus factus ab hac potentia est li- ber. Confirmatur: nam cum Deus per suum infinitum lumen videat hoc ipsum, quod si homo haberet hanc potentiam pro- ximam indifferentem, liberè faceret actum, repugnat, vt purificata conditione, & po- sita hac potentia proxima indifferente, actus fiat non liberè propter hoc ipsum, quia Deus videt, quod si poneretur hac potentia proxima, actus fieret liberè.

9. Confirmatur: nam ex dictis qu. 82. necessitas consequens, & inimpedibilis à libero arbitrio non aufert libertatem actui; sed scientia visionis, & media de conuer- sione e. g. asserunt conuersioni necessitatè consequentem, & impedibilem à libero

arbitrio ; ergo &c. Probatur minor . Ex dictis enim quæst. 81. num. 4. ideo Deus per scientiam visionis videt Petrum conuertendum e. g. quia Petrus conuertetur ; ergo scientia visionis de conuersione est consequens conuersionem , adeoque infert necessitatem consequentem , & indirectè impedibilem à libero arbitrio Petri , qui directè impediens conuersionem , potest indirectè impedire scientiam , quæ Deus præsciuit Petrum conuertendum . Rursus ideo Deus per scientiam mediam videt , quod si dederit Petro hæc auxilia , se conuertet , quia , si dederit , liberè se conuertet , quamuis proximè possit se non conuertere ; ergo scientia media conuersionis est consequens conuersionem liberam Petri vt conditionatè futuram ; sed Petrus purificata conditione , & positus cum his auxilijs , potest directè impedire conuersionem absolutam , impedita verò conuersione absoluta , impeditur etiam vt conditionatè futura , & sic impeditur scientia media pendens à conuersione vt conditionatè futura ; ergo Petrus potest indirectè impedire scientiam mediam de sua conuersione conditionatè futura , adeoque necessitas ad conuersionem , quam necessitatem affert scientia media , est consequens conuersionem , & est indirectè impedibilis à libero arbitrio , ac proinde non potest auferre libertatem conuersioni .

10. Ad 1. distinguo maiorem: necessitas antecedens negatiuè, ita vt non sit consequens determinatione, auferre libertatem,

con-

concedo ; necessitas antecedens æternitate, vel tempore , ita vt sit consequens determinatione , aufert libertatem , nego : distinguo eodem pacto minorem ; & nego consequentiam . Necessitas ità antecedens actum , vt non consequatur, & determinetur ab actu , aufert libertatem actui : at necessitas , quæ consequitur , & determinatur ab actu prout procedente à potentia proxima indifferente , etiamsi sit necessitas antecedens æternitate, vel tempore, non potest actui auferre libertatem , vt dictum est quaest. 82; sed scientia , qua Deus ab æterno videt Antichristum peccaturum , licet æternitate antecedit peccatum Antichristi , tamen determinatur à peccato Antichristi , quod consequitur : nam ideo Deus ab æterno videt Antichristum peccaturum , quia Antichristus peccabit, non è conuerso , vt dictum est quaest. 81. nu. 4. ergo .

II. Ad 2. distinguo eodem pacto antecedens : scientia media peccati Antichristi ita est prior natura , vt sit posterior determinatione eodem peccato Antichristi vt conditionatè existente, concedo: vt non sit posterior determinatione , nego : & nego consequentiam . Scientia media ità antecedit natura peccatum Antichristi, vt determinatione sit posterior eodem peccato vt conditionatè existente . Nam ideo Deus videt Antichristum , si acceperit hanc potentiam proximam indifferentem, peccaturum , quia Antichristus peccabit , non è conuerso ; ergo talis scientia, purifi-

cata conditione, & posita hac potentia proxima indifferente, non potest auferre libertatem peccato absolute existenti; alioquin scientia, qua Deus videt Antichristum, si accipiat hanc potentiam proximam, liberè peccaturum, faceret, vt Antichristus, purificata conditione, & accepta hac potentia proxima, non liberè, sed necessario peccaret, & sic falsificaret se ipsam.

12. Ad 3. concedo antecedens, & nego consequentiam. Non repugnat mutua prioritas, per quam scientia media ita antecedit peccatum Antichristi e. g. tanquam absolute ponendum, vt sequatur, & determinetur ab eodem peccato vt conditionatè ponendo. Explicatur exemplo. Nam cum medicus prænidet, quod si dederit aegroto tale medicamentum, aegrotus sanabitur, & cooperabitur liberè suæ sanationi, dat aegroto illud medicamentum, eumque sanat, datio medicamenti est causa sanitatis vt absolute existentis, & eadem sanitas, vt conditionatè existens, & prænisa, determinat medicum ad dandum illud medicamentum, adeoque determinatione est prior datione medicamenti; ergo non est mirum aliquid simile accidere in casu nostro.

13. Querres, vtum prioritas, per quam actus liber vt conditionatè futurus determinat scientiam mediam, sit prioritas naturæ, & physica, an sit solum prioritas Logica?

14. Respondeo esse prioritatem Logicam.

eam. Ratio est, quia prioritas physica est, per quam vnum ita determinat aliud, ut prærequiratur ad illud secundum existentiam physicam, quam habeat in rerum natura; sed actus liber conditionatè futurus prærequiritur ad scientiam mediam, non secundum existentiam physicam, & absolutam, quam habeat in rerum natura, sed solum secundum existentiam conditionatam, & logicam, quam haberet; ergo &c. Sed quæstio est de modo loquendi.

15. Ad 4. nego minorem. Ad probationem, distinguo minorem: non datur potentia directè impediendi præteritum, concedo; non datur potentia impediendi indirectè præteritum determinatione consequens ex aliquo futuro, nego minorem; & nego consequentiam. Proculdubio non datur potentia directè impediendi præteritum, siquidem causâ libera directè, & immediatè solum habet potestatem faciendi, vel impediendi, & omittendi aliquam suam actionem præsentem. Veruntamen cum causâ libera potest directè facere, vel impedire aliquam suam actionem præsentem, à qua tanquam à determinatio per modum conditionis essentialiter pendeat aliquod præteritum, vel æternum, potest impediendo directè talem actionem, indirectè impedire illud præteritum, vel æternum; sed scientia æterna, qua Deus videt Antichristum peccaturum, & præterita reuelatio, qua reuelauit Antichristum peccaturum, essentialiter pendet tanquam à determinatio per modum conditionis,

à peccato Antichristi : ideo enim Deus ab æterno vidit Antichristum peccaturum, idque in tempore reuelauit, quia Antichristus suo tempore est peccaturus ; ergo Antichristus directè impediendo suum peccatum, poterit indirectè impedire, ne Deus id præsciuerit, & reuelauerit. Hinc patet disparitas, propter quam ego e. g. non possum indirectè impedire, ne Adam peccauerit, possum autem indirectè impedire, ne Deus sciuerit, & reuelauerit meum peccatum. Ideo ego possum indirectè impedire, ne Deus præsciuerit, & reuelauerit meum peccatum, quia possum directè impedire meum peccatum, ex quo essentialiter pendet, & determinatur diuina præscientia, & reuelatio mei peccati ; sed non possum impedire directè ullam actionem, à qua essentialiter dependeret, & determinatum fuerit peccatum Adæ ; ergo &c.

16. Dices: in quo ergo sensu verificatur axioma Agathonis receptum ab omnibus, quod non datur potentia ne in Deo quidem, faciendi, vt præteritum non sit præteritum ?

17. Dicunt aliqui primò sensum esse, quod non datur potentia faciendi, vt præteritum in sensu composito cum hoc, quod sit præteritum, non sit præteritum, sed datur potentia indirectè faciendi, vt non sit præteritum in sensu diuiso.

18. Hæc doctrina est vera, sed non satis explicat sensum axiomatis. In hoc enim sensu eodem pacto datur potentia

fa-

faciendi, vt præteritum non sit præteritum, quo datur potentia faciendi, vt præsens non sit præsens, futurum non sit futurum. Nam sicut datur potentia faciendi, vt præsens non sit præsens, futurum non sit futurum, solum in sensu diuiso, non in sensu composito, sic datur potentia, vt præteritum non sit præteritum in sensu diuiso, non in sensu composito; sed per illud axioma asseritur, quod non datur potentia, vt præteritum non sit præteritum in aliquo sensu, in quo datur potentia, vt præsens non sit præsens, futurum non sit futurum; ergo &c.

19. Posset secundo dici, sensum axiomatis esse, quod non datur potentia directæ faciendi, vt præteritum non sit præteritum, licet detur indirectæ.

20. Sed contra, nam per illud axioma negatur vniuersaliter potentia faciendi etiam indirectè, vt præteritum non sit præteritum.

21. Dicendum igitur sensum axiomatis esse, quod in sensu composito cum hoc, quod semel verificetur aliquid esse præteritum, non datur potentia faciendi, vt id non semper verificetur, adeoque vt non semper sit præteritum; at in sensu composito cum hoc, quod aliquando verificetur aliquid esse præsens, vel futurum, datur potentia faciendi, vt illud non sit amplius præsens, neque futurum. E. gr. in sensu composito cum hoc, quod nunc verificetur me peccasse, ne in Deo quidem datur potentia faciendi, vt non semper

verificetur me peccasse : at in sensu composito cum hoc , quod ego nunc pecco , & quod sum peccaturus cras , datur potentia faciendi , vt non amplius verificetur me nunc peccare , & esse peccaturum , cras . Nam si obtinebo beatitudinem , & cum ea impeccabilitatem , per totam æternitatem verificabitur : *Neque nunc pecco , neque cras , vel vnquam amplius peccabo .*

22. Ad 5. distinguo maiorem : cum antecedens est necessarium simpliciter , vel ex suppositione necessaria , etiam consequens est necessarium , concedo ; cum antecedens est necessarium necessitate consequenti ex suppositione non necessaria , etiam consequens est necessarium , nego : distinguo eodem pacto minorem ; & nego consequentiam . Hoc antecedens : *Deus ab æterno sciuit Antichristum peccaturum* , non est necessarium simpliciter . Nam potuit Deus non producere Antichristum , & in eo casu potuit non scire Antichristum peccaturum ; ergo illud antecedens est necessarium solum necessitate consequenti ex peccato Antichristi non necessario , sed liberè futuro ; ergo non est mirum , quod consequens , ex quo inferatur hoc ipsum , quod Antichristus peccabit , non sit necessarium , vel solum sit necessarium necessitate consequenti peccatū Antichristi , quæ necessitas non opponitur libertati talis peccati .

23. Ad 6. distinguo maiorem : nullus effectus potest impedire suam causam per se

se determinatè requisitam ad effectum, concedo : nullus effectus potest indirectè impedire suam causam non per se determinatè requisitam ad effectum, & essentialiter pendentem ab aliqua operatione talis effectus vt conditionatè futura, nego maiorem ; distinguo eodem pacto minorem ; & nego consequentiam . Primo concedo , quod nullus effectus potest directè impedire vllam suam causam . Secundo concedo , quod nullus effectus potest ne indirectè quidem impedire suam causam, per se, & essentialiter requisitam ad talem effectum ; alioquin posset liberè impedire se ipsum . Tertiò dico potentiam proximè liberam, directè impediendo aliquam suam operationem liberam, puta actum conuersionis, posse indirectè impedire scientiam mediam, qua Deus videat, quod si poneretur hæc potentia proximè libera, fecisset actum conuersionis, siquidem hæc scientia media essentialiter pendet à tali actu conuersionis vt conditionatè futuro . Addo, quod potentia proximè libera se cōuertendi, directè impediendo conuersionem, indirectè impediret scientiam mediam de tali conuersione vt conditionatè futura, & indirectè determinaret oppositam scientiam mediam de non conuersione : ex quo sequeretur, quod Deus posuisset hanc potentiam proximam, non dependenter à scientia media de conuersione, sed dependenter à scientia media de non conuersione, non per decretum prædefinitiuam conuersionis, sed per decretum

tum permissuum non conuersionis ..

24. Dices primò : quod supponit aliquid vt positum, non potest ne indirectè quidem illud impedire ; sed potentia proximè libera supponit vt positas omnes suas causas, à quibus de facto pendet, adeoque etiam scientiam mediam, & diuinam prædefinitionem consensus e.g. ergo ..

25. Respondeo, distinguo maiorem : quod supponit aliquid vt positum, prout includit talem suppositionem, & potentia consequenti non potest illud impedire, concedo : prout abstrahit à tali suppositione, & potentia antecedenti non potest illud impedire, nego : distinguo eodem pacto minorem ; & nego consequentiam . Potentia proximè libera non constituitur proximè libera formaliter per hoc, quod de facto pendeat à scientia media, & à decreto prædefinitiuo consensus, sed constituitur proximè libera per suam existentiam, & per auxilia præuenientia &c. quæ omnia sunt ex se indifferentia ad hoc, vt pendeant à scientia media consensus, & à prædefinitione consensus, vel à scientia media disensus, & à permissione disensus ; ergo potentia proximè libera, vt proximè libera, secundum sua constitutiva præscindit ab hoc, quod sit posita dependenter ab hac scientia, & decreto, vel ab alia scientia, & ab alio decreto, & prout præscindit, & est indifferens, constituitur tanquam hypothesis, seu conditio scientiæ mediæ ; ergo potentia proximè libera directè se determinando ad consensum,

po-

potest indirectè se determinare ad hoc, ut pendeat à scientia media, & decreto prædefinitiuo consensus, & se determinare, ut pendeat à scientia media, & decreto permissiuo dissensus.

26. Hinc patet disparitas, quare potentia proximè libera non possit impedire se ipsam, vel vllum suum constitutum, possit autem impedire aliquam suam causam, à qua non essentialiter pendet. Ratio est, quia potentia libera ut existens, non potest impedire vllum eorum, à quorum existentia non potest præscindere; at potest impedire ea, à quorum existentia potest præscindere; sed potentia proximè libera ut existens non potest præscindere ab existentia vllius sui constitutui, potest præscindere ab hoc, quod existat dependenter ab hac, vel illa causa, puta dependenter à scientia media consensus, vel dissensus; ergo &c.

27. Dices secundò: liberum arbitrium ut absolutè existens, ne indirectè quidem potest impedire aliquid, quod eodem pacto daretur, siue liberum arbitrium existeret, siue non existeret; sed scientia de conuersione conditionatè futura eodem pacto daretur, siue liberum arbitrium existeret, siue non existeret; ergo &c.

28. Respondeo, distingo maiorem; liberum arbitrium ut absolutè existens non potest indirectè impedire aliquid, quod eodem pacto daretur, siue liberum arbitrium existeret, & quomodocumque absolutè operaretur, siue liberum arbitrium

non

non existeret, & quomocunque conditionatè esset operaturum, concedo: quod eodem pacto daretur, si liberum arbitrium existeret, & operaretur vno modo, sed non eodem pacto daretur, si liberum arbitrium existeret, & operaretur alio modo, nego: distinguo eodem pacto minorem; & nego consequentiam. Liberum arbitrium potest indirectè impedire scientiam mediam conuersionis, quia talis scientia media daretur quidem, si liberum arbitrium existeret, & absolutè conuerteretur, sed non daretur si liberum arbitrium existeret, & absolutè non conuerteretur; ergo liberum arbitrium absolutè existens, impediendo directè suam conuersionem, potest indirectè impedire scientiam mediam de tali conuersione.

29. Ad 7. Iam dictum est scientiam visionis, & mediam de conuersione e. g. posse impediri solum indirectè. Hæc potentia indirectè impediendi consistit in hoc, quod liberum arbitrium potest directè impedire conuersionem, quam si impediat, eo ipso sequitur, quod quia Deus ideo absolutè, & conditionatè præscit conuersionem, quia liberum arbitrium erat liberè conuersionem non impediturum, Deus neque absolutè, neque conditionatè præscit conuersionem.



Q V A E S T I O L X X X I V .

*Utrum praedeterminatio, & permissio aufe-
rant libertatem actibus à Deo
praedeterminatis, & per-
missis,*

1. **V**idetur auferre, primo quia necessitas antecedens non solum tempore, & aeternitate, sed etiam causalitate, & natura, & inimpidibilis à libero arbitrio, aufert libertatem actibus, quos necessario infert; sed praedeterminatio, & permissio sunt huiusmodi, & non possunt impediri à libero arbitrio; alioquin potentia libera posset impedire suam causam, dependenter à qua fuit posita; ergo &c.

2. Secundo ex dictis quaest. 78. nu. 25. praedeterminatio, qua Deus praedeterminavit actum bonum, puta conversionem Sancti Petri, est decretum, quo Deus quia per scientiam mediam videt hoc auxilium fore efficax, vult illud dare, & vult, ut Sanctus Petrus convertatur, ita ut si videret hoc auxilium fore inefficax, daturus esset aliud, quod videret efficax; sed hoc decretum, aufert libertatem actui, puta conversioni Sancti Petri; ergo &c. Probatur minor: nam qui non potest se diuidere ab aliquo inconiungibili cum actu, vel cum negatione actus, quin se coniungat cum alio pariter inconiungibili, non est liber ad actum, vel ad omissionem actus: e. g. si aliquis ita sedet:

federet in vna fede, vt non posset se diuidere à sessione in tali fede, quin se coniungeret cum sessione in alia fede, quæ sessio esset pariter inconiungibilis cum ambulatione, non esset liber ad ambulandum; sed Sanctus Petrus non posset se diuidere à decreto inconiungibili cum negatione conuersionis, quo decreto Deus prædefiniuit conuersionem Sancti Petri per talia auxilia, quin se coniungeret cum alio decreto prædefiniente conuersionem per alia auxilia, quæ videret fore efficacia, quod decretum esset æquè inconiungibile cum negatione conuersionis; ergo &c.

3. Tertiò vt Petrus e.g. sit liber ad se conuertendum, vel non conuertendum, requiritur, vt Deus sit paratus concurrere cum Petro ad conuersionem, vel permittere negationem conuersionis; sed eo ipso, quod Deus habeat decretum, quo vult, vt Petrus conuertatur per hæc auxilia, quæ per scientiam mediam videt fore efficacia, & si videret hæc fore inefficacia, vellet dare alia, quæ videret fore efficacia, Deus non est paratus permittere negationem conuersionis; ergo &c.

4. Quartò, qui caret aliquo necessariò ad se conuertendum, non est proximè liber ad se conuertendum; sed qui caret prædefinitione conuersionis, caret aliquo necessariò ad se conuertendum; ergo &c.

5. Respondeo decretum, quo Deus ità dat auxilia efficacia, vt prædefiniat consensum, & ità dat auxilia inefficacia, vt permittat dissensum, non auferre libertatem.

tem actibus prædefinitis, seu permissis.

6. Probatur: nam necessitas determinatione consequens actum liberum ut conditionatè futurum, ac proindè impedibilis indirectè à libero arbitrio, non potest auferre libertatem tali actui, ut dictum est quaest. 83; sed necessitas decreti prædefinitivi, ac permissivi est huiusmodi; ergo &c. Probatur minor: nam ideò Deus per hæc auxilia prædefinit consensum, quia per scientiam mediam videt, quod si dederit hæc auxilia, liberum arbitrium proximè potens consentire, & non consentire, liberè consentiet; ideò hoc videt, quia liberum arbitrium si accipiet hæc auxilia, liberè consentiet; ergo à primo ad ultimum ideò Deus per hæc auxilia prædefinit consensum, quia liberum arbitrium, si habuerit hæc auxilia, per quæ proximè poterit consentire, & non consentire, determinare scientiam mediam de consensu, vel dissensu, & prædefinitionem consensu, vel permissionem dissensu, liberè consentiet, & determinabit scientiam mediam, & prædefinitionem consensu; ergo prædefinitio consensu est determinatione consequens consensum ut conditionatè futurum, & à libero arbitrio indirectè impedibilis; ergo cum ideò Deus prædefiniat actum per hæc auxilia, quia videt liberum arbitrium, si habuerit hæc auxilia, liberè consensurum, cum potentia proxima dissentiendi, & indirectè impediendi ipsam, prædefinitionem, non potest prædefinitio auferre libertatem actui prædefinito; alio-

quin

quin prædefinitio frustraretur se ipsam, ac Deus per hoc, quod vellet, ut liberum arbitrium consentiret liberè, faceret, ut non liberè, sed necessariò consentiret.

7. Ad 1. patet ex dictis. Necessitas enim ex prædefinitione, & ex permissione, cum determinatione sit consequens actus prædefinitos & permittos, ut conditionatè existentes, est impedibilis, & non potest illis auferre libertatem.

8. Ad 2. respondeo primo distingo maiorem: prædefinitio est decretum, quo Deus ità vult dare hoc auxilium, quod videt fore efficax, ut si videret illud fore inefficax, daturus esset aliud, & aliud, quod videret efficax intra certam seriem, concedo; daturus esset aliud, & aliud cuiuslibet seriei in infinitum, nego: distingo eodem pacto minorem; & nego consequentiam. Dupliciter possumus intelligere Deum prædefinire actum bonum per hoc auxilium. Primo ita, ut si videret hoc auxilium fore inefficax, daturus esset aliud, & aliud intrà certam seriem auxiliorum: secundò ita, ut daturus esset aliud, & aliud in infinitum ex qualibet serie. Deus ità prædefinit actum bonum, per hoc auxilium, ut si videret illud fore inefficax, daturus esset aliud, & aliud, quod videret efficax intra certam seriem auxiliorum, putà intrà seriem auxiliorum ordinariorum, non autem ita, ut daturus esset aliud, & aliud ex qualibet serie sine termino. Quis enim credat Deum ita dare peccatori auxilium efficax ad conversionem,

nem,

nem; ut si videret illud, & omnia auxilia ordinaria fore inefficacia, daturus esset extraordinaria, & si videret omnia extraordinaria aequalia ijs, quæ data sunt Sancto Paulo, Sanctæ Magdalænæ &c. fore inefficacia, daturus esset maiora, & maiora in infinitum excedentia etiam illa, quæ data sunt Beatæ Virgini? Hoc posito, Deus ita prædefinit actum bonum, puta conuersionem Sancti Petri per hoc auxilium, ut si videret illud fore inefficax, daturus esset aliud, & aliud, quod videret efficax intra certam seriem, si autem videret omnia auxilia talis seriei esse inefficacia, permissurus esset non conuersionem; sed Sanctus Petrus potest ita se diuidere à decreto prædefinitiuo conuersionis per totam hanc seriem auxiliorum, ut se non coniungeret cum vlllo decreto prædefinitiuo, sed se coniungeret cum decreto permissiuo non conuersionis; ergo remanet liber ad se non conuertendum.

9. Sed quia argumentum posset vrgeri pro casu, pro quo Deus ita prædefiniret actum bonum per hoc auxilium, ut si videret illud fore inefficax, daturus esset aliud, & aliud in infinitum ex qualibet serie, ideo respondeo secundo concedo maiorem, & distinguo minorem, ac dico quod Petrus ut habens talia præcisè auxilia nihil aliud directè potest, quam coniungere talia præcisè auxilia cum conuersione, vel cum negatione conuersionis; ergo potest indirectè omne id, quod determinatione est consequens ex hoc, quod con-

coniungat hæc præcisè auxilia cum conuersione, vel eum negatione conuersionis; sed ex eo, quod coniungat talia auxilia cum conuersione, determinatione consequitur, quod nulla sit permissio absoluta non conuersionis, seu per hæc auxilia, seu per alia; ex eo, quod coniungat hæc præcisè auxilia cum negatione conuersionis, sequitur, quod nulla sit prædefinitio absoluta conuersionis, seu per hæc auxilia, seu per alia; ergo Petrus vt habens hæc præcisè auxilia, potest indirectè impedire omnem prædefinitionem absolutam conuersionis, seu per hæc præcisè auxilia, seu per alia, ac proindè falsum est, quod ita potest indirectè se diuidere à decreto prædefiniente conuersionem per hæc præcisè auxilia, vt se coniungat cum decreto prædefiniente conuersionem per alia auxilia.

10. Dices: si Petrus per hæc præcisè auxilia non conuerteretur, indirectè faceret, vt Deus per scientiam mediam vidisset hæc auxilia fore inefficacia; sed Deus ita dat auxilia, vt si videret illa fore inefficacia, daret alia, quæ videret fore inefficacia, & per illa prædefiniret conuersionem, vt dictum est quæst. 78. num. 25; ergo Petrus quandoquidem indirectè faceret, vt purificaretur conditio, faceret, vt purificaretur conditionatum, adeoque vt Deus daret alia auxilia, quæ videret fore efficacia, & vt per illa prædefiniret conuersionem, quod implicat: nam eo ipso Petrus dissentiendo faceret, vt daretur prædefinitio consensus, quæ prædefinitio esset

in-

inconiungibilis cum dissensu.

II. Respondeo distingo maiorem; si Petrus per hæc præcisè auxilia non conuerteretur, faceret, vt Deus per scientiam mediam compositam cum his auxilijs videret illa fore inefficacia, concedo; faceret, vt Deus per scientiam mediam abstrahentem à compositione cum his auxilijs videret illa fore inefficacia, nego maiorem; & distingo minorem; sed Deus ita dat hæc præcisè auxilia, vt si in sensu composito cum absoluta datione videret illa fore inefficacia, daret alia, quæ videret fore efficacia, nego; vt si videret illa fore inefficacia, abstrahendo à compositione cum absoluta datione, daret alia, concedo minorem; & nego consequentiam. Implicat in terminis, vt Deus ita det hæc præcisè auxilia, vt si in sensu composito cum datione horum præcisè auxiliorum haberet scientiam mediam, qua videret illa fore inefficacia, daret alia, quæ videret fore efficacia; ergo Deus proculdubio non ita dat; sed Petrus per hæc præcisè auxilia nihil aliud potest facere, quam coniungere cum his præcisè auxilijs, vel consensum, ac proindè scientiam mediam, & prædefinitionem consensus, vel dissensum, ac proindè scientiam mediam, & permissionem dissensus; siquidem vniuersim potentia proximè libera nihil aliud est, quam potentia coniungendi secum vel consensum, & omnia ex consensu necessariò consequentia, vel dissensum, & omnia ex dissensu necessariò consequentia; ergo Pe-

trus

trus dissentiendo absolute, procul dubio non potest purificare conditionem, sub qua Deus est paratus dare illi alia auxilia, quæ videret fore efficacia.

12. Licet Petrus ex suppositione, quod habeat hanc potentiam proximam, non possit dissentiendo purificare conditionem, sub qua Deus est paratus non dare hanc potentiam proximam, & hæc auxilia, sed alia, quæ videret fore efficacia, tamen ex suppositione, quod habeat hanc potentiam proximam, potest dissentiendo facere aliquid, quod quia Deus per scientiam mediam prævidit ipsum non facturum, ideo posuit hanc suppositionem, & hanc potentiam proximam, & quod si prævidisset facturum, non posuisset hanc suppositionem, neque hanc potentiam proximam, sed vel non posuisset ullam potentiam proximam, vel posuisset potentiam proximam constitutam per alia auxilia, quæ videret fore efficacia. Debent igitur distinguere, ac non confundi duæ propositiones, quarum una est euidenter falsa, alia potest esse vera. Prima propositio est: *Petrus ex suppositione, quod existat, & habeat hanc potentiam proximam, & hæc auxilia, dissentiendo potest impedire, ne fuerit creatus, ne existerit, & ne habuerit hanc potentiam proximam, & hæc auxilia.* Hæc propositio est manifestè falsa. Ratio est, quia Petrus ex dicta suppositione, dissentiendo, nihil aliud potest, quam coniungere suam existentiam, suam potentiam proximam, & hæc auxilia cum dissensu; sed

sed implicat, ut coniungendo suam existentiam, suam potentiam proximam, & hæc auxilia cum dissensu, impediat, ne fuerit creatus, ne extiterit, & ne habuerit hanc potentiam proximam, & hæc auxilia; ergo illa propositio est manifestè falsa. Secunda propositio est. *Petrus ex suppositione, quod existat, & habeat hanc potentiam proximam, & hæc auxilia, dissentiendo potest facere aliquid, quod quia Deus per scientiam mediam conditionatè vidit Petrum non facturum, ideo posuit ipsam suppositionem, hoc est dedit Petro existentiam, hanc potentiam proximam, & hæc auxilia, & quod si per scientiam mediam vidisset conditionatè Petrum facturum, non posuisset suppositionem, hoc est non dedisset Petro existentiam, vel non dedisset hanc potentiam proximam, & hæc auxilia, sed alia.* Hæc propositio potest esse vera. Ratio est, quia Deus potest facere decretum, quo dicat, *quia video, quod si ponam Petrum cum hac potentia proxima, & cum his auxilijs, non dissentiet, sed consentiet, volo ponere Petrum cum hac potentia proxima, & cum his auxilijs, & volo, ut consentiat; & si viderem, quod cum his auxilijs non esset consensurus, nollem creare Petrum, vel nollem illi dare hanc potentiam proximam, & hæc auxilia; sed posito hoc decreto, verificatur hæc secunda propositio; ergo &c.*

13. Ad 3. distinguo maiorem: ut Petrus sit liber ad conuersionem, vel ad negationem conuersionis, requiritur, ut Deus sit paratus concurrere cum Petro ad con-

Q

uer-

uersionem, vel permittere negationem conuersionis, ex suppositione horum auxiliorum, & huius potentiae proximae, concedo: requiritur, ut sit paratus non solum ex suppositione, sed ut sit paratus ponere ipsam suppositionem, nego: distinguo eodem pacto minorem, & nego consequentiam. Petrus est liber ad se conuertendum, & non conuertendum solum ex suppositione, quod habeat haec auxilia, & hanc potentiam proximam, sed non est liber ad ipsam suppositionem; ergo sufficit, quod Deus sit paratus concurrere ad conuersionem, vel permittere negationem conuersionis ex suppositione horum auxiliorum, non requiritur, ut sit paratus ponere ipsam suppositionem; sed Deus habet decretum, quo dicit, *quia video, quod si dedero Petro haec auxilia, conuerteretur, volo illi dare haec auxilia, & volo ut conuertatur; & si viderem Petrum per haec auxilia non conuertendum, ex suppositione, quod darem talia auxilia, vellem permittere negationem conuersionis, sed nollem ponere illam suppositionem, ac non vellem dare haec auxilia, quae viderem fore inefficacia, sed vellem dare alia, quae viderem fore efficacia*; ergo Deus habet decretum, quo est paratus permittere negationem conuersionis ex suppositione horum auxiliorum, & huius potentiae proximae, licet non sit paratus ponere ipsam suppositionem horum auxiliorum, & huius potentiae proximae.

14. Ad 4. distinguo maiorem; qui caret

ret aliquo necessario ad se conuertendum ,
 carentia consequente ad suam liberam non
 conuersionem vt conditionatè futuram ,
 adeoque indirectè impedibili , non est li-
 ber ad se conuertendum , nego : carentia
 omninò antecedenti , & nullo pacto impe-
 dibili , concedo : distinguo eodem pacto
 minorem ; & nego consequentiam . Qui
 caret prædefinitione necessaria ad conuer-
 sionem , ideò caret , quia Deus videns ,
 quod si dederit hæc auxilia , cum quibus
 poterit conuerti , liberè non conuertetur ,
 dat talia auxilia , non prædefiniendo con-
 uersionem , sed permittendo negationem
 conuersionis ; ergo carentia prædefinitio-
 nis necessariae ad conuersionem sequitur
 liberam negationem conuersionis vt con-
 ditionate prauisam , adeoque Petrus libe-
 rè se conuertens potest indirectè impedire
 talem carentiam prædefinitionis , & indi-
 rectè determinare prædefinitionem con-
 uersionis ; sed qui caret aliquo necessario
 ad actionem carentia consequenti , & im-
 pedibili , est liber ad actionem : e. g. qui
 sedet , adeoque caret negatione sessionis
 necessaria ad ambulandum , est liber ad am-
 bulandum , quia caret negatione sessionis
 carentia consequente ad hoc , quod liberè
 nolit ambulare , & velit sedere , & ita , vt
 ambulando possit habere negationem ses-
 sionis , & impedire carentiam talis nega-
 tionis ; ergo .

15. Hinc patet , quo pacto non præde-
 stinatus sit liber ad consequendam salutem ,
 licet careat prædestinatione necessaria ad

364 *De concursu Dei ad actus liberos*
consequendam salutem. Deus enim dat
hæc auxilia sufficientia, paratus per illa
prædestinare, si cum illis liberè persevere-
mus in gratia, & ideò per talia auxilia
non prædestinat, sed reprobatur, quia per
scientiam mediam videt illum non perse-
ueraturum; ergo carentia prædestinationis
per hæc auxilia, est consequens liberam
non perseuerantiam ut conditionatè futu-
ram, ideoque est indirectè impedibilis à
prædestinato, & non auferens illi liberta-
tem ad consequendam salutem.

Q V A E S T I O LXXXV.

*Utrum Omnipotentia Diuina ponatur
formaliter in manu liberi arbitrij
per aliquid intrinsecum libero
arbitrio, vel potius per de-
cretum disiunctiuum
extrinsecum.*

1. **V**idetur, quod per decretum disiun-
ctiuum. Nam posito quocunque
intrinseco voluntati, ac præcedente actum
liberum, Deus potest nolle concurrere
cum voluntate ad vllum actum liberum;
sed posita Omnipotentia in manu liberi ar-
bitrij, Deus non potest nolle concurrere
cum voluntate ad actum liberum; ergo
Diuina Omnipotentia non ponitur ultimò
in manu liberi arbitrij per aliquid intrin-
secum voluntati, & præcedens actum,
sed per decretum, quo Deus vult concur-
rere

rere cum voluntate ad hunc, vel illum actum.

2. Respondeo, quod quia nostræ actiones liberæ sunt indiuisibiliter simul actiones nostræ, & actiones Diuinæ Omnipotiæ, Deus eo ipso, quod dat nobis potentiam proximam faciendi hanc, vel illam actionem liberam, dat potentiam proximam determinandi nos ipsos simul, & Diuinam Omnipotentiam ad concurrendum in actu secundo ad hanc, vel illam actionem liberam, puta vel ad concurrendum ad actum, quo volumus obseruare præceptum, vel ad concurrendum ad actum, quo volumus transgredi præceptum; sed per hoc ipsum, quod proximè possimus determinare Diuinam Omnipotentiam, habemus quodammodo Omnipotentiam in manu liberi arbitrij; ergo eo ipso, quod Deus dat nobis potentiam proximam faciendi hunc, vel illum actum liberum, dat quodammodo suam Omnipotentiam in manu liberi arbitrij. Hoc posito, quæritur, per quid liberum arbitrium vltimo constituatur proximè potens determinare Diuinam Omnipotentiam ad hunc, vel illum actum, per aliquid ne nobis intrinsecum, vel per Diuinum Decretum extrinsecum nobis, sed intrinsecum, & essenziale potentiæ proximæ vt tali?

3. Dicendum: probabilius est nos vltimo formaliter constitui proximè potentes determinare Diuinam Omnipotentiam, nō per decretum extrinsecum, sed per qualitatem intrinsecam voluntati.

4. Probatur primò: nam qui peccat e. g. experitur euidenter se proximè obligari ad non peccandum: sed proxima obligatio ad non peccandum includit potentiam proximam non peccandi; nemo enim proximè obligatur ad id, quod proximè non potest; ergo qui peccat, experitur proximam potentiam non peccandi; sed non posset experiri se proximè posse, nisi experiretur vltimum complementum, quo constituitur proximè potens, & si omnia, quæ experitur, essent coniungibilia cum negatione potentiae proximæ; ergo experitur vltimum complementum, quo constituitur proximè potens non peccare; sed non experitur decretum extrinsecum Dei, quod proculdubio non potest cadere sub nostram experientiam; ergo vltimum complementum, quo constituimur proximè potentes non peccare, non est decretum extrinsecum, sed est aliquid nobis intrinsecum. Si quærat, quod sit; dico, quod est qualitas vltimò completiua potentiae proximè liberæ, quæ proindè reducitur ad secundam speciem qualitatum, quæ species continet potentiam, & impotentiam. Explicatur. Aristoteles in prædicamentis cap. de Quali diuidit qualitatem in quatuor species: prima est habitus, & dispositio; secunda potentia, & impotentia; tertia passibilis qualitas; quarta forma, & figura. Omnia igitur complementa potentiarum in ratione potentiae sunt qualitates secundæ speciei.

5. Probatur secundò: nam posito, quod
Deus

Deus per scientiam mediam videat, si Petrus habuerit hanc potentiam proximam, ad se conuertendum, vel non conuertendum, se conuertet, per decretum prædefinitiuum dicit, *volo dare Petro hanc potentiam proximam, cum qua video Petrum conuertendum, & volo concurrere ad conuersionem, nolo concurrere ad actum oppositum conuersionis*; sed potentia proximè libera iuxta opinionem, quam impugnamus, constituitur vltimò per decretum, quo Deus dicit: *volo cum Petro concurrere, vel ad conuersionem, vel ad actum oppositum conuersioni*; ergo Deus per decretum prædefinitiuum dicens, *volo dare Petro potentiam proximam &c.* dicit *volo velle concurrere cum Petro ad consensum, hoc est ad conuersionem, vel ad actum oppositum, & volo concurrere ad consensum, hoc est ad conuersionem, & non ad actum oppositum*, quod repugnat, adeoque decretum disiunctiuum repugnat prædefinitiuo.

6. Dices primò: Petrus constituitur proximè potens se conuertere, vel non conuertere, per aliquod decretum; sed omnia, per quæ constituitur proximè potens se conuertere, vel non conuertere, sunt coniungibilia tum cum conuersione, tum cum negatione conuersionis; ergo tale decretum est coniungibile tum cum conuersione, tum cum negatione conuersionis; sed decretum prædefinitiuum conuersionis non est coniungibile cum negatione conuersionis; ergo Petrus non constituitur proximè potens se conuertere per de-

368 *De concursu Dei ad actus liberos*
cretum prædefinitium ; ergo per disiunctum.

7. Respondeo distingo maiorem: Petrus constituitur proximè potens formaliter per aliquod decretum, nego; radicaliter, concedo; distingo eodem pacto minorem; & nego consequentiam. Petrus constituitur formaliter proximè potens se conuertere, vel non conuertere, per cognitionem indifferentem, per auxilia indifferentia, & per vltimum complementum, per quod Diuina Omnipotentia constituitur in manu Petri: per decretum, verò constituitur proximè potens non formaliter, sed radicaliter, & efficienter. Cum enim illud sit decretum dandi Petro proximam potentiam, talis proxima potentia est obiectum volitum contradistinctum à decreto. Iam omnia, per quæ Petrus constituitur proximè potens formaliter, sunt indifferentia, & coniungibilia, tum cum conuersione, tum cum negatione conuersionis; at non omnia, per quæ constituitur proximè potens efficienter, sunt indifferentia. Constituitur enim proximè potens efficienter per omnes causas potentie proximæ; sed ex dictis quæst. 3 & 84. inter causas potentie proximæ recensentur scientia media, & decretum prædefinitium, quæ causæ non sunt indifferentes; ergo &c.

8. Dices secundo. Petrus constituitur proximè potens formaliter per hoc, quod Deus sit paratus concurrere ad consensum, vel ad dissensum; sed Deus est pa-

paratus per decretum ; ergo &c.

9. Respondeo distingo maiorem : Petrus constituitur proximè potens formaliter per hoc , quod Deus sit paratus physicè , concedo ; sit paratus intentionaliter , nego : distingo eodem pacto minorem ; & nego consequentiam . Petrus constituitur proximè potens per hoc , quod Deus sit paratus physicè concurrere , vel ad consensum , vel ad dissensum ; sed Deus est paratus physicè concurrere ad consensum , vel ad dissensum per hoc , quod Omnipotentia sit formaliter in manu Petri ; Omnipotentia autem constituitur formaliter in manu Petri per ultimum complementum potentiae proximae ; ergo Petrus constituitur proximè potens formaliter per ultimum complementum potentiae proximae . At Petrus non constituitur proximè potens formaliter per hoc , quod Deus sit paratus intentionaliter concurrere , vel ad consensum , vel ad dissensum ; sed Deus est paratus intentionaliter per decretum praedefinitivum , ut explicatum est quaestione 84. num. 13 ; ergo &c.

10. Ex dictis explicari potest obiectum scientiae mediae tum per modum hypothese , seu conditionis , tum per modum conditionatè affirmati . Obiectum per modum conditionis est liberum arbitrium indifferens , & proximè potens determinare se ipsum , & Diuinam Omnipotentiam ad actum , vel ad omissionem actus ; & quia liberum arbitrium constituitur ad hoc proximè potens per cognitionem , per auxi-

lia indifferentia, & per Omnipotentiam traditam in manu creaturæ qualitate ultimo complente potentiā proximam liberā; ideo obiectum scientiæ mediæ per modum conditionis est liberum arbitrium iprauentum talibus cognitionibus, & auxilijs indifferentibus, & qualitate, qua habet in sua manu Diuinam Omnipotentiam.

II. Obiectum conditionatè affirmatum primo sunt actus liberi, ad quos, posita conditione, liberum arbitrium directè determinaret se ipsum, & Diuinam Omnipotentiam; & quia liberum arbitrium e. g. se ipsum, & Diuinam Omnipotentiam determinaret ad efficiendum consensum, ideò obiectum conditionatè affirmatum est quod liberum arbitrium, si haberet hanc potentiam proximam, determinaret se ipsum, & Diuinam Omnipotentiam ad efficiendum consensum. Secundò obiectum conditionatè affirmatum sunt actus Diuini, per quos Deus si velit purificare, & ponere conditionem, debet illam purificare; & quia si Deus velit purificare conditionem dandi libero arbitrio hanc potentiam proximam, ex qua est secuturus consensus, debet illam purificare per decretum prædefinitiuum, ideò Deus conditionatè affirmat, quod si dederit hanc potentiam proximam, dabit per decretum prædefinitiuum consensus. Totum igitur obiectum conditionatè affirmatum est: *Si dederit hanc potentiam proximam, liberum arbitrium consentiet, & ego illam dabo per decretum prædefinitiuum consensus; vel, si dederit*

dedero hanc potentiam proximam, liberum arbitrium dissentiet, & ego illam dabo per decretum permissivum dissensus. Porro totum obiectum conditionatè affirmatum est determinatione consequens ad conditionem, hoc est ad potentiam proximam, quæ est indifferens ad determinandum hoc, vel oppositum obiectum conditionatè affirmatum, puta consensum, vel dissensum.

12. Debet adverti, quod eo ipso, quod ex parte conditionis ponitur aliquid essentialiter connexum cum obiecto conditionatè affirmato, non assignatur obiectum scientiæ mediæ, sed scientiæ simplicis intelligentiæ. Ratio est, quia omnis veritas etiam conditionata, si sit necessaria, est obiectum scientiæ simplicis intelligentiæ; obiectum autem scientiæ mediæ est veritas conditionata contingens; sed eo ipso, quod ex parte conditionis ponatur aliquid essentialiter connexum cum obiecto conditionato, veritas conditionata est necessaria; ergo &c. Probatur, & explicatur minor. Si enim Deus dicat: *Si dedero auxilium A, & prædefiniam consensum, liberum arbitrium consentiet, vel si dedero auxilium A, & permittam dissensum, liberum arbitrium dissentiet*, tales veritates conditionatæ sunt necessariae propter essentialem connexionem conditionis cum obiecto conditionato; ergo sunt obiectum affirmatum non per scientiam mediæ, sed per scientiam simplicis intelligentiæ; ergo ut assignetur obiectum scientiæ mediæ, omnia essentialiter connexa cum

actu libero conditionatè affirmato debent poni ex parte obiecti conditionati, ita vt Deus dicat e. g. *Si dederò Petro auxilium A, consentiet, & tale auxilium erit efficax, & ego prædefiniam consensum, & dabo auxilium A ex directione sciencie meae de consensu conditionatè futuro.*

13. Ad argumentum in contrarium, nego maiorem, & afferò instantiam. Posito, quod aliquis euidenter cognoscat se hic, & nunc obligari ad obseruandum aliquod præceptum positium, puta dandi eleemosinam, Deus non potest nolle concurrere cum voluntate ad actum liberum; sed talis cognitio est homini intrinseca; ergo posito aliquo intrinseco homini etiam præcedente actum liberum, Deus non potest nolle concurrere ad actum liberum; ergo etiam posito complemento, per quod voluntas constituitur ultimo potens se determinare, quod complementum cadit sub experientiam, Deus non potest nolle concurrere ad actum liberum. Ex aliata instantia patet non esse absurdum, quod posito aliquo creato, Deus non possit negare concursum.

TRACTATVS SEPTIMVS

De Arcano Trinitatis Mystério.



OSTQVAM S. Thomas primis 26. quæstionibus agit de Deo vt vno, à quæstione 27. vsque ad 43. inclusiue agit de Deo vt Trino,

ac de Arcano Trinitatis Myſterio . Do-
ctrinam S. Doct̃oris examinabimus que-
ſtionibus , quarum tituli videri poſſunt in
indice initio propoſito .

QVAESTIO LXXXVI.

*Vtrum in Deo dentur duæ proceſſiones
ad intra , per quarum vnā pro-
ducatur Verbum , per aliam
Spiritus Sanctus .*

S. Th. q. 27. a. 1. 2. & 5.

1. **V**idetur , quod in Deo nulla detur
proceſſio realis ad intra. Quidquid
enim eſt in Deo , eſt ipſe Deus , adeoque
eſt à ſe , & eſt primum principium ; ſed
enti à ſe , ac primo principio repugnat , vt
ſit , ac procedat ab alio ; eo enim ipſo non
eſſet à ſe , & non eſſet primum princi-
pium ; ergo in Deo nihil poteſt dari pro-
cedens ab alio , adeoque non poteſt dari
proceſſio realis ad intra , per quam nimi-
rum procedat aliquid manens in Deo , ſed
ſolum poſſunt dari proceſſiones ad extra ,
per quas procedant creaturæ extra Deum .

2. Secundò videtur , quod in Deo non
dentur duæ proceſſiones , altera Verbi ,
altera Amoris , ſeu Spiritus Sancti , ſed
vna tantum . In Deo enim intelligere , ac
velle ſunt omninò idem , vt dictum eſt
quaſt. 47 ; ergo vna , & omninò eadem eſt
productio , qua intelligendo producit Ver-
bum ,

bum, & qua amando producit Amorem, ac proinde Verbum, hoc est intellectio producta, est omnino idem cum Spiritu Sancto, qui est amor productus.

3. Tertiò videtur, quod in Deo sint plures processionès, quam duæ. Deus enim per intellectum, & voluntatem non debet esse minus fecundus, quam creaturæ intellectuales; sed creaturæ intellectuales intelligendo producant in sua mente plura verba, & amando producant plures amores; ergo &c.

4. Quartò sicut intellectus, & voluntas Diuina habent fecunditatem ad intra, sic Diuina Omnipotentia debet habere fecunditatem ad intra; ergo præter processionem Verbi, quod procedit per intellectum, & præter processionem amoris, qui procedit per voluntatem, dari debet tertia processio per Omnipotentiam.

5. Respondeo ex doctrina Aristotelis 9. Metaph. text. 16. & 1. Ethic. cap. 1. duo dari genera actionum, productionum, & processionum. In primo genere sunt actiones immanentes, quæ ita remanent in agente, vt nihil producant extra ipsum agens, quales sunt visio, auditio, intellectio, amor. In secundo genere sunt actiones transeuntes, per quas producitur aliquid extra agens, qualis est actio ædificandi, per quam extra agens producitur ædificatum, puta Domus, aut Templum. Iudæi cum Philosophis Ethnicis, negant dari in Deo vllas actiones, & processionès immanentes, per quas producatur ali-

aliquid in ipso Deo, ac solum concedunt actiones transeuntes, ac processiones ad extra, per quas producantur creaturæ extra Deum. Eundem errorem ex Hæreticis sequuti sunt Sabellius, & Arrius. Quia verò constat ex Scripturis à Deo Patre procedere Filium, & per Filium Spiritum Sanctum, siquidem Filius Ioan. 8. de se ipso dixit: *Ego enim ex Deo processi*: & Ioan. 15. de Spiritu Sancto dixit, *cum venerit Spiritus Sanctus, quem ego mittam vobis à Patre, Spiritum veritatis, qui à Patre procedit*; ideò Arrius asseruit Filium procedere à Patre processione ad extra, tanquam primam eius creaturam: & iuxta principia eiusdem Arrij Macedonius asseruit Spiritum Sanctum procedere à Patre per Filium, tanquam secundam creaturam: Sabellius verò docuit Filium processisse à Patre per hoc, quod ipse Pater fuerit incarnatus, & natus ex Virgine, & sic factus sit Filius: Spiritum Sanctum procedere à Patre, & Filio, per hoc, quod ipse Pater, & Filius sanctificent homines per dona Gratiæ, & sic fiant Spiritus Sanctus, hoc est actu sanctificans; sed uterque hoc est Sabellius, & Arrius. negarunt aliquid procedere intra Deum. Contra hos errores de fide est dari in Deo duas actiones immanentes, hoc est duas processiones, siue emanationes ad intra, per quarum primam à Deo Patre procedat Verbum; per secundam à Deo Patre, & à Verbo procedat Spiritus Sanctus. Testimonia Scripturarum, quibus probatur hæc veritas, asse-

afferentur quaestionibus sequentibus. Nunc supposita fide, afferenda est ratio, propter quam necesse est, ut in Deo dentur duae processioness ad intra, & qua suadeatur hanc veritatem non repugnare, sed potius congruere principiis naturalibus, licet per principia naturalia non possit euidenter ostendi. Sic igitur ex principiis Riccardi de Sancto Victore l. 1. de Trinitate, S. Augustini lib. 10. de Trinit. c. 11. & 12. & lib. 9. cap. 4. & sequentibus, & Sancti Thomae hic quaest. 32. art. 1. possumus ratiocinari.

6. Sicut bonum est diffusivum, & communicativum sui, sic infinitum bonum, debet esse infinite diffusivum, & communicativum sui; sed Deus est infinitum bonum; ergo debet esse infinite diffusivus, & communicativus sui; sed Deus ad extra potest se solum effundere, & communicare communicatione finita, & imperfecta; ergo necesse est, ut Deus ad intra se communique, & diffundat communicatione infinita: sed cum Deus habeat naturam intellectivam, debet se ad intra communicare communicatione propria naturae intellectivae; propria autem communicatio naturae intellectivae est, ut intelligendo producat Verbum, amando producat amorem; ergo Deus ad intra debet ita se communicare, ut intelligendo producat Verbum, amando producat amorem; sed in natura intellectiva productiones Verbi, & amoris sunt ita ordinatae, ut prima sit productio Verbi, secunda sit productio amoris.

amoris, ità vt amor procedat etiam à Verbo ; ergo in Deo productio Verbi, & amoris debent ità ordinari, vt Verbum procedat à Deo Patre per primam productionem, amor autem, seu Spiritus Sanctus procedat per secundam productionem à Deo Patre, & à Verbo.

7. Dices primò : sufficit, vt Deus se communicet infinite communicatione analogà, per quam aliquid infinite perfectum sit ab ipso, non autem est necesse, vt se infinite communicet communicatione propria, per quam aliquid infinite perfectum procedat, & producat à Deo ; sed Deus analogicè se infinite communicat sibi ipsi, ità vt sit à se; ergo ruit totus discursus.

8. Respondeo, quod propter hanc obiectionem ratio allata non est demonstratiua. Supposita tamen fide, nego maiorem, ac dico, necesse esse, vt infinitum bonum non solum se infinite communicet sibi ipsi communicatione analogà, sed etià vt se infinite communicet communicatione propria alicui distincto. Hac enim est natura boni, vt non solum sit bonum sibi ipsi, sed etiam se effundat, & communicet alteri, vt patet inductione ; ergo infinitum bonum non solum debet esse infinite bonum sibi ipsi, sed etiam debet infinite se communicare alteri, adeoque procedit argumentum.

9. Dices secundò : eatenus intelligens creatum intelligendo producit Verbum, & amando producit amorem, quatenus cum
per

per suam essentiam non sit actualis intellectio, & amor, nec sit intelligens, & amans actu, sed solum potentia, debet producere amorem, quo constituatur amans actu, & intellectionem, qua constituatur actu intelligens, quæ intellectio producta vocatur Verbum mentis, & significatur Verbo oris: sed Deus per suam essentiam est actu intelligens, & amans, imò est ipsa actualis intellectio, & amor; ergo &c.

10. Respondeo, distingo maiorem: & illa, quæ assertur est sufficiens ratio, cur intelligens creatum producat intellectionem, & amorem, concedo; & est vnica ratio, nego; concedo minorem; & nego consequentiam. Persistendo in principio posito, quod bonum est diffusivum sui, intelligens creatum producit Verbum, & amorem, non solum ut ipsum intelligens, & amans habeat perfectionem intelligendi, & amandi, sed ut perfectionem intelligendi, & amandi communicet Verbo, & amori productis; sed Deus nisi produceret Verbum, & amorem, haberet quidem perfectionem intelligendi, & amandi, sed illam non effunderet, & communicaret Verbo, & amori productis; ergo &c.

11. Ad 1. concedo maiorem, & distingo minorem; enti à se, ac primo principio repugnat, ut sit ab alio, secundum essentiam, & naturam, concedo minorem; secundum personalitates; nego minorem; & nego consequentiam. Essentia,
siue

siue substantia, & natura diuina, primo, & ratione sui est à se, & est primum principium, ipsique repugnat, vt sit, & procedat ab alio. At eadem essentia diuina, quæ est à se, & non procedit ab alio, est non solum Pater ingenitus, sed etiam Filius genitus, & Spiritus Sanctus procedens à Patre, & Filio secundum personalitatem.

12. Dices: personalitas Filij, & Spiritus Sancti sunt idem cum essentia; ergo si personalitates procedunt, essentia verò non procedit, de eodem verificantur contradictoria.

13. Respondeo, distinguo antecedens: sunt idem cum essentia sine vlla distinctione obiectiua saltem logica, & virtuali; nego: cum aliqua distinctione obiectiua; concedo: & distinguo consequens; ergo de eodem verificantur contradictoria secundum idem omnino, nego consequentiam; secundum idem non omnino, concedo consequentiam. Prædicata contradictoria non possunt verificari de eodem omnino, & secundum idem omnino: at possunt de eodem verificari non secundum idem omnino: neque ex eo quod sic verificentur sequitur contradictio, quæ ex doctrina Aristotelis 1. Elenc. cap. 4. Est affirmatio, & negatio eiusdem omnino de eodem omnino, & secundum idem omnino, respectu eiusdè omnino, vt magis explicabitur q. 98. Personalitates ita sunt idem cum essentia diuina, vt non sint omnino, & omnibus modis idem, vt nunc supponimus, infra pro-

probabimus ex professo quæst. 98.

14. Ad 2. concedo antecedens, & nego consequentiam. Licet in Deo intellectio, & volitio improducta sint omnino idem, tamen alia est productio, qua Deus intelligendo producit Verbum, à productione, qua amando producit amorem. Ratio est, quia productio Verbi, & amoris debent ita ordinari, vt amor procedat à Verbo; sed non posset amor procedere à Verbo, si amor productus esset idem cum Verbo, & si vna, & eadem esset productio vtriusque; ergo &c. Confirmatur, nam licet iuxta sententiam multorum in creatis intellectus non distinguatur à voluntate, tamen amor distinguì debet ab intellectu, quia debet procedere etiam ab intellectu; ergo licet in Deo intellectio improducta non distinguatur ab amore improducto, tamen quia amor productus debet etiam procedere ab intellectu producta, quæ dicitur Verbum, distinguì debet à Verbo, ac productio Verbi distinguì debet à productione amoris.

15. Dices: in Deo amor improductus non distinguatur ab intellectu improducta; ergo nec amor productus, hoc est Spiritus Sanctus distinguì debet à Verbo, quod est intellectio producta.

16. Respondeo, negando consequentiam. Amor enim improductus, eo ipso quod est improductus, est à se, & non ab alio distincto; ergo non potest distinguì ab intellectu; alioquin cum non sit ab vilo distin-

distincto, non esset ab intellectu, quod repugnat. At amor productus eo ipso, quod est productus, non est à se, sed ab alio distincto; sed debet esse à Verbo; ergo debet distinguì à Verbo.

17. Ad 3. concedo maiorem, & distinguo minorem: creaturæ intelligendo producunt plura verba imperfecta, & plures amores imperfectos, concedo: plura verba perfecta, & plures amores perfectos, nego minorem; & nego consequentiam. Eatenus creaturæ producunt plura verba, & plures amores, quatenus non possunt vna intellectu perfectè intelligere omnia intelligibilia, nec vno Verbo dicere omnia dicibilia, nec vno amore amare omnia amabilia; sed Deus potest vnico Verbo dicere omnia dicibilia, ideoque Tob. 33. dicitur: *Semel loquitur Deus*, & vnico amore amare omnia amabilia; ergo &c.

18. Ad 4. respondeo primò negando maiorem. Omnipotentia enim propriè est potentia agendi in aliud, quatenus aliud, adeoque est potentia agendi ad extrà; ergo implicat in terminis, vt Omnipotentia agat ad intrà. Secundo respondeo, quod si nomine Omnipotentiae intelligitur etiam potentia agendi ad intrà, in natura intellectuali non datur alia potentia agendi ad intrà, quam per actiones intellectus, & voluntatis, adeoque ad intrà non potest agere alia actione, quam productiua Verbi, & amoris, seu Spiritus Sancti.

Q V A E S T I O LXXXVII.

*Vtrum secunda, & tertia Persona diuina
procedant per intellectum, & vo-
luntatem, vel potius proce-
dant immediatè per na-
turam,*

1. **V**Idetur vera sententia Durandi, qui
in primo dist. 6. quaest. 2. opinatus
est secundam, & tertiam Personam Diui-
nam procedere formaliter per naturam,
non autem per intellectum, & voluntatem:
primò quia virtus producendi sibi simile
conuenit rebus per naturam, non autem
per intellectum, & voluntatem, ideoque
videmus, quod res produciunt sibi simile,
siue habeant, siue non habeant intellectum,
vt patet in animalibus, & plantis: vide-
mus etiam, quod ipsæ substantiæ intelle-
ctiuae, dum produciunt sibi simile, produ-
cunt per naturam, eo pacto, quo homo
generat hominem per naturam, non autem
per intellectum, & voluntatem; sed Deus
habet naturam infinitè perfectam, & foe-
cundam; ergo Deus licet sit intellectiuis,
tamen producit Filium, & Spiritum San-
ctum per infinitam foecunditatem naturæ,
ità vt ad tales productiones materialiter se
habeat intellectus, & voluntas, eo pacto,
quo si Sol esset intellectiuis, & volitiuis,
si tamen produceret lucem, & calorem eo
modo, quo producit de facto, produceret
per

per naturam, non autem per intellectum, & voluntatem.

2. Secundò non potest explicari, quo pacto, & per quos actus intellectus, & voluntatis producantur Filius, & Spiritus Sanctus; ergo non producantur per intellectum, & voluntatem, sed per naturam.

3. Respondeo secundam, & tertiam. Personam diuinam non procedere formaliter, & immediatè per naturam, sed per intellectum, & voluntatem, vt contra Durandum docent omnes Theologi.

4. Probatur primò à posteriori. Nam dicendo, quod secunda Persona procedat per intellectum, tertia per voluntatem, optimè redditur ratio, cur in Deo sint duæ solæ processiones; cur sola secunda Persona sit imago, & Filius; cur tertia Persona procedat non solum à prima, sed etiã à secunda. At dicendo, quod vtraque Persona procedat per naturam, nulla ratio horum potest afferri. Cum enim prima productio per naturam sit perfecta, quare proceditur ad secundam productionem? quare sistitur in secunda, & non proceditur ad tertiam? Quare potius secunda, quam tertia Persona est imago, & Filius? Quare tertia Persona non procedit solum à prima, vel solum à secunda, sed ab vtraque?

5. Probatur secundò à priori. Nam quæ habent naturam purè intellectuam, nihil producunt vitaliter, & immanenter, nisi actus intellectus, & voluntatis; sed
Deus

cessionis propria secunda Persona ; sed Verbum est actus intellectus ; ergo Filius est actus intellectus , & procedit per intellectum . Spiritus etiam Sanctus vocatur amor , adeoque procedit per voluntatem . Confirmatur , nam Sap. 7. & Ecclesiastici 24. Filius vocatur Sapientia , & dicitur ex ore altissimi prodijisse primogenita ante omnem creaturam ; sed sapientia procedit per intellectum . & nomine oris in re spiritali significatur intellectus , à quo procedit Verbum mentis ; ergo &c.

7. Responet Durandus , hæc dici non per proprietatem , sed per quādam analogiam . Quia enim à natura intellectuali per primam productionem producit^{ur} cognitio , seu Verbum , per secundam producit^{ur} volitio , siue amor , ad quem concurrat etiam cognitio , siue Verbum , & proportionaliter in Deo per primam productionem producit^{ur} Filius , & per secundam à Patre , & Filio producit^{ur} Spiritus Sanctus , in eoque terminantur processiones ad intrā : ideo Filius per quādam appropriationem , & analogiam dicitur esse Verbum , & procedere per intellectum , Spiritus Sanctus dicitur esse amor , & procedere per voluntatem , licet propriè vterque procedat immediatè per naturam .

8. Sed contra , nam sequeretur Filium Dei non esse propriè Verbum , quod repugnat communi doctrinæ SS. Patrum .

9. Infertur primo secundam Personam esse imaginem producentis , tertiam non esse imaginem producentis ; Ratio est ,

R

quia

quia Verbum, siue intellectio producta est imago obiecti à quo procedit; amor autem non est imago obiecti, sed est quædam unio cum obiecto amato, vt magis explicabitur quæst. 96. in qua etiam afferetur ratio, quare productio Verbi sit generatio, ac Verbum sit propriè Filius: productio Spiritus Sancti non sit generatio, ac Spiritus Sanctus non sit Filius.

10. Infertur secundò, quod licet Verbum Diuinum repræsentet omnia, quæ Deus Pater intelligit, tamen non est imago omnium repræsentatorum, sed solius Patris est imago, creaturarum non est imago, sed exemplar. Ratio est, quia quod ita repræsentat obiectum, vt ab ipso, & ad ipsius imitationem procedat, est imago talis obiecti: quod autem ita repræsentet obiectum, vt à tali obiecto non procedat, sed potius obiectum procedat ab ipso, & ad imitationem ipsius, non est imago, sed exemplar talis obiecti; sed Verbum Diuinum ita repræsentat Patrem, vt ab ipso, & ad imitationem ipsius procedat, creaturas verò ita repræsentat, vt creaturæ procedant à Verbo, & ad imitationem Verbi, Verbum verò non procedat à creaturis, neque ad imitationem creaturarum; ergo &c.

11. Infertur tertio Verbum Diuinum esse Verbum solius Patris, vt dicentis; at esse Verbum non solius Patris, sed etiam Spiritus Sancti, & creaturarum, imò omnium intelligibilium, vt dictorum. Probatur: nam Verbum illius est vt dicentis, à quo

à quo dicitur, & producitur: at illius est
ut dicti, quod per Verbum dicitur; sed
Verbum Diuinum ita dicitur, & produ-
citur à solo Patre, ut Pater per Verbum
dicat non solum se ipsum, sed etiam Spi-
ritum Sanctum, & omnia, quæ intelligit;
ergo &c.

12. Infertur quartò, quare cum Ver-
bum Gracè dicatur λόγος, quod non solum
potuisset verti *Verbum*, sed etiam *sermo*,
tamen latinè vocetur potius Verbum, quā
Sermo. Ratio est, quia *sermo* significat ora-
tionem compositam, *Verbum* autem signi-
ficat aliquid simplex; ergo quia Verbum
Diuinum est simplicissimum, Latini com-
munius vocant illud nomine Verbi, quam
sermonis. Sapientiæ tamen 18. vocatur
etiam *Omnipotens sermo*, ad significandum,
quod est oratio perfecta, qua Deus omnia
dicit, & per ipsum omnia facta sunt, iuxta
illud Psalm. 148. *Dixit, & facta sunt.*

13. Infertur quintò, quare secunda
Persona vocetur Verbum, non autem co-
gitatio. Respondeo rationem esse, quia
ut ex Augustino lib. 15. de Trin. cap. 14.
docet S. Thomas in cap. 1. Ioannis Lect.
prima, cogitatio significat conceptum,
quemdam inquisitium, imperfectum, &
nondum formatum; Verbum autem signi-
ficat conceptum perfectum, & iam forma-
tum per perfectam contemplationem veri-
tatis; sed intellectus Diuinus non format
conceptus imperfectos, & inquisitiuos,
sed conceptum perfectissimum, & compre-
hensuum veritatis; ergo in Deo non da-

tur cogitatio : sed Verbum . Ideo Augustinus lib. 5. de Trinit. cap. 14. dicit : *Ita dicitur Verbum Dei , ut cogitatio non dicatur , ne quid quasi volubile credatur in Deo .* Dictum autem illud Anselmi : *Dicere summo spiritui nihil aliud est , quam cogitando inueniri* , improprium est , ut notat S. Thomas loco citato .

14. Ad 1. distinguo maiorem : virtus producendi sibi simile conuenit rebus corporeis per naturam , non autem per intellectum , & voluntatem , concedo : rebus omninò incorporeis , nego : concedo minorem ; & nego consequentiam , ac retorqueo argumentum . Solæ res corporeæ producunt sibi simile per naturam , non autem per intellectum , & voluntatem : Angeli , qui sunt omnino incorporei , nihil aliud sibi simile possunt producere , quam Verbum , siue intellectionem sui ipsius , licet nec Verbo , neque amoris possint communicare suam naturam substantialem , adeoque Angelus non potest producere Verbum , quod sit ipse Angelus , & amorem , qui similiter sit Angelus : sed Deus est omnino incorporeus ; ergo non aliud sibi simile producit , quam Verbum , licet in hoc excedat Angelum , quod Verbo , sicut etiam amoris communicat suam naturam substantialem , adeoque Deus producit Verbum , & amorem , qui sunt Deus , & vnus Deus cum producente , ut explicabitur infra quæst. 93 .

16. Ad 2. Argumentum petit , ut declaretur , quo pacto , & quo actu intellectus ,
ctus ,

ctus, & voluntatis, producat^{ur} Verbum,
& Spiritus Sanctus, quod est ex profes-
so explicandum quæst. sequenti.

QVÆSTIO LXXXVIII.

*Vtrum Verbum Diuinum producat^{ur} per
actionem locutiua^m, Spiritus
Sanctus per actionem
spiratiua^m?*

1. **V**idetur, quod non; primo quia ex
Aristotele 9. metaph. text. 16. hæc
est differentia inter actiones transeuntes,
& actiones immanentes, quod per actiones
transeuntes producit^{ur} terminus distin-
ctus, per actiones immanentes non produ-
cit^{ur} terminus distinctus: e. g. per actio-
nem calefactiua^m, quæ est transiens, pro-
ducit^{ur} calor, per actionem videndi, quæ
est immanens, non producit^{ur} terminus
distinctus à visione; sed actio loquendi, &
spirandi in Deo sunt actiones immanentes;
ergo Verbum, & Spiritus Sanctus non essent
termini distincti à talibus actionibus: quod
est absurdum, & contra omnes Theologos,
vt infra explicabit^{ur}.

2. Secundò ex eodem Aristotele 1. Et-
hic. cap. 1. quando per actionem produci-
tur terminus distinctus, talis terminus est
finis actionis, & est nobilior actione: e. g.
quia per ædificationem producit^{ur} domus,
ipsa domus est finis ædificationis, estque
nobilior actione ædificatiua; sed absur-

390 *De locutione, & spiratione*

dum est, quod in Deo detur aliquid nobilins actionibus. intelligendi, & amandi; ergo.

3. Respondeo, quod sicut productio caloris vocatur calefactio, productio frigoris vocatur frigefactio, sic productio Verbi intellectualis vocatur dictio, seu locutio intellectualis; sed Verbum Divinum, ut quaestione superiori ostensum, est contra Durandum, est propriè Verbum intellectuale; ergo productio Verbi Divini est propriè dictio, seu loquutio intellectualis, ideoque Verbum producit, dicendo, ut contra Durandum docent omnes Theologi. Productio amoris, seu Spiritus Sancti caret nomine proprio usitato apud scriptores profanos, & à Patribus, & Theologis vocata est spiratio. Ratio est, quia qui spirat, emittit à se flatum, & spiritum cum quodam motu, & impetu; sed amor importat quemdam motum, quemdam impetum, & quandam inclinationem in obiectum; ergo congruè amor à Deo productus dictus est spiritus, productio autem amoris vocata est spiratio: ideoque Christus Ioan. 20. *Insufflauit, ac dixit: Accipite Spiritum Sanctum*, ad significandum, quod Spiritus Sanctus procedit per actionem spiratiuam. Proportionaliter ad significandum, quod Verbum procedit per actionem locutiuiam, Sapientia genita, quæ est ipsum Verbum, Ecclesiastici 24. de se ipsa dicit: *Ego ex ore altissimi prodii*, nomine oris significans intellectum Patris, à quo ab æterno prodit Verbum.

4. Ad.

4. Ad 1. Differentia inter actiones transeuntes, & immanentes est, quod per omnes transeuntes producit terminus distinctus, at non per omnes immanentes. Cæterum non repugnat, ut per aliquam actionem immanentem producat terminus distinctus. Patet: nam in sententia satis recepta actus vitales videndi, audiendi, intelligendi &c. sunt qualitates absolute, quæ producuntur per actiones modales distinctas; tales autem actiones modales sunt immanentes, siquidem nihil producant extrinsecus, & tamen per illas producuntur termini distincti. Licet igitur hoc, quod est: *Intelligere, exprimendo imaginem obiecti intellectui, & amare, producendo inclinationem in obiectum amatum* sint actiones immanentes, tamen per ipsas possunt produci Verbum, & Spiritus Sanctus distincti ab actionibus dicendi, & spirandi.

5. Ad 2. distinguo maiorem: cum per actionem ex indigentia producit terminus distinctus; talis terminus est finis actionis, & est nobilior actione, concedo: cum producit ex abundantia, nego: distinguo eodem pacto minorem; & nego consequentiam. Quando per actionem producit terminus distinctus, non ad hoc, ut agens, & actio perficiatur, sed pure ad hoc, ut agens per actionem communicet termino producto totam perfectionem, quam habet, terminus non est nobilior actione, sed est æquè nobilis, ac actio, cum eandem nobilitatem, & perfectionem, quam agens, & actio habent aliunde, ter-

392 De locutione, & spiratione
minus habeat per actionem ; sed Deus
producit Verbum, & amorem ex abun-
dantia, vt magis explicabitur qu.90. n.13
ergo .

QVAESTIO LXXXIX.

*Vtrum in Deo intelligere, & amare sint
formaliter idem, ac dicere Verbum,
& spirare amorem, ita vt omne
intelligens dicat Verbum,
omne amans spiret
amorem.*

I. **V**idetur, quod sit idem : primò quia
in creaturis omne intelligens pro-
ducit Verbum mentale, & omne amans
producit amorem ; ergo etiam in Deo .

2. Secundò si dicatur, quod præter in-
telligere, & amare essentialiter, quæ nul-
lo pacto distinguuntur obiectiue, & sunt
communia tribus Personis, datur intelligen-
re notionale, quo producitur Verbum,
& amare notionale, quo producitur Spiri-
tus Sanctus : & quia solus Pater intelligit
notionaliter, Pater autem, & Filius notio-
naliter amant, ideo solus Pater producit
Verbum, Pater autem, & Filius produ-
cunt Spiritum Sanctum, siue amorem :
contrà est primò, quia non potest expli-
cari, quo pacto actus essentialiter differant
à notionalibus . Secundò quia sicut poni-
tur in Deo duplex intellectio, & duplex
amor, alter essentialis, alter notionalis,
sic

fic posset poni duplex Omnipotentia, duplex bonitas, duplex immensitas &c. altera essentialis, altera notionalis, quod est absurdum. Tertiò quia sicut in creatis non datur duplex intelligere, & duplex amare, alterum essentialis, alterum notionale, sic non datur in Deo.

3. Tertiò si dicatur cum Scoto, quod duplex datur actus intellectus, alter essentialis, & communis tribus Personis, qui est ipsum intelligere, alter notionalis, & proprius Patris, qui est dicere; Verbum autem producit non per actum intelligendi, sed per actum dicendi, ideoque à solo Patre; & proportionaliter duplex datur actus voluntatis, alter essentialis, qui est ipsum amare, alter notionalis, qui est spirare amorem; Spiritus autem Sanctus producit non per actum amandi communem tribus Personis, sed per actum spirandi, qui datur solum in Patre, & Filio: contra est, quia in creatis idem est intelligere, ac intellectualiter dicere, seu producere Verbum intellectuale; idem est amare, ac spirare, seu producere amorem, ideoque in creatis omne intelligens producit Verbum intellectuale, omne amans producit amorem; ergo etiam in Deo.

4. Respondeo, quod quia diximus actionem productivam Verbi Divini esse dictionem, seu locutionem mentalem, actionem productivam Spiritus Sancti esse spirationem sequitur, ut explicemus

mus, quid sit intelligere, & quid sit dicere intellectualiter, quid amare, & quid spirare amorem, & quo pacto se habeant ad inuicem, tum in quantum abstrahunt à creatis, & diuinis, tum in quantum inueniuntur in creatis, & in Deo.

5. Dicendum igitur primò: intelligere ex suo formali conceptu est habere intellectiōem vitaliter, hoc est ita, vt sit à natura intelligentis: dicere intellectualiter est intelligendo producere, siue exprimere imaginem, & similitudinem vitalem, & expressam obiecti, quod intelligitur vt exemplar. Proportionaliter amare, est habere amorem vitaliter, hoc est ita, vt sit à natura, & cognitione amantis: spirare amorem est amando producere quemdā motum, quendam impetum, & quandam inclinationem in amatum. Hæc conclusio non indiget alia probatione, quam explicatione terminorum, & reflexione experimentalis supra nostros actus. Ego enim in quantum habeo in me intellectiōem vitaliter, hoc est ita, vt sit à mea natura intelligente, constitutor intelligens, ac dicor intelligere; in quantum ita intelligo, vt producam, atque exprimam intellectiōnem, quæ est imago, & similitudo vitalis obiecti, dicor loqui intellectualiter, ac dicere. Verbum intellectuale; in quantum habeo amorem vitaliter, hoc est ita, vt talis amor sit à mea natura, & cognitione, dicor amare, in quantum amando produco eundem
amo-

amorem, qui est quidam impulsus, & quædam inclinatio vitalis in rem amatam, dicor spirare amorem.

6. Hinc infertur primò, quod intelligere, & amare ex suo conceptu formaliter abstrahente à Diuinis, & creatis, non includunt formaliter ullam actionem physicam, seu productionem, & processionem realem intellectiōis, vel amoris, adeoque nullam includunt realem relationem intelligentis ad intellectiōem, vel amantis ad amorem, quæ relatio fundetur in processione reali. Probatur: nam intelligere, & amare est habere intellectiōem, & amorē vitaliter, hoc est ita, vt sint à natura intelligente; sed intellectiō, & amor possunt haberi vitaliter sine reali productione intellectiōis, & amoris, ac de facto essentia diuina est intelligens, & amans per hoc, quod habeat intellectiōem, & amorem, à se, sine vlla productione intellectiōis, & amoris, vt ostensum est quæst. 42. ergo &c. E conuerso dicere Verbum, & spirare amorem ex suo conceptu includunt formaliter actionem physicam, seu processionem, & productionem realem Verbi, & amoris, adeoque relationem realem fundatam in tali processione. Hinc sequitur, quod intelligere, & amare sunt prædicata absoluta, hoc est abstrahentia ab omni relatione fundata in processione reali intellectiōis, & amoris; at dicere, & spirare sunt prædicata relatiua, hoc est includentia, vel fundantia relationem fundatam in reali processione intellectiōis, & amoris.

7. Inferitur secundò, quod intelligere, ac dicere, in quantum abstrahunt à creatis, & Diuinis comparantur ità, vt intelligere abstrahat ab hoc, quod est dicere; ac dicere non abstrahat ab hoc, quod est intelligere, sed illud includat, vel saltem connotet, adeoque falsa est sententia Scoti, qui in 1. dist. 27. quæst. 1. & 2. docuit, intelligere, ac dicere ità distingui, vt sint duo actus intellectus concomitantes, quorum neuter includat, vel connotet alium.

8. Probatur illatio: nam dicere est intelligendo producere imaginem exemplaris intellecti; ergo includit, vel connotat intelligere. Confirmatur primò: nam dum ego intelligendo produco Verbum, dico ipsum Verbum, species verò intelligibilis licet concurrat mecum ad productionem Verbi, non dicit Verbum, quia non producit intelligendo, siquidem non habet naturam intellectiuam; ergo ad dicendum non sufficit, vt quomodocunque producat Verbum, sed requiritur, vt producat intelligendo, adeoque dicere includit, vel connotat intelligere. Confirmatur secundò: nam non potest percipi, quod aliquis dicat id, quod non intelligit; ergo &c. Hinc est, quod S. Thomas vbique doceat, quod dicere est exprimere intelligendo, vel intelligere exprimendo, ita vt includat tum intellectiōnem, tum expressionem, seu productionem Verbi, vt notat Caietanus 1. p. quæst. 27. art. 1. & hoc ipsum contra Scotum docent Suarez hic lib. 1. de Trinitate cap. 6. & Vasquez disp. 112.

disp. 112. cap. 3. Ex proportionali ratione amare abstrahit ab hoc, quod est spirare: at spirare, cum sit spirando producere amorem, includit, vel connotat ipsum amare. Dicere igitur supra intelligere addit productionem realem imaginis, seu Verbi: spirare supra amare addit productionem realem amoris, siue inclinationis in rem amatam.

9. Potest quæri, vtrum dicere in quantum addit aliquid contradistinctum supra intelligere, sit formaliter quoddam intelligere; & spirare, in quantum addit aliquid contradistinctum supra amare, sit formaliter quoddam amare.

10. Respondeo negativè cum Suario lib. 1. de Trinit. cap. 7. Dicere enim supra intelligere addit producere imaginem, seu Verbum obiecti intellecti; producere autem imaginem non est formaliter intelligere, licet connotet actum intelligendi. Similiter producere amorem non est formaliter amare, licet connotet actum amandi. Licet producere Verbum non sit formaliter intelligere, tamen est actus intellectus, ideoque vt benè dicit Scotus, duo sunt actus intellectus. Primus est intelligere, qui abstrahit ab actione reali: secundus est producere Verbum, siue imaginem obiecti intellecti, qui includit actionem realem. Proportionaliter duo sunt actus voluntatis: alter est amare, qui abstrahit ab actione reali: alter est producere amorem, qui includit actionem realem, vt explicabitur in resp. ad 4.

11. Dicendum secundò: in creatis intelligere ità includit dictionem Verbi, & amare ità includit productionem amoris, vt omne intelligens dicat Verbum, omne amans producat amorem. In Diuinis è conuerso intelligere ità abstrahit à dictione Verbi, & amare ità abstrahit à productione amoris, vt non omne intelligens dicat Verbum, nec omne amans spiret, seu producat amorem. Probatur: nam creatura vt intelligant, & ament, debent habere intellectionem, & amorem vitaliter, hoc est à natura intelligente, & amante; sed intellectio, & amor, qui non sunt à se, non aliter possunt esse à natura intelligente, & amante, quam per hoc, quod ab ipsa producantur; ergo in creatis intellectio, & amor, cum non sint à se, non aliter possunt esse à natura intelligente, & amante, quam per hoc, quod ab ipsa producantur; adeoque in creatis intelligens, & amans non aliter potest intelligere, & amare, quam per hoc, quod per suam naturam producat intellectionem, & amorem; ergo creatura non possunt intelligere, nisi producendo Verbum, nec possunt amare, nisi spirando amorem, adeoque omne creatum intelligens dicit Verbum, & amans spirat amorem. E conuerso Deus potest habere, ac de facto habet intellectionem, & amorem vitaliter, hoc est à natura intelligente, & amante, per hoc quod intellectio, & amor sint à se, & cum sint idem cum natura Diuina, sint à natura Diuina; sed hoc non includit vllam pro-

productionem intellectionis, & amoris; ergo in Diuinis non omne intelligens dicit Verbum, nec omne amans spirat amorem. Hinc est, vt de facto solus Pater ita intelligat, vt dicat Verbum; Filius, & Spiritus Sanctus intelligunt praecise per hoc, quod habent intellectionem vitaliter, hoc est à natura intelligente, sed non dicunt Verbum; Pater, & Filius ita amant, vt spirant amorem; Spiritus Sanctus amat praecise per hoc, quod habeat amorem vitaliter, hoc est à natura amante, sed non spirat amorem. Essentia etiam Diuina intelligit, & amat per hoc, quod habeat intellectionem, & amorem à se ipsa, & neque dicit Verbum, neque spirat amorem.

12. Ad 1. concedo antecedens, & nego consequentiam. Nam num. 11. allata est ratio, quare in creaturis omne intelligens dicat Verbum, omne amans spiret amorem; in Deo autem è conuerso.

13. Ad 2. Concedo, quod intelligere, & amare dicuntur dupliciter, hoc est essentialiter, & notionaliter. Dum primo opponitur, quod non potest explicari, quo pacto actus essentialiter differant à notionalibus: Respondeo id explicando. Actus essentialiter in Diuinis dicuntur, qui sunt communes omnibus tribus Personis; actus notionaliter dicuntur, qui non sunt communes tribus, sed proprii vnius, vel communes duabus tantum. In casu nostro intelligere, & amare abstrahendo à reali productione Verbi, & amoris, sunt actus essentialiter, quia sunt communes tribus Personis.

Personis : intelligere, exprimendo Verbum, est actus notionalis proprius Patris ; amare spirando amorem, est actus notionalis communis Patri, & Filio, sed non Spiritui Sancto.

14. Dum opponitur, quod sicut conceditur duplex intelligere, & duplex amare, sic posset poni duplex Omnipotentia, duplex æternitas, immensitas, &c. altera essentialis, altera notionalis ; respondeo negando suppositum. Non enim pono in Deo duplex intelligere, & duplex amare, sed vnum, quod dicitur dupliciter ; primo abstrahendo à productione Verbi, & amoris, & tunc dicitur essentialiter, ac de omnibus Personis ; secundò includendo productionem Verbi, & amoris, & tunc dicitur notionaliter, hoc est non de omnibus Personis. Sicut igitur *homo*, & *homo generans* non sunt duo homines, sed propter identitatem recti, sunt vnus, & idem homo, qui aliquando sumitur abstrahendo à generatione, aliquando sumitur cum generatione significata in obliquo ; sic intelligere essentialiter, & intelligere notionaliter, non sunt duo intelligere, sed sunt vnum, & idem intelligere, quod aliquando sumitur abstrahendo à productione Verbi, & tunc sumitur essentialiter ; aliquando sumitur cum productione Verbi significata in obliquo, & tunc sumitur notionaliter. Idem proportionaliter dic de amore.

15. Si vrgeatur : sicut intelligere dicitur tum essentialiter, tum notionaliter, sic

Om-

Omnipotentia, immensitas &c. dicerentur tum essentialiter, tum notionaliter: Respondeo negando sequelam. Disparitas est, quia solæ productiones ad intra sunt notionales, hoc est non communes omnibus tribus Personis; productiones ad extra sunt essentialiter, hoc est communes omnibus Personis; sed Deus intelligendo, & volendo producit ad intra Verbum, & amorem; per Omnipotentiam, quæ est potentia agendi in aliud, quatenus aliud, ut ex Aristotele 9. Metaph. docet S. Thomas hic quæst. 27. a. 1. producit solum ad extra; per æternitatem, immensitatem secundum suos conceptus formales abstrahentes ab Omnipotentia, formaliter non intelligitur aliquid producere, sed solum intelligitur coexistere omnibus temporibus, & locis; ergo non est mirum, quod intelligere, & amare possint sumi consignificando in obliquo productiones ad intra non communes tribus Personis, adeoque notionaliter: Omnipotentia, æternitas, & Immensitas, possint sumi connotando productiones ad extra, vel coexistentiam temporis, & loco extrinsecis, quæ sunt communia omnibus Personis, adeoque solum essentialiter.

16. Cum demum opponitur: in creatis intelligere, & amare non sumuntur dupliciter, essentialiter, & notionaliter; ergo neque in Deo. Respondeo, negando consequentiam. Disparitas est, quia ut dictum est num. 11. Creaturæ non possunt intelligere, nisi producendo intellectionem, &

non

non possunt amare, nisi producendo amorem; ergo intelligere, & amare non potest esse quid communius, quam producere intellectionem, & amorem, ac proinde comparari non possunt ad hoc, quod est producere intellectionem, & amorem, sicut aliquid communius, & sic essentialiter, ad aliquid minus commune, & sic notionale. At aliqua Personæ divinæ possunt intelligere, & amare, absque eo quod producant intellectionem, & amorem; ergo intelligere, & amare potest esse aliquid communius, quam producere intellectionem, & amorem, & sic comparari ad productionem intellectionis, & amoris, sicut actus essentialis ad notionalem.

17. Ad 3. concedo antecedens, & nego consequentiam. Disparitas patet ex modo dictis, siquidem ostensum est, in Deo intelligere, & amare esse communius, quam dicere, seu producere Verbum, & spirare amorem.

QVÆSTIO XC.

Utrum Pater formaliter intelligat, & sit Sapiens Verbo, hoc est Sapiencia genita; Pater, & Filius formaliter se, & alia diligant Spiritu Sancto, hoc est amore procedente.

Videtur, quod Pater ita producat Verbum, ut per ipsum Verbum pro-

productum constituatur formaliter intelligens, ac sapiens, ac proindè sit sapiens sapientia genita; Pater, & Filius ita producant Amorem, seu Spiritum Sanctum, vt constituentur formaliter se mutuo diligentes amore producto, hoc est Spiritu Sancto; primo quia in creaturis, qui producit Verbum constituitur formaliter intelligens per ipsum Verbum, & qui producit amorem, constituitur formaliter amans per ipsum amorem; ergo etiam in Deo.

2. Secundò id, quo per possibile, vel impossibile non existente, & remanentibus omnibus alijs, Deus non intelligeret, per se ipsum formaliter constituit Deum intelligentem; sed plures Patres, quos refert Ruiz disp. 74. de Trinit. sect. 3. num. 3. dicunt quod si per impossibile Deus non produceret Verbum, non intelligeret; ergo.

3. Tertiò Hieronymus in psal. 17. dicit. *Spiritus Sanctus, nec Pater est, nec Filius, sed dilectio, quam habet Pater in Filium, & Filius in Patrem*: Augustinus lib. 6. de Trinit. cap. 5. circa initium dicit quod *Spiritus Sanctus est, quo genitus & genente diligitur, generatoremque suum diligit*; ergo à pari Pater intelligit Verbo, & est sapiens sapientia genita.

4. Respondeo, quod cum Augustinus lib. 83. quæstionum q. 23. quæ est de Patre, & Filio, docuisset, quod Pater eam genuit, *qua sapiens dicitur, sapientiam*, hoc retractans lib. 1. retract. cap. 26. dicit: *ubi dixi,*

404 De intellectu, & amore Patris
dixi, quod eam ipse genuerit, qua sapiens est,
sapientiam; sed melius istam quaestionem
in libris postea de Trinitate tractauimus.
Lib. ergo 7. de Trinitate cap. 1. & 2. &
lib. 15. cap. 7. examinans ex professo qua-
estionem docet, quod Pater non est forma-
liter intelligens Verbo, hoc est Sapientia
genita, sed intellectu, & Sapientia
ingenita, hoc est ipsa essentia diuina. Pro-
bat: nam si Pater esset Sapiens, & intelli-
gens non se ipso, sed Verbo, cum Ver-
bum sit distinctum à Patre, Pater non ef-
fet Sapiens se ipso, sed aliquo à se distin-
cto; sed idem est Patri esse intelligentem,
ac Sapientem, ac esse, & Deum esse; ergo
Pater non esset se ipso, nec esset Deus se
ipso, sed Verbo à se distincto, ac proinde
Pater à Filio, tanquam à causa quasi for-
mali haberet, ut intelligeret, ut Sapiens ef-
fet, ut Deus esset, & ut absolutè esset;
sed hoc est absurdum: nam Pater à se,
non autem à Filio habet intelligentem esse,
Sapientem esse, Deum esse, & absolutè
esse; & quia hæc omnia habet à se, dat illa
Filio per generationem, & Spiritui San-
cto per spirationem; ergo Pater se ipso,
ac sua essentia intelligens est, Sapiens est,
& Deus est; & sicut non est Deus Filio,
sic non est intelligens, & amans Filio,
tanquam causa quasi formalis. Cum ergo
dicitur, quod Filius est Sapientia Patris,
non significatur, quod Filius sit Sapientia,
qua Pater constituatur formaliter Sapiens,
sed solum significatur, quod Filius est Sa-
pientia genita à Patre, qui Pater per se
ipsum

ipsum est Sapiencia ingenita : & Filius est Sapiencia de Sapiencia, sicut est lumen de lumine , Deus de Deo , & in hoc sensu Apostolus 1. ad Corint. 1. Christum, vocat Dei virtutem , & Sapienciam , quia est Virtus de Virtute , & Sapiencia , de Sapiencia . Verba Augustini 15. de Trinit. cap. 7. sunt . *At verò in illa Trinitate quis audeat dicere Patrem , nec se ipsum , nec Filium , nec Spiritum Sanctum intelligere , nisi per Filium , nec diligere nisi per Spiritum Sanctum ?* Et paulò post : *Si enim solus sibi Filius intelligit , ut intelligentia sit , & Filij , & Patri , & Spiritui Sancto , ad illam reditur absurditatem , ut Pater non sit Sapiens de se ipso , sed de Filio , nec Sapiencia Sapienciam genuerit , sed ea Sapiencia Pater dicatur Sapiens esse , quàm genuit . Vbi enim non est intelligentia , nec Sapiencia potest esse , ac per hoc si Pater non intelligit ipse sibi , sed Filius intelligit Patri , profecto Filius Patrem Sapiencem esse facit . Et si hoc est Deo esse quod sapere , & ea illi essentia est , quæ Sapiencia , non Filius à Patre , quod verum est , sed à Filio potius habet Pater essentiam , quod absurdissimum atque falsissimum est . Hanc absurditatem nos in libro septimo discussisse , conuicisse , abiectisse certissimum est . Est ergo Deus Pater sapiens ea , qua ipse sua est Sapiencia , & Filius Sapiencia Patris de Sapiencia , quod est Pater , de quo genitus est Filius .* Augustinum secuti sunt Magister sententiarum in 1. dist. 32. Sanctus Thomas , & omnes Scholastici .

5. Potest quæri , vtrum possit etiam dici,

dici, quod Pater licet intelligat se ipso, & per suam essentiam, tamen intelligat etiam, & sit sapiens Verbo à se genito; & quod Pater, & Filius, licet diligant se ipsis, diligant etiam Spiritu Sancto, seu amore producto? hoc autem est *quærere*, vtrum intelligere, & amare dicantur non solum essentialiter, sed etiam notionaliter?

8. Respondeo duas esse quæstiones, alteram grauissimam, & de re, alteram de nomine, & minoris momenti. Prima quæstio grauissima, & de re, est vtrum Pater sit intelligens, & Sapiens solum per Verbum, seu Sapientiam genitam, ita vt se ipso, & sapientia ingenita non sit sapiens, neque intelligens: & vtrum solum sit amans per Spiritum Sanctum, ita vt se ipso, & amore ingenito non sit amans. Secunda de nomine, & minoris momenti est, vtrum Pater possit dici etiam sapiens, & intelligens per productionem Verbi, & per ipsum Verbum, ac prouidè possit dici sapiens dupliciter, & per duplicem formam, seu quasi formam, primò per essentiam communem, & sic sit sapiens essentialiter, secundò per productionem Verbi, & per ipsum Verbum productum, & sic sit sapiens notionaliter. Proportionaliter quæritur, vtrum Pater, & Filius non solum se diligant per essentiam diuinam, sed etiam per spirationem Spiritus Sancti, & per ipsum Spiritum Sanctum, & sic se diligant, non solum essentialiter, sed etiam notionaliter? Augustinus examinat, & soluit quæ-

quaestionem præcipuè in primo sensu, ut patet ex illis Verbis lib. 15. de Trinit. cap. 7. relatis num. 4. Superest, ut examinemus quaestionem in secundo sensu.

9. Tres possunt esse sententiæ. Primo aliqui, quos tacito nomine refert Sanctus Thomas 1. parte quaest. 37. art. 2. dixerunt, quod sicut est falsa hæc propositio: *Pater intelligit Verbo producto*, ita est falsa hæc propositio: *Pater, & Filius diligunt se Spiritu Sancto*, ac proindè licet fuerit ab Augustino admissa loco citato num. 3. in tertio argumento, nihilominus cenferi debet retractata in suo simili, cum nimirum lib. 1. Retract. cap. 26. retractauit hanc, *Pater est Sapiens Sipientia genita*.

10. Secundò dici potest, quod sicut diligere sumi potest dupliciter, hoc est essentialiter, & notionaliter, ideoque non solum est verum, quod Pater diligit se ipso, sed etiam, quod Pater diligit Spiritu Sancto, sic intelligere sumi potest tum essentialiter, tum notionaliter, ac proindè non solum est verum, quod Pater intelligit se ipso, & per suam essentiam, sed etiam est verum, quod Pater intelligit Filio.

11. Tertia sententia Sancti Thomæ 1. parte quaestione 37. art. 2, quam sequuntur Theologi communiter, docet *intelligere* dici solum essentialiter, ac proindè esse falsam hanc propositionem, *Pater intelligit Filio*; diligere dici etiam notionaliter, ac proindè esse veram hanc, *Pater, & Filius se diligunt Spiritu Sancto*; & hanc senten-

408 *De intellectu, & amore Patris*
tentiam existimo veram. Probatur aucto-
ritate Augustini, qui cum lib. 83. quæstio-
ne cap. 23. dixisset, Patrem genuisse Sa-
pientiam, qua sapiens est, hanc proposi-
tionem retractat lib. 1. retract. cap. 26. & lib.
de Trinitate locis citatis, & ostendit Pa-
trem non intelligere Sapientia genita. At
ijsdem lib. de Trinitate lib. 6. cap. 5. con-
cedit Patrem, & Filium se diligere Spi-
tu Sancto, ac nullibi hoc retractat, imo
cap. 26. lib. 1. Retract. approbat ea, quæ
circà hæc docuerat in lib. de Trinitate.
Confirmatur: nam voces habent significa-
tionem ex usu loquentium; sed Theologi
communiter vocem diligendi sumunt tum
essentialiter, tum etiam notionaliter, ita
ut significet idem, ac *producere amorem*,
vocem autem intelligendi sumunt solum
essentialiter; ergo &c.

12. Disparitas autem est, quia ad si-
gnificandam productionem Verbi, institu-
tum est verbum *dico*; ergo non est mirum,
quod verbum *intelligo* non significet pro-
ductionem Verbi, ac proinde in Diuinis
non possit sumi notionaliter. At ad signi-
ficandam productionem amoris non est in-
stitutum verbum distinctum à verbo *dili-
go*: verbum enim spirandi apud Scripto-
res profanos non significat productionem
amoris, sed ab Ecclesiasticis assumptum
est ad hoc significandum; ergo non est mi-
rum, quod Verbum *diligo* non solum pos-
sit significare hoc, quod est, *habere amo-
rem vitaliter*, sed etiam hoc, quod est,
producere amorem, ac proinde possit verè
dici,

dici, Pater, & Filius se diligunt Spiritu Sancto, & sic possit sumi etiam notionaliter. Addit Sanctus Thomas citata quaestione 37. art. 2. quod sicut arbor dicitur florere, tum productione florum, tum ipsis floribus, sic Pater dicit Verbum, tum productione actiua Verbi, tum ipso Verbo producto: Pater, & Filius diligunt tum productione actiua amoris, seu Spiritus Sancti, tum ipso Spiritu Sancto. Addi rursus potest, quod licet non possit absolute, & sine addito dici, quod Pater intelligit Verbo, tamen potest cum addito dici, quod Pater intelligit notionaliter Verbo. Intelligere enim notionaliter idem est, ac dicere.

13. Ad 1. concedo antecedens, & nego consequentiam. Disparitas est, quia creaturae non aliter possunt habere intellectionem, & amorem vitaliter à natura intelligente, & amante, quam per hoc, quod intellectio, & amor sint producti à natura; ergo creaturae intelligunt, & amant per hoc, quod habeant intellectionem, & amorem productos à natura; sed intellectio producta est Verbum &c; ergo creaturae formaliter intelligunt per Verbum, & formaliter amant per amorem productum. E conuerso Deus intelligit, & amat per hoc, quod habeat actus intelligendi, & amandi à natura Diuina; sed habet illos à natura, non per hoc, quod sint producti à natura, sed per hoc, quod sint ab ipsa natura, hoc est à se; ergo Deus intelligit, & amat, non per hoc, quod habeat actus intelligen-

S

di,

410 *De intellectu, & amore Patris*
di, & amandi productos, sed per hoc,
quod habeat improductos; sed Verbum
est intellectio producta, Spiritus Sanctus
est amor productus; ergo Deus non intel-
ligit formaliter per Verbum, neque amat
per Spiritum Sanctum. Hinc sequitur
creaturas producere verbum, & amorem
ex indigentia, nimirum ad hoc, ut per ver-
bum, & amorem habeant formaliter per-
fectionem intelligendi, & amandi; Deum
è conuerso producere Verbum, & Amo-
rem, non ex indigentia, sed ex abundan-
tia. Nam quia supponitur per suam essen-
tiam habere totam perfectionem intelli-
gendi, & amandi, producit Verbum,
& amorem, non ut ab illis accipiat perfe-
ctionem intelligendi, & amandi, sed ut
hanc perfectionem communicet Verbo,
& Spiritui Sancto, seu amori produ-
cto.

14. Ad 2. Patres citati non dicunt,
quod ablato Verbo, & remanente essen-
tia, Deus non intelligeret; sed solum di-
cunt utcumque, quod ablato Verbo, Deus
non intelligeret; quod est verissimum;
quia ablato Verbo, auferretur Essentia
Diuina, ut potè quæ per seipsam est ne-
cessaria ratio, ut producat Verbum,
adeoque non potest esse sine productione
Verbi. Propositio igitur Patrum est simi-
lis isti: *Si Sol naturaliter non illuminaret
corpora extrinseca, non esset lucidus; sed
ex hac non sequitur, quod Sol formaliter
sit lucidus per illuminationem, quia illu-
minat alia; sed solum sequitur, quod Sol
est*

est tale principium illuminandi, quod esse non potest, absque eo quod naturaliter illuminet; ergo ex propositione Patrum non sequitur, quod Deus formaliter intelligat per Verbum, sed solum sequitur, quod Deus esse non potest sine productione Verbi. Hæc igitur propositio: *ad intelligendum necessaria est productio Verbi*, est vniuersaliter vera, tum in Diuinis, tum in creatis, sed modo diuerso. Nam, in creatis necessaria est productio Verbi ex indigentia, vt creatura formaliter intelligat per Verbum: in Deo necessaria est ex abundantia, vt Deus Verbo communicet perfectionem intelligendi. Idem dic proportionaliter de productione Spiritus Sancti.

15. Ad tertium patet ex dictis numer. 4.

QVAESTIO XCI.

Vtrum Verbum diuinum procedat ab intellectu Patris, vt habente solum notitiam habitualement, seu speciem intelligibilem, an vt habente notitiam actualem?

1. **V**idetur Verbum Diuinum procedere ab intellectu Patris solum vt habente notitiam habitualement, seu speciem intelligibilem; primo quia Verbum creatum procedit ab intellectu vt habente so-

lum notitiam habitualement; ergo etiam Verbum Diuinum.

2. Secundò ex Augustino lib. 15. de Trinit. cap. 7. & 10. Verbum procedit ex memoria fecunda Patris; sed nomine memorie significatur intellectus, in quantum habet speciem intelligibilem, per quam intelligit habitu, non autem in quantum habet intellectionem actualem; ergo.

3. Respondeo, quod in creatis Verbum procedit ab intellectu, prout habente solum notitiam, siue intellectionem habitualement, hoc est speciem intelligibilem; at in Deo Verbum procedit ab intellectu prout habente notitiam, seu intellectionem actualem perfectam; idemque dic proportionaliter de amore. Probatur; nam creatura producit Verbum, & amoré, vt per ipsos constituatur intelligens, & amans; ergo creatura, præscindendo à productione Verbi, & amoris, non est actu, sed solum habitu intelligens, & amans, adeoque Verbum, & amor in creatis procedunt ab intellectu, & voluntate, prout habentibus intellectionem, & amorem solum habitualement, non autem prout habentibus notitiam, & amorem actualem. E conuerso Deus producit Verbum, & amorem, non vt per actus productos sit intelligens, & amans, sed quia iam est intelligens, & amans, adeoque Verbum, & Spiritus Sanctus procedunt ab intellectu, & voluntate prout habentibus intellectionem, & amorem actualem. Plura alia circa hæc explicabuntur inferius.

4. Ad

4. Ad 1. patet ex dictis num. 3.

5. Ad 2. distinguo maiorem: Verbum procedit ex memoria facunda propriè, & strictè sumpta, nego; analogicè sumpta, concedo maiorem; distinguo eodem pacto minorem; & nego consequentiam. Memoria ex Aristotele est veluti locus, & Thesaurus specierum intelligibilium; immò ipse Christus Matth. 13. memoriam vocat Thesaurum, dicens *Scribam doctum proferre de Thesauro suo*, hoc est de memoria sua *nova*, & *vetera*. In natura igitur intellectuali creata memoria est ipse intellectus, in quantum habet, & conseruat species obiectorum autè cognitorum, ijsque speciebus vtens, potest, cum voluerit, promptè recolere obiecta, vt ante cognita; eo pacto, quo Mathematicus per memoriam conseruat species demonstrationum Euclidis, ijsque cum voluerit vtens, potest promptè recolere tales demonstrationes, & elicere actus scientiæ. Quia verò nos recolendo quæ scimus, dicimus illa intellectualiter in mente nostra, ideò nos per memoriam facundatam speciebus, producimus Verbum, quo dicimus quæ scimus. Et quia per Verbum seu cognitionem actualement boni mouemur ad producendū amorem boni, ideò nos per Verbum producimus amorem. Datur igitur in nobis quædam Trinitas, quæ est imago Trinitatis increatæ. Ideoque S. Augustinus transferens hæc analogicè ad Diuina, docuit, quod proportionaliter Deus Pater per memoriam facundam producit

Verbum, per Verbum producit amorem.

6. Sed explicandum est, quid in Deo intelligatur nomine memoriæ fecundæ. Certum est, quod in Deo propriè non datur memoria. Ratio est, quia ex Doctrina Aristotelis lib. de memoria, & reminiscencia cap. 1. memoria propriè est, qua cognoscimus obiecta, ut ante cognita cognitione, quæ iam pertransiuit; sed in Deo nulla cognitio præterit, cum sit immutabilis, ut ostensum est quæst. 19. ergo &c. Licet in Deo non detur memoria propriè dicta, datur tamen analogicè, in quantum habet essentiam Diuinam, quæ ut ostensum est quæst. 42. num. 15. est species omnium intelligibilium, & ab Apostolo vocatur *Thesaurus Sapientiæ*, & *Scientia Dei*, & in quantum per essentiam Diuinam cognoscit obiecta, non quidem ut ante cognita, (nam in Deo non datur ante, quod præterierit) sed ut semper cognita. Quia igitur Deus Pater in quantum habet speciem omnium intelligibilium, eaque cognoscit, ut semper cognita, producit Verbum, ideo Deus Pater dicitur producere Verbum per memoriā fecundam.



Q V A E S T I O X C I I .

Quid sit Verbum intellectuale, in quantum abstrahit a creato, & increato, & quid sit Verbum diuinum?

1. **V**idetur vera sententiâ Thomistarum, qui sequentes Capreolum, in 1. dist. 27. quæst. 2. art. 1. conc. 1, & Ferrariensem 1. contra contra Gentes cap. 13. dicunt, quod nos intelligendo equum, e. g. non solum producimus intellecti-
nem, qua formaliter intelligimus, sed producimus ipsum equum in quodam esse intentionali, hoc est quamdam imaginem immaterialem equi, quæ imago est immediatum obiectum intellecti-
onis, & in qua intelligimus equum, idemque dicunt de alijs obiectis; hæc autem imago est Verbum. Fundamentum est, quia intellectus non potest intelligere obiectum, quod non sit in ipso intelligente; sed equus non potest esse præsens intelligenti secundum suum esse materiale, sed solum secundum aliquam imaginem sui; ergo necesse est, ut intellectus producat in se quamdam imaginem equi, quæ sit immediatum obiectum intellecti-
onis, & in qua intelligat equum extrinsecum; sed hæc imago, cum sit obiectum immediatum intellecti-
onis, distinguitur ab intellectu; ergo intel-

Elus intelligendo producit aliquam imaginem obiecti distinctam ab intellectione, quæ imago dicitur Verbum. Proportionaliter docent, quod Deus Pater intelligendo se ipsum, producit imaginem sui, quæ dicitur Verbum Diuinum, in eaque tanquam in obiecto intelligit se ipsum.

2. Secundò communiter dicitur, quod Pater videt, & scit omnia in Verbo; sed si Verbum non esset obiectum immediatum intellectionis, in quo Pater videret cætera, Pater non videret omnia in Verbo; ergo.

3. Tertiò videtur vera sententia P. Antonij Perez, qui disp. 3. de Trinit. cap. 2. & 3. docet intellectum creatum intelligendo non solum producere intellectionem, actiuam, qua formaliter intelligit, sed etiam intellectionem passiuam distinctam ab actiua, qua formaliter obiectum constituitur intellectum, & hanc esse Verbum: idemque dicit proportionaliter de voluntate. Verbum ergo Diuinum est intellectio passiuæ producta à Patre: Spiritus Sanctus est amor passiuus productus à Patre, & Filio. Fundamentum est, quia præsertim in Deo generatio actiua constitutiua Patris distinguitur à generatione passiuæ constitutiua Filij: spiratio etiam actiua communis Patri, & Filio distinguitur à spiratione passiuæ propria Spiritus Sancti; ergo etiam intellectio actiua distinguitur à passiuæ: amor actiuus distinguitur ab amore passiuo, ac proinde Verbum consistit in intellectione passiuæ,

na, Spiritus Sanctus in amore passivo.

4. Quartò nisi admittamus alteram, ex duabus opinionibus relatis, non possumus explicare, quid sit Verbum, & quid Spiritus Sanctus; ergo &c.

5. Respondeo, ac dico primo, quod cum intelligimus obiectum, præter intellectionem non producimus imaginem intentionalem obiecti distinctam ab intellectione, quæ imago sit obiectum immediatum intellectionis, in quo intelligamus obiectum extrinsecum, ut docent Thomistæ.

6. Probatur primò: nam sicut cum videmus colores, cum audimus sonos, visio, & auditio habent pro obiecto immediatissimo ipsos colores, & sonos; sic cum intelligimus equum, leonem &c. intellectio nostra habet pro obiecto immediatissimo ipsum equum, leonem &c. existentes à parte rei, ut constare videtur experientia; sed iuxta hanc opinionem, intellectio non haberet pro obiecto immediato equum, leonem &c. sed imaginem equi, leonis &c. existentem in nostra mente, & productam à nobis; ergo &c. Confirmatur: nam sicut videndo non producimus ullam imaginem distinctam, à visione, sic intelligendo non producimus ullam imaginem distinctam ab intellectione.

7. Probatur secundò: nam sequeretur, quod Beati dum vident Deum, non viderent illum immediatè in se ipso, sed in imagine, ac Verbo creato, quod est

absurdum, adeoque ad illud vitandum, multi Thomistæ dicunt, quod Beati per visionem beatificam non producant ullum Verbum Dei visi, vel saltem non producant Verbum adæquatum intellectiioni, quia ut loquitur Caietanus, magis Deum intelligunt, quam possint etiam intellectualiter sibi ipsis dicere, & exprimere. Sed hoc ipsum est absurdum. Nam unusquisque intelligendo dicit intellectualiter sibi ipsi quod intelligit, & tantum dicit, & exprimit, quantum intelligit.

8. Probatur tertio: nam ex dictis quæst. 90. num. 13. Pater producit Verbum, non ex indigentia, quasi indigeat Verbo ut obiecto immediato, in quo omnia alia intelligat, sed ex abundantia: nam quia Pater omnia intelligit in se ipso, & in sua essentia, producit Verbum, ut illi dicendo communicet totam suam scientiam, & essentiam; sed iuxta opinionem Thomistarum Pater produceret Verbum ex indigentia, ut in Verbo tanquam in obiecto immediato omnia intelligeret; ergo &c.

9. Dicendum secundo: intellectio passiva, & amor passivus non distinguuntur ab intellectione activa, & ab amore activo, ac proinde Verbum Divinum non consistit in intellectione passiva, & Spiritus Sanctus non consistit in amore passivo.

10. Probatur primo: nam percipi non potest, quod per ipsam intellectiionem, qua ego intelligo equum, equus non constitua-

stituitur formaliter intellectus à me; & quod è conuerso per illam intellectionem, per quam equus constituitur formaliter intellectus à me, ego formaliter non intelligam equum. Confirmatur: nam sicut in potentia visua visio actiua non distinguitur à passiuà, sic in intellectu.

11. Reiectis his opinionibus, explicandum est, quid sit Verbum in quantum abstrahit à creato, & diuino; quid sit amor productus; quid sit Verbum creatum, quid Verbum Diuinum; & quo pacto differat ab amore producto, hoc est à Spiritu Sancto.

12. Dicendum igitur primò: Verbum prout abstrahit à creato, & diuino, est actus intelligendi, physicè procedens ab intelligente, processione, qua dicitur, exprimitur, & assimilatur intentionaliter obiecto intellecto. Amor productus est actus amandi, physicè procedens ab amante, processione, qua amans inclinatur intentionaliter in obiectum amatum, illique intentionaliter vnitur.

13. Ex allatis descriptionibus infertur primo Verbum prout abstrahit à creato, & Diuino constitui formaliter per tria predicata. Primum est, vt sit actus intelligendi: secundum est, vt physicè procedat, & producat ab intelligente: tertium est, vt procedat processione propria intellectus, & sit in linea processionis intellectualis, qua nimirum dicatur, exprimitur, & assimiletur obiecto intellecto. E. g. cum ego mentaliter definio homi-

minem, ac dico, *Homo est animal rationale*, definitio illa mentalis hominis, est Verbum mentale hominis, quia est actus intelligendi, physicè procedens ab intelligente; & procedit processione propria intellectus, qua nimirum ego dico mentaliter hanc definitionem, & per illam exprimo, quid sit homo, & assimilo illam intentionaliter obiecto, hoc est homini intellecto, ac definito. Proportionaliter amor productus, prout abstrahit à creato, & increato, constituitur per tria prædicata. Primum est, ut sit actus amandi: secundum est, ut physicè procedat, & producat ab amante: tertium est, ut procedat processione propria voluntatis, qua nimirum amans inclinatur, & uniat intentionaliter obiecto amato. E.g. cum ego amo hominem, actus amoris physicè procedit, & producit à me, processione propria voluntatis. Nam producendo actum amoris, non dico quidquam de homine, neque exprimo quid, aut qualis sit homo, sed inclinor intentionaliter in hominem, illique me intentionaliter unio.

14. Infertur secundo, quare essentia diuina secundum se præcisè considerata, non sit formaliter Verbum, neque Spiritus Sanctus.

15. Dicendum, quod cum essentia diuina sit formaliter actus intelligendi, & amandi, non deest illi prima conditio; deest tamen secunda, & tertia conditio. Cum enim essentia diuina sit improducta; & iden-

& identificata cum omnibus Personis diuinis, non procedit physicè, neque producit ab intelligente, & amante; ergo. Dixi essentiam diuinam secundum se præcisè non esse formaliter Verbum. Certum enim est, quod realiter, & identicè est tota Trinitas, vt magis, & explicabitur infra quæst. 98. Ex proportionali ratione prima Persona diuina licet sit essentialiter actus intelligendi, & amandi, non est Verbum, neque Spiritus Sanctus, quia cum sit improducta, non procedit physicè ab vilo intelligente, & amante, prout requiritur ad Verbum, vel Spiritum Sanctum.

16. Infertur tertio, quid debeat addi ratione, & virtualiter essentiae diuinæ ad hoc, vt ex ea, & ex hoc addito constituatur Verbum Diuinum. Dicendum, quod quia essentiae diuinæ non deest prima conditio Verbi, vt nimirum sit actus intellectus, ac deest solum secunda, & tertia conditio, vt nimirum sit procedens ab intelligente, processione propria intellectus, eo ipso, quod essentiae diuinæ addatur processio physica ab intelligente propria intellectus, constitutum ex essentia diuina, & ex hac processione erit Verbum. Nam per essentiam diuinam erit actus intellectus, per processionem expressiuam, & assimilatiuam erit procedens intellectualiter vt dictum, & expressum, & assimilatum intentionaliter obiecto intellecto, ac proinde erit Verbum. Confirmatur, & explicatur. Nam quia anima per se ipsam est rationalis, animæ autem rationali nihil deest ad hoc, vt con-

stituat

stituat physicè hominem, nisi corpus organicum, eo ipso, quod animæ addatur physicè per vnionem corpus organicum, ex anima, & corpore constituitur homo, hoc est animal rationale; ergò quia essentia diuinæ nihil deest ad hoc, vt sit Verbum, nisi processio intellectualis ab intelligente, eo ipso, quod essentia additur per identitatem realem talis processio, ex essentia diuina, & ex tali processione constituitur Verbum. Porro sicut anima rationalis secundum se præcisè non est homo, corpus secundum se præcisè non est homo, totum autem constitutum ex anima, & corpore est homo; sic essentia diuina secundum se præcisè non est formaliter Verbum; processio intellectualis secundum se præcisè non est Verbum; constitutum autem metaphysicè ex essentia, & processione intellectuali realiter identificatis, est Verbum, quia per essentiam est actus intellectionis, per processionem intellectualem procedit intellectualiter ab intelligente. Proportionaliter quia essentia diuina, quæ est actus amoris, nihil deest ad hoc, vt sit Spiritus Sanctus, hoc est amor productus, nisi processio passiva, qua physicè procedat ab amante per modum inclinationis, & vnionis cum obiecto amato, addita tali processione, constitutum ex essentia, & ex tali processione passiva est Spiritus Sanctus, seu amor procedens per modum inclinationis, & vnionis cum obiecto amato; siquidem per essentiam est actus amoris, per processionem est procedens

cedens ab amante per modum inclinationis. Similiter quia essentia diuinæ, quæ per se ipsam est intelligens, ad hoc vt sit intelligens dicens, & produciens Verbum, nihil deest, nisi dictio actiua, qua Verbum intellectualiter dicat, producat, & exprimat, constitutum ex essentia, & tali dictione actiua, est intelligens produciens Verbum, hoc est Pater æternus. Quia, essentia diuinæ, quæ per se ipsam est amans, nihil deest ad hoc, vt sit amans produciens amorem, nisi spiratio, seu productio actiua amoris per modum inclinationis, addita hac productione actiua, totum constitutum ex essentia, & tali productione actiua, est spirator.

17. Infertur quartò, quò pacto tres Personæ diuinæ conueniant, ac differant inter se. Conueniunt in essentia, & in omnibus predicatis absolutis, quæ nimirum non includunt reales origines, seu processiones, ac relationes producentis, & producti: qualia sunt, esse Deum, esse actum intelligendi, & amandi, esse omnipotentem, immensum &c. Differunt, seu distinguuntur per origines, processiones, ac relationes oppositas. Prima enim Persona differt ab alijs per hoc, quod est Deus ingenuus, ac dicens, & generans Verbum; secunda Persona est Deus genitus, dictus, & expressus per processionem intellectualem; tertia Persona est Deus spiratus, hoc est procedens processione per modum inclinationis, & amoris. Prima ergo Persona supra essentiam addit originem, & rela-

relationem dicentis ad dictum : secunda addit originem , & relationem passiuam , dicti ad dicentem : tertia addit originem , & relationem passiuam spiranti ad spirantem , vt magis explicabitur infrà suo loco.

18. Infertur quintò , quo pacto Verbum Diuinum conueniat , ac differat à Verbo creato . Dicendum , quod conuenit in eo , quod tum Verbum creatum , tum Diuinum est actus intelligendi physice procedens ab intelligente , processione , qua dicitur , exprimitur , & assimilatur intentionaliter obiecto intellecto . Differunt primò , quod Verbum creatum ita est actus intelligendi , vt non sit actus amandi : Verbum Diuinum est essentialiter simul actus intelligendi , & amandi , cum includat essentiam Diuinam , quæ simul est intellectio , & amor . Differunt secundò , quod intelligens creatum per Verbum à se productum constituitur formaliter intelligens , Deus Pater per Verbum nõ constituitur formaliter intelligens , sed dicens , & exprimens obiectum , quod supponitur intelligere , vt explicatum est , q. 90. n. 4. Differunt tertio , quod Verbum creatum procedit , & producit secundum omnia , quæ includit , etiam secundum essentiam : Verbum Diuinum procedit , & producit non secundum essentiam , quæ est improducta , sed solum secundum relationem , per quam vt virtualiter additam essentiae constituitur ultimo Verbum . Differunt quarto , quod Verbum creatum non est per se subsistens , neque consubstantialis producenti , sed est accidens illi inherens ,

hærens : Verbum autem Diuinum est per se subsistens , & consubstantialia producenti , vt dicetur quæst. 93. vbi etiam afferentur alia differentia .

19. Dices primò : si Verbum non produceretur secundum omnia , quæ includit , non totum Verbum produceretur .

20. Respondeo nego sequelam. Vt enim totum producat , non requiritur , vt producantur omnia , quæ includit , sed sufficit , vt producat id , quo vltimo constituitur. E. g. cum homo generat hominem , totus homo , qui constituitur ex anima , & materia simul vnitis , generatur : & tamen neque materia prima generatur , cum sit ingenerabilis , neque anima rationalis generatur , cum producat à solo Deo per creationem .

21. Dices secundò : vt res procedat , debet procedere aliquid contradistinctum ab ipsa processione ; sed in Verbo Diuino nihil procedit , vel producit contradistinctum ab ipsa processione passiva Verbi ; ergo . Probat minor : nam in Verbo nihil datur virtualiter contradistinctum ab ipsa processione passiva , nisi diuina essentia ; sed essentia diuina non procedit ; ergo &c.

22. Respondeo negando maiorem. Iuxta sententiam satis receptam actus vitales procedunt à potentia vitali se ipsis sine actione , siue processione distinctis , ac proinde ad processionem rei non requiritur , vt procedat aliquid distinctum ab ipsa

pro-

processione; ergo non est mirum, quod Verbum procedat, licet in Verbo non derur aliquid distinctum ab ipsa processione, quod procedat.

23. Quæres, vtrum Verbum Diuinum possit, ac debeat explicari per analogiam ad Verbum, non quo intelligens dicit sibi ipsi ea, quæ intelligit, sed quo alloquitur alterum, illicque manifestat simul suam intellectionem, & rem intellectam?

24. Respondeo duplex dari Verbum, ad alterum. Primum est Verbum externum, & sensibile ore prolatum, quo nos homines pro statu huius vitæ vtimur tanquam signo ad manifestandum alijs nostros conceptus, & res conceptas. Secundum est Verbum internum, & intelligibile, quo Angeli iuxta plurium Theologorum sententiam vtuntur ad manifestandos suos conceptus. Angeli nimirum iuxta hanc opinionem ad manifestandos suos conceptus alteri Angelo, producant in se ipsis quosdam actus intellectus, qui non sunt formaliter intellectio, sed sunt signa immediata intellectionis, & consequenter rei intellectæ. In hoc autem Verbo intelligibili mente expresso, Angelus, ad quem dirigitur, tanquam in signo, & imagine cognoscit intellectionem, & rem intellectam, cuius est signum. Licet ergo communiter Theologi Verbum Diuinum explicent per analogiam ad Verbum creatum, quo intelligens loquitur sibi ipsi, tamen aliqui censent id explicandum per analogiam, ad Ver-

Verbum intelligibile, quo vnus Angelus alloquitur alterum, ac dicunt, Patrem intelligentem se ipsum mentaliter producere Verbum intelligibile, quo alloquitur Filium, quod Verbum non consistat formaliter in intellectione, sed in signo, seu imagine intellectioneis, producto, vt in hoc signo cognoscatur à Filio intellectio paterna, & quidquid Pater intelligit. Addunt proprietatem personalem Filij per se ipsam præcisè, prout distinguitur virtualiter ab essentia diuina, & ab intellectione essentiali, habere adæquatè rationem Verbi, seu signi, & imaginis intelligibilis, in qua potest intelligi intellectio paterna; & huic sententiæ, licet sit contra opinionem communiorum, fauere Henricum 1. parte summæ art. 59. quæst. 3. Aureolum in 1. dist. 27. art. 3. dub. 4. S. Bonaventuram eadem dist. 27. par. 2. ar. 1. q. 2. & alios.

25. Contra hanc sententiam dicendum primò: Verbum Diuinum non assimilatur Verbo ab alterum in hoc, quod non sit formaliter intellectio, sed sit signum intelligibile, & imago paternæ intellectioneis, mentaliter expressa ad hoc, vt in ea cognoscatur paterna intellectio, & quæcunque tali intellectione intelliguntur.

26. Probatur primò: nam eatenus intelligens alloquitur alterum per signum sensibile, vel intelligibile distinctum à sua intellectione, quatenus sua intellectio non immediatè illi alteri innotescit, ac proinde debet innotescere per signum distinctum;
sed

sed Diuina intellectio identificata cum diuina essentia per se ipsam immediatè innotescit non solum Patri, sed etiam Filio, & Spiritui Sancto ; ergo . Probatur minor : nam diuina essentia est adæquata ratio , vt cognoscatur à se ipsa , & ab omnibus Personis , & est adæquatum obiectum formale, quod per se ipsum cognoscitur ab omnibus Personis diuinis, vt dictum est q. 42. num. 13.

27. Probatur secundò : nam de ratione Verbi , seu locutionis ad alterum per modum signi est , vt possit per se ipsum , vt obiectum formale innotescere alteri, & sic possit ducere in cognitionem eius, cuius est signum, tanquam obiecti materialis ; sed sola essentia diuina omnibus Personis innotescit per se ipsam, tanquam obiectum formale, ac omnis proprietas Personalis prout distincta virtualiter ab essentia est obiectum purè materiale innotescens per essentiam; ergo nulla proprietas Personalis, ac proinde nec proprietas Personalis secundæ Personæ potest habere rationem Verbi , seu locutionis ad alterum per modum signi, vt docet opinio relata . Probatur minor : nam vt dictum est quæst. 42. num. 14. de ratione obiecti formalis est, vt sit ratio , à qua est cognitio : sed diuina essentia , cum adæquatè sit à se ipsa , & non sit ab vlla sua proprietate personali, est prima , & adæquata ratio , à qua est diuina cognitio , & intellectio , quæ omnino identificatur cum diuina essentia ; & sicut diuina essentia non est ab vlla proprietate per-

personali, sic diuina cognitio non est ab vlla proprietate personali; ergo nulla proprietas personalis potest esse obiectum formale per se ipsum innotescens vlli Personæ, sed solum potest esse obiectum purè materiale innotescens per essentiam, tanquam per obiectum formale. Confirmatur: nam de ratione obiecti formalis est, vt ab eo sit cognitio; ergo si proprietas personalis esset obiectum formale diuinæ cognitionis, diuina cognitio esset à proprietate personali; sed diuina cognitio adæquatè identificatur cum diuina essentia; ergo diuina essentia esset à proprietate personali: quod est contra rationem diuinæ essentiæ, quæ debet esse adæquatè à se, & non ab alio, etiam virtualiter distincto.

28. Dicendum secundò: Verbum Diuinum assimilatur tum Verbo creato ad se ipsum, tum Verbo creato ad alterum, & habet perfectionem vtriusque, seclusis imperfectionibus. Probatur: nam Verbum creatum ad se ipsum habet hanc perfectionem, vt ità procedat ab intelligente, vt realiter sit ipsa intellectio, quæ intelligens intelligit; sed etiam Verbum Diuinum ità procedit ab intelligente, vt sit realiter ipsa essentia, & ipsa intellectio essentialis, qua Pater intelligit; ergo Verbum Diuinum habet hanc perfectionem Verbi creati ad se ipsum, seclusa tamen imperfectione Verbi creati ad se ipsum, quæ imperfectio consistit in hoc, vt Verbum creatum producat ex indigentia,

pro-

producentis, hoc est ad hoc, ut per ipsum
 Verbum, producens formaliter intelli-
 gat; cum Verbum Diuinum habeat perfe-
 ctionem oppositam, ac producat non ex
 indigentia, sed ex abundantia, ut explica-
 tum est quæst. 90. num. 13. Rursus Verbum
 creatum ad alterum habet hanc perfectio-
 nem, ut producat non ex indigentia, ,
 ut nimirum per ipsum producens consti-
 tuatur intelligens, sed ex abundantia, ,
 ut constituatur intelligens alter à loquen-
 te, & producente Verbum; sed Verbum
 Diuinum procedit non ex indigentia ut
 per ipsum Pater intelligat, sed ex abundan-
 tia, ut intellectio paterna communicetur
 Filio, qui est alter à Patre; ergo Verbum
 Diuinum habet hanc perfectionem Verbi
 creati ad alterum, seclusa tamen imperfe-
 ctione Verbi creati ad alterum, quæ consi-
 stit in hoc, ut Verbum creatum ad alterum
 non sit realiter intellectio, qua loquens
 intelligit: Verbum autem Diuinum est
 realiter essentia diuina, & ipsa formalis
 intellectio, quâ Pater intelligit. Quia
 Verbum Diuinum habet perfectionem
 Verbi creati ad se ipsum, ideo ut docet
 Ruiz Tomo de Trinit. disput. 60. sect. 4.
 num. 1. Pater per Verbum loquitur ad se
 ipsum, idque probat testimonijs Augusti-
 ni, Gregorij, Anselmi, & Riccardi, re-
 latis sect. 1. eiusdem disput. 60. num. 8. &
 sequentibus. Quia idem Verbum Diuinum
 habet perfectionem Verbi creati ad alte-
 rum, ideo Scripturæ, & Patres ab eodem
 relati, dicunt Patrem per Verbum loqui
 etiam

etiam ad Filium. & Spiritum Sanctum. Nam Ioan. 12. Christus de se ipso dicit: *Sicut dixit mihi Pater, sic loquor: Ioan. 7. Sicut docuit me Pater, haec loquor: Ioan. 15. Omnia, quae audiui à Patre meo, nota feci vobis: Psalmo secundò: Dominus dixit ad me: Filius meus es tu, ego hodie genui te: Ioan. 3. Quod audiuit, & vidit, hoc testificatur.* Ideo Cyrillus lib. 7. Thesaur. cap. 3. dicit: *Loquitur Pater ineffabiliter ad Filium &c.* Quod Pater per Verbum loquatur Filio, & Spiritui Sancto, explicatur. Nam, qui producendo Verbum, communicat alicui scientiam, loquitur illi; sed Pater producendo Verbum, communicat ipsi Verbo totam suam scientiam, & per Verbum productum communicat totam suam scientiam etiam Spiritui Sancto; ergo Pater per Verbum loquitur Filio, & Spiritui Sancto. Et quia Pater Filio loquitur, sed per Verbum non distinctum ab ipso Filio audiente, Spiritui Sancto loquitur per Verbum distinctum ab audiente; ideo Ricardus de Sancto Victore lib. 6. de Trinit. cap. 12. dicit: *Interna ista locutio agitur auctore Patre solo; nam solus Pater dicit; solus Spiritus Sanctus audit, quia nimirum solus Spiritus Sanctus audit, hoc est accipit scientiam per Verbum à se distinctum, cum Filius non audiat, neque accipiat scientiam per Verbum à se distinctum; licet negari non possit, quod etiam Filius audiat, cum de se ipso dicat Ioan. 15. Omnia, quae audiui à Patre meo, nota feci vobis.*

29. Dicendum tertio: proprietas Verbi prout præscindit ab essentia, non habet adæquatè rationem Verbi, sed Verbum constituitur in ratione Verbi non solum per proprietatem personalem, sed etiam per essentiam. Probatur: nam de ratione Verbi est, vt sit ratio intelligendi, vel dicenti, vel audienti; sed proprietas personalis, præscindendo ab essentia, non est adæquata ratio vlli Personæ; siquidem prima ratio intelligendi omnibus Personis est essentia, vt dictum est num. 26. ergo. Proportionaliter Paternitas, præscindendo ab essentia, non habet adæquatè rationem Patris, & Filiatio, præscindendo ab essentia, non habet adæquatè rationem Filij &c.

30. Ad 1. distinguo maiorem: Intellectus non potest intelligere obiectum, quod non sit illi intentionaliter præsens per speciem intelligibilem, vel intransitiuè per ipsam intellectionem, concedo: quod non sit illi intentionaliter præsens per aliam imaginem productam per intellectionem, & distinctam ab intellectione, quæ sit obiectum immediatum intellectionis; nego: distinguo eodem pacto minorem; & nego consequentiam. Sicut potentia visiva non potest videre obiectum, quod non sit in vidente per speciem visibilem, & intransitiuè per visionem ipsam, sed non requiritur, vt sit in vidente per aliquam aliam imaginem productam per visionem, quæ sit immediatum obiectum visionis; sic intellectus non potest intelligere obiectum, quod

quod non sit in intelligente per speciem, intelligibilem, & intransitiuè per ipsam, intellectionem, absque eo quod debeat esse praesens in alia imagine distincta; praesertim quia cum intellectio in mea sententia reflectat supra se ipsam, obiectum intellectum per intellectionem non solum, est praesens formaliter, sed etiam obiectiue, in quantum intellectio, quae est imago obiecti intellecti, est etiam obiectum sui ipsius.

31. Ad 2. distinguo maiorem: Pater videt, & scit omnia in Verbo, tanquam in obiecto formali, & in ratione cognoscendi, & videndi, nego: Pater videt, & scit omnia transitiuè in Verbo, hoc est videt se ipsum, & omnia esse, ac representari in Verbo, tanquam in imagine ipsius Patris, concedo; distinguo eodem pacto minorem; & nego consequentiam. Dum dicitur, quod Pater videt, & intelligit omnia in Verbo, non significatur, quod Pater intelligit omnia in Verbo, tanquam in obiecto formali, hoc est in ratione intelligendi; sequeretur enim, quod Verbum esset ratio intelligendi Patri, quod est absurdum, ac saepè reijcitur ab Augustino. Sensus ergo propositionis est transitiuus, ac per illam significatur, quod Pater intelligit se ipsum, & omnia esse in Verbo, tanquam in imagine ipsius Patris. In simili sensu Pater, & Filius amant se, & omnia in Spiritu Sancto, quatenus amant se, & volunt se, & omnia amata esse in Spiritu Sancto, tanquam in amore ab ipsis produ-

cto. In hoc sensu, intelligere omnia in Verbo, tanquam in imagine intelligentis, est proprium Patris: amare omnia in Spiritu Sancto, tanquam in amore amantis, est proprium Patris, & Filij. Ratio verò, cur omnes similes propositiones debeant intelligi transitive, est, quia Pater purè dat Verbo, non accipit; Pater, & Filius purè dant Spiritui Sancto, non accipiunt, adeoque quæ dicuntur propriè de ipsis, significant purè actionem transitivam dandi, non intransitivam accipiendi.

32. Ad 3. concedo antecedens, & nego consequentiam. Disparitas est, nam ideo productio actiua, & productio passiva debent distingui, quia utraque productio importat, aut fundat relationem realem producentis, & producti, quarum altera est intrinseca producenti, altera est intrinseca producto: sed cognitio actiua importat quidem relationem realem cognoscentis ad obiectum cognitum; cognitio autem passiva, qua obiectum constituitur cognitum, non importat relationem realem cogniti ad cognoscentem, sed est denominatio purè extrinseca, qua cognitum denominatur à cognitione intrinseca cognoscenti, ut ex Aristotele 5. Metaph. text. 10. docet S. Thomas 1. parte quæst. 13. art. 7. ad 4. & 6. ergo.



Q V A E S T I O X C I I I .

*Vtrum Verbum, & Spiritus sanctus sint
verus Deus, æqualis, & consubstan-
tialis Patri; & vtrum in Tri-
nitate tres Personæ sint
unus Deus, & non
plures Dij.*

1. **V**idetur, quod neque Verbum, ne-
que Spiritus Sanctus sint verus
Deus, æqualis, & consubstantialis Pa-
tri; primo quia verbum hominis, & An-
geli non sunt homo aut Angelus; ergo
Verbum, & amor productus Dei non sunt
verus Deus.

2. Secundò Persona producta nō potest
esse verus Deus, æqualis, & consubstan-
tialis Personæ improductæ; sed Verbum,
& Spiritus Sanctus sunt Personæ productæ;
ergo &c. Probatur maior: nam Deus est à
se, & non ab alio; non est causatus, ne-
que factus; non dependet, neque indiget
alio; & nullo est posterior tempore, ne-
que natura; & non accipit esse ab alio; sed
Persona producta eo ipso, quod est pro-
ducta, non est à se, sed à producente, ab
eoque dependet, causatur, & fit, & acci-
pit totum esse, atque indiget producente,
& est tempore, vel saltem natura, aut ori-
gine posterior producente; ergo &c. Con-
firmatur: nam omne, quod producitur,
vel producitur ex nihilo, adeoque crea-
tur,

436 *De consubstantialitate Personarum*
tur, vel producitur ex aliquo præexistente, & est compositum ex eo, quod præexistit, & ex eo, quod accipit per productionem; sed utrumque repugnat Deo; ergo &c.

3. Tertiò ad hoc, ut Verbum, & Spiritus Sanctus essent verus Deus, deberent per productionem accipere Deitatem, atque essentiam Diuinam; sed neque accipiunt eandem numero Deitatem, siquidem ut constat inductione, nullum productum accipit naturam producentis eandem numero; neque accipiunt Deitatem eandem specie, & numero diuersam; nam sicut repugnant plures numero Dij, sic repugnant plures numero Deitates; ergo.

4. Quartò nihil creatum est Deus; sed Verbum, seu Sapientia genita dicit se esse creatam: nam Ecclesiast. 24. de se ipsa dicit: *Et dixit mihi creator omnium, & qui creauit me; & paulo post, Ab initio, & ante secula creata sum: Ego ex ore Altissimi prodiui primogenita ante omnem creaturam.* Apostolus etiam de Verbo loquens ad Coloss. 1. vocat illud primogenitum, creaturæ: A fortiori Spiritus Sanctus videtur creatus, & factus; Nam Ioan. 1. de Verbo dicitur; *Omnia per ipsum facta sunt, & sine ipso factum est nihil;* ergo Spiritus Sanctus cum sit aliquid, & non sit nihil, factus est per Verbum. Confirmatur, nam Ioan. 17. Christus dixit: *Hæc est vita æterna, ut cognoscant te solum verum Deum;* ergo solus Pater, cum quo Christus loquebatur, est verus Deus, adeoque Filius, & Spi-

& Spiritus Sanctus, cum non sint Pater, non sunt verus Deus.

3. Quintò Deo repugnat vt accipiat, doceatur, adiuuetur, mittatur, donetur, præceptum recipiat, scrutetur, oret, postulet, gemat &c; sed hæc omnia in Scripturis tribuuntur partim Verbo, partim Spiritui Sancto; ergo &c.

6. Sextò in Deo non datur defectus potestatis, aut scientiæ; sed in Verbo datur talis defectus: nam Matth. 20. dixit: *Sedere autem ad dexteram, vel sinistram, non est meum dare vobis*: Math. 24. dicit: *De die autem illa, atque hora nemo scit, neque Angeli in Cælo, neque Filius, sed solus Pater*; ergo &c. Videtur etiam dari defectus scientiæ in Spiritu Sancto; nam Lucæ 10. 22. dicitur: *Nemo scit, quis sit Filius, nisi Pater, & quis sit Pater, nisi Filius, & cui voluerit Filius reuelare*, adeoque Spiritus Sanctus non scit, quis sit Pater, & Filius.

7. Si Pater, Verbum, & Spiritus Sanctus essent verus Deus, essent omninò æquales inter se; sed non sunt æquales; nam Christus Ioann. 4. dicit: *Pater maior me est*: 1. Corint. 10. Filius dicitur esse subiectus Patri. Confirmatur, nam ex testimonio Christi relato actor. 20. *Beatius est dare, quam accipere*; sed Pater dat, aliæ Personæ accipiunt; ergo &c.

8. Respondeo de fide est Verbum, & Spiritum Sanctum esse verum Deum, consubstantialem, & æqualem Patri. Ioannes enim. Epist. cap. ultimo de Verbo dicit: *Vt simus in vero Filio eius: hic est verus Deus*.

438 *De consubstantialitate Personarum*
Deus : de Spiritu Sancto S. Petrus act. 5.
 dicit : *Ananias cur tentauit Satanas cor-
 tuum mentiri Spiritui Sancto? non es menti-
 tus hominibus, sed Deo.* Et quidem de
 Verbo, seu Filio Concilium Nicænum
 primum quinque definiuit contrà Arriū.
 Primò quod sit verus Deus; secundo quod
 sit *ὁμοῖος*, hoc est eiusdem essentia cum
 Patre : tertio quod sit æternus : quarto
 quod sit immutabilis, sicut Pater : quin-
 to quod sit genitus, non factus; atque ea-
 dem proportionaliter in Conc. Constant.
 primo contra Macedonium definita sunt
 de Spiritu Sancto, excepto quod non est
 genitus, sed procedens. Argumenta,
 quibus probatur hæc veritas, videri pos-
 sunt apud Bellarm. lib. 3. de Christo à
 cap. 4. vsque ad finem.

9. Supposita fide, potest hæc veritas
 suaderi, & explicari rationibus conse-
 quentibus fidem. Prima ratio est: quid-
 quid est in Deo est ipse Deus; sed Verbum,
 & Spiritus Sanctus, vt dictum est qu. 86.
 procedunt per actiones immanentes, adeo-
 que manent in Deo; ergo sunt ipse Deus:
 ideoque Ioannes initio Euangelij cum di-
 xisset : *Verbum erat apud Deum*, statim
 subdit, *& Deus erat Verbum*; quia nimi-
 rum Deus est quicquid est in Deo, siue
 apud Deum.

10. Secunda ratio est: ex dictis qu. 86.
 Deus producit Verbum, & Spiritum San-
 ctum per operationes ad intra, vt se summè
 illis communicet; sed Deus non potest se
 summè communicare, nisi dando identita-
 tem.

tem cum Diuina essentia, quæ vt dictum est quaest. 24. est vna tantum, & continet omne bonum, omnesque perfectiones simpliciter simplices; ergo Deus Verbo, & Spiritui Sancto dat identitatem cum Diuina essentia; sed quod habet identitatem cum Diuina essentia, est verus Deus consubstantialis, & æqualis Patri; siquidem est idem cum omni bono, & cum omni perfectione, sicut Pater; ergo &c. Hanc rationem insinuauit Christus Ioann. 10. 29. vbi cum dixisset: *Pater meus quod dedit mihi maius omnibus* est, subdit Ego, & *Pater vnum sumus*, per identitatem videlicet essentiae. Quia nimirum si Pater Filio non dedisset identitatem cum diuina essentia, per quam esset vnum cum Patre, quod dedisset Filio non esset maius omnibus, adeoque non se summè communicasset Filio.

II. Tertia ratio est: quod ita est in Deo, vt sit substantia, necessario, & ab æterno existens, immensa, & principium omnium factibilium, est verus Deus; sed hæc omnia conueniunt Verbo, & Spiritui Sancto; ergo &c. Minor probatur, & primo quod sit substantia. Deus enim est incapax accidentium; ergo eo ipso, quod Verbum, & Spiritus Sanctus sunt in Deo, sunt substantia, & non accidens. Secundò probatur, quod sit necessario, & ab æterno. Quod necessario, & ab æterno intelligit, & amat, necessario, & ab æterno producit Verbum, & amorem, eo pacto, quo si homo, vel Angelus ab æterno, &

necessario intelligeret, & amaret, ab æterno, & necessario producerent Verbum, & amorem; sed Deus ab æterno, & necessario intelligit, & amat; ergo &c. Tertiò probatur immensitas. Nam quod intelligendo producit Verbum, & amorem, ubique est, habet suum Verbum, & amorem; sed Deus per immensitatem est ubique; ergo etiam Verbum, & Spiritus Sanctus sunt ubique. Quartò demum ostenditur, quod sint principium omnium factibilium. Vt enim insinuat S. Thomas 1^a parte quæst. 27. art. 1. ad 3. quod operatur per artem, omnia facit per Verbum, seu conceptum, & Ideam rei artificialis, & per amorem, seu voluntatem, ut opus artificiale sit simile Ideæ, hoc est Verbo concepto; sed Deus ad extra omnia facit ut artifex; ergo Deus ad extra omnia facit per Verbum, & Spiritum Sanctum; ideoque Ioannes initio Euangelij de Verbo dixit: *Omnia per ipsum facta sunt*; & Dauid Psalm. 32. *Verbo Domini Celi firmati sunt, & Spiritu oris eius omnis virtus eorum*.

12. Quarta ratio desumpta ex S. Thoma lib. 4^o contra Gentes cap. 11. est: Verbum ex sua ratione est imago intelligendo producta, constituens per suam essentiam obiectum formaliter intellectum; sed Deus Pater intelligendo producit Verbum sui ipsius; ergo Verbum Dei ex sua ratione est imago producta Dei Patris, constituens Deum formaliter intellectum; sed Verbum ut constituat Deum Patrem formaliter intel-

telle:

tellectum, debet includere formam, per quam Deus Pater constituitur formaliter intellectus; ergo Verbum Dei includit formam, per quam Deus Pater constituitur formaliter intellectus; sed per eandem formam, per quam intellectus constituitur formaliter intelligens, obiectum constituitur formaliter intellectum; ergo Verbum includit formam, per quam Deus Pater constituitur formaliter intelligens; sed Deus Pater constituitur formaliter intelligens se ipsum, & omnia, per substantiam, & essentiam Diuinam, ut ostensum est quaest. 90; ergo Verbum ex sua ratione includit ipsam substantiam, & essentiam Diuinam, adeoque est verus Deus, & consubstantialis Patri. Ex proportionali ratione Spiritus Sanctus est verus Deus consubstantialis Patri, & Filio. Nam, est quidam inclinatio producta, constituens obiectum formaliter amatum, adeoque includit formam, per quam obiectum constituitur formaliter amatum; sed per eandem formam obiectum constituitur formaliter amatum, per quam voluntas constituitur formaliter amans; ergo Spiritus Sanctus includit formam, per quam Deus constituitur formaliter amans seipsum, & alia; sed talis forma est essentia Diuina, ut dictum est quaest. 90; ergo Spiritus Sanctus includit essentiam Diuinam, adeoque est Deus consubstantialis Patri, & Filio. Ex opposita ratione Verbum hominis, & amor productus ab homine non est verus homo, nec includit essentiam hominis.

Verbum enim hominis, & amor includunt formam, per quam homo constituitur intelligens, & amans; sed homo constituitur formaliter intelligens, & amans, non per suam substantiam, sed per accidens superadditum essentiae, & substantiae; ergo Verbum, & amor hominis non includunt essentiam, & substantiam, sed accidens hominis, ac non sunt verus homo, sed accidens hominis. Cum igitur homo intelligendo seipsum, producit Verbum sui ipsius, Verbum illud est homo, ut intellectus, quod idem est, ac si dicatur, est homo pictus, sed non est verus homo; at cum Deus Pater intelligendo se ipsum, producit Verbum sui ipsius, Verbum illud non solum est Deus ut intellectus, sed est verus Deus. Ex hoc loco Sancti Thomae patet illum non distinguere intellectionem activam a passiva, siquidem ex eius identitate probat essentiam Patris esse communem Verbo.

13. Ex eo, quod Pater, Filius, & Spiritus Sanctus sint verus Deus per unam numero Deitatem, infertur primò, quod licet sint plures Personae, non sunt plures Dij, sed unus verus Deus. Ratio est, quia ut docet S. Thomas quæst. 39. art. 3. nomina concreta substantiva præsertim significantia substantiam, cum forma significata est una tantum numero, dicuntur singulariter, cum est multiplex, dicuntur pluraliter; sed nomen Personæ significat personalitatem ut formam; in Deo autem sunt tres Personalitates; nomen Deus significat Dei.

Deitatem v^t formam ; Deitas autem est vnica ; ergo Pater, Filius, & Spiritus Sanctus sunt tres Personæ, ac dici non potest, quod sint vnica Personæ; at sunt vnus Deus, ac dici nō potest, quod sint plures Dij. Ex proportionali ratione, qui Pater, & Filius spirant Spiritum Sanctū vnica spiratione, vt dicetur inferius; sūt vnus spirator, ac nō diu spiratores; quia Pater, Filius, & Spiritus Sanctus creant, & gubernant mundum vnica creatione, & gubernatione; (siquidem actiones ad extrā sunt communes omnibus Personis ;) sunt vnus creator, opifex, & gubernator mundi, non autem plures creatores &c. Addo, quod Pater, Filius, & Spiritus Sanctus non solum sunt vnus Deus in eo sensu, in quo si plures Personæ haberent vnā humanitatem, essent vnus homo, sed etiam in alio sensu perfectiori. Plures enim Personæ essent vnus homo, sed non essent vna humanitas; & præterea humanitas non esset homo, sed forma hominis. At Pater, Filius, & Spiritus Sanctus ita sunt vnus Deus, vt sint vna Deitas, quæ maximè est Deus. Proportionaliter ita sunt vnus æternus, vt sint vna æternitas &c.

14. Inferitur secundo Patrem, Filium, & Spiritum Sanctum posse dici tres æternos, immensos, omnipotentes, sapientes &c. vt loquitur Concilium Lateranense relatum cap. firmiter de summa Trinitate, & posse etiam dici, quod sunt vnus æternus, immensus &c. vt loquitur Athanasius in suo Symbolo. Ratio est, quia

ut citata quæst. 39. art. 3. docet Sanctus Thomas, nomina adiectiua concreta, cum subiectum significatum est multiplex, dicuntur pluraliter, etiamsi forma significata sit vna; cum verò subiectum significatum est vnum tantum, dicuntur singulariter, etiamsi forma significata sit multiplex; ideoque si vnum subiectum esset album pluribus albedinibus, esset vnum album: si autem plura subiecta essent alba vna albedine, essent plura alba; sed nomina adiectiua æterni, immensi &c. significant ut subiectum *Habens æternitatem* &c. ipsam autem æternitatem, immensitatem &c. significant ut formam; ergo licet sit vna tantum æternitas, immensitas &c. si tamen sint plures habentes illam vnam æternitatem &c. dicuntur pluraliter; si sit vnum tantum habens, dicuntur singulariter; sed sunt tres Personæ habentes vnam æternitatem &c. ergo significando Personas ut subiectum habens, sunt tres æterni, immensi &c. & in hoc sensu loquitur Lateranense. Rursus vnus tantum est Deus habens æternitatem, immensitatem &c.; ergo significando Deum ut subiectum habens, sunt vnus æternus &c. & in hoc sensu loquitur Athanasius. Dicitur etiam potest, quod illa nomina, licet sint adiectiua, tamen dici possunt substantiue, & tunc dicuntur singulariter. Possunt aliqua opponi contra duas regulas, alias, quibus non libet immorari. Solum dico, quod regulæ de nominibus, cum pendeant ex vso, ex ipso vso habere possunt exceptionem, quæ in re præsentantur

dantur in nominibus, quæ cum sint substantiua grammaticalitèr, significant formam grammaticaliter accidentalem, & cû sint adiectiua, significant formam substantialem.

15. Infertur tertio, tum Filium, tum Spiritum Sanctum esse *ὁμύσιον*, hoc est eiusdem essentiae cum Patre, non autem *ὁμοιόσιον*, hoc est similis essentiae. Ratio est, quia similitudo essentiae connotat distinctionem saltem numericam essentiarum; sed tres Personæ sunt vnius, & eiusdem essentiae sine vlla distinctione essentiarum; ergo &c. Et quidem falsum est nomen *ὁμύσιον* inuentum fuisse à Concilio Nicæno, vt calumniabantur Arriani, siquidem vt ostendit Athanasius lib. de Decretis Synodi Nicænæ, ante illam Synodum duo Dionysij, alter Romanus, alter Alexandrinus, alijque Patres eo nomine fuerant vsi. Cum igitur, vt refert Sanctus Ambrosius lib. 3. de Fide cap. 7. Eusebius Nicomediensis Arrianorum antesignanus in quadam sua Epistola scripsisset, *si verum Dei Filium, & increatum dicimus* *ὁμύσιον cum Patre, incipimus consieri*, & hæc Epistola lecta fuisset in Concilio Nicæno, hoc verbum in tractatu, hoc est Symbolo fidei, posuerunt Patres, quod viderent Aduersarijs esse formidini. Ex opposito, quia Arriani ad adstruendam distinctionem essentiarum, dicebant Filium esse *ὁμοιόσιον* Patri, hoc aliud nomen fuit passim à Catholicis reiectum. Addit Bellar. l. 2. de Christo cap. 3. nomen

ὁμολογία. videri diuinitus inuentum. . Ut enim docet Sanctus Athanasius lib. de Synodis Arimini, & Seleuciæ, & S. Basilii in quadam Epistola ad Ancillas Dei, *ὁμολογία*. de ijs. tantum dicitur, quorum vnum est ab altero, & ab illo accipit eandem essentiam, ideoque vnicum nomen. ingulat duos contrarios errores; alterum Sabellij, qui concessa vnitae essentiae, negabat processionem, & distinctionem Personarum; alterum Arrij, qui concessa distinctione, & processione Personarum, negabat vnitatem essentiae.

16. Infertur quartò, Filium esse alium masculinè à Patre, sed non esse aliud neutraliter; idemque dic. de Spiritu Sancto, ut docet S. Thomas 1. parte quæstione 31. art. 2. in corpore, & ad 4. ex Augustino, vel potius Fulgentio lib. de Fide ad Petrum cap. 2. vbi dicit. *Vna est essentia Patris, & Filij, & Spiritus Sancti*, in qua non est aliud Pater, aliud Filius, aliud Spiritus Sanctus, quamuis personaliter sit alius Pater, alius Filius, alius Spiritus Sanctus. Id ipsum docet Concilium Lateranense relatum cap. *firmiter* de Summa Trinitate, cuius verba afferam num. 17. Ratio allata à S. Thoma ad 4. est, quia genus neutrum, cum abstrahat à masculino, & feminino, significat naturam, & essentiam communem: masculinum autem, & femininum significant suppositum determinatum; ideoque in communi sermone, cum querimus, *quis est?* querimus Personam, siue suppositum, ideoque respondetur,

detur, est Petrus, vel Paulus: cum per neutrum quærimus quid est? quærimus essentiam, & naturam, ideoque respondeatur est homo, vel equus; sed Pater, & Filius distinguuntur supposito, non natura; ergo Filius est alius, sed non est aliud à Patre. Ex simili ratione Filius est alter à Patre, sed non est alterum, ut ex Fulgentio, Hilario, Athanasio, & Bernardo docet Suarius lib. 3. de Trinit. cap. 13. num. 6. Proportionaliter Filius est unum cum Patre, iuxta illud Ioan. 10. Ego, & Pater unum sumus, sed non est unus cum Patre; est idem neutraliter cum Patre, sed non est idem masculinè, ut docet Vasquez disput. 181. cap. 1.

17. Iam cum dicitur, quod Pater, Filius, & Spiritus Sanctus unum sunt, Abbas Ioachim id ita intellexit, ut sint unum quasi collectivè, & similitudinariè, eo pacto, quo multi homines sunt unus Populus, multi fideles una Ecclesia: qui adhæret Deo unus Spiritus est cum illo; & omnes nos unum corpus sumus in Christo, ut loquitur Apostolus. Hanc opinionem ut hæreticam damnavit Innocentius Tertius in Concilio Lateranensi, ut refertur cap. firmiter de summa Trinitate, ac definiuit ut veram oppositam sententiam Magistri sententiarum, hoc est Petri Lombardi, dicens. Nos autem, sacro approbante Concilio, credimus cum Petro, quod quædam summa res est, incomprehensibilis quidem, & ineffabilis, quæ veraciter est Pater, Filius, & Spiritus Sanctus, Tres simul Perso-

443 *De consubstantialitate Personarum*
ne, & singillatim quilibet earumdem; &
ideò in Deo solummodo Trinitas est, non
quaternitas, quia quilibet trium Personarum
est illa res, videlicet substantia, essentia, seu
natura Diuina, quæ sola est vniuersorum
principium, præter quod aliud esse non potest;
& illa res non est generans, neque genita,
neque procedens; sed est Pater qui generat,
& Filius, qui gignitur, & Spiritus Sanctus,
qui procedit, vt distinctiones sint in Perso-
nis, & unitas in natura. Licet igitur alius
sit Pater, alius Filius, alius Spiritus San-
ctus, non tamen aliud, sed id, quod est Pa-
ter, est Filius, & Spiritus Sanctus, idem
omnino. Hactenus Concilium. De fide
igitur est, quod tres Personæ sunt vnum,
non collectiuè, & similitudinariè, sed ita,
vt sint vna summa res, hoc est essentia,
& substantia, & natura Diuina, omninò
simplex, vt paulò ante dixerat Innocen-
tius. Et ideò in Deo non est Quaternitas,
sed Trinitas, quia essentia communis tri-
bus Personis, non est quarta res à Perso-
nis distincta, sed est quilibet trium Perso-
narum.

18. Infertur quintò, quod licet in Deo
 detur Trinitas, tamen non datur triplici-
 tas, neque multiplicitas, adcoque Deus
 est quidem Trinus, sed non est triplex,
 neque multiplex, vt docet S. Thomas 1.
 parte quæst. 31. art. 1. ad 3. & S. Augu-
 stinus lib. de Trinitate cap. 6. 7. & 8. & lib.
 15. cap. 3. Ratio est, quia Trinitas signifi-
 cat numerum ternarium; sed datur in
 Deo numerus ternarius Personarum; ergo
 datur

datur in Deo Trinitas, adeoque Deus est trinus, siquidem trinus significat, quod habet in se numerum ternarium. At ut benè docet Vasquez disp. 131. c.3. *multiplex*, eiusque species, quæ sunt *duplex*, *triplex*, &c. vel opponitur simplici, vel opponitur uni; sed Deus est simplex, & vnus; ergo non potest dici multiplex, neque triplex. Admittit tamen Vasquez posse dici, quod in Deo datur multiplex persona, multiplex emanatio, eo pacto, quo S. Thomas quæst. 10. de potentia art. 2. dicit dari in Deo duplicem emanationem.

19. Debet aduerti, quod licet hæc, & alia similia spectent ad vsum nominum, tamen sunt magni momenti. Audiatur S. Thomas 1. parte quæst. 31. art. 2. in corpore, ex eoque Hieronymus, & Augustinus. *Dicendum, quod quia ex verbis inordinatè prolati incurritur hæresis, ut Hieronymus dicit, ideo cum de Trinitate loquimur, cum cautela, & modestia est agendum, quia ut Augustinus dicit in 1. de Trinitate cap. 3. Nec periculosius alicubi erratur, nec laboriosius aliquid quaritur, nec fructuosius inuenitur.*

20. Ad 1. ex eo, quod Verbum productum ab homine non sit verus homo, concedo antecedens; & nego consequentiam, quod Verbum productum à Deo non sit verus Deus. Disparitas allata est n. 12. in 4. ratione, qua ostensum est Verbum, & Spiritum Sanctum esse verum Deum.

21. Ad 2. nego maiorem, in qua assumi-

sumitur, quod Persona producta non potest esse verus Deus, æqualis, & consubstantialis Personæ improductæ. Dum opponitur primò: Deus est à se, & non accipit esse ab alio; Persona producta non est à se, & accipit esse à producente; ergo &c. distingo maiorem: Deus quoad essentiam est à se, & non accipit esse ab alio, concedo; quoad omnem Personam, quæ Deus sit; nego maiorem; distingo eodem pacto minorem; & nego consequentiam. Essentia Dei, quæ primo, & ratione sui est Deus, est à se, & non accipit esse ab alio, ac Deus quoad essentiam est à se, & non accipit esse ab alio. Rursus Deus quoad aliquam Personam est à se, & non accipit esse ab alio, & talis est Persona Patris; ac non quoad omnes Personas est à se. Nam Persona Filij est Deus à Patre, ac Deus de Deo, & Persona Spiritus Sancti est Deus à Patre, & Filio. Omnis tamen Persona licet non formaliter, tamen identicè est Deus à se, quia est ipsa Deitas, quæ est Deus à se, & non accipiens esse ab alio.

22. Dum opponitur secundò: Persona producta eo ipso, quod est producta, est causata, & facta, ac dependet à producente, eoque indiget; nego quod dicitur. Causari, & fieri non est produci utcumque, sed est ita produci, ut productum nec identicè sit à se, nec sit prima virtus existendi sibi ipsi: dependere, & indigere non est produci utcumque, sed est ita produci, ut productum nec identicè

eē sit perfecta sufficientia existendi sibi; sed Filius, & Spiritus Sanctus itā producuntur, vt sint ipsa Deitas, quæ est adæquata virtus, & sufficientia essendi sibi, & omnibus Personis Diuinis; ergo itā producuntur, vt non causentur, neque fiant, non dependeant, neque indigeant, sed habeant oppositas perfectiones.

23. Debet aduerti, quod licet Patres Græci iuxta proprietatem illius linguæ dicant, Patrem æternum esse causam Filij, & Filium causari à Patre, tamen Latini negant Patrem esse causam, ac solum concedunt esse principium; Filium verò, & Spiritum Sanctum non solum negant causari, sed etiam negant principiari, quia hoc, quod est *principiari* videtur significare initium temporis; nomen verò causæ denotat distinctionem naturarum, vt docet S. Thomas opusc. I. cap. I.

24. Cum tertio opponitur, quod omne, quod producitur, est posterius tempore, vel natura; nego primam partem, & distinguo secundam: si distinguitur secundum naturam, est posterius natura, concedo; si non distinguitur secundum naturam, nego. Non omne, quod producitur, est posterius tempore, vt patet in splendore, qui producitur à Sole, & non est posterior Sole; siquidem nunquam fuit Sol sine suo splendore. Rursus cum productum secundum naturam non distinguitur à producente, non est posterius natura. Ratio est, quia ex Aristotele in prædicamentis cap. de *ad aliquid*, relatiua
sunt.

sunt simul cognitione, & natura; sed Pater, & Filius dicuntur relatiuè; ergo secundum esse-relatiuum Patris, & Filij, sunt simul, adeoque Filius secundum relationem Filij, non est posterior natura; sed neque est posterior natura secundum essentiam, & naturam, quæ non distinguitur; ergo &c.

25. Ad confirmationem, nego, quod omne, quod producit, vel producit ex nihilo, vel ex aliquo præexistente. Si enim productum sit consubstantiale, & coæternum producenti, non producit ex nihilo, sed ex substantia producentis, non præexistente, sed coæterna producenti. Rursum ut productum sit compositum, debet addere aliquid distinctum realiter ab eo, à quo producit; sed Filius, & Spiritus Sanctus ita producuntur de essentia, & substantia Patris, ut nihil addant realiter distinctum ab essentia, & substantia; ergo &c.

26. Aduertit S. Thomas quæst. 41. art. 3. in corpore, esse contra rationem, Verbi, & Filij, ut producat ex nihilo, vel ex aliquo purè extrinseco producenti; siquidem ad Filium requiritur, ut producat de substantia Patris, ut dicitur quæst. 96. explicando definitionem generationis; ergo si Verbum fuisset creatum, & productum, ex nihilo, ut dicebant Ariani, non esset verus Filius Dei, quod est contra illud Ioannis epist. 1. cap. 1. *Ut simus in vero Filio eius*; ergo necesse est, ut Verbum generetur ex substantia Patris,
& in

& in hoc conuenit cum Filio creato . At Filius Dei differt à Filio creato in duobus. Primo Pater creatus , cum habeat substantiam constantem ex partibus , generat Filium , non ex tota sua substantia , sed solum ex parte , hoc est ex semine . At Pater æternus , cum habeat substantiam carentem partibus , generat Filium ex tota sua substantia . Secundò Pater creatus non retinet illam partem substantiæ , ex qua generat Filium , sed illam transmittit in Filium ; at Deus Pater ità communicat Filio totam suam substantiam , vt illam retineat , vt docet Innocentius Tertius cap. *firmiter* , & cap. *damnamus* ; idemque proportionaliter dic de Spiritu Sancto . Quia Filius , & Spiritus Sanctus accipiunt totam Deitatem , & totam essentiam , & substantiam Patris , non potest dici , quod participant Deitatem , vel substantiam Patris , quia participare est accipere partem substantiæ .

27. Potest quæri , quid significetur , cum dicitur , quod Filius Dei generatur , & est de substantia Patris , vt docet Augustinus lib. 5. de Trinit. cap. 19. Fulgent. lib. de fide ad Petrum , Magister Sententiarum , & S. Thomas 1. parte quæst. 41. art. 3. in corpore , & vt definiunt Concilia Toletana 3. 4. & 11. in confessione Fidei .

28. Respondeo , quod particula *De* , in quantum refertur ad substantiam , significat principium quasi formale , & denotat Filium constitui per substantiam , & essentiam

tiam Patris, hoc est per Deitatem, tanquam per formam, eo pacto, quo homo genitus constituitur per humanitatem. At in quantum refertur ad Patrem, significat principium consubstantiale originis, ac denotat Filium esse à Patre, tanquam à principio consubstantiali originis. Hinc sequitur, quod licet Pater sit consubstantialis Filio, tamen non est de substantia Filij, quia non procedit à Filio, tanquam à principio originis. Proportionaliter Spiritus Sanctus est de substantia Patris, & Filij, sed Pater, & Filius non sunt de substantia Spiritus Sancti. Rursus Trinitas non potest dici de substantia, & essentia Divina, ita vt significetur principium originis, vt docet S. Thomas q. 41. art. 3. ad 3. Aduertit Sanctus Augustinus lib. de nat. boni cap. 26. particulam *Ex* significare principium qualecunque, particulam *De* regulariter significare principium consubstantiale, ideoque creature regulariter dicuntur esse ex Deo, non de Deo, quia non procedunt à Deo, tanquam à principio consubstantiali, atque eiusdem essentia. Videri potest Vasquez disp. 162.

29. Ad 3. Filius, & Spiritus Sanctus sunt verus Deus, quia accipiunt à Deo producente Deitatem eandem, non solum specie, sed etiam numero, siquidem repugnant plures numero Deitates, vt ostensum est quæst. 19. Dum opponitur inductio creaturarum, in quibus produciens nunquam dat essentiam eandem numero: Respondeo id accidere ex imperfectione

crea-

creaturarum. Producens enim per productionem vniuocam intendit producere alterum se, in quantum potest; creaturæ quia non possunt producere alterum se cum eadem numero essentia, producunt alterum se cum eadem specie essentia. At Deus Pater producit alterum se cum eadem numero essentia, & cum distinctione purè personali, ac relatiua. Ideo Nazianzenus lib. de fide, seu oratione 49. post medium loquens de Sapientia genita dicit: *Hæc est enim Filius Dei, eo quod Pater sit alius idem, per quam facta sunt omnia*: Et paulò post: *Et hoc est, quod ὁμοῖον appellant, hoc est alium ipsum*.

30. Ad 4. Ex doctrina S. Thomæ 1. p. quæst. 41. art. 3. ad 4. Scripturæ, in quibus Sapientia dicitur creata, possunt tripliciter explicari. Primò, sicut opus artis aliquando vocatur ars, sic opus Sapientiæ aliquando vocatur Sapientia; & quia Mundus est opus Sapientiæ Diuinæ, Deus creando Mundum, dicitur creasse Sapientiam. Dum igitur Ecclesiastici 1. de Sapientia dicitur, *ipse creauit eam, & effudit eam super omnia opera sua*, nomine Sapientiæ non intelligitur Verbum Dei, sed Mundus. Secundò Sapientia, seu Filius Dei, sicut propter generationem æternam, per quam accipit formam Dei, quæ est increata, dicitur non creatus, nec factus, sed genitus; sic propter generationem temporalem ex Virgine, per quam factus est homo, & accepit formam serui, seu naturam creatam, dicitur facta, & crea-

456 *De consubstantialitate Personarum*
creata. In hoc sensu Ecclesiast. 24. Sapientia de se ipsa dicit : *Et dixit mihi creator omnium , & qui creauit me* , idest qui in hominem creauit me ; & paulo post : *Ante secula creata sum* , hoc est prauisa sum , creanda in hominem , seu naturæ creatæ vnienda . Tertiò sicut Sapientia dicitur genita ad significandum , quod habet hanc perfectionem geniti , vt sit consubstantialis generanti , sic aliquando dicitur creata improprie , ad significandum , quod habet hanc perfectionem , vt sit producta sine vlla mutatione producentis ; & in hoc sensu locus ille : *Ab initio , & ante secula creata sum* , explicatur ab Hilario de Synodis .

31. Dum Sapientia dicitur prodijisse primogenita ante omnem creaturam , & Filius Dei dicitur primogenitus inter multos fratres , non significatur Filium Dei esse creaturam , sed solum esse genitum ante omnes creaturas . Filius igitur Dei sicut dicitur vnigenitus , quia non est genitus alius Filius naturalis Dei , sic ad Romanos 8. dicitur primogenitus inter multos fratres , quia multi sunt geniti Filij adoptiui . Dum de Verbo dicitur : *Omnia per ipsum facta sunt* , significatur , quod omnia facta , sunt facta per Verbum , & nihil est factum sine ipso . Ex hoc autem non sequitur Spiritum Sanctum esse factum , sicut non sequitur Patrem esse factum .

32. Ad confirmationem: ex Doctrina S. Augustini lib. 6. de Trinitate cap. 9. & S. Tho-

S. Thomæ 4. contra Gentes cap. 8. diuinus Christus dixit : *Hæc est vita æterna, ut cognoscant te solum verum Deum*, ly. *solum* non debet coniungi cum *te*, quod indicat Personam Patris, ita ut sensus sit : *Ut cognoscant te, qui solus es verus Deus*, sed debet coniungi cum Deo, ut sensus sit, ut *cognoscant te, quies verus Deus solus*, ita ut non sit alius Deus ; sed Filius, & Spiritus Sanctus sunt idem verus Deus cum Patre ; ergo sunt idem verus, & solus Deus, ideoque de tota Trinitate verificatur, quod est solus verus Deus. Hinc est, ut Sanctus Ioan. in fine primæ Epistolæ, quasi exponens hæc Verba, quibus Christus Patri dixerat : *Hæc est vita æterna, ut cognoscant te solum verum Deum*, tribuat Christo vtrumque, ut sit vita æterna, & ut sit verus Deus, dicens : *Ut cognoscamus verum Deum, & simus in verò Filio eius ; hic est verus Deus, & vita æterna.*

33. Ad 5. distinguo maiorem : Deo ingenito, ac non procedenti repugnat, ut aliquid accipiat, ac doceatur, concedo : Deo genito, ac procedenti, nego maiorem ; concedo minorem ; & nego consequentiam. Deo genito, ac procedenti non solum non repugnat, ut accipiat naturam Diuinam, sed necesse est, ut illam accipiat, alioquin non esset Deus genitus, & procedens. Sicut enim non est Filius, hoc est homo genitus, qui per generationem non accipit veram humanitatem ; sic non esset Deus genitus, ac procedens, qui per generationem, & processionem

458 *De consubstantialitate Personarum*
 fionem non accipit veram Deitatem. Quod
 autem Pater det Filio Deitatem, per quam
 fit æqualis Patri, patet ex Verbis Christi
 Ioan. 10. *Pater quod dedit mihi maius omni-*
bus est; sed sola Deitas est maius omnibus;
 ergo Pater dat Filio Deitatem. Rur-
 sus Christus Lucæ 10. 22. dixit. *Omnia*
mibi tradita sunt à Patre meo; sed non om-
nia essent data Filio, nisi data esset Dei-
tas, quæ sola est æquivalenter omnia; er-
go &c. Apostolus etiam ad Philipp. 2. di-
 cit: *Dedit illi nomen, quod est super omne*
nomen; sed solum nomen significans Deum
verum æqualem Patri est super omne no-
men; ergo &c. Deinum Christus Ioan. 16.
 dicit, *omnia, quæ habet Pater, mea sunt,*
 & Ioan. 17. *Omnia tua mea sunt; sed nisi*
eadem Deitas utrique esset communis, non
omnia Patris essent Filij; ergo &c. Pro-
 portionaliter Deus genitus, & procedens
 docetur à producente, ideoque Christus
 Ioan. 28. dixit: *Sicut docui me Pater, sed*
docetur non quasi ignorans, sed quasi ac-
cipiens omnem scientiam; sed Filius, &
Spiritus Sanctus eo ipso, quod per gene-
rationem, & processionem accipiunt Dei-
tatem, quæ est omnis scientia, accipiunt
omnem scientiam; ergo docentur, sed non
quasi ignorantes (nam qui est idem cum
omni scientia, proculdubio non potest esse
ignorans) sed per hoc, quod scientiam
non habeant à se, sed à Patre, ideoque
 Christus Ioan. 7. 16. dixit: *Doctrina mea*
non est mea, sed eius, qui misit me.

34. Sicut Deo procedenti non repu-
 gnat,

gnat, quod accipiat, & doceatur, sic non repugnat, quod mittatur. Ratio est, quia ad missionem sufficit, ut Persona missa ita procedat à mittente, ut aliquo modo incipiat esse de nouo in termino, ad quem mittitur; sed Filius Dei ita procedit à Patre, ut per Incarnationem aliquo nouo modo incipiat esse in Mundo inferiori per carnem assumptam; Spiritus Sanctus ita procedit à Patre, & Filio, ut descendens super Apostolos aliquo nouo modo inceperit esse visibiliter in illis per speciem, ignis, per dona linguarum &c. et quotidie in ijs qui iustificantur incipit esse inuisibiliter per gratiam sanctificantem; ergo Filius, & Spiritus Sanctus mittuntur tum visibiliter, tum inuisibiliter. Solus Pater, licet aliquando descendat visibiliter, vel inuisibiliter, iuxta illud, *ad eum veniemus*, tamen quia non procedit, non mittitur. Quo pacto Filius, & Spiritus Sanctus donentur, explicabitur infra quaest. 96. nu. 7.

35. Denique cum opponitur, quod Deo repugnat, ut praeceptum accipiat, oret, postulet, & gemit, distinguo: repugnat Deo secundum naturam Dei, concedo; secundum naturam serui assumptam à Verbo, nego. Christus secundum naturam Dei, per quam aequalis est Patri, non potest recipere praeceptum, nec obedire, orare, postulare, gemere, adiuuari &c. At secundum naturam humanam, assumptam, secundum quam inferior est Patri, est capax omnium horum. Cum verò de

de Spiritu Sancto dicitur, quod orat, & postulat gemitibus inenarrabilibus, debent hæc intelligi transitiuè, ità vt significetur, quod facit nos orare, gemere &c.

36. Ad 6. nego in Filio, & Spiritu Sancto dari vllum defectum potestatis, aut scientiæ, siquidem omnia, quæ potest, & scit Pater, potest etiam, & scit Filius, sed ità, vt Pater potentiam, & scientiam habeat à se, Filius, & Spiritus Sanctus habeant à Patre. Dum Christus dixit, *sedere ad dextram meam, aut sinistram, non est meum dare vobis, sed quibus paratum est à Patre meo*, expressè asseruit se habere potestatem dandi ijs, quibus paratum est à Patre secundum æternam prædestinationem, ac solum negauit ad se spectare dare illis secundum generationem carnalem, prout ab illis petebatur. Rursum cum dixit, *quibus paratum est à Patre*, non negauit in se esse potestatem parandi, cum Ioan. 14. dixerit: *vado parare vobis locum*; ergo quandoquidem Filius habet potestatem parandi locum, & habet potestatem dandi locum dextrum, aut sinistrum ijs, quibus paratum est à Patre, & Filio, habet absolutè omnem potestatem, quam habet Pater, sed illam habet à Patre, cum Pater non habeat ab alia Persona; ideoque Marth. 28. Filius dixit: *Data est mihi omnis potestas in Cælo, & in Terra*. Sicut Filius habet omnem potestatem, quam habet Pater, sic habet omnem scientiam, quam habet Pater, sed illam habet à Patre; ideoque sicut Pater, sic etiam Filius scit.

scit diem Iudicij. Dum Christus dixit: *De die autem illa, atque hora nemo scit neque Angeli, neque Filius, sed solus Pater*, non negavit Filium scire ut Deum, sed negavit scire ut hominem; immò neque negavit Filium ut hominem absolutè scire diem Iudicij, sed solum negavit scire ad reuelandum, iuxta consuetum modum loquendi, quo ea, quæ nos scimus secretò, ità ut reuelare non possimus, dicimus nos nescire. Quia ergo solus Pater, hoc est sola Trinitas sciebat ad reuelandum, cum reuelasset humanitati Christi, Filius autem ut homo non sciebat ad reuelandum, Christus dixit se nescire diem Iudicij, hoc est ità se habere ad illum reuelandum, ac si omnino nesciret.

37. Proportionaliter omnia, quæ sciunt Pater, & Filius, scit etiam Spiritus Sanctus, sed ita, ut sicut à Patre, & Filio accipit Deitatem, sic accipiat scientiam; ideoque Filius de Spiritu Sancto dixit, *quæ audiet, loquetur, quia de meo accipiet, & annuntiabit vobis*. Cum ergo dicitur *nemo scit Filium, nisi Pater, & nemo scit Patrem nisi Filius*, non excluditur Spiritus Sanctus, qui est idem Deus cum Patre, & Filio; sicut cum 1. ad Corint. 2. dicitur. *Quæ sunt Dei, nemo nouit, nisi Spiritus Dei*, non excluduntur Pater, & Filius ex eadem ratione. Est igitur regula vniuersalis, ut quicquid in Scripturis dicitur de vna Persona ratione Deitatis, etiamsi dicatur cum particula exclusiua, non excludantur aliæ Personæ, sed intelligatur dici etiam

452 *De consubstantialitate Personarum*
de alijs Personis, eo pacto, quo dum dicitur, *quæ sunt Dei nemo nouit, nisi Spiritus Dei*, quia Spiritui Sancto conuenit scire quæ sunt Dei ratione Deitatis communis Patri, & Filio, non negatur Patrem, & Filium scire quæ sunt Dei, sed potius subintelligitur affirmari.

38. Ad 7. sicut Christus dixit: *Pater maior me est*, sic Apostolus ad Philipp. 2. de Christo dixit: *Qui cum in forma Dei esset, non rapinam arbitratus est esse se æqualem Deo*; & quia vnusquisque arbitratur rapinam sibi tribuere quod suum non est, ideo Filius secundum formam Dei est æqualis Deo; ergo cum ipse Filius dixit: *Pater maior me est*, affirmauit Patrem esse maiorem Filio, non secundum formam Dei, per quam Filius est æqualis Patri, sed secundum formam serui, quam assumens minoratus est, & factus est minor, non solum Patre, sed etiam Angelis, iuxta illud Apostoli ad Hebr. 2. *Eum, qui modicè ab Angelis minoratus, uidimus Iesum propter passionem mortis, gloria coronatum*. Proportionaliter Filius dicitur esse subiectus Patri, non secundum formam Dei, sed secundum formam serui, quam pro nobis assumpsit.

39. Dum, opponitur ex testimonio Christi act. 20. *Beatius est dare, quam accipere*; Pater dat, aliæ Personæ accipiunt; ergo &c. distinguo maiorem; beatius est dare, quam accipere quod est æquiualentius omnia, nego; quod non est æquiualentius
ter

ter omnia, concedo maiorem; concedo minorem; & nego consequentiam. Implicat in terminis, ut aliquid sit beatius, & melius, quam esse æquivalenter omnia; sed Personæ productæ accipiunt à Patre esse Deum, & esse ipsam Deitatem, quæ est æquivalenter omnia, & est etiam æquivalenter ipsum bonum dandi; ergo implicat in terminis, ut beatius, & melius sit dare Deitatem, quam illam accipere. Ex opposita ratione beatius est dare, quam accipere quod non est æquivalenter omnia, quia tunc non datur aliquid, quod contineat æquivalenter bonum dandi; bonum autem dandi quod non est æquivalenter omnia, præeminet bono illud accipiendi.

QVAESTIO XCIV.

Utrum qualibet Persona Diuina secundum se totam sit in qualibet alia Persona per circuminseffionem.

1. **V**idetur non dari circuminseffio; primo, si vna Persona Diuina esset in alia, vna Persona esset vnita alteri; sed hoc non admittitur; ergo &c.

2. Secundò Pater licet sit in Filio secundum essentiam, non est in Filio secundum Paternitatem; ergo non est in Filio secundum se totum.

464 *De circuminfeſſione Perſonarum*

3. *Reſpondeo de fide eſſe, quod quælibet Perſona diuina eſt in alia. Io. enim 10. Vt credatis quia Pater in me eſt, & ego in Patre. Ioan. 14. Ego in Patre, & Pater in me eſt: Ioan. 17. Vt omnes vnum ſint ſicut tu Pater in me, & ego in te. Ideo Patres, qui videri poſſunt apud Ruiz diſput. 107. ſect. 2. docuerunt vnanimiter quamlibet Perſonam Diuinam eſſe in alia; ex quibus Auguſtinus lib. 6. de Trinitate cap. 10. dicit: Singula ſunt in ſingulis, & omnia in ſingulis, & ſingula in omnibus, & omnia in omnibus, & vnum omnia. Hanc mirabilem inexiſtentiam, per quam quælibet Diuina Perſona eſt in alia, Scholaſtici circuminfeſſionem vocarunt; & licet hoc nomen non inueniatur expreſſum apud antiquos Patres, tamen videtur originem habuiſſe à Dionyſio cap. 2. de Diuinis nominibus, vbi dicit: *Primariarum, principaliumque Perſonarum, ſi ita dicendum eſt, aliarum in alijs omnino coniuncta, & nulla ex parte conſuſa manſio, & ſedes. A ſede igitur dicta eſt ſeſſio, & quia eſt aliarum Perſonarum in alijs ſeſſio, dicta eſt circuminfeſſio, vt notat Ruiz.**

Héricus in ſumma, vt refertur à Scoto in 1. diſt. 19. q. 1. docuit vnā Perſonam diuinā eſſe in alia, non ſecundum ſe totam, ſed ſolum ſecundum eſſentiam, putā Patrem eſſe in Filio ſecundum eſſentiam, non autem ſecundum Paternitatem, adeoque non ſecundum ſe totum: & huic opinioni videtur conſentire Durandus in 1. diſt. 19. quæſt. 4.

4. Dicendum cum Scoto, alijsque communiter, quos refert, & sequitur Suarez lib. 4. de Trinit. cap. 16. & Vasquez disp. 169. cap. 2. quod licet vna Persona diuina sit in alia ratione essentiae, tamen secundum se totam, etiam secundum Personalitatem est in alia, eo pacto, quo licet anima sit in corpore per vnionem, tamen ipsa anima est in corpore. Ratio est, quia identitas in essentia est summa quaedam, & intima communicatio maior quacunque communicatione vnionis; ergo si per vnionem anima ipsa est in corpore, multo magis per identitatem essentiae, per quam essentia filij identificatur cum Patre, & cum Filio, Filius, eiusque Personalitas est intimè in Patre, & in Paternitate, & è conuerso. Filius igitur est in Patre, & è conuerso, non per inhaerentiam, eo pacto, quo accidens est in subiecto, sed vt ens substantiale, & subsistens in ente substantiali, & subsistente. Præterea, tota Trinitas, & omnes Personæ sunt in singulis Personis, puta omnes tres Personæ sunt in Patre, vt dicit Augustinus verbis citatis num. 3.

5. Addit S. Thomas 1. par. quaest. 42. art. 5. quod vna Persona est in alia, non solum ratione essentiae, sed etiam ratione originis, & ratione relationis. Filius enim, & Spiritus Sanctus procedunt per actiones immanentes; sed terminus actionis immanentis manet in producente; ergo Filius manet in Patre, & Spiritus Sanctus in Patre, & Filio; & è conuerso Pater est in

466 *De circuminſeſſione Perſonarum*

Filio tanquam in ſuo Verbo, & imagine intima ipſi Patri: Pater, & Filius ſunt in Spiritu Sancto, tanquam in ſuo amore ſibi intimo. Rurſus relatiua ſunt ſimul cognitione, adeoque vnum eſt in alio quoad cognosci; ſed omnes Perſonæ ſunt ad inuicem relatiuæ; ergo vna Perſona eſt in alia quoad cognosci; ideoque Chriſtus Io: 14. dixit: *Qui videt me, videt & Patrem meum*, & deindè ſubdit: *Ego in Patre, & Pater in me eſt*. Addi demum poteſt ex Ruiz diſp. 107. ſect. 7. quamlibet Perſonam diuinam eſſe in alia ratione immenſitatis.

6. Ad 1. nego ſequelam. Quia vna Perſona diuina eſt in alia per vnitatem eſſentiæ; nomina autem coniuncti, & uniti ſignificant aliquid minus vnitatem eſſentiæ; ideo Perſonæ diuinæ non debent dici coniunctæ, & unitæ, ſed debent dici vnum in eſſentia. Hinc eſt, vt Patres Concilij Alexandrini in epiſtola 10. apud Cyrilum dicant, *imò & coniunctionis nomen euitamus, tanquam non exiſtens idoneum, quod ſignificet unitatis arcanum*. Quia tamen non deſunt Theologi, qui loquentes de Trinitate, vtuntur nominibus coniunctionis, & unionis, ideo Vaſquez diſput. 131. eorum uſum non audet damnare.

7. Ad 2. nego antecedens. Explicatum enim eſt, quo pacto quælibet Perſona diuina ſit in alia, etiam ſecundum propriam Perſonalitatem. Debet tamen aduertiri, quod quælibet Perſona ſecundum eſſen.

essentiam est in alia constitutiue, siquidem qualibet Persona constituitur per essentiam communem, & per Personalitatem propriam; sed secundum Personalitatem non est in alia constitutiue; siquidem Persona Filij non constituitur per Personalitatem Patris, neque Persona Patris per Personalitatem Filij &c.

QVÆSTIO XCV.

Utrum Persona procedens sit Origine posterior producente?

1. **V**idetur, quod Persona procedens sit posterior origine respectu Principij, à quo procedit: effectus enim eo ipso, quod realiter procedit à sua causa, habet posterioritatem naturæ respectu causæ, quæ posterioritas est realis, ac non solum rationis; ergo Persona diuina eo ipso, quod realiter procedit à suo principio, est posterior origine respectu sui principij, prioritate, quæ est realis, ac non solum rationis.

2. Respondeo, quod omnes Scholastici cum S. Thoma 1. p. quæst. 42. art. 3. docent inter Personas diuinas dari ordinem naturæ, & originis consistentem in hoc, quod vna Persona à parte rei sit ab alia. Docent rursus Patrem, qui non est ab alia Persona, esse re ipsa primam Personam; Filium, qui est solum à prima Persona, esse secundam Personam; Spiritum

ritum Sanctum, qui est à prima, & secunda Persona, esse tertiam Personam. Positis his, superest quaestio de nomine, utrum Pater, sicut secundum originem est prima Persona, & Filius est secunda Persona, sic Pater debeat dici prior origine, & Filius debeat dici posterior origine secundum rem ipsam. Negant S. Thomas loco citato, S. Bonaventura, & plures alij; concedit Scotus, quem sequitur Vasquez disp. 167. c. 2.

3. In hac quaestione de nomine, sequor S. Thomam, ac dico inter Personas diuinas dari ordinem originis sine vlla prioritate, vel posterioritate reali, iuxta illud Athanasij in symbolo: *Et in hac Trinitate nihil prius, aut posterius*. Probatur: nam ex dictis quaest. 93. num. 22. licet vna Persona producat, altera producat, tamen producat non est causa, producta non est effectus, neque causata; ergo licet vna Persona producat, altera producat, tamen producat non est prior origine, producta non est posterior origine; ergo &c. Probatur consequentia; ideo enim Persona diuina producta non causatur, neque est effectus, quia ita producat, & procedit, ut non habeat imperfectionem effectus, & causati, quae consistit in hoc, ut neque identice sit ens à se, ac sibi sufficiens ad essendum: siquidem Persona diuina producta, cum identificetur cum essentia diuina, quae est à se, eo ipso identice est à se, & est sibi sufficiens ad essendum; sed Persona diuina producta ita
pro-

cedit à producente , vt non habeat imperfectionem posterioris origine , quæ consistit in hoc , vt ita procedat, vt neque identicè sit ipsum primum ens , ante quod nullum aliud est ; siquidem Personæ diuinæ productæ , cum identificentur cum essentia, quæ est primum ens , ante quod non est aliud ens , eo ipso identicè sunt primum ens , ante quod non est aliud ens ; ergo .

4. Infertur nomina primæ , secundæ , & tertiæ Personæ significare merum ordine sine vlla prioritate, vel posterioritate reali , licet quia cum nos nominamus Personas , prius nominamus primam , quam secundam , detur prioritas quædam rationis, non in ordine ad actum intelligendi ; (siquidem Personas vt potè relatiuas, simul intelligimus;) sed in ordine ad actum nominandi .

5. Ad argumentum in contrarium, concedo antecedens, & nego consequentiam ; Effectus causati ideo sunt posteriores natura suis causis , quia neque identicè sunt ipsum primum; sed Personæ diuinæ productæ sunt identicè ipsum primum; ergo non sunt origine posteriores producentibus .



QVAESTIO XCVI.

Vtrum, & quare Verbum sit Imago Patris, nascatur, generetur, & sit Filius naturalis Dei: Spiritus Sanctus non sit Imago, sed donum, ac non nascatur, nec generetur, nec sit Filius naturalis Dei.

S. Th. q. 27. a. 2. & 4.

1. **P**rimò videtur, quòd Verbum non sit propriè Filius, ac propriè non generetur. Ex Aristotele enim 5. phys. tex. 7. *Generatio est mutatio à non subiecto in subiectum, & à non esse ad esse, & fit ex aliqua materia; sed hæc repugnant Verbo; ergo &c.*

2. Secundò si Verbum esset propriè Filius, & propriè generaretur, etiam Spiritus Sanctus propriè generaretur, & esset Filius. Nam generatio propria Filij est origo viuentis à viuente, principio coniuncto, in similitudinem naturæ; sed processio Spiritus Sancti est origo viuentis à viuente, principio coniuncto, in similitudinem naturæ; siquidem Spiritus Sanctus ex vi processionis accipit naturam diuinam, & procedit vt Deus; ergo &c.

3. Tertiò videtur, quod non solum Verbum, sed etiam Spiritus Sanctus sit Imago. Imago enim est, quæ ita procedit ab exemplari, vt sit similis exemplari; sed

sed Spiritus Sanctus ita procedit à Patre ; & Filio, vt sit simillimus Patri, & Filio; ergo est imago Patris, & Filij .

4. Respondeo, quod explicatis his, quæ sunt diuinis Personis communia, sequitur, vt explicemus quæ sunt propria Verbi, & Spiritus Sancti .

5. Primò igitur Verbum procedit ab vna solum Persona, hoc est à Patre; Spiritus Sanctus procedit à duabus, hoc est à Patre, & Filio. Hinc sequitur primo, quod Verbum est secunda Persona; Spiritus Sanctus est tertia. Ratio est, quia prima Persona est, quæ non procedit ab alia; Persona, quæ procedit solum à prima, eo ipso est secunda; Persona, quæ procedit à prima, & secunda, eo ipso est tertia; sed Pater non procedit ab alia Persona; Verbum procedit solum à Patre; Spiritus Sanctus à Patre, & Verbo; ergo &c. Sequitur secundo, quod Verbum procedit per primam, Spiritus Sanctus per secundam processionem. Ratio est, quia processio non supponens aliam processionem, est prima; processio supponens aliam processionem, est secunda; sed processio Verbi non supponit processionem amoris, & ab illa supponitur; ergo &c.

9. Secundò Verbum accipit omnia, non solum essentialia, sed etiam notionalia producentis, excepto hoc, quod est, esse Patrem, seu producere Verbum. Patet. Nam Verbum non solum accipit Deitatem, sed etiam spirationem actiuam, per quam est vnus spirator cum Patre, vt explica-

plicabitur inferius ; sed esse spiratorem non est prædicatum essentialiale, sed notionale , cum non sit commune omnibus Personis ; ergo &c. At Spiritus Sanctus à Patre, & Filio accipit sola essentialia, nullum autem notionale Patris, & Filij, quod nimirum non sit omnibus tribus Personis commune .

7. Tertiò Verbum ex proprietate personali Verbi est solum actus intellectus, & est in linea intellectuali ; Spiritus Sanctus ex sua proprietate personali est solū actus voluntatis, & est in linea voluntatis . Ratio est, quia Verbum, & dictio passiva sunt actus intellectus, & sunt in linea intellectuali : inclinatio autem producentis in obiectum amatum, & spiratio passiva sunt actus voluntatis, & sunt in linea voluntatis : ergo &c.

8. Dixi Verbum ex sua proprietate personali esse solum in linea intellectuali, & esse solum actum intellectus, quia ex essentia est simul actus intellectus, & voluntatis, & est in vtraque linea ; siquidem essentia diuina est simul intellectio, & volitio, vt ostensum est quæst. 42. Ex eadem ratione Spiritus Sanctus ex essentia est simul actus intellectus, & voluntatis, & est in vtraque linea . Proportionaliter Pater ex proprietate personali Patris est solum in linea intellectuali, & constituitur intellectus notionalis actiuus ; ex notatione spirationis Pater, & Filius sunt in linea voluntatis, & constituuntur voluntas, seu volitio notionalis actiua . Ratio est, quia
dicere

dicere spectat ad lineam intellectus, spirare spectat ad lineam voluntatis; sed Pater per Paternitatem est dicens; Pater, & Filius per spirationem actiuam sunt spirantes; ergo &c. Omnes igitur tres Personæ per essentiã sunt in vtraque linea, intellectus, & voluntatis; Pater, & Filius per proprietates personales dicentis, & dicti sunt in sola linea intellectuali, per notionem communem spiratoris sunt in linea voluntatis; Spiritus Sanctus per proprietatem personalem spirati est in sola linea voluntatis. Hinc patet, in quo sensu Verbum producat per intellectum, Spiritus Sanctus per voluntatem. Dicendum, quod Verbum producit per intellectum, quia producit per principium, quod licet per essentiam sit simul in linea intellectus, & voluntatis, tamen constituitur principium Verbi per notionem dicentis, quæ est in linea solius intellectus. At Spiritus Sanctus producit per voluntatem, quia producit per principium, quod constituitur principium Spiritus Sancti per notionem spirantis, quæ est in linea solius voluntatis. Ex proportionali ratione licet Verbum per essentiam sit simul intellectio, & amor, quia constituitur in ratione Verbi per notionem dicti, quæ est in linea solius intellectus, est actus intellectus, non voluntatis: Spiritus Sanctus, quia constituitur Spiritus Sanctus per notionem spirati, quæ est in linea voluntatis, est actus voluntatis, non intellectus. Rursus Verbum producit intelligendo, non autem amando, quia produci-

tur

474 *De generatione, & spiratione*
tur actione, quæ est in linea intellectus :
Spiritus Sanctus producit^{ur} amando, quia
producit^{ur} actione, quæ est in linea volun-
tatis.

9. Quartò Verbum est propriè imago,
Spiritus Sanctus non est propriè imago .
Ratio est , quia omnis actus intellectus, si
ad eius imitationem aliquid producat^{ur} ,
est exemplar ; si autem ipse producat^{ur} ad
imitationem obiecti distincti , à quo pro-
cedat , propriissimè est imago talis obiecti ;
è conuerso actus voluntatis ex sua ratione
non est imago ; sed Verbum ex sua ratione
est actus intellectus , & est in linea intelle-
ctuali , ac producit^{ur} ad imitationem Pa-
tris , à quo procedit ; Spiritus Sanctus est
actus voluntatis ; ergo &c. Hinc est , vt
Apostolus ad Coloss. 1. de Filio dicat :
Qui est imago Dei inuisibilis ; & ad Hæb. 1.
Qui cum sit splendor gloria, & figura substan-
tia eius, Græcè Hypostaseos , hoc est Per-
sonæ . Figura autem rei est imago rei . At
Spiritus Sanctus nullibi in scripturis voca-
tur imago .

10. Dices primò: ad imaginem sufficit,
vt sit similis alteri ; sed Spiritus Sanctus
est simillimus Patri, & Filio; ergo est ima-
go Patris, & Filij .

11. Respondeo negando maiorem. Vt
enim ex S. Augustino lib. 83. quæst. 73. &
74. docet S. Thomas 1. par. quæst. 3. ar. 1.
ad imaginem non sufficit similitudo, sed re-
quiritur origo . Ideo licet duo ona sint si-
millima , tamen vnum non est imago alte-
rius, quia non procedit ab illo .

12. Di-

12. Dices secundò: saltem ad imaginem sufficit, vt vnum procedat ab altero, tanquam simile illi; sed Spiritus Sanctus procedit à Patre, & Filio, tanquam illis simillimus; ergo est imago Patris, & Filij.

13. Respondeo nego maiorem, ac dico ad imaginem non sufficere, vt procedat ab altero tanquam simile illi, sed requiri, vt procedat per actionem assimilatiuam, expressiuam, & imitatiuam illius. Patet. Nam cum quis reflexè cognoscit suum amorem, illumque amat, tum cognitio, tum amor amoris procedit ab amore, tanquam ab obiecto, & amor procedit vt similior amor, quam cognitio, & tamen cognitio amoris est imago amoris, amor amoris non est imago amoris, non ex alia ratione, nisi quia cognitio amoris procedit ab amore per actionem assimilatiuam, expressiuam, & imitatiuam amoris; amor amoris procedit per actionem non imitatiuam, neque expressiuam, seu assimilatiuam, sed vnitiuam; ergo licet tum Verbum tum Spiritus Sanctus procedant tanquam similes producenti, tamen quia Verbum procedit per actionem de linea intellectus, ac proinde assimilatiuam, imitatiuam, & expressiuam, Spiritus Sanctus procedit per actionem de linea voluntatis, ac proinde non imitatiuam, neque expressiuam, Verbum procedit vt imago, Spiritus Sanctus non procedit vt imago.

14. Dices tertio: omne agens, eo ipso quod producit, producit per actionem assimilati-

assimilatiuam: ideoque dicitur, quod omne agens agit ad assimilandum sibi suum effectum; sed Pater, & Filius produciunt Spiritum Sanctum ipsis simillimum; ergo.

15. Respondeo, distingo maiorem: omne agens naturale, concedo: omne agens intentionale, nego. Agentia naturalia habent vnum tantum modum agendi, nimirum per actionem assimilatiuam, ideoque eo ipso, quod produciunt simile, produciunt per actionem assimilatiuam, & imitatiuam. At agentia intentionalia habent duos modos agendi, cognoscitiuum nimirum, qui est per assimilationem, imitationem, & expressionem obiecti, & appetitiuum, qui est per inclinationem in obiectum; sed Deus ad intra agit intentionaliter per intellectum, & voluntatem; ergo agit per duas actiones, alteram de linea intellectus, quæ est assimilatiua, & imitatiua, & per hanc producit Verbum, qui est imago Patris; alteram de linea voluntatis, quæ non est imitativa, sed inclinatiua, & per hanc producit Spiritum Sanctum, qui non est imago, sed inclinatio, & unio Patris cum Filio. Istæ duæ actiones differunt ex suo modo tendendi, earumque differentiam, quam experimur in nobis, applicamus actionibus diuinis ad intra, ac dicimus Deum habere duos modos agendi ad intra.

16. Circa nomen imaginis aduertit S. Thomas 1. par. quæst. 35. art. 1. & 2. quod sumitur tripliciter. Primo sumitur

tur improprie , prout confunditur cum exemplari ; & in hoc sensu est nomen essentialiale commune omnibus Personis Diuinis , quæ ratione essentiaæ sunt exemplar , ad cuius imitationem factus est homo . In hoc sensu loquitur S. Augustinus , vel potius Fulgentius lib. de fide ad Petrum , cap. 1. dicens : *Vna est Sanctæ Trinitatis Diuinitas , & imago, ad quam factus est homo* . Secundo potest sumi communiter, in quantum significat productum perfecte simile producenti ; & sic nomen Imaginis est notionale commune Filio , & Spiritui Sancto , non autem Patri . In hoc sensu Damascenus lib. 1. de fide cap. 18. dicit : *Spiritus Sanctus est imago Filij* . Eodem pacto loquuntur plures alij Patres Græci . Tertiò potest sumi proprie , in quantum significat productum, quod ita est simile producenti , vt ex propria ratione procedat tanquam expressiuum , & representatiuum producentis ; & sic nomen imaginis est proprium Filij . In hoc sensu Patres Latini , & ex Græcis Athanasius dicunt solum Filium esse imaginem . In Epistola enim de Decretis Synodi Nicenæ paulo ante medium dicit : *Et quandoquidem vnus est Deus , necesse quoque est vnam esse eius imaginem, quæ est Filius* . Idem docet alijs locis .

17. Quintò Spiritus Sanctus est primum donum , Filius non est primum donum, vt docet S. Thomas 1. par. q. 38. à 1. & 2. Ratio est, quia donum dicitur, quod ita est alicuius, vt possit alteri liberaliter dari,

dari, ità vt ab illo, cui datur, habeatur, & possideatur; & quia omne, quod datur alteri liberaliter, datur ex amore, ideo amor, quo volumus alteri donare, est primum donum; sed Spiritus Sanctus est Patris, & Filij per processionem, & ex sua proprietate personali est amor; Filius licet sit Patris per processionem, tamen ex sua proprietate personali non est amor, sed Verbum; ergo Spiritus Sanctus est primum donum, Filius non est primum donum. Licet igitur etiam Filius sit donum, & de facto fuerit à Patre datus mundo, tamen non fuit datus vt primum, sed vt secundum donum; ideoque Ioan. 3. dicitur: *Sic Deus dilexit mundum, vt Filium suum Vnigenitum daret*, quia diligendò mundum, dedit amorem, seu Spiritum Sanctum, vt primum donum, & ex amore dedit Filium, vt secundum donum.

18. Tria debent aduerti. Primum est, quod quia donum debet esse dantis; dupliciter autem potest aliquid esse dantis; primò per identitatem secundo per processionem, donum in diuinis dicitur dupliciter: primò quod est dantis per identitatem; secundo quod est dantis per processionem. Donum in quantum est dantis per identitatem, est nomen essentiale, & commune omnibus Personis; siquidem qualibet Persona, etiam Pater, in quantum est sui ipsius per identitatem, potest dare se ipsum. Si donum sumatur in quantum est dantis per processionem, est nomen notionale commune, sed solum Filio, & Spiritui

tui Sancto ; siquidem Filius, cum sit Patris per processionem, potest donari à Patre ; & Spiritus Sanctus donari potest à Patre, & Filio ; at Pater cum nullius sit per processionem, donari non potest . Rursus in hoc secundo sensu Pater potest donare Filium, & Spiritum Sanctum, sed ipse donari non potest, ideoque potest esse donans, non potest esse donum : Filius potest donari à Patre, & donare Spiritum Sanctum, ac proinde & potest esse donum Patris, & potest esse donans Spiritum Sanctum : Spiritus Sanctus potest donari à Patre, & Filio, sed non potest donare ullam Personam, ideoque potest esse donum, sed non potest esse donans. Secundo debet aduerti, quod Personæ Diuinæ possunt donari solis creaturis rationalibus . Ratio est, quia donum illi soli potest donari, quod est capax eo fruendi, vel vtendi, prout voluerit ; sed solæ creaturæ rationales sunt capaces fruendi Personis diuinis, illas cognoscendo, & amando, & vtendo effectibus earum ; ergo &c. Tertio debet aduerti, quod Spiritus Sanctus dicitur donum primum, non solum ex eo, quod actu donetur, sed etiam ex eo, quod aptum est donari vt primum donum .

19. Sexto Verbum propriè nascitur, eiusque processio est propria natiuitas, ideoque iuxta Symbolum Nicanum credimus in *Filium Dei Vnigenitum, & ex Patre natum ante omnia secula* . At Spiritus Sanctus non nascitur, eiusque processio non est

est natiuitas. Conclusio est de fide. Vt eius rationem afferam ex P. Antonio Perez. disput. 3. de Deo cap. 1. num. 66. præmittendum est ex Aristotele 5. Metaph. cap. 4. quid sit nasci, & quid natiuitas. *Nasci* (Verba sunt Philosophi) dicuntur, *Quæcunque incrementum per aliud habent, tangendo, & connascendo, aut adnascendo, sicut embriones.* Ex Aristotele igitur duæ conditiones requiruntur ad nasci. Prima, vt res oriatur ex principio, vt illi coniuncta; secunda vt propter hanc coniunctionem habeat aliquod incrementum, ideoque explicando has conditiones, definiri potest natiuitas: *Per quam aliquid procedit ex suo principio, tanquam illi coniunctum, ita vt propter ipsam coniunctionem habeat aliquod incrementum.* Patet inductione in omnibus, quæ propriè dicuntur nasci. Herbx, & Plantæ dicuntur nasci ex terra, quia originem ducunt ex terra, ita vt maneant illi coniunctæ per radices, & sic accipiant aliquod incrementum: ex proportionali ratione animalia dicuntur nasci ex vtero, & in vtero matrû: Pili, Capilli, Nactæ dicuntur nasci in corpore animalis; sed Verbum ità procedit à Patre, tanquam à principio, coniuncto per identitatem naturæ, & spirationis actiuæ, vt propter identitatem spirationis actiuæ accipiat aliquod incrementum personale in sua natura, per quod natura Verbi propagatur in Spiritum Sanctum: e conuerso Spiritus Sanctus ita procedit à Patre, & Filio, vt nullumumat incrementum; siquidem producto Spiritu Sancto, natura diui-

diuina non communicatur alteri Personæ; ergo &c. Nec obstat, quod Verbum summat incrementum personale in sensu quodam analogico. Nam omnia nomina in quantum dicuntur de Deo, & creaturis, dicuntur non omnino vniuocè, sed secundum quandam analogiam, per quam abstrahuntur ab omnibus imperfectionibus, vt docet S. Thomas 1. parte quaestione 13. art. 5.

20. Debet aduerti, quod ad natiuitatem non requiritur, vt quod nascitur summat actualiter aliquod incrementum, sed sufficit, vt summat aptitudinaliter, seu debeat sumere, etiam si per accidens non sumat, eo quod aliquid accadat præter naturam. E. g. si fingamus plantam aliquam exsiccare, & mori statim, ac prodijt ex terra, absque eo quod sumat vllum incrementum, nihilominus propriè nascitur, quia debuit sumere incrementum, licet per accidens non sumpserit.

21. Septimò Verbum ità nascitur, vt eius natiuitas sit simul conceptio, & partus, ideoque simul concipitur, & paritur. Hinc est, vt Verbum, seu Sapientia genita Prouerb. 3. de se ipsa dicit: *Nondum eram abyssi, & ego iam concepta eram*; & paulo post: *Ante omnes colles ego parturiebar*. Ratio est, quia vt colligitur ex S. Thom. 4. contra Gentes cap. 11. Conceptio est natiuitas, per quam viuens cognoscitium ità procedit ab alio viuento cognoscitio, vt maneat illi coniunctum; partus est natiuitas, per quam viuens cognoscitium

ita procedit ab alio viuente cognoscitiuo, vt accipiat vltimam distinctionem à generante, quam potest, ac debet habere, vt perfectè subsistat in se ipso; sed Verbum Diuinum per eandem natiuitatem ità procedit à Patre, vt maneat in Patre, & vt accipiat vltimam distinctionem à Patre, quam potest, ac debet habere, vt perfectè subsistat; ergo simul concipitur, & paritur. In creatis nihil simul concipitur, & paritur. Ratio est, quia viuientia cognoscitiua creata, vt perfectè subsistant in se ipsis, debent separari ab vtero concipientium, ideoque tunc accipiunt vltimam distinctionem localem, quam possunt, ac debent habere, cum egrediuntur, & separantur ab vtero; sed non possunt simul manere in concipiente, & separari à concipiente ad accipiendam vltimam distinctionem, quam possunt habere; ergo &c. Spiritus Sanctus, quia non nascitur, ideo neque concipitur, neque paritur, siquidem tum conceptio, tum partus debet esse quædam natiuitas.

22. Dices: concipere, & parere, est proprium matris, & non conuenit patri; ergo &c.

23. Respondeo, distinguo autecedens: concipere, & parere per modum principij purè actiui, nego: per modum principij passiuui, & receptiui, concedo: & nego consequentiam. De ratione matris est, vt non sit principium purè actiuum, sed passiuum, & receptiuum; sed Deus generat, concipit, & parit Verbum vt principium
purè

purè actiuum, ac purè dando, & agendo, non autem patiendo, & recipiendo; ergo &c. Videri potest S. Tho. 4. contra Gentes cap. 11. in fine.

24. Debet aduerti, quod inferiora, quia concipiuntur, nascuntur, generantur, & pariuntur cum aliquo motu, & cum aliqua successione, ideo dum concipiuntur, adhuc non sunt perfectè concepta, cum generantur, nascuntur, & pariuntur, non sunt perfectè generata, nata, & parta; & rursus cum iam sunt perfectè concepta, genita, nata, & parta, desinunt concipi, generari, nasci, & pari. E conuerso quia Verbum Dei generatur sine vlllo motu, & sine vlla successione, ita ab æterno, & semper concipitur, generatur, paritur, & nascitur, vt ab æterno, & semper sit perfectè conceptum, generatum, natum, & partum, & nunquam desinat generari, nasci, concipi, & pari, siquidem generatur generatibne æterna, quæ proinde nunquā desinit esse. Ideo vt S. Thomas aduertit 4. contra Gentes cap. 11. Prouerb. 8. Sapientia genita cum de se dixisset: *Ante omnes colles ego parturiebar*, ne quis cogitaret, quod dum parturiebatur, non erat perfectè nata, & perfectè existens, addit: *Quando preparabat Celos, aderam*; & paulo post: *Cum eo eram cuncta componens*, quia cum parturiebatur, erat perfectè nata, & perfectè operans. Proportionaliter Spiritus Sanctus semper spiratur, & semper est perfectè spiratus. Explicatur exemplo lucis existentis in Sole, quæ quia

484 *Degeneratione, & Inspiratione*
producitur sine motu, & sine successione,
semper producitur, & semper est perfecte
producta, & nunquam desinit produci; &
si Sol fuisset ab æterno, & duraret in æter-
num, lux ab æterno fuisset producta, & in
æternum produceretur.

25. Octavo Verbum est propriè Filius,
& propriè genitus, Spiritus Sanctus neque
est Filius, neque genitus, ideoque in Sym-
bolo Atanasij de Spiritu Sancto dicitur:
*Spiritus Sanctus à Patre, & Filio, non fa-
ctus, nec creatus, nec genitus, sed procedens.*
Conclusio est de fide. Nam Ioan. 1. de
Verbo dicitur: *Unigenitus, qui erat in*
sinu Patris, ipse enarrauit; Ioann. 4. *Sic*
Deus dilexit mundum, ut Filium suum
Unigenitum daret; ideoque in Symbolo
Apostolorum confitemur nos credere: *In*
Iesum Christum Filium eius, hoc est Dei
unicum, & in Symbolo Nicæno confitemur
nos credere *In Iesum Christum Filium*
Dei unigenitum; si autem etiam Spiritus
Sanctus esset Filius, vel esset genitus, Chri-
stus non esset Filius Dei unicus, nec uni-
genitus.

26. Plures Patres, & Scholastici, quos
referunt Suarez lib. 11. de Trinitate cap. 5.
& Vasquez disput. 113. cap. 3. asserunt ra-
tionem, quare Verbum sit Filius, Spiritus
Sanctus non sit Filius, ita excedere captum
nostrum, ut neque sit quærenda, sed so-
lum sit credenda. Verum quia iidem Pa-
tres, & Scholastici, supposita fidu, cona-
ti sunt aliquam rationem asserre huius my-
sterij, debemus etiam nos eorum vesti-
gijs

gijs insistere. Plurimæ rationes videri possunt apud Vasquez 1. par. disp. 113. cap. 4. 5. & 6. & apud Antonium Perez disp. 3. de Trinit. cap. 1. Nos duas afferemus, quibus acquiescimus.

27. Prima ratio allata à S. Augustino lib. 5. de Trinit. cap. 14. est, quia Verbum procedit, & exit à Patre, ut natum; Spiritus Sanctus non procedit ut natus, sed ut datus. Explicatur. Licet non omne, quod nascitur, sit Filius, siquidem vermes nascuntur ex nobis, & non sunt nostri Filij, tamen de ratione Filij est, ut nascatur; sed Verbum nascitur, & habet alias conditiones requisitas à Filij, Spiritus Sanctus non nascitur, ut ostensum est num. 19. ergo &c.

28. Dices generatio propria Filij definitur à S. Thoma 1. p. quæst. 27. ar. 2. *Origo viuentis à viuento, principio coniuncto, in similitudinem naturæ*; sed processio Spiritus Sancti est talis; ergo.

29. Respondeo vno verbo, quod ly. *Origo* sumitur pro eodem, ac natiuitas; sed processio Spiritus Sancti non est natiuitas; ergo nec propriè est origo.

30. Ut proponam secundam rationem principalem, explicanda est definitio allata generationis, quæ continet tres particulas. Et quia prima *Origo viuentis à viuento*, est iam explicata, debemus explicare duas alias. Per secundam igitur particulam *principio coniuncto*, explicatur differentia generationis viuentium à generatione non viuentium. Viuentia enim gene-

rant, principio coniuncto, hoc est ex aliquo suæ substantiæ, puta ex semine per actionem vitalem deciso. At non viuientia generant ex principio non coniuncto, hoc est non ex aliquo suæ substantiæ, sed ex materia extranea, eo pacto, quo ignis generat ignem ex lignis, vel ex alia materia extranea. Tum Filius, tum Spiritus Sanctus proculdubio procedunt principio coniuncto, cum producantur non de particula substantiæ, sed de tota essentia, & substantia producentis, per actionem vitalem intellectus, & voluntatis illis communicata. Per tertiam particulam *in similitudinem naturæ*, significatur, quod procedens debet procedere per actionem assimilatiuam, seu imitatiuam, & expressiuam, & ita vt accipiat naturam Patris. Et quidem de ratione Filij naturalis non degeneris, neque monstrosi est, vt sit consubstantialis Patri, & eiusdem cum Patre substantiæ, saltem specie: e. g. Filius equi non degener, neque monstrosus, est consubstantialis equo, & est verus equus: & quia mulus ita vult Filius equi, vt non sit equus, nec habeat naturam eiusdem speciei infimæ cum equo generante, est Filius degener, & monstrosus; & cum genitum degenerat ita, vt habeat naturam valdè dissimilem generanti, amittit nomen Filij, ideoque Vermes, qui nascuntur ex homine, vel equo, quia sunt valdè dissimiles, non sunt Filij hominis, aut equi.

31. His positis, secunda ratio, propter
quam

quam Verbum est Filius, Spiritus Sanctus non est Filius, est, quia ad Filium requiritur, ut sit vivens procedens à vivente, principio coniuncto, in similitudinem naturæ, hoc est per actionem assimilatiuam, & imitatiuam, per quam accipiat naturam specie saltem eandem; sed Verbum est vivens procedens à Patre vivente, principio coniuncto, per actionem de linea intellectus, ac proinde assimilatiuam, imitatiuum, & expressiuam, per quam accipit naturam, non solum specie, sed numero eandem cum natura Patris; ergo Verbum est propriissimè Filius, & propriissimè generatur: Spiritus Sanctus è conuerso non procedit per actionem assimilatiuam, expressiuam, & imitariuam, sed per actionem inclinatiuam; ergo licet habeat cæteras condiciones, non generatur, nec est Filius.

32. Dices primò: ad Filium requiritur, ut sit Patri similis in natura: sed Verbum non est Patri simile in natura; nam ad similitudinem in natura requiritur identitas specifica, & distinctio numerica naturarum; natura autem Patris, & Verbi non distinguuntur numero; ergo &c.

33. Respondeo nego minorem. Ut duo sint similes in albedine e. g. requiritur, & sufficit, quod ita distinguantur, ut eorum albedo sit vna specie, vel numero: ex. gr. si Petrus, & Paulus sint albi per eandem numero albedinem replicatam in utroque, sunt similes in albedine; ergo etiam ut duo sint similes in natura, sufficit, ut ita di-

stinguantur, vt eorum natura sit vna specie, vel numero: sed tres Personæ diuinæ ita distinguuntur, vt earum natura sit vna numero; ergo sunt similes in natura. Confirmatur, nam tres Personæ Diuinæ sunt æquales in Natura, Sapientia, Bonitate &c. licet habeant eandem numero naturam, Sapientiam, Bonitatem; ergo etiam sunt similes in natura, licet habeant eandem numero naturam.

24. Dices secundò: in creatis eo ipso, quod procedens accipit à producēte eandem naturam, procedit in similitudinem naturæ; ergo etiam in Deo: sed Spiritus Sanctus accipit eandem numero naturam; ergo &c.

35. Respondeo, concedo antecedens, & nego consequentiam. Disparitas est, quia in creatis non datur alia processio substantialis, quam merè naturalis; omnis autem processio merè naturalis est assimilatiua, vt dictum est num. 15. At in Deo dantur duæ processiones substantiales intentionales, altera per intellectum, quæ est assimilatiua, altera per voluntatem, quæ est purè inclinatiua, & non assimilatiua; ergo non est mirum, quod Spiritus Sanctus licet per processionem accipiat naturam producentis, tamen quia procedit per voluntatem, non procedat per processionem assimilatiuam, sed purè inclinatiuam, ideoque non sit Filius.

36. Hinc soluitur argumentum hæreticorum, qui vt referunt Athanasius Epistola 2. de Spiritu Sancto ad Serapionem,
& Gre-

& Gregorius Nazianzenus orat. 5. de Theologia prope initium, impugnabant Diuinitatem Spiritus Sancti ab absurdo, & sic arguebant. Si Spiritus Sanctus esset Deus, procederet in similitudinem naturæ, adeoque esset Filius; vel ergo procederet à solo Patre, & Pater haberet duos Filios, ac proinde Verbum, ac Spiritus Sanctus essent fratres: vel procederet à solo Filio, & sic esset Filius filij, ac nepos Patris; vel procederet à Patre, & Filio, & cum non posset habere duos Patres, alter esset Pater, alter Mater, quæ sunt absurda. Respondetur vnico verbo Spiritum Sanctum ita procedere vt Deum, vt non sit Filius, adeoque argumentum fundatur in falso supposito.

37. Infertur primò secundam, Personam eo esse Filium, quo Verbum, iuxta illud Augustini lib. 7. de Trinit. cap. 2. *Bo quippè Filius, quo Verbum, & eo Verbum, quo Filius*. Ratio est, quia secunda Persona est Verbum, in quantum procedit per intellectum, ac proinde per actionem assimilatiuam; sed eo ipso, quod procedit per actionem assimilatiuam, & vs consubstantialis Patri, est Filius naturalis Dei Patris; ergo &c. Spiritus Sanctus è conuerso eo ipso, quod non procedit vt Verbum, non procedit per actionem assimilatiuam, adeoque non est Filius.

38. Infertur secundò, quod secunda Persona eo est Filius, quo imago. Nam, in tantum est imago, in quantum procedit per actionem imitatiuam exemplaris; sed

eo ipso, quod procedit per actionem imitativam exemplaris, & ut consubstantialis exemplari, est Filius; ergo &c. Et quidem plures Patres, quos refert Vasquez disp. 113. cap. 7. rationem, quare secunda Persona sit Filius, tertia non sit Filius, desumpserunt ex eo, quod secunda Persona est imago Patris, tertia non est imago Patris. Athanasius in Epistola de Decretis Synodi Nicænæ, de Filio loquens dicit: *Si eum imaginem nomines, Filium hoc ipso esse iudicaveris. Quid enim simile Deo, nisi sua ipsius progenies?* Nazanzienus orat. 4. de Theol. Brevis, & compendiosa, facilisque Paternæ naturæ declaratio est Filius. Omne enim quod genitum est, genitorem suum tacita quadam voce definit. Anselmus in Monologio cap. 53. *Sicut Verbum mox ut consideratur, se prolem esse eius, à quo procedit, evidentissimè probat, promptam præferendo Patris imaginem; sic amor aperte se prolem negat.* Eandem rationem attulit S. Thomas 4. contra gentes, cap. 11. dicens: *Non enim sic esse imaginem alicuius, ut eiusdem naturæ cum illo sit, in aliquo invenitur, qui Filius dici non potest.*

39. Infertur tertio, quod Verbum Dei non solum est imago Patris, sed etiam est imago, qua non potest excogitari perfectior, & similior exemplari; & proportionaliter non solum est Filius, sed est Filius, quo non potest excogitari perfectior, & similior Patri. Ratio est, quia non potest excogitari imago perfectior, & similior, quam quæ convenit cum exemplari in omnibus,

nibus, exceptis ijs, in quibus exemplar, & imago debent relatiuè opponi; sed exemplar, & imago debent relatiuè opponi in hoc, quod exemplar est, ad cuius imitationem procedit imago, imago verò est, quæ procedit ad imitationem exemplaris; ergo non potest excogitari imago perfectior, & exemplari similior, quam quæ conuenit cum exemplari in omnibus, exceptis his; sed Verbum, & Pater conueniunt in omnibus, excepto hoc, quod Pater, est ad cuius imitationem Verbum procedit, Verbum est, quod procedit ad imitationem Patris; ergo &c. Rursus non potest excogitari Filius similior Patri, quàm qui conuenit cum Patre in omnibus, excepto hoc, quod est *esse Patrem*, & *esse Filium*, in quibus Pater, & Filius ex sua ratione debent opponi; sed Verbum, & Pater conueniunt in omnibus, excepto hoc, quod est *esse Patrem*, & *esse Filium*; ergo &c.

40. Infertur quarto contra Arrianos, quod ad hoc, vt secunda Persona sit Filius naturalis Dei, requiritur, vt sit verus Deus æqualis, & consubstantialis Patri. Primo enim de ratione Filij naturalis non degeneris, neque monstrosi est, quod sit consubstantialis Patri, & eiusdem cum Patre essentiæ, saltem specie: e. g. Filius equi non degener, neque monstrosus est consubstantialis equo, & est verus equus; & quia mulus ita est Filius equi, vt non sit equus, est Filius degener, & monstrosus; sed vt constat ex Scripturis, Verbum

est Filius naturalis Dei; ergo est; consubstantialis, ac verus Deus, & si non esset verus Deus, esset infinitè degener, & infinitè monstruosus, ac Deus Pater generaret monstrum, vt contra Arrianos arguit Augustinus Serm. 51. de Verbis Domini, vbi dicit. *Audite quanta blasphemia sit dicere unicum Dei Filium esse alterius substantia. Prorsus si ita est, degener est.* Ostendit deinde hanc blasphemiam non solum esse contumeliosam Filio, sed etiã Patri, & inducit Patrem irascentem, ac contra Arrianos dicentem. *Ergo ego Filium degenerem generaui? ergo si aliud sum, aliud generaui, monstrum generaui.* Secundo de ratione Filij est, vt possit peruenire ad æqualitatem Patris; alioquin esset essentialiter degener; sed Verbum non est Filius degener; ergo potest peruenire ad æqualitatem Patris; sed cum sit incapax mutationis, non potest de nouo acquirere hanc æqualitatem; ergo ab æterno est æqualis Patri; alioquin esset essentialiter degener, vt loco citato arguit Augustinus.

41. Pro complemento quæstionis, superest, vt breuiter afferamus alias rationes Patrum, & Scholasticorum, propter quas Spiritus Sanctus non est Filius.

42. Prima ratio Basilij lib. 5. contra Eunomium c. 12. est. Spiritus Sanctus non est Filius, ne detur Filius Filij, & sic oriatur suspicio, quod sint infiniti, vel saltem innumerabiles Filij. Potest explicari. Cum enim per primam processionem generetur Fi-

Filius perfectus in ratione Filij, per secundam non debet produci Filius, sed Persona, quæ filius non sit; alioquin deberent produci infiniti Filij.

43. Secunda ratio Nazianzeni lib. 5. de Theol. est. Non eo ipso, quod vnum procedit ab alio, & accipit eandem, vel similem naturam, est Filius, vt patet exemplo Eux, quæ ita processit ab Adamo, vt acceperit eandem naturam in specie, & tamen non fuit Filia Adami; ergo licet Spiritus Sanctus procedat, & accipiat eandem naturam, non sequitur, quod sit Filius.

44. Tertia ratio similis affertur à Bernardo Epistola 190. ex eo, quia non omne, quod de aliqua substantia est, continuo ipsum, à quo est, habet generatorem, vt patet exemplo Vermium.

45. Quarta ratio S. Augustini lib. 15. de Trinitate cap. 26. est. De ratione Filij est, vt vel procedat ab vnico Parente, eo pacto, quo quædam Animalia, in quibus non distinguitur sexus, procedunt ab vnico Parente; vel si procedit à duobus, non vterque sit Pater, & principium purè actiuum, sed alter sit Pater concurrens actiuè, altera sit Mater concurrens etiam passiue, & præbens materiam genito; sed Verbum procedit ab vno tantum, Spiritus Sanctus à duobus, quorum vterque est principium purè actiuum, adeoque si esset filius, vterque deberet esse Pater, quod repugnat; ergo &c.

46. Quinta ratio est Riccardi de Sancto

494. *De generatione, & spiratione*
ſto Victore lib. 6. de Trinit. cap. 18. 19.
& 20. quam ex Scholaſticis affert etiam
Alenſis, & Maior: de ratione Filij eſt, vt
ſit imago, & figura Patris, etiam in hoc,
vt poſſit naturam alteri communicare; ſed
Verbum in hoc eſt ſimile Patri; cum poſ-
ſit naturam communicare alteri Perſonæ;
hoc eſt Spiritui Sancto, Spiritus Sanctus e-
conuerſo; ergo &c.

47. Sexta ratio S. Bonauenturæ in 1.
diſt. 13. quaſt. 2. ad primum, & Riccardi
eadem diſt. 13. art. 1. quaſt. 3. eſt: de ratio-
ne Filij eſt, vt procedat modo naturali,
non autem modo voluntatis; ſed Verbum,
cum procedat per intellectum, procedit
modo naturali, Spiritus Sanctus cum pro-
cedat per voluntatem, procedit modo vo-
luntatis; ergo &c. Addit Durandus in 1.
diſt. 4. quaſt. 1. Illud, quod procedit ab
vno tantum per ſe ſufficiente, procedere
modo naturæ; illud quod procedit à plu-
ribus, quorum vnumquodque per ſe eſſet
ſufficiens, procedere modo voluntatis, quia
proprium voluntatis eſt attemperare con-
curſum; ſed Verbum procedit ab vno ſuf-
ficiente; Spiritus Sanctus à duobus, hoc
eſt à Patre, & Filio; ergo &c.

48. Septima ratio Scoti eſt, Proc. ſi-
ſionem Filij, & Spiritus Sancti primo dif-
ferre ſe ipsis per hoc, quod altera ſit ge-
neratio, altera non ſit generatio, adeo-
que non eſſe quarendam aliam ratio-
nem.

49. Octaua ratio Caietani 1. parte
quaſt. 27. art. 4. & Ferrarienſ. 4. contra
Gen-

Gentes cap. 11. est. Verbum est Filius, quia ex vi processionis accipit naturam Diuinam, adeoque procedit in similitudinem naturæ: Spiritus Sanctus non est Filius, quia licet accipiat naturam Diuinam, non accipit illam ex vi processionis, sed quasi concomitanter. Explicatur. Intellectio, & amor virtualiter in Deo distinguuntur: & quia Intellectio est primum prædicatum; amor est secundum prædicatum supponens intellectionem, (nihil enim volitum, quin præcognitum), natura autem consistere debet in primo prædicato, idè intellectio est formaliter natura Dei, amor non est formaliter natura, sed est proprietas consequens naturam; sed Verbum cum procedat per intellectum, ex vi processionis habet intellectionem, adeoque habet naturam, amorem autem accipit concomitanter, quia est realiter idem cum intellectione: Spiritus Sanctus cum procedat per voluntatem, ex vi processionis accipit esse amorem, adeoque non accipit naturam, sed proprietatem, intellectionem autem, seu naturam accipit concomitanter; ergo &c.

50. Omnes istæ rationes, excepta vltima, afferunt aliquod verum discrimen inter Verbum, & Spiritum Sanctum, adeoque possunt trahi in bonum sensum. At vltima cum supponat distinctionem virtua-lem intrinsecam inter intellectionem, & amorem essentialem, quam reiecimus supra quæst. 22. fundatur in falso. Adde difficile esse, quod Spiritus Sanctus ex vi pro-

processionis non accipiat per se naturam
 Diuinam, sed illam accipiat quasi conco-
 mitanter, & per accidens. Deus enim,
 cum producat Spiritum Sanctum ex amo-
 re, per se illi communicat summum bo-
 num, hoc est ipsam Deitatem. Videri
 possunt Vasquez 1. parte disp. 113. cap. 3.
 4. 5. & 6. & P. Antonius Perez disp. 3. de
 Trinit. cap. 1.

51. Ad 1. distinguo maiorem: gene-
 ratio communis, prout opponitur corrup-
 tionem, definitur *mutatio ex non subiecto in
 subiectum*, concedo; generatio propria
 viuientium, nego maiorem: & distinguo
 consequens; ergo Filius non generatur ge-
 neratione communi, concedo; generatio-
 ne propria viuientium, nego consequen-
 tiam. Generatio communis est species
 mutationis. Nam mutatio ab Aristotele 5.
 physic. text. 7. diuiditur in generationem,
 quæ est *mutatio à non subiecto in subiectum*;
 corruptionem, quæ est *mutatio à subiecto
 in non subiectum*: & motum, qui est *muta-
 tio à subiecto in subiectum*. Hæc generatio
 proculdubio non conuenit Filio Dei, qui
 est omninò immutabilis, sicut Pater. At
 præter generationem communem datur
 generatio propria viuientium, quæ abstra-
 hit à mutatione: & hæc conuenit Filio Dei,
 vt ostensum est. Videri potest S. Thomas
 1. parte q. 27. art. 2. in corpore.

52. Ad 2. Iam allata est ratio, quare
 Spiritus Sanctus non sit Filius, & non ge-
 neretur.

53. Ad 3. Ostensum est num. 13. ad
 ima-

imaginem non sufficere, quod utcumque procedat ut similis, sed requiri, ut procedat per actionem assimilatiam; sed Spiritus Sanctus licet procedat ut similis producenti, non procedit per actionem assimilatiam; ergo non est propriè imago.

QV AESTIO XCVII.

Vtrum in Deo detur una essentia, tres Personæ, & tres proprietates personales, quatuor Relationes, & quinque notiones.

S. Th. 2. 28. 29.

1. **P**rimò videtur, quod cum loquimur de Deo, non debeamus uti nominibus essentiae, hypostasis, substantiae, Personæ, proprietatis, relationis, & notionis; tum quia hæc nomina non inveniuntur in Scripturis; tum quia sunt exotica, & parum apta ad explicanda mysteria fidei.

2. Secundò Persona, ut docet Laurentius Valla l. 6. Elegantiarum cap. 34. significat non substantiam, sed qualitatem, ideoque dicimus aliquem gerere Personam Regis; sed in Deo nullæ dantur qualitates, sed sola substantia; ergo non dantur Personæ.

3. Tertiò Persona definitur à Boetio lib. de duabus naturis, *rationalis natura individua substantia*, adeoque nihil aliud est

est, quam indiuiduum naturæ rationalis; sed hic numero Deus est indiuiduum naturæ Diuinæ; ergo hic numero Deus est formaliter Persona; sed tres Personæ sunt hic numero Deus; ergo sunt vna numero Persona Diuina.

4. Quartò sicut Pater, qui generat, est prima Persona, & Filius, qui generatur, est secunda Persona, sic, Spirator, qui spirat, est tertia Persona, & Spiritus Sanctus, qui spiratur, est quarta Persona, adeoque Personæ sunt quatuor.

5. Quintò Relationes videntur esse plures, quam quatuor. Nam tres Personæ sunt æquales, similes, & coexistentes; sed non nisi per relationem realem æqualitatis &c. ergo &c.

6. Sextò videtur, quod notiones non sint solum quinque, quatuor nimirum relationes, & innascibilitas propria Patris. Nam sicut innascibilitas ponitur vt notio Patris, sic inspirabilitas debet poni vt notio filij; ergo notiones sunt sex.

7. Respondeo, quod ex Aristotele 5. Metaphys. in fine, substantia dicitur dupliciter. Primò substantia dicitur *ipsum ultimum subiectum*, hoc est indiuiduum, quod non dicitur de alio, & quod cum quodquid sit, etiam separabile fuerit. In hoc sensu substantiæ sunt Petrus, Bucephalus, & omnia indiuidua habentia naturam substantialem completam. Secundò substantia dicitur *forma, & species*, hoc est natura substantialiter completa constituens indiuiduum in sua specie: e. g. humanitas est

est substantia Petri, & aliorum hominum singularium, quia per humanitatem constituuntur in specie hominis. Substantia primò modo dicta ab Aristotele in prædicamentis vocatur prima substantia; à Porphyrio dicitur indiuiduum; à Patribus, Theologis, ac Philosophis latinis vocatur suppositum, & substantia; à Patribus Græcis vocatur Hypostasis. Substantia secundò modo dicta à Patribus Græcis vocatur *οὐσία*, & *ουσις*, à Latinis vocatur essentia, & natura. Aduertunt autem communiter Sancti Patres Græci, nimirum Basilius Epistola 43. Gregorius Nisænsis in libro de differentia essentiae, & hypostasis, Damascenus lib. 3. de fide, cap. 3. Cyrillus Alexandrinus lib. 1. de Trinitate, Iustinus de recta fidei confessione, & Theodoretus in lib. contra Sabellium, quod *οὐσία*, siue essentia differt ab Hypostasi, sicut vniuersale à singulari; & sicut commune à proprio, puta sicut homo, & humanitas à Petro, ita ut hypostasis dicat aliquid proprium vnius tantum, quod non possit esse commune pluribus; essentia ex se non dicat aliquid proprium.

8. Hoc posito, dicendum primò: in Deo substantia simpliciter, & secundò modo dicta, siue essentia, & natura, est vna tantum, non solum specie, sed numero, ac non potest simpliciter dici, quod in Deo sint plures substantiae, siue essentiae, & naturae.

9. Probat: nam sicut essentia, & natura hominis est humanitas, per quam con-

constituitur homo, sic essentia, & natura Dei est Deitas, per quam constituitur Deus; sed Deitas est non solum vna specie, sed numero, vt ostensum est quæst. 19. ergo &c. Licet verò nomen *οσία*, & substantia ex prima impositione sit indifferens ad significandam substantiam tum primo, tum secundo modo dictam, tamen de facto ex vsu Patrum contractum est ad significandam solam substantiam secundo modo dictam, ideoque cum loquimur de Deo, dici debet, quod substantia est vna tantum, quia est vna solum natura. Iam vt dicit Epiph. Hæres. 73. *Diuinæ essentia nomen nudo modo in veteri, & nouo testamento non habetur, sensus autem ubique habetur.* Nam ad Romanos 1. dicitur: *Sempiterna virtus eius, & Diuinitas*: Ad Philippenses 1. *cum in forma Dei esset*; 2. Petri 1. *Diuinæ consortes naturæ*; sed nomine essentia significamus Diuinitatem, seu Deitatem, formam Dei, ac Diuinam naturam; ergo &c. Ideò hoc nomine passim vtuntur Patres.

10. Dicendum secundò: In Deo dantur tria supposita, & tres Hypostases, seu subsistentiæ. Probatur: nam vt colligitur ex Boetio lib. de duabus naturis, suppositum, siue Hypostasis est *natura completa indiuidua substantia*; & quia substantia est *ens per se subsistens*, ita vt non sit in alio, tanquam in subiecto, vel in toto digniori, vt docet S. Thomas 3. parte quæst. 2. art. 2. ad 3. Indiuiduum ex Porphyrio cap. 3. est *quod de vno tantum predicatur*, & ex Sancto Thoma, *quod est indistinctum in se, & a quo-*

à quolibet alio distinctum, coniungendo hæc omnia, suppositum, siue hypostasis describi potest: *Ans primo per se subsistens, ita ut non sit in alio, tanquam in subiecto, vel in toto digniori, habens naturam completam, non prædicabile de pluribus, indistinctum in se, seu per se unum, & aliqua proprietate distinctum à quolibet alio subsistente, etiam eiusdem nature*: sed in Deo dantur tres per se subsistentes &c. nimirum Pater, Filius, & Spiritus Sanctus; ergo &c. Nomen hypostaseos ad significandum suppositum Diuinum habetur ad Hæbreos i. siquidem de Filio Dei dicitur, *cum sit splendor gloriæ, & figura substantiæ eius*, Græcè hypostaseos. Licet autem aliqui nomine hypostaseos intellexerint essentiam, ut videtur exponere Epiph. hæresi 69. tamen ut docet Bellarminus l. 2. de Christo cap. 4. rectius alij interpretantur Personam Paternam, ut Chrysostomus, Theodoretus, Theophilactus, & Oecumen. in commentario eius loci, nec non Basilii Epistola 43. & Gregorius Nissenus lib. de differentia essentiæ, & hypostasis. Quia tamen nomen hypostaseos potest etiam trahi ad significandam essentiam, ideò multis præsertim latinis suspecta fuit loquutio, qua dicebantur in Deo dari tres Hypostases, quasi ponerentur tres essentiæ, ut patet ex Hieronymo in duabus Epistolis ad Damasum de Hypostasibus, & ex Nazianzeno Oratione de laudibus Athanasij. Verum ille modus loquendi vsurpatus à pluribus Patribus Græcis, deinde vsu totius Eccle:

Ecclesiæ fuit receptus, atque vt refert Nazianzenus citata Oratione propè finem, Athanasius ostendit idem significare Græcos, cum dicunt in Deo dari tres hypostasēs, ac Latini, cum dicunt dari tres Personas.

11. Dicendum tertio: dantur in Deo tres Personæ. Probatur: nam Persona nihil aliud est, quam suppositum habens naturam rationalem completam, ideoque definitur à Boetio lib. de duabus naturis: *Rationalis natura indiuidua substantia*. Quia enim in Tragædijs, qui representabant homines in dignitate constitutos vocabantur Personæ, & est magna dignitas suppositi, vt habeat naturam rationalem, ideo nomen Personæ translaturum est ad significanda supposita naturæ rationalis, ad exprimendam eorum dignitatem, vt docet S. Thomas 1. parte quæst. 39. art. 3. ad 2. Sed tria supposita Diuina habent hanc summam dignitatem, vt subsistant in natura Diuina, quæ est maximè rationalis; ergo &c. Quia licet nomen Personæ Diuinæ non inueniatur in Scripturis, tamen inuenitur sensus, ideo Patres vsi sunt hoc nomine, eosque deindè sequuta est tota Ecclesia, etiam in Concilijs Generalibus.

12. Dicendum quarto: in Deo dantur tres suppositalitates, ac tres proprietates Hypostaticæ, seu Personales, Paternitas nimirum, Filiatio, & Spiratio passiuæ. Probatur: nam suppositalitates, Personalitates, ac proprietates Personales sunt, per

per quas supposita, & Personæ alicuius naturæ constituuntur, ac distinguuntur ab omnibus alijs suppositis, ac Personis, etiā eiusdem naturæ; sed Pater, & Filius, & Spiritus Sanctus constituuntur, & inter se distinguuntur per Paternitatem, Filiationem, & Spirationem passivam; ergo &c.

13. Dicendum quintò: dantur in Deo quatuor Origines, & quatuor relationes reales. Probatur: nam non potest dari generans, & genitum, spirans, & spiratum, quin detur generatio actiua, qua generans generat, & generatio passiva, qua genitum generatur; spiratio actiua, qua spirans spirat, & spiratio passiva, qua spiratum spiratur. Rursus in actione, & passione fundantur relationes reales, & idcirco vnum genus relationem realium ab Aristotele assignatur earum, quæ fundantur in actione, & passione; ergo Pater generans Filium refertur ad illum per relationem realem Paternitatis; Filius genitus refertur ad Patrem per relationem filiationis; Pater, & Filius referuntur ad Spiritum Sanctum per relationem spiratoris; Spiritus Sanctus refertur ad Patrem, & Filium per relationem spirati. Ex his quatuor relationibus Paternitas, Filiationis, & spiratio passiva distinguuntur realiter ad inuicem; spiratio actiua distinguitur realiter à sola spiratione passiva opposita, sed realiter identificatur cum Filiatione, & Paternitate, ideoque relationes realiter distinctæ sunt solum tres. Rursus ex his quatuor relationibus

lationibus tres sunt propriæ vnius tantum Personæ, quarta, hoc est spiratio actiua est communis duarum. Idem dic de Originibus.

14. Dicendum sextò : dantur in Deo quinque notiones. Probatur : nam notiones sunt rationes obiectiuæ, per quas Personæ cognoscuntur vt inter se distinctæ; sed Personæ sicut distinguuntur per oppositas relationes, ità cognoscuntur vt inter se distinctæ per oppositas relationes, quæ sunt quatuor; ergo quatuor relationes sunt notiones. Ex his notionibus Paternitas, Filiatio, & spiratio passiuæ sunt notiones propriæ singularum Personarum; spiratio actiua est notio communis duarum Personarum, hoc est Patris, & Filij.

15. Iam quia Pater cognoscitur vt distinctus ab alijs Personis non solum per notionem affirmatiuam Patris, sed etiam per notionem negatiuam ingeniti, & innascibilis, seu per hoc, quod sit Persona non procedens ab alio; hæc autem notio est valdè obuia, & ex nostro modo concipiendi importat magnam dignitatem; siquidem ex ea oritur, vt Pater concipiatur tanquam prima Persona, & primus fons, & origo aliarum Personarum; ideo ponitur etiam quinta notio ingeniti, siue innascibilis. Patri igitur conueniunt tres notiones, duæ propriæ, nimirum Paternitas, & innascibilitas, tertia communis Filio, hoc est spiratio actiua. Filio conueniunt duæ notiones, nimirum Filiatio propria, & spiratio actiua communis Patri.

Spi-

Spiritui Sancto conuenit vna solum notio, nimirum spiratio passiva. Quinam Patres vsi sint nominibus proprietatis, relationis, & originis, ac notionis, licet in Scripturis non inueniantur, videri potest apud Bellarminum l. 2. de Christo cap. 5.

16. Ad 1. Licet aliqua ex dictis nominibus non inueniantur in Scriptura quoad vocem, tamen inueniuntur quoad sensum, & quoad nomina æquivalentia. Si autem cum de Deo loquimur, deberemus vti solum nominibus, quæ inueniuntur in Scripturis quoad ipsas voces, sequeretur, quod de Deo non possemus loqui, nisi in ea lingua, in qua Scripturæ primo sunt traditæ, vt arguit S. Thomas quæstione 29. art. 3. ad 1. Quod talia nomina sint exotica, & non vsitata, est falsum, siquidem, vt docet Bellarminus l. 2. de Christo cap. 4. plurimis sæculis fuerunt in vsu Patrum, & totius Ecclesiæ. Falsum etiam est, quod sint obscura, & inepta ad explicanda mysteria fidei, vt patuit in Corpore.

17. Ad 2. Licet nomen Personæ aliquando significet qualitatem, & accidens, tamen vt ostendit Bellarminus l. 2. de Christo cap. 5. sæpè etiam apud Authores profanos, significat substantias indiuiduas naturæ rationalis. Tullius enim de Inventionem, & de Partitionibus Oratorijs sæpè dicit alia esse rerum, alia Personarum attributa, adeoque nomine Personarum intelligit indiuidua naturæ humanæ. In eodem sensu loquuntur plures alij auctore-

latini, ideoque Laurentius Valla, dicens non posse significare substantiam, malè gessit Personam etiam Grammatici: dum addidit in Deo significare qualitatem, malè gessit Personam Theologi, siquidem in Deo nulla datur qualitas: si nomine qualitatis intellexit attributa Sapientiæ, Potentiæ, Bonitatis, quæ concipiuntur ut qualitates, cum hæc attributa distinguantur sola ratione, sequitur, quod in Deo Personæ distinguantur non realiter, sed ratione, adeoque egregiè gessit Personam Hæretici Sabelliani.

18. Ad 3. & 4. Deitas licet sit indiuidua, hoc est hæc numero, tamen formaliter secundum se præcisè non est indiuiduum, hoc est suppositum; siquidem de ratione suppositi, seu Personæ est, ut non sit communis, & prædicabilis de pluribus; Deitas autem, & *hic Deus*, est communis, & vniuersalis constitutione, ac prædicabilis de tribus Personis. Ex eadem ratione spiratio actiua, & hic numero Spirator non est formaliter suppositum, & Persona, quia prædicatur de duabus Personis, de Patre nimirum, & Filio.

19. Ad 5. concedo maiorem, & nego minorem, ac dico cum S. Thoma 1. parte quæst. 42. art. 1. ad 4. Caietano in Comment. ac Vasquez disp. 166. cap. 3. contra Scotum, & alios, quod Personæ diuinæ sunt æquales, ac similes per relationem, non realem, sed rationis. Secundò dici potest, quod si relationes æqualitatis, coexistentiæ, & similitudinis sunt reales, sunt
sunt

sunt indistinctæ à relationibus Paternitatis, Filiationis &c. ac proinde semper stat, quod in Deo dentur solum quatuor relationes. Sed vix de hoc potest fieri alia quaestio, quam de nomine.

20. Ad 6. Ad notionem requiritur, ut sit prædicatum distinctivum Personarum, & ex modo significandi importans dignitatem: siquidem Persona est nomen significans dignitatem; sed hoc, quod est *Patrem esse Personam Divinam à nullo procedentem* est prædicatum ex modo significandi importans magnam dignitatem; at hoc, quod est *Filium esse Personam non spiratam*, hoc est non procedentem per amorem, non importat dignitatem; ergo &c.

QVAESTIO XCVII.

Utrum essentia diuina distinguatur à relationibus, distinctione sufficiente ad verificanda prædicata contradictoria.

S. Th. q. 28. a. 2.

1. **V**idetur, quod non, primò, quia Pater e.g. constaret ex Diuinitate, & Paternitate aliquo modo distinctis obiectiue, adeoque non esset omninò simplex obiectiue.

2. Secundò eatenus talis distinctio esset necessaria, quatenus de essentia, & relationibus verificarentur prædicata con-

tradictoria, putà quod essentia communi-
cetur Filio, & cum Filio identificetur,
Paternitas non communicetur, & non
identificetur cum Filio; sed hæc, & alia,
quæ afferuntur, verè non sunt contradi-
ctoria; ergo &c. Probatur minor: com-
municari, & identificari vno genere com-
municationis, & identitatis, non commu-
nicari, & non identificari alio genere
communicationis, & identitatis, non sunt
prædicata contradictoria, cum non sint af-
firmatio, & negatio eiusdem; sed tum
essentia, tum Paternitas communicatur,
& identificatur cum Filio communicatione,
& identificatione reali, qua Pater, &
Filius sunt idem Deus: neque essentia, ne-
que Paternitas communicatur Filio, &
identificatur alia communicatione, & iden-
tificatione chimerica; qua Pater, & Fi-
lius sint eadem Persona; ergo de essentia,
& relatione non verificantur vlla prædica-
ta contradictoria.

3. Tertiò est primum principium,
quod prædicata contradictoria verificari
non possunt de eodem realiter; ergo si de
essentia, & relationibus verificantur con-
tradictoria, essentia distinguitur realiter
à relationibus, quod est Hæreticum.

4. Quartò oppositio contradictoria
est prima, & maxima oppositionum, &
maior etiam oppositione relatiua, vt col-
ligitur ex Aristotele 10. Metaph. text. 15.
& sequent. sed oppositio relatiua etiam in
Diuinis dari non potest sine distinctione
reali; ergo neque oppositio contradicto-
ria

ria dari potest sine distinctione reali : ergo si essentia communicatur, Paternitas non communicatur, adeoque de ipsis verificantur prædicata contradictoria, essentia, & relatio realiter distinguuntur.

5. Quintò ista duo principia, *que sunt eodem uni tertio, sunt eadem inter se: que sunt eadem inter se distinguuntur ab eodem tertio*, sunt naturaliter evidentiæ, & per primum regulantur syllogismi præsertim expositoriij affirmatiui, per secundum regulantur negatiui; sed utrumque falsificatur, non admissa distinctione reali inter essentiam, & relationes; ergo &c. Probatur minor: nam Pater, & Filius identificantur realiter eidem numero tertio, hoc est eidem numero essentiæ, & tamen non identificantur realiter inter se, ideoque falsificatur hic syllogismus expositorius ex terminis singularibus: *Hæc essentia est hic Pater; Filius est hæc essentia; ergo Filius est hic Pater*: Nam præmissæ sunt veræ, & conclusio est falsa. Rursus Pater, & essentia sunt idem realiter inter se, & tamen non distinguuntur realiter ad eodem tertio, hoc est à Filio, ideoque falsificatur hic syllogismus negatiuus: *hic Pater non est hic Filius; hæc essentia est hic Pater; ergo hæc essentia non est Filius*.

6. Sextò est principium naturaliter evidens, quod prædicata contradictoria, non possunt verificari de eodem omnino; sed nulla distinctio non realis inter essentiam, & relationes sufficit ad hoc, ut prædicata contradictoria non verificentur de

eodem omninò ; ergo nulla distinctio non realis inter essentiam , & relationes sufficit ad saluandum , quod non falsificatur principium naturaliter euidentissimum . Probatur minor: nam de Diuina essentia affirmatur , quod sit Paternitas , & negatur quod generet Filium , & quod distinguat Patrem à Filio ; sed idem omninò est Paternitas , & generare Filium , & distinguere Patrem à Filio ; ergo idem omninò de Diuina essentia verè affirmatur, & negatur, & sic falsificatur principium de contradi-ctorijs .

7. Septimò dèum deberet afferri ratio, quare possibile sit, vt in Deo tres Personæ sint vna numero essentia, in creatis sit impossibile .

8. Respondeo Arcanum Trinitatis mysterium consistere in hoc , vt Personæ ità realiter distinguantur , vt sint vnus Deus, imò vna Deitas, non solum specie, sed etiam numero . Hoc quia intelligere non potuerunt Hæretici, abierunt in varios errores .

9. Primus error fuit Sabellij: secundus Arrij, de quibus actum est quæst. 86. Vterque conuincitur illis Verbis Christi Ioan. 10. *Ego & Pater vnum sumus* . Vt enim dicit Augustinus tractatu 36. in Io: *Quod dicit vnum, liberat te ab Arrio; quod dicit sumus, liberat te à Sabellio* .

10. Tercius error fuit Tritheitarum, qui vt refert Niceph. lib. 18. cap. 46. & 48. Auctore Ioanne Philopono docuerunt tres Personas esse tres Deos cum tribus essen-

tijs omninò similibus, & æqualibus. Hic error repugnat non solum fidei, sed etiam rationi purè naturali, quæ ostendit non posse dari plures Deitates, siue essentias Diuinas, vt dictum est quaest. 19.

11. Quartus error fuit Gilberti Porretani Episcopi Pictauiensis, qui docuit relationes, ac Personalitates realiter distinguere ab essentia Diuina, ac non esse intrà essentiam, sed quasi affixas, & assistentes essentiæ, vt refert S. Thomas 1. parte quaest. 38. art. 3. in corpore, adeoque loco Trinitatis posuit in Deo Quaternitatem, hoc est quatuor res realiter contradistinctas inter se. Hic error damnatus fuit ab Eugenio III. in Concilio Rhemensi, ac Gilbertus à Sancto Bernardo conuictus, suum errorem retractauit, vt refert idem Bernardus serm. 80. in Cant. Potest hic error conuinci etiam ratione naturali. Nam vt arguit Bernardus serm. 80. in Cant. & lib. 5. de Consideratione, cum vnus tantum sit Deus, hoc est essentia Diuina, quicquid non est essentia Diuina, non est Deus, adeoque est creatura; ergo Persona Diuina cum includat essentiam, & relationem, si relatio non est essentia, ac proindè est creatura, Persona diuina componitur ex Deo, & creatura, quod est absurdum.

12. Quintus error fuit Abbatis Ioa-chimi, qui vt refertur cap. *firmiter*, & cap. *damnamus*, & vt explicat S. Thomas Opusc. 23. & 24. in quibus commentatur illa capita, licet concesserit tres Personas

esse vnam essentiam, & naturam Diuinam, tamen docuit illam vnam essentiam non esse simplicem, sed collectiuè tantum, vnam, adeoque asseruit essentiam vnius Personæ aliquo pacto distingui ab essentia alterius, & sic videtur incidisse in errorem Arrianorum, vel Tritheitarum. Contrà hunc errorem Innocentius Tertius in Concilio Lateranensi in Regula fidei relata, cap. firmiter dixit: *Tres quidem Personæ, sed una essentia, substantia, & natura, simplex omnino*. Et infra cap. Damnamus: *licet igitur alius sit Pater, alius Filius, alius Spiritus Sanctus, non tamen aliud, sed id, quod est Pater, est Filius, & Spiritus Sanctus, idem omnino*.

13. Catholici diuisi sunt in duas Classes. In prima sunt qui cū Greg. Arim. in 1. dist. 33. & 34. dixerunt, nulla prædicata contradictoria verificari à parte rei de essentia, ac de relationibus, ac proindè non dari ullam distinctionem obiectiuam inter essentiam, & relationes. In secunda Classe sunt, qui concedunt verificari aliqua prædicata contradictoria de Diuina essentia, ac de relationibus, & consequenter dicunt essentiam, & relationes distingui aliqua distinctione obiectiua. Auctores secundæ classis non conueniunt in explicando, qualis sit hæc distinctio, & quo nomine sit vocanda. Durandus docuit illam esse distinctionem aliquo modo realem, qualis datur inter rem, & modum. Scotistæ cum Scoto dicunt non esse realem, sed actua-lem ante omnem operationem intellectus, eam-

eamque vocant formalem ex natura rei. Multi Thomistæ cum pluribus alijs negant illam esse actualem, ac dicunt esse solum virtualem, seu potentialem, ac fieri actualem per operationem intellectus obiectivè præscindens essentiam à relationibus. Alij vocant illam distinctionem virtualem intrinsecam; alij distinctionem rationis obiectivæ, seu rationis ratiocinatæ cum fundamento in re: alij vocant eminentialem.

14. Dicendum primò: essentia, & relationes realiter identificantur sine vlla distinctione reali. Probatur: nam illa sunt realiter idem, quorum vnum est aliud, ideoque debent affirmari mutuo: illa realiter distinguuntur, quorum vnum non est aliud, ideoque debent negari; sed relationes sunt essentia, debentque mutuo affirmari, ac non debent negari, ut est de fide, & definitum in Concilio Rhemenſe contra Gilbertum Porretanum; ergo &c.

15. Dicendum secundò: relationes, & essentia identificantur identitate reali perfectissima, & qua non potest excogitari perfectior. Probatur: nam non potest excogitari identitas perfectior illa, per quam essentia ita fit perfectè idem cum relationibus, sicut cum seipsa; sed essentia est ita perfectè idem cum relationibus, ac cum seipsa; ergo &c. Probatur minor: essentia est idem cum relationibus identitate, qua reddit illas æquè perfectas, ac ipsa essentia sit perfecta per se ipsam; ergo essentia identificatur cum relationibus ita

perfectè, sicut cum se ipsa. Hæc identitas, qua non potest excogitari perfectior, vocari potest summa metaphysicè.

16. Dices: Pater æternus est æquè bonus Filio, sicut sibi; ergo est idem cum Filio, non minus, quam essentia cum relationibus.

Respondeo negando consequentiam. Ad identitatem non sufficit, ut vnum sit bonum alteri, sicut sibi ipsi, sed ulterius requiritur, ut vnum sit de altero affirmabile, ac non sit negabile; sed Pater propter oppositionem originis, ac relationis non est affirmabilis, sed negabilis de Filio, dicendo, *Pater non est Filius*; ergo &c.

17. Dicendum tertio: essentia, & relationes sunt idem non omninò, siue sunt idem identitate non summa logicè, per quam debeant conuenire in omnibus prædicatis. Probatur: ut enim contra Abbatem Ioachim docet Concilium Lateranense loco citato, *Tres personæ sunt una essentia, substantia, & natura simplex omninò*; sed si essentia Diuina esset omninò idem cum relationibus, & Personis, essentia Patris, & Filij ita esset eadem aliqua identitate vera, ut etiam aliqua reali distinctione essentia Patris distingueretur ab essentia Filij, adeoque non esset una essentia simplex omninò, sed esset una quasi collectiue; ergo &c. Probatur minor; Pater enim aliqua distinctione reali, hoc est personali distinguitur à Filio; sed dum dico *Pater* ex parte obiecti venit etiam essentia, que

quæ est omninò idem cum Patre ; nam quæ sunt omninò idem , non possunt præscindi obiectivè ; cum dico *Filius* ex eadem ratione venit obiectivè essentia Filij ; ergo sicut de Patre , & Filio affirmo distinctionem realem , sic de essentia Patris , & de essentia Filij affirmo distinctionem realem , adeoque essentia Patris aliqua distinctione obiectiva distinguitur ab essentia Filij .

18. Dices primò : sensus huius propositionis , *Pater distinguitur à Filio* , est : *Pater distinguitur à Filio distinctione faciente , ut sint dua Personæ distinctæ , sed una essentia omninò indistincta* .

19. Sed contra , quia dum dicis *dua Personæ* , si essentia est omninò idem cum Persona , venit ex parte obiecti etiam essentia , cum non possit obiectivè præscindi , adeoque dum dicis *Pater , & Filius distinguuntur distinctione faciente ut sint dua Personæ , & una essentia* , idem est , ac si dicas , *Pater , & Filius distinguuntur distinctione faciente , ut sint dua essentia , & una essentia* , & sic essentia Patris , & Filij ita est una essentia , ut sint etiam realiter due essentia .

20. Dices secundò : sufficit , ut salvetur , quod Pater , Filius , & Spiritus Sanctus sint tres Personæ , & unus Deus ; hoc autem salvetur .

21. Sed contra , quia ut explicavit Concilium Lateranense , Pater , Filius , & Spiritus Sanctus ita sunt unus Deus , ut sint una essentia simplex omninò , ita ut

essentia Patris, & essentia Filij nulla distinctione reali, immò vt ego censeo, ne virtuali quidem distinguantur; sed hoc non saluatur; nam si ipsa essentia Patris distinguitur Personaliter ab essentia Filij, cum distinctio personalis sit species distinctionis realis, essentia Patris distinguitur realiter ab essentia Filij; ergo &c.

22. Breuiter concludo argumentum hoc dilemmate. Dum dico *Pater non est Filius*, vel per negationem, quā nego Patrem de Filio, præscindo obiectiue essentiam à Paternitate, & Filiatione; vel non: si præscindo obiectiue, essentia non est omninò idem cum Paternitate, & Filiatione: si non præscindo obiectiue, sicut Paternitatem nego de Filiatione, sic essentiam nego de essentia, adeoque essentia Patris distinguitur ab essentia Filij.

23. Supposito, quod essentia, & relationes à parte rei non sint omninò idem, sicut A. & A, & sicut *homo*, & *animal rationale*, quaeritur qua distinctione distinguantur, & vtrum distinctione actuali ante omnem operationem intellectus, vt dicunt Scotistæ, qui talem distinctionem vocant formalem ex natura rei, an distinguantur solum distinctione virtuali intrinseca, vt dicunt Thomistæ, & plerique ex auctoribus Societatis. Huic quaestioni respondendo.

24. Dicendum quartò: essentia, & relationes ante operationem intellectus non distinguuntur distinctione actuali, seu formali ex natura rei, sed solum di-

distinctione virtuali intrinseca.

25. Probatur : distinctio actualis inter duo includit aliquam negabilitatem obiectivam unius de altero ; distinctio virtualis intrinseca est , per quam licet duo nullam habeant negabilitatem obiectivam , tamen non sunt omnino idem , sed distinguuntur ita , ut possint obiectivè præscindi , & possint verificari de ipsis prædicata aliquin contradictoria : sed licet essentia , & personalitates non sint omnino idem , sed possint obiectivè præscindi , ut dictum est conclusione 3. numero 17. tamen nulla datur negabilitas , propter quam essentia possit negari de relationibus ; ergo &c. Probatur minor : nam si essentia esset negabilis de relationibus , faceret compositionem cum relationibus , adeoque Deus esset à parte rei compositus , quod est absurdum. Probatur antecedens. Quod enim à parte rei constituitur ex duobus , quorum unum est negabile de alio , eo ipso est compositum : sed Deus constitueretur à parte rei ex essentia , & relationibus aliquo pacto negabilibus ; ergo . Et converso , quod constituitur ex duobus , quæ non sunt negabilia , sed solum affirmabilia , eo ipso non est compositum , sed simplex , siquidem pura affirmabilitas constituentium non est compositio , sed identitas , & simplicitas ; sed Deus constituitur ex essentia , & relationibus affirmabilibus sine vlla obiectivâ negabilitate ; ergo est simplex sine vlla compositione .

26. Dices primò : datur à parte rei
actu

actu fundamentum, propter quod essentia, & relationes possunt obiectivè præscindi, ac de ipsis verificantur prædicata contradictoria; sed Scotistæ, dum ponunt distinctionem actualem formalem ex natura rei inter essentiam, & relationes, nihil aliud ponunt, quam hoc fundamentum; ergo nostra sententia quoad rem coincidit cum sententia Scotistarum, & ab illa differt solum quoad modum loquendi.

27. Respondeo, concedo maiorem; & nego minorem. Primò Scotistæ ponunt aliquam negabilitatem essentia de relationibus, quam ego nego, adeoque re discrepo à Scotistis. Secundo si non posita hac negabilitate, fundamentum verificandi prædicata contradictoria Scotistæ vocant distinctionem actualem essentia à relationibus, malè loquuntur, siquidem distinctio actualis consistit in mutua negabilitate distinctorum. Ut igitur in materia de Trinitate cautè loquamur, hoc fundamentum non debet vocari distinctio actualis, sed distinctio virtualis intrinseca, vel distinctio eminentialis, vel identitas non omnimoda.

28. Dices secundò: dum facio hanc propositionem: *Relationes non sunt omnino idem cum essentia*, de relationibus nego aliquid; sed non aliud nego, quam essentiam; ergo de relationibus nego-essentiā, adeoque essentia est aliquo pacto negabilis de relationibus.

29. Respondeo, concedo maiorem, & nego minorem. Cum dico: *Relationes*
non

non sunt omnino idem cum essentia, de relationibus nego identitatem omnimodam ipsarum cum essentia; sed hæc identitas per me est Chimerica, adeoque distinguitur realiter ab essentia; ergo de relationibus nego aliquid distinctum realiter ab essentia; ipsam autem essentiam non nego.

30. Urgebis: etiam cum dico: *Homo non est idem cum equo*, nego identitatem Chimericam hominis cum equo, & tamen de homine nego etiam equum; ergo à pari.

31. Respondeo, negando consequentiam. Disparitas est, quia hæc propositio: *Homo non est idem cum equo*, includit etiam hanc: *Homo non est equus*; at hæc propositio: *Relationes non sunt omnimodo idem cum essentia*, non includit hanc negativam: *Relationes non sunt essentia*, sed oppositam affirmativam, *Relationes sunt essentia*, & addit hanc, *sed non habent omnimodam identitatem cum essentia*.

32. Dices tertio: formalitas omnino identificata cum essentia est ipsa essentia, identitate omnimoda; sed vera est hæc propositio: *Paternitas non est formalitas omnino identificata cum essentia*; ergo de paternitate verè potest negari essentia.

33. Respondeo, distinguo maiorem: formalitas relatiua omnino identificata cum essentia est ipsa essentia, nego maiorem: formalitas absoluta omnino identificata cum essentia est ipsa essentia, concedo maiorem: distinguo eodem pacto mino-

minorem; & nego consequentiam. Formalitas relatiua omnino identificata cum essentia; non est essentia, sed est Chimera; ideoque dum dicitur, quod paternitas non est formalitas relatiua omnino identificata cum essentia, de Paternitate non negatur essentia, sed negatur Chimera. Formalitas absoluta omnino identificata cum essentia est ipsa essentia per identitatem omnimodam, sed non potest verè negari de Paternitate: falsa enim est hæc propositio negatiua: *Paternitas non est realiter formalitas absoluta omnino identificata cum essentia*, ac vera est opposita affirmatiua. Hæc solutio bene percepta, potest applicari ad soluenda plura sophismata alioquin difficillima.

34. Dices: quæ à parte rei non habent actu aliquam identitatem, habent actu oppositam distinctionem; sed essentia, & relationes à parte rei non habent actu omnimodam identitatem; ergo habent actu distinctionem oppositam omnimodæ identitati; ergo distinguuntur distinctione actuali.

35. Respondeo concesso primò syllogismo, nego vltimam consequentiam. Cum enim omnimodæ identitati non opponatur distinctio actualis, qua essentia sit negabilis de relationibus, sed distinctio purè virtualis, sequitur, quod essentia, & relationes habeant actu distinctionem purè virtualem, eo pacto, quo Sol habet actu calorem purè virtualem.

36. Ad 1. distinguo antecedens: Eater
con,

constaret ex Deitate, & Paternitate distinctis virtualiter sine vlla negabilitate obiectiua, concedo: distinctis actualiter, & formaliter ex natura rei cum aliqua negabilitate obiectiua, nego; & nego consequentiam. Perfectæ simplicitati non obstat, quod res constituatur ex pluribus distinctis solum virtualiter, & sine vlla negabilitate obiectiua, sed solum obstat, quod res constet ex pluribus distinctis actualiter, & formaliter cum aliqua negabilitate obiectiua, vt dictum est n. 25.

37. Dices: saltem Pater non esset simplex simplicitate, qua non possit excogitari maior.

38. Respondeo, distinguo: non esset simplex simplicitate, qua non posset excogitari maior logicè, concedo; qua non posset excogitari maior metaphysicè, hoc est perfectior, nego. Non potest excogitari simplicitas perfectior illa, per quam Pater ita non componitur ex pluribus obiectiue distinctis, vt identitate perfectissima sit ipsa summa simplicitas Diuinæ essentiae, quæ identificat secum omnes perfectiones; sed Pater est simplex hac simplicitate; ergo &c. Tota Trinitas est perfectissimè simplex, quia licet non sit simplex simplicitate excludente numerum, & distinctionem Personarum, tamen est simplex simplicitate excludente Personarum mutuam compositionem, & simplicitate, per quam tres Personæ identitate perfectissima sunt vna summa simplicitas diuinæ essentiae.

39. Ad

39. Ad 2. Iam dictum est; quod de essentia, & relationibus verificantur prædicata contradictoria, adeoque essentia præscindit obiectivè à relationibus, &c.

40. Ad 3. Principium illud: *Prædicata contradictoria non possunt de eodem verificari*, debet intelligi de eodem omnino, non autem de eodem non omnino, hoc est de eodem re, sed distincto ratione obiectivè præscindente.

41. Dices primò: identitas realis consistit in indivisibili, adeoque omnia, quæ sunt idem realiter, sunt idem omnino.

42. Respondeo negando antecedens, quod non potest assumi tanquam per se notum, cum præscindendo à mysterio Trinitatis, etiam in creatis negetur à plerisque, idest à Thomistis, Scotistis, & omnibus, qui in creatis admittunt distinctionem formalem ex natura rei, vel præcisionem obiectivam; in Trinitate verò negetur pene ab omnibus. Addo, quod Aristoteles 3. physic. text. 21. & S. Thomas in commentario eius loci expressè docent, non omnia, quæ quomodocunque sunt idem, ità esse idem, ut conveniant in omnibus prædicatis. Verba Aristotelis sunt: *Non enim eadem insunt quolibet modo iisdem, sed solum quibus esse idem est*. Dixerat autem supra, *Quod illa habent idem esse, quæ sunt idem etiam ratione*. Explicat S. Thomas verba Aristotelis, dicens: *Non enim oportet, quod omnia eadem conveniant*

ueniant *ys*, quæ sunt quocunque modo idem, sed solum *ys*, quæ sunt idem subiecto, vel re, & ratione. Ex his sic argumentor. Per Aristotelem non oportet, quod omnia eadem conueniant *ijs*, quæ sunt quocunque modo idem; ergo potest aliquid conuenire vni, & non alteri, adeoque possunt illis conuenire prædicata contradictoria propter distinctionem rationis præscindentis obiectiue. Affert Aristoteles exemplum. Via Athenis Thebas, & via Thebis Athenas, sunt eadem numero via; & tamen quia non sunt eadem via ratione, aliqua prædicata relatiua verificantur de via Athenis Thebas, quæ nõ verificantur de via Thebis Athenas: e. g. quod via Athenis Thebas sit accliuus, & sit ascensus, via Thebis Athenas non sit accliuus, nec ascensus, sed sit decliuus, & descensus, quia in eadem numero via prædicata relatiua ascensus, & descensus distinguuntur ratione obiectiue præscidente. Rursus agere, & pati sunt idem numero motus, puta calefacere, & calefieri sunt idem numero motus calefactionis, & tamen non omnia prædicata relatiua, quæ verificantur de *calefieri* verificantur de *calefacere*; nam calefieri est accipere calorem, calefacere non est accipere, sed dare calorem, quia in ipso motu calefactionis prædicata relatiua dandi, & accipendi distinguuntur ratione obiectiue præscidente. S. Thomas 1. p. quæst. 28. art. 3. ad primum vti-
tur hac doctrina, & his numero exemplis Aristotelis ad explicandum, quo pacto
licet

licet Paternitas, & Filiatio sint realiter idem cum essentia Diuina, habeant respectus oppositos, & distinguantur realiter inter se, & his exemplis allatis, concludit: *Et similiter licet Paternitas sit idem secundum rem cum essentia, & similiter filiatio, tamen hec duo in suis proprijs rationibus important oppositos respectus; unde distinguuntur realiter.*

44. Dices secundo: esse idem non omnino nihil aliud est, quam ita esse idem, vt possint verificari aliqua prædicata contradictoria; sed per illud principium, *Contradictoria non possunt de eodem verificari*, asseritur, quod duo non possunt ita esse idem, vt de ijs possint verificari contradictoria; ergo alijs verbis negatur illud principium.

45. Respondeo distingo maiorem: esse idem non omnino nihil aliud est formaliter, quam ita esse idem, vt possint verificari contradictoria, nego: nihil aliud est radicaliter, transcat: ac præterea nego etiam minorem, ac dico quod per illud principium *Non possunt de eodem verificari contradictoria*, non asseritur, quod duo non possunt esse ita idem, vt de ijs verificentur contradictoria, siquidem hoc negatur penè ab omnibus, sed asseritur, quod de eodem omnino non possunt verificari contradictoria. Si queratur, quid sit esse idem omnino, vel non omnino, Respondeo, sicut respondet Aristoteles 9. Metaph. tex. 11. importunè querentibus, quid sit esse actu: *Manifestum est, quod dicere,*
volu-

volumus per inductionem in singularibus, & non oportet omnium definitionem querere, sed etiam quod proportionale est prospicere. Ratio est, quia esse actu, esse idem omnino &c. sunt primi conceptus per se noti, qui proinde non debent explicari per alios conceptus notiores, sed solum per inductionem in singularibus. Per hanc inductionem explicando, quid sit idem omnino, dico, quod eadem omnino sunt, quæ ita sunt eadem, sicut A. est idem cum A, & sicut homo cum animali rationali. De ijs, quæ hoc pacto sunt idem, non possunt verificari vlla prædicata contradictoria. Ad do, quod præter ea, quæ sunt idem, sicut homo cum animali rationali, dari possunt aliqua, quæ sunt realiter idem, ita vt debeant affirmari, ac non debeant negari, & tamen non sunt omnino idem, sicut A. cum A. etiam ex parte obiecti, ac de ijs possunt verificari aliqua prædicata contradictoria. Ad defendendum mysterium Trinitatis sufficit mihi, quod hoc genus identitatis non sit euidenter impossibile, & quod non sit euidenter impossibile ostendi auctoritate Aristotelis, S. Thomæ &c.

46. Dices, tertio: euidentis est, quod prædicata contradictoria non possunt realiter identificari; sed in nostra sententia identificarentur; ergo. Probatur: nam *Esse idem omnino cum essentia, & non esse idem omnino cum essentia* sunt prædicata contradictoria; sed esse idem omnino cum essentia identificatur cum essentia, non esse idem omnino cum essentia identificatur
cum

cum Paternitate, essentia autem, & Paternitas realiter identificantur; ergo &c.

.. 47. Respondeo concedo maiorem, & nego minorem. Ad probationem distinguo maiorem: essentiam esse idem omnino cum essentia, essentiam non esse idem omnino cum essentia, sunt prædicata contradictoria, concedo: essentiam esse idem omnino cum essentia, Paternitatem non esse omnino idem cum essentia, sunt prædicata contradictoria, nego. Essentiam esse omnino idem cum essentia, essentiam non esse idem omnino cum essentia, sunt prædicata contradictoria, quia per ipsa affirmatur, ac negatur idem omnino. At hæc prædicata non verificantur, nec realiter identificantur. Essentiam esse omnino idem cum essentia, Paternitatem non esse idem omnino cum essentia, non sunt prædicata contradictoria, quia cum essentia, & Paternitas non sint idem omnino, non affirmant, ac negant idem omnino: & hæc prædicata verificantur, & identificantur, quod non repugnat, siquidem prædicata non contradictoria possunt identificari. Explicatur exemplo. *Hominem esse idem cum animali rationali: Hominem non esse idem cum animali rationali*, sunt prædicata contradictoria, quia affirmant, & negant identitatem eiusdem cum eodem, ideoque non possunt identificari. At *hominem esse idem cum animali rationali, hominem non esse idem cum animali irrationali*, non sunt prædicata contradictoria, quia affirmant, & negant identitatem eius-

eiusdem, sed non cum eodem, ideoque possunt identificari, ac de facto identificantur in homine: nam homo per se ipsum, & per suam essentiam est idem cum animali rationali, ac non est idem cum animali hinnibili. Proportionaliter dic in casu nostro.

48. Dices quarto: possemus asserere, quod omnia sunt realiter idem, & tamen de ijs verificantur prædicata contradictoria, quia non sunt eadem omnino, adeoque possemus negare omnem distinctionem realem.

49. Respondeo negando sequelam. Ad arguendam distinctionem realem, habemus alia principia per se nota. Primo enim per se notum est, quod quæ sunt separabilia mutuo, vel non mutuo, & quæ non sunt mutuo intrinseca, distinguuntur realiter, & ex his, alijsque principijs arguimus in creatis distinctionem inter res, & res, & inter res, & modos. Secundo est per se notum, quod quæ opponuntur oppositione originis, vel relationis, ita ut alterum generet, alterum generetur, alter sit Pater, alter sit Filius &c. realiter distinguuntur, & hoc est unicum principium ponendi distinctiones reales inter Personas Diuinas, quæ nullam habent separabilitatem.

50. Ad 4. Quia oppositio contradictoria est maior relatiua, ideo contradictoriè opposita non possunt simul dari in rerum natura; at opposita relatiuè possunt, ac debent simul dari. Si enim datur Pater, da-
tur

tur Filius . Debet tamen aduerti , quod aliud est verificari contradictionem , seu propositiones contradictorias , aliud verificari prædicata cōtradictoria . Contradictio ex Arist. 1. Elenc. c. 3. *Est affirmatio, & negatio eiusdem omnino de eodem omnino &c.* & hæc nunquam potest verificari . Prædicata contradictoria sunt affirmatio , & negatio eiusdem , & hæc de eodem omnino verificari non possunt , (nam eo ipso verificaretur contradictio ,) de diuersis , ac de eodem non omnino possunt verificari .

51. Urgebis : quia esse Patrem , & esse Filium sunt prædicata relatiuè opposita , Pater , & Filius debent distingui realiter ; ergo quia communicari , & non communicari sunt prædicata contradictoriè opposita , essentia , quæ communicatur , & Paternitas , quæ non communicatur , distinguuntur realiter .

52. Respondeo negando consequentiam . Disparitas est , quia relatiua sunt , quæ sunt ad alterum ; ergo eo ipso , quod duo opponuntur relatiuè , distinguuntur realiter , & sunt alterum , & alterum . At de ratione prædicatorum contradictoriorum est , quod non verificentur de eodem omnino ; ergo ad hoc , vt verificentur , sufficit , vt ea , de quibus verificantur , non sint idem omnino , non requiritur vt distinguantur realiter .

53. Urgebis iterum : magis opponuntur prædicata contradictoria , putà communicari , & non communicari , quam prædicata relatiuè opposita , puta esse
Pa-

Patrem, & esse Filium; ergo si Pater, & Filius debent distingui realiter, à fortiori essentia, quæ communicatur, & Paternitas, quæ non communicatur, debent distingui realiter.

54. Respondeo negando maiorem. Prædicata relatiuè opposita includunt etiã prædicata contradictoriè opposita; sed magis opponuntur, quæ opponuntur duplici oppositione, contradictoria nimirum, & relatiua, quam quæ opponuntur solum oppositione contradictoria; ergo magis opponuntur prædicata relatiuè opposita, quam prædicata solum contradictoriè opposita. In casu nostro, *esse Patrem*, & *esse Filium* opponuntur relatiuè, & etiam contradictoriè. Nam *esse Patrem* est *esse Patrem alterius*, adeoque est non *esse suum Filium*; & *esse Filium* est *esse Filium alterius*, adeoque est non *esse suum Patrem*; ergo *esse Patrem*, & *esse Filium* includunt *esse Patrem, & non esse Patrem, esse Filium, & non esse Filium*, ac proinde includunt oppositionem contradictoriam, & addunt relatiuam. At communicari, & non communicari non includit oppositionem relatiuam producentis, & producti; ergo magis opponuntur *esse Patrem*, & *esse Filium*, quam communicari, & non communicari, ac proinde licet essentia, quæ communicatur, possit non distingui realiter à Paternitate, quæ non communicatur, tamen Persona Patris debet realiter distingui à Persona Filij.

55. Ad 5. nego minorem, ac dico,
Z
quod

quod principia illa, *Quae sunt idem eidem tertio, sunt idem inter se*: *Quae sunt idem inter se, distinguuntur ab eodem tertio*, debent intelligi de ijs, quae sunt idē identitate omnimoda, hoc est re, & ratione, quae autem ita sunt idem eidem tertio re, vt distinguantur ratione obiectiue praescindente, possunt non esse idem inter se, vt ex Aristotele 3. physic. tex. 21. & S. Thoma 1. parte quaest. 28. art. 3. dictum est num. 44. Similiter quae ita sunt idem re inter se, vt distinguantur ratione praescindente obiectiue, possunt non distingui ab eodem tertio: sed Pater, & Filius ita sunt idem cum eodem tertio, hoc est cum essentia, vt ab illa distinguantur ratione praescindente obiectiue Paternitatem, & Filiationem ab essentia; ergo Pater, & Filius possunt non identificari inter se: ac similiter Pater, & essentia licet sint idem re inter se, quia distinguuntur ratione obiectiue praescindente essentiam à Paternitate, possunt non distingui ab eodem tertio, hoc est à Filio, à quo Pater distinguitur, essentia verò non distinguitur.

56. Proportionaliter syllogismi expostitorij tum affirmatiui, tum negatiui, vt nitantur ijs principijs, debent affirmare identitatem omnimodam; sed per illum syllogismum: *Hac essentia est Pater; Filius est hac essentia*, neque affirmatur identitas omnimoda essentiae cum Patre, neque Filij cum essentia: similiter per illum syllogismum negatiuum: *Filius non est Pater; hac essentia non est Filius*; ergo &c. non
 afir-

affirmatur identitas omnimoda huius essentia cum Filio; ergo non est mirum, quod non sequatur conclusio.

57. Addo omnes syllogismos affirmatiuos etiam expositorios, vt concludant, debere niti dicto de omni, omnes negatiuos debere niti dicto de nullo, adeoque medium terminum debere sumi vniuersaliter distributiue, vt ex Aristotele docent Summulistæ; sed in hoc syllogismo: *Hac essentia est Pater: Filius est hac essentia; ergo &c. hac essentia*, quæ est medius terminus, non sumitur vniuersaliter distributiue, ita vt sensus sit, *Omne quod est hac essentia est Pater*, (nam tunc maior esset falsa, siquidem Filius, & Spiritus Sanctus sunt hac essentia, & tamen non sunt Pater,) sed sumitur tantum particulariter, ita vt sensus sit, *Aliquid, quod est hac essentia, est Pater*; ergo non nititur dicto de omni, & ita est in prima figura, vt maior sit particularis. Est autem regula summulistarum ex Aristotele, quod in prima figura ex maiori particulari nihil sequitur, vt patet in hoc syllogismo: *Aliquid animal est equus; homo est animal; ergo homo est equus*, cui similis est syllogismus positus. Similiter in illo syllogismo negatiuo, *Pater non est Filius; hac essentia est Pater; ergo hac essentia non est Filius*: maior *Pater non est Filius*, non est vera vniuersaliter distributiue, ita vt sensus sit, *Nullum quod est Pater, est Filius*; siquidem essentia est Pater, & simul est Filius, ideoque laborat eodem vitio non distribuendi medium

terminum, & est in prima figura cum maiori particulari. Si essentia, & relationes non possent obiectiue præscindi, cum sumeretur essentia, sumerentur omnia, quæ sunt essentia, & cum sumeretur relatio, sumerentur omnia, quæ sunt relatio, adeoque termini distribuerentur, & syllogismi positi concluderent.

58. Dices: Principium illud, *Quæ sunt eadem vni tertio, sunt eadem inter se*, debet intelligi proportionaliter, ita vt sensus sit, *Quæ sunt omnino idem cum tertio, sunt omnino idem inter se: Quæ sunt realiter idem cum tertio, sunt realiter idem inter se*.

59. Respondeo, negando maiorem. Non enim valet, *Quæ sunt inadæquate idem cum tertio, sunt inadæquatè idem inter se*, siquidem anima, & corpus sunt inadæquatè idem cum homine, & tamen non sunt inadæquatè idem inter se, sed totaliter, & adæquatè distinguuntur.

60. Ad 6. concedo maiorem, & nego minorem. Ad probationem, distinguo maiorem: de diuina essentia affirmatur, quod sit Paternitas, & negatur, quod generet Filium, & distinguat Patrem à Filio, hoc est quod sit absolutum generans Filiū, & distinguens Patrem à Filio, concedo: & negatur, quod sit relatiuum generans Filium, & distinguens Patrem à Filio, nego; distinguo eodem pacto minorem; & nego consequentiam. Dum dicitur: *Essentia non generat Filium, & non distinguit Patrem à Filio*, negatur solum, quod essentia sit absolutum generans, at non nega-

negatur, quod sit relatiuum generans. Licet enim essentia non generet, tamen, ut docet Lateranense relatum capite *firmiter*, est Pater generans, seu est relatiuum generans; & licet essentia non generetur, tamen est Filius genitus, seu relatiuum genitum. Paternitas est quidem omnino idem cum relatiuo generante, at non est omnino idem, sed realiter distinguitur ab absoluto generante; siquidem absolutum generans est Chimera, ac Paternitas realiter distinguitur à Chimera; ergo de essentia affirmatur Paternitas, & non negatur, sed affirmatur id, quod est omnino idem cum Paternitate, hoc est relatiuum generans, & solum negatur de essentia absolutum generans, hoc est Chimera realiter distincta à Paternitate. Idem dic ad alias similes propositiones.

61. Dices primò: gratis dicitur, quod per has propositiones, *Essentia generat: essentia non generat*, significatur *essentia est absolutum generans, essentia non est absolutum generans*.

62.. Respondeo rationem esse, quia quando subiectum est terminus absolutus, & prædicatio fit per verbum adiectiuum, supponit ex parte prædicati pro recto absoluto; quando autem subiectum est relatiuum, supponit ex parte prædicati pro recto relatiuo; sed cum dicitur: *Essentia generat, essentia non generat*, subiectum propositionis est essentia, quæ est terminus absolutus, ac prædicatio fit per verbum adiectiuum *genero*; ergo ex parte

prædicati supponit pro recto absoluto, & sensus est, *Essentia est absolutum generans: essentia non est absolutum generans*. E conuerso cum dicitur *Pater generat*, subiectum est *Pater*, qui est terminus relatiuus, ideoque sensus est, *Pater est relatiuum generans Filium*.

63. Dices secundo: si sensus huius propositionis *essentia non generat*, esset, *essentia non est absolutum generans*, dum verificatur, quod *Paternitas generat*, *essentia non generat*, de *Paternitate*, & *essentia non verificarentur prædicata contradictoria*: sed distinctio virtualis de *Paternitate*, & *essentia* probatur solum ex hoc, quod de *Paternitate*, & *essentia* verificantur prædicata contradictoria; ergo non probaretur distinctio virtualis intrinseca inter *Paternitatem*, & *essentiam*.

64. Respondeo, negando minorem, & dico, quod distinctio virtualis inter *Paternitatem*, & *essentiam* probatur ex hoc, quod de illis verificentur prædicata contradictoria, vel propositiones, quæ essent contradictoriæ, nisi *essentia* distingueretur virtualiter à *Paternitate*; sed si *essentia*, & *Paternitas* non distinguerentur virtualiter, istæ propositiones: *Paternitas generat*, *essentia non generat*, essent contradictoriæ, & simul verificarentur; ergo. Probatur minor: nam *Paternitas*, & *essentia* essent omnino idem; ergo idem omnino generaret, & non generaret. Nec dicas, sensus esset, quod *Paternitas*
tas

tas esset relatiuum generans, essentia non esset absolutum generans, ac proinde de eodem omnino non affirmaretur, & negaretur idem prædicatum. Nam iuxta illam opinionem absolutum, & relatiuum, essent idem omnino; ergo dum affirmaretur relatiuum generans, & negaretur absolutum generans, idem omnino de eodem omnino affirmaretur, & negaretur, ac proinde verificarentur propositiones contradictoriae; ergo ne verificentur propositiones contradictoriae, dicendum est, quod essentia, & Paternitas, absolutum, & relatiuum non sunt omnino idem, ac proinde distinguuntur virtualiter intrinsecè.

65. Dices tertio: saltem de essentia, & relationibus non verificantur prædicata contradictoria.

66. Respondeo, distingo; non verificantur prædicata contradictoria per propositiones de primo adiacente per verbum adiectiuium, transeat; per propositiones de secundo adiacente, nego. Per istas propositiones de primo adiacente per verbum adiectiuium *Paternitas generat, essentia non generat: Paternitas non communicatur Filio; essentia communicatur Filio*, non idem prædicatum affirmatur de Paternitate, & negatur de essentia, vt probatum est num. 60. ideoque non verificantur prædicata contradictoria de essentia, & Paternitate. At per istas propositiones de secundo adiacente: *Essentia est Filiatio, Paternitas non est Filiatio*, eadem relatio Filiationis, quæ affirmatur de essentia,

negatur de Paternitate; ergo dum verificantur istæ propositiones, de essentia, & Paternitate verificantur prædicata contradictoria, sed non verificantur de eodem omnino, quia essentia, & Paternitas non sunt idem omninò.

67. Dices: quare sicut asserimus, quod sensus istius propositionis *essentia non generat*, est *essentia non est absolutum generans*, sic non asserimus, quod sensus istius propositionis, *essentia est Filiatio* sit *essentia est absolutum*, quod est *Filiatio*?

68. Respondeo rationem esse, quia in hac prædicatum *Filiatio* est relatiuum, adeoque supponit pro recto relatiuo. At in hac propositione, *Essentia non generat*, prædicatum non exprimitur per nomen relatiuum, sed includitur in verbo adiectiuo, ideoque quia subiectum est terminus absolutus, verbum adiectiuum supponit pro absoluto.

69. Ad 7. distingo antecedens: deberet afferri ratio euidens, quare possibile sit, vt in Deo tres Personæ sint vna numero essentia, in creatis sit impossibile, nego: deberet afferri ratio probabilis, transeat. Sicut non potest euidenter probari possibilitas Trinitatis, ac distinctionis virtualis intrinsecæ in Diuinis, sic existimo non posse euidenter probari eius impossibilitatem in creatis. Supposita fide, ex qua videtur colligi hoc mysterium esse proprium Dei, adeoque repugnare in creatis, disparitas probabilis iuxta principia posita quæst. 86. est, quia solum summum

num bonum potest summe se communicare; bonum non summum non potest se communicare summe; sed communicatio, qua Persona se communicat alteri Personae per identitatem essentiae cum sola distinctione Personarum, est summa; ergo conuenit soli Deo, repugnat creaturis.

70. Inferitur primò ex dictis, quædam in Deo distingui realiter, quædam virtualiter intrinsecè, quædam virtualiter extrinsecè. Realiter distinguuntur ea solù, quæ opponuntur relatiuè, & hæc præcisè distinguuntur secundum relationes: e.g. realiter distinguuntur Pater, Filius, & Spiritus Sanctus secundum relationes Paternitatis, Filiationis, & Spirationis passiuæ. Et rursus Pater, & Filius distinguuntur realiter à Spiritu Sancto secundum oppositas relationes spirantis, & spirati. Virtualiter intrinsecè, ac ratione præscindente obiectione distinguuntur solum illæ rationes, quæ eadem numero comparantur ut magis, & minus communes, siquidem de illis solis verificantur prædicata contradictoria. Et quia essentia Diuina est communis tribus Personis, nulla quatuor relationum est communis tribus Personis, ideo essentia distinguitur virtualiter intrinsecè à quatuor relationibus. Rursus quia spiratio actiua est communis Patri, & Filio, distinguitur virtualiter intrinsecè à Paternitate, quæ est propria Patris, & à Filiatione, quæ est propria Filij. Rationes conuertibiles, quarum vna non est communior, quam altera, distinguuntur solum virtualiter extrinsecè.

intrinsicè, & ratione non præscindente obiectivè. Et quia essentia, attributa Sapientiæ, Potentiæ, & vniuersum omnia prædicata absoluta sunt ita conuertibilia, vt nullum eorum conueniat vni, cui non conueniat alterum, siquidem sunt communia omnibus Personis, ideo essentia, attributa, & omnia absoluta distinguuntur solum virtualiter extrinsicè, ac ratione non præscindente obiectivè, vt dictum est questione 22.

71. Infertur secundò, quod Pater virtualiter intrinsicè constituitur per tres rationes virtualiter intrinsicè distinctas, nimirum per essentiam, seu Deitatem, per Spirationem actiuam, & per Paternitatem. Per essentiam communem Filio, & Spiritui Sancto constituitur vnus, & idem Deus cum Filio, & Spiritu Sancto, & primo distinguitur à creaturis, & ab omnibus, qui non sunt Deus verus. Per Spirationem actiuam communem Filio constituitur vnus, & idem Spirator cum Filio, & primo distinguitur à Spiritu Sancto. Per Paternitatem propriam constituitur vltimo Pater, & distinguitur ab omni alia Persona Diuina. Omnes rationes eadem numero communes tribus Personis identificantur virtualiter intrinsicè cum essentia. Omnes rationes eadem numero communes Patri, & Filio identificantur etiam virtualiter intrinsicè cum Spiratione actiua. Omnes rationes eadem numero propriæ Patris, quales sunt ratio ingeni, seu innascibilis, ratio generantis &c. idem.

identificantur virtualiter intrinsecè cum Paternitate. Proportionaliter Filius constituitur virtualiter intrinsecè per essentiam, Spirationem actiuam, & Filiationem; Spiritus Sanctus constituitur virtualiter intrinsecè per essentiam communem, & Spirationem passiuam propriam. Licet Personæ constituantur intrinsecè tum per rationes communes, tum per proprias, tamen dicuntur præcipuè constitui per proprias, ideoque authores loquentes de constitutiuis Diuinarum Personarum, solent loqui de proprijs.

Q. V. AESTIO XCIX.

*Utrum Personæ Diuinæ primo consti-
tuantur, & distinguantur per pro-
prietates absolutas, vel per
relatiuas, per origines,
vel per relationes.*

Sc. Th. q. 40. a. 2. & 41.

1. **P**rimò videtur, quod Personæ Diuinæ, e. g. Pater, & Filius non primo constituentur per proprietates relatiuas Patris, ac Filij, sed per aliquas proprietates absolutas antecedentes, vt docuerunt Gulielmus Parisiensis Tractatus de Trinitate, & Ioan. de Ripa in 1. dist. 26. quorum opinionem vt probabilem defendit Scotus eadem dist. 26. In creatis enim Persona Patris, & Filij non primo con-

340 *De constitutivis personarum*

stituitur per hoc, quod alter sit Pater, alter sit Filius, sed per aliquid antecedens absolutum, puta per hoc, quod alter sit Petrus, alter sit Paulus; ergo etiam in divinis.

2. Secundò videtur, quod Personæ Divinæ non primo constituentur per relationes Patris, & Filij &c. sed per origines, nimirum per hoc, quod Pater sit generans, Filius genitus, Spiritus Sanctus spiratus, ut docuit S. Bonaventura in 1. di. 27. quæst. 7. Personæ enim Divinæ primo constituentur per id, quod ita est proprium uniuscuiusque Personæ, ut concipiatur tanquam prius; sed origines ita sunt propriæ uniuscuiusque Personæ, ut concipiantur tanquam priores relationibus; ergo. Probat minor: nam relationes concipiuntur ut fundatæ in originibus, e. g. Pater prius concipitur generare Filium, deinde habere relationem Paternitatis fundatam in generatione activa.

3. Tertiò Pater videtur neque constitui per originem, neque per relationem Paternitatis. Persona enim Patris prius concipitur constituta, quam generet, & quam habeat relationem Paternitatis fundatam in generatione; ergo Pater primò constituitur per aliquid antecedens tum originem, tum relationem.

4. Respondeo duas examinandas esse quæstiones. Prima est, utrum Personæ Divinæ primo constituentur, & distinguantur per aliquas proprietates absolutas, an per relativas?

5. Di-

5. Dicendum cum opinione communis ferè omnium Theologorum. In Personis Diuinis non dantur vllæ proprietates absolutæ, adeoque primò constituuntur, & distinguuntur per relationes Paternitatis &c.

6. Probatur primò: nam Spiritus Sanctus Personas Diuinas in Scripturis non nominat alijs nominibus, quam significantibus origines, vel relationes, quales sunt *Pater, Filius, Unigenitus, Verbum, Imago, Spiritus veritatis, Spiritus, qui a Patre procedit* &c; sed Spiritus Sanctus vtitur nominibus aptis ad significanda constitutiuia Personarum; ergo Personæ Diuinæ constituuntur per relationes Paternitatis &c.

7. Probatur secundò auctoritate Concilij Florentini, & simul omnium Patrum. Sessione enim 18. post medium Ioannes Theologus tacitè approbante Concilio, cuius nomine loquebatur, dicit, *sola relatio apud omnes Græcos, & Latinos Doctores Diuinas Personas multiplicat, & paulò post: Ita ut non alia ratione, quam vi relationis Pater, à Filio, & una Persona ab alia differant.* Consonat Concilium Toleranum 11. in Confessione fidei cap. 1. dicens: *hoc solo numerum insinuant, quod ad inuicem sunt, & in hoc numero carent, quod in se sunt.* Ideò receptum est axioma Boetij l. de Trinitate: *sola relatio multiplicat Trinitatem*, & axioma desumptum ex Anselmo de Incarnatione Verbi cap. 3. *In Diuinis omnia sunt idem, ubi non obuiant*

reia.

relationis oppositio; sed si Personæ haberent proprietates absolutas, non solæ relationes, sed proprietates absolutæ multiplicarent Personas. Diuinas; ergo &c. Plures aliæ auctoritates Conciliorum, & Patrum videri possunt apud Suarium l. 7. de Trinitate. cap. 5. Vasquez disp. 158. cap. 3. & Ruiz disp. 87. sect. 2. propter quas auctoritates oppositam sententiam multi existimant erroneam, Ruiz censet errori proximam, Suarius improbabilem, & communi sensui contrariam.

8. Tertiò, supposita fide conclusio probatur ratione. Nam omnis distinctio oritur, vel ex limitatione, per quam vnum habet negationem perfectionis, quæ est in alio, vel ex oppositione relatiua; sed in Deo distinctio non potest oriri ex limitatione; ergo oritur purè ex oppositione relatiua.

9. Secunda quæstio est, vtrum Personæ Diuinæ constituentur primò per origines, an per relationes?

10. Dicendum. Personas Diuinas virtualiter intrinsecè eodem pacto constitui per origines, ac per relationes. Ratio est, quia Personæ Diuinæ virtualiter intrinsecè eodem pacto constituuntur per omnes rationes, quæ virtualiter intrinsecè non distinguuntur; sed ex dictis quæstione 98. num. 71. in Patre relatio Paternitatis non distinguitur ab origine, seu generatione actiua; idemque proportionaliter dic. de alijs Personis; ergo &c.

11. Hoc supposito, quaritur, vtrum;

Pers

Personæ Divinæ ratione nostra primò constituentur, & mutuò distinguantur originibus, vel relationibus. S. Bonaventura loco citato docuit Personas ratione nostra primò constitui, & mutuò distinguí originibus, ac proindè relationes concipi vt proprietates aduenientes Personis iam constitutis: putà Patrem primò constitui per hoc, quod generet Filium, relationem verò Paternitatis concipi vt proprietatem aduenientem Personæ Patris vt constitutæ: idemque proportionaliter dic de Filio, & Spiritu Sancto.

12. Dicendum cum S. Thoma 1. parte quæst. 40. art. 2. Personæ iuxta nostrum modum concipiendi constituuntur per relationes, non autem per origines.

13. Probatur: nam Personæ iuxta nostrum modum concipiendi constituuntur per id, quod concipitur ad modum formæ constitutiue, non autem per id, quod concipitur ad modum actionis consequentis formam constitutiuan, vel ad modum viæ ad talem formam; sed relationes concipiuntur ad modum formæ constitutiue, origines ad modum actionis, aut viæ; ergo &c. Probatur minor: nam Pater concipitur vt constitutus per hoc, quod sit principium generatiuum, adeoque per relationem principij: origo vero, seu generatio actualis, concipitur vt actio procedens à Persona iam constituta. Similiter Filius concipitur vt constitutus per hoc, quod habeat relationem Filiationis, per hoc autem, quod generetur, & nascatur,

con-

concipitur ut in via ad accipiendam formam Filij ; idemque dic proportionaliter de Spiritu Sancto .

14. Ad 1. concedo antecedens , & nego consequentiam . Disparitas patet ex dictis . Nam Personæ creatæ , cum sint limitatæ , possunt primò constitui , ac distinguui per hoc , quod habeant duas perfectiones absolutas se mutuò excludentes propter limitationem : at Personæ Divinæ cum sint illimitatæ , purè possunt distinguui propter oppositionem relativam Patris , & Filij , Generantis , & geniti .

15. Ad 2. distinguo maiorem : Personæ primo constituuntur per id , quod concipitur ut prius , si illud concipiatur ut via ad Personam , nego ; si concipiatur non ut via , sed ut terminus , & forma , concedo ; distinguo eodem pacto minorem ; & nego consequentiam . Filius dum concipitur nasci , concipitur ut in via ad habendum esse Personale Filij ; ergo non concipitur ut constitutus per natiuitatem , sed ut constitutus per Filiationem , quæ concipitur ut forma , & terminus .

16. Ad 3. distinguo antecedens : Persona Patris prius concipitur constituta , quam generet , & quam habeat relationem Paternitatis sub conceptu relationis principij generativi , nego ; sub conceptu explicito relationis Paternitatis , concedo ; & distinguo eodem pacto consequens . Pater concipitur constitutus non per hoc , quod habeat relationem Paternitatis fundatam in origine , seu generatione actiua ,
sed

sed per hoc, quod habeat relationem principij generatiui, adeoque per Paternitatem conceptam sub conceptu relationis principij, sub quo conceptu est prior, quam origo, siue actio generatiua. Hæc doctrina desumpta est ex S. Tho: 1. parte quaest. 40. art. 4.

QVAESTIO C.

Utrum in Trinitate conuenienter assignentur principium producens, terminus productus, potentia, & actio productiua.

S. Th. q. 41. a. 4. & 5.

1. **P**rimò videtur Principium producens *ut quod* non esse Persona, ut constituta ex essentia, & relatione, sed esse sola relatio. Vt enim tota Persona Patris e. g. generaret Filium, etiam essentia deberet generare; sed essentia non generat, ut docet Concilium Lateranense, relatum cap. *firmiter*; ergo.

2. Secundò videtur terminus productus *ut quod* non esse tota Persona producta, sed sola relatio. Si enim tota Persona Filij constituta ex essentia, & relatione esset genita, etiam essentia esset genita, quod est contra Lateranense.

3. Tertiò videtur terminus formalis Diuinarum productionum non esse essentia.

tia, sed relatio. Terminus enim formalis Diuinarum productionum debet esse formaliter productus; sed sola relatio est formaliter producta, essentia non est producta; ergo.

4. Quartò videtur potentia generatiua, qua Pater generat Filium, non esse essentia, sed relatio Paternitatis, & potentia spiratiua, qua Pater, & Filius spirant Spiritum Sanctum, non esse essentia, sed relatio spirationis actiue. Potentia enim generatiua debet distingui realiter à genito, & potentia spiratiua debet realiter distingui à spirato; sed essentia Diuina non distinguitur realiter à genito, hoc est à Filio, nec à spirato, hoc est à Spiritu Sancto; ergo.

5. Quintò essentia est in Filio, & Spiritu Sancto; ergo si essentia esset potentia generatiua, & spiratiua, potentia generatiua esset non solum in Patre, sed in Filio, ac Spiritu Sancto, ac proinde non solum Pater, sed etiam Filius, & Spiritus Sanctus possent generare.

6. Respondeo, quod quia in omni processione reali datur principium produciens, terminus productus, potentia, & actio productiua, debemus hæc explicare in diuinis processionebus, ad intra.

7. Queritur igitur primo, quodnam in Diuinis sit principium produciens *ut quod*, & quis sit terminus totalis productus *ut quod*.

8. Respondeo totam Personam, quæ habet relationem producentis, esse principium.

pium produciens *ut quod*; totam Personam, quæ habet relationem producti, esse terminum totalem productum *ut quod*. Totæ ergo Persona Patris est principium generans Filium; totus Filius est terminus totalis genitus *ut quod* &c. Conclusio est de fide, vel fidei proxima, ut docet Ruiz de Trin. disp. 98. sect. 5.

9. Probatur primò auctoritate Patrum. Nazianzenus orat. de Fide Nicæna Filium appellat *Perfectum de Perfecto Totum à Toto*. Et post pauca addit: *In Patre totum, quod inest, totum genuit Filium*. Ambrosius lib. de Filij Diuinitate cap. 7. loquens de Filio dicit: *Totus de toto, integer de integro*, & lib. 4. de Fide ad Gratianum cap. 3. *Ex Patre totus est Filius*. Augustinus serm. 125. de Tempore: *Genuit Filium totum à toto, perfectum à perfecto, Plenum à pleno*. Hilar. lib. 7. de Trinit. *Vnum ex uno, & totum à toto, Deum, & Filium*; ergo Patres docent totum Patrem, totum Filium genuisse, ac proindè Principium generans *ut quod* esse totam Personam producentem, terminum totalem genitum esse totam Personam, quæ generatur; sed idem proportionaliter valet de Spiritu Sancto; ergo &c.

10. Probatur secundò conclusio ratione. Nam proculdubio, si nihil est in Patre, quod per generationem non det Filio diuinitatem, esse, & omnia, quæ habet Filius, totus Pater generat Filium, & est principium generans *ut quod*; & si nihil est in Filio, quod per generationem non

accipiat à Patre, totus Filius generatur; & est terminus totalis genitus; sed hoc verificatur; ergo. Probatur minor: nam in Patre etiam essentia per generationem, qua Pater generat Filium, dat se ipsam Filio; Filius autem per generationem accipit à Patre non solum relationem Filij, sed diuinitatem, essentiam, & omnia, quæ habet; ergo. Ideò Christus Ioan. 5. dixit: *Sicut Pater habet vitam in semetipso, sic dedit & Filio vitam habere in semetipso*; sed viuere uiuentibus est esse; ergo Filius per generationem accipit à Patre vitam, essentiam, & totum esse.

11. Quæritur secundò, quinam sit terminus formalis diuinarum productionum, & processionum?

12. Respondeo, quod Ocham in 1. dist. 5. quæst. 3. Gabriel eadem dist. q. 3. Aureolus eadem dist. quæst. vnica, & quidam alij, quos refert Ruiz disp. 98. sect. 6. dixerunt, ad terminum formalem productionis requiri, vt producat, ac proinde essentiam, quæ non producit, non esse terminum formalem diuinarum productionum. S. Thomas in 1. dist. 5. quæstione 3. art. 1. in corpore, Scotus eadem dist. quæst. 2. & alij, quos sequuntur Suarez de Trin. lib. 6. cap. 6. Vasquez disput. 162. cap. 3. & Ruiz loco citato docent ad terminum formalem productionis non requiri, vt producat, sed sufficere, vt communicetur. Quæstio est magna ex parte de nomine, in qua dicendum cum secunda sententia: Terminus formalis diuina-

uinariū productionum est Diuina essentia, quæ tamen non est terminus productus, sed communicatus. Probatur: nam terminus totalis est id, quod producitur, terminus formalis est forma, quam agens ex primaria intentione dat producto tamquam constitutiuum ipsius, siue talis forma producat, seu solum communicetur: e.g. cum homo generat hominem, terminus totalis est homo genitus, puta Petrus, terminus autem formalis est natura humana, quia generans ex primaria intentione dat genito naturam humanam, vt per illam, sit verus homo consubstantialis generanti &c; sed Pater generans Filium ex primaria intentione dat illi deitatem, siue essentiam diuinam, vt per illam Filius sit verus Deus, æqualis, & consubstantialis Patri; Pater, & Filius producentes Spiritum Sanctum dant illi Deitatem, siue essentiam diuinam; ergo &c.

12. Quæritur tertio, vtrum in Deo detur physica, realis, & positiua potentia producendi Diuinas Personas, e.g. vtrum in Patre detur physica, & realis potentia generandi Filium; in Patre, & Filio detur physica, & realis potentia producendi, & spirandi Spiritum Sanctum.

13. Respondeo, quod vt refert Ruiz disput. 99. sect. 1. tres in hoc puncto sunt opiniones. Prima Aureoli in 1. dist. 7. 1. parte art. 2. docuit, in Deo non dari physicam potentiam productiuam, puta generandi, vel spirandi, sed solum dari potentiam logicam, ac proinde poten-

potentiam generandi esse talem, qualis est potentia, qua Deus potest esse Deus, Pater potest esse Pater &c. Fundamentum est, quia ut daretur physica potentia generandi, deberet realiter distingui ab ipso actu generandi, & esse productiua, seu elicitiva talis actus; sed potentia generandi in Patre non distinguitur realiter ab actu generandi, nec est productiua, vel elicitiva talis actus, siquidem actus generandi in Patre, est improductus, sicut ipse Pater; similiter potentia spirandi non distinguitur realiter ab actu spirandi; ergo.

14. Secunda sententia, cui videtur favere Molina quæst. 41. art. 4. & quæ à nonnullis tribuitur Gregorio, Caietano, & Canariensi, quos tamen Ruiz vindicat ab hac sententia, docet in Deo dari potentiam physicam respectu termini producti, hoc est respectu Filij, & Spiritus Sancti, sed non dari potentiam physicam, sed solum logicam respectu actuum notionalium generandi, ac spirandi. Fundamentum est, quia potentia est realis, & physica respectu illius, à quo realiter distinguitur, & est solum logica respectu illius, cum quo identificatur; sed potentia generatiua distinguitur realiter à Filio, identificatur autem cum actu generandi; idemque dic proportionaliter de potentia spiratiua; ergo &c.

15. Dicendum primò cum communi sententia contra Aureolum: In Deo datur realis, physica, & positiua potentia generandi

randi Filium , & spirandi Spiritum Sanctum .

19. Probatur primò auctoritate . Nam Patres tribuunt Deo potestatem , virtutem , potentiam , facultatem , seu vim generandi ; sed hæc nomina absolutè prolata significant potentiam physicam , & realem , ac non solum potentiam logicam , ideoque iidem Patres non tribuunt Deo potentiam ad hoc, vt sit Deus , vt sit æternus &c. quia hæc est potentia solum logica; ergo . Probatur minor : Athanasius Dialogo primo de Sancta Trinitate contra Anomæum Columna 6. dicit : *Vterum audiens , generandi vim , & os audiens , docendi facultatem intelligito ; & propè medium ; Vteri nomine genitricem vim ipsius hypostaseos intelligito ; & post medium : Hypostasis declarat esse , uterque gignendi vim , os ipsam docendi facultatem .* Vide alios Patres apud Ruiz disp. 99. sect. 2.

17. Probatur secundò ratione S. Thomæ 1. parte quæst. 41. art. 4. Nomine enim potentia actiua physica , ac non solum logica , intelligimus principium , quo produciens producit aliquid à se distinctum ; sed eo ipso , quod Pater verè , & realiter producit , ac generat Filium , datur in Patre principium , quo producit , ac generat Filium distinctum à Patre ; ergo . Proportionali ratione probatur , quod datur in Patre , & Filio potentia productiua , seu spiratiua . Propter hæc , & alia argumenta Ruiz disp. 99. sect. 2. num. 23. censet sententiam Aureoli esse temerariam ,

riam, errori proximam, & periculofam.

18. Dicendum secundò: in Deo datur realis potentia non solum respectu termini producti, sed etiam respectu actuum, notionalium generandi Filium, & spirandi Spiritum Sanctum.

19. Probatur: nam cum datur potentia ad producendum terminum distinctum essentialiter, vel Personaliter, talis potentia dicitur realis, non solum respectu termini, sed etiam respectu productionis, etiamsi ipsa productio actu non distingatur à producente, nec producat: e. g. quia Deus per potentiam creativam creat creaturas distinctas realiter à Deo producente, potentia creativa est realis potentia non solum respectu creaturarum productarum, sed etiam respectu creationis, ideoque Deus dicitur habere realem potentiam creandi, etiamsi dicamus, quod creatio activa non distingatur à Deo; sed in Patre datur potentia ad generandum, Filium personaliter distinctum à Patre, & spirandum Spiritum Sanctum personaliter distinctum à Patre, & Filio; ergo potentia generativa, & spirativa est realis non solum respectu Filij, & Spiritus Sancti, sed etiam respectu generationis, & spirationis activæ, etiamsi generatio activa non distingatur realiter à principio generante, & spiratio activa non distingatur realiter à principio spirante. Ex opposita ratione, cum potentia non est ad terminum distinctum, neque est realis, & physica

fica respectu termini, neque respectu actionis, sed respectu utriusque est merè logica: e. g. quia in Deo potentia intelligendi, & amandi non est ad actum intelligendi, & amandi distinctum, neque est potentia physica respectu intellectus, & amoris, neque respectu actionis intellectivæ, & amativæ, sed respectu utriusque est merè logica, & rationis. Videri potest S. Thomas quaest. 41. art. 4. ad 3.

20. Hinc responderi potest ad fundamenta duarum opinionum relatarum n. 13. & 14. Dicendum nimirum, quod cum est potentia ad producendum aliquid realiter distinctum à producente, dicitur realis, & physica non solum respectu termini, sed etiam respectu productionis activæ, etiam si produciens non distinguatur realiter à tali productione, ut ostensum est exemplo potentiae creativæ.

21. Obijcies: Ambrosius lib. 4. de fide ad Gratianum cap. 4. dicit: *Generatio Paternæ proprietatis est, non potentiae*: Et paulò post: *Generatio non ad sublimitatem potentiae, sed ad proprietatem refertur naturæ*; & deinde *generatio in paternâ proprietate, non in iure est potestatis*: Cyrillus Alexandrinus lib. 2. Dialogorum non multo ante finem probat repugnare Deo, quod sit potentia Pater, & potentia sit ad generandum, quia Deus est actus purus; ergo Ambrosius, & Cyrillus negant in Deo potentiam generativam.

22. Respondeo, quod Ambrosius, & Cyrillus, ut patet ex contextu, negant Pa-

trem esse Patrem potentia, in quantum potentia includit priuationem actus: cum enim sit actus purus, non includit priuationem oppositam actui generandi; non autem negant Patrem habere potentiam generandi, quæ semper, & necessario includat ipsum actum generandi.

23. Dices: actui puro repugnat omnis potentia physica; Pater est actus purus; ergo Patri repugnat omnis potentia physica.

24. Respondeo ex doctrina tradita, quod actui puro repugnat potentia coniungibilis cum priuatione, at non repugnat potentia inconiungibilis cum priuatione actus.

25. Quæritur quartò, vtrum in Patre potentia generatiua sit essentia Diuina, vel potius relatio, seu proprietas Personalis Patris; & vtrum in Patre, & Filio potentia spiratiua sit essentia diuina, vel potius relatio spiratoris.

26. Respondeo S. Bonauenturam in 1. dist. 7. art. 1. quæst. 1. Durandum eadem dist. quæst. 2. & Carthusianum eadem dist. quæst. 1. ac paucissimos alios docuisse non essentiam, sed solam relationem, seu proprietatem Personalem Patris esse potentiam generatiuam, ac principium *quo* generandi Filium; ac solam relationem spiratoris esse potentiam spiratiuam, seu principium *quo* spirandi Spiritum Sanctum.

27. Secunda sententia Magistri sententiarum in 1. dist. 7. quam sequuntur omnes

nes alij Scholastici, nimirum Albertus, Henricus, S. Thomas 1. parte quæst. 41. art. 5. Scotus in 1. dist. 7. Suarius lib. 6. de Trinit. cap. 15. num. 6. Vasquez 1. parte disput. 164. cap. 1. & 3. Ruiz de Trinit. disput. 100. sect. 2. & alij, docet essentiam Diuinam spectare ad formalem constitutionem potentiae generatiuae, qua Pater generat Filium, Pater, & Filius spirant Spiritum Sanctum.

28. Dicendum cum secunda sententia: essentia Diuina spectat ad formale constitutum potentiae generatiuae, & spiratiuae.

29. Probatur primò auctoritate Patrum. Basilius lib. 5. contra Eunomium, post medium dicit: *Pater natura diuina, proprium Filium genuit*: si genuit natura; ergo natura est potentia generatiua. Cyrillus Alexandrinus lib. 1. Thesaur. cap. 7. nominat *generatiuam virtutem, & generatiuam essentiam Dei*; Damascenus lib. 1. de fide cap. 8. dicit: *Generatio sine principio, & aeterna naturæ opus est, ex substantia eius profecta*. Hilarius lib. 5. de Trinitate propè finem loquens de Filio dicit: *ex virtute naturæ in naturam eandem naturitate subsistit*. Vide alios Patres apud Ruiz disp. 100. sect. 2.

30. Probatur secundò ratione. Nam in Patre illud se habet vt actio generatiua, per quod Pater vltimo formaliter constituitur actu generans: illud se habet vt potentia generatiua, virtute cuius existit actio generatiua; sed in Patre actio gene-

ratio existit virtute essentiae ; nam vt dictum est quæst. 22. essentia Diuina est prima, & adæquata ratio existendi sibi ipsi, & omnibus relationibus, & originibus : Pater verò vltimò formaliter constituitur actu generans per Paternitatem, non autem per essentiam, quæ cum sit communis generanti, & genito, non est vltimum constitutum generantis, vt generantis ; ergo &c. Ex proportionali ratione essentia est potentia spiratiua communis Patris, & Filij ; spiratio est actio spiratiua. Eadem essentia est potentia, qua Filius potest generari, & nasci : Filiatio est generatio passiuæ, siue actualis natiuitas Filij. Eadem essentia est potentia, qua Spiritus Sanctus potest spirari : spiratio est productio passiuæ, qua actu spiratur.

31. Quæritur quintò, vtrum potentia generandi sit sola essentia, præscindendo à relatione, an verò vltra essentiam includat relationem saltem in obliquo, & minus principaliter ; atque idem proportionaliter quæritur de potentia spirandi.

32. Respondeo Ochamum, & Gabrielem, vtrumque in 1. dist. 7. quæst. 1. & 3. docuisse solam essentiam, præscindendo à relatione, esse adæquatam, & totalem potentiam generandi, ac spirandi. Scotus, & Aureolus tribuunt hanc sententiam S. Thomæ 1. parte quæst. 44. art. 5. Alij tribuunt eandem Magistro in 1. dist. 7. Contra hanc opinionem communiter Theologi potentia docent potentiam generatiuam, & spirati-

radi-

rativam non consistere in sola essentia, sed includere partialiter relationem. Ex his Henricus quodlib. 3. quæst. 3. in corpore, & alibi, Riccardus in 1. distinct. 1. quæst. 1. & dist. 13. art. 2. docuerunt, potentiam generativam, & spirativam æquè principaliter, & in recto includere essentiam, ac relationes paternitatis, & spirationis activæ. Alij communiter docent potentiam generativam, & spirativam principaliter, & in recto consistere in essentia, minus principaliter, & in obliquo importare relationem paternitatis, & spirationis activæ. Hanc sententiam Ruiz disput. 100. sect. 5. tribuit Magistro in 1. dist. 7. S. Thomæ 1. parte quæst. 41. art. 7. S. Bonaventuræ in 1. dist. 7. & alijs, eosque sequuntur Capreolus, Ferrariensis, Caietanus, Molina, Suarius, Vasquez, & alijs relati à Ruiz loco citato.

33. Dicendum: Potentia generativa, & spirativa in recto est sola essentia: sed ut adequatè denominans Personam potentem generare, vel spirare, includit in obliquo Paternitatem, & spirationem activam.

34. Probatur prima pars: nam ex dictis num. 31. Potentia generativa est virtus adequata, à qua existit actio generandi; sed sola essentia per se ipsam est virtus adequata, à qua existit actio generandi; ergo potentia generativa in recto est sola essentia. Ex proportionali ratione potentia spirandi in recto est sola essentia, quia sola essentia est virtus

558 *De potentia productiua &c.*
adaequata, à qua existit actio spiran-
di.

35. Probatur iam secunda pars: nam
sola essentia non sufficit ad denominandam
Personam potentem generare, siquidem
essentia datur in Filio, & Spiritu Sancto,
& tamen illos non denominat potentes ge-
nerare; ergo potentia generatiua vt ada-
quatè denominans Personam potentem
spirare, includit in obliquo Paternita-
tem: & ex proportionali ratione vt ada-
quatè denominans Personam potentem
generare, includit in obliquo spirationem
actiuam. Sicut igitur albedo est adaqua-
ta forma dealbatiua, sed vt proximè de-
nominans album includit in obliquo su-
biectum capax: nam si poneretur in subie-
cto incapaci, puta in Angelo, non deno-
minaret illum album; sic essentia diuina
est adaequata potentia generatiua, & spi-
ratiua, sed vt adaquatè denominans Per-
sonam potentem generare, includit rela-
tionem Paternitatis; & vt denominans
Personam potentem spirare, includit in
obliquo relationem spirationis actiue. In
hoc sensu debet intelligi Damascenus lib.
de duabus Christi voluntatibus dicens:
*Omnia, quæ habet Pater, sunt Filij, sola
gignendi vi excepta.* Virtus enim generan-
di, vt adaquatè denominans potentem
generare, ac proindè vt includens Pater-
nitatem, non communicatur Filio. In
eodem sensu in Concilio Florentino sess.
19. Ioannes Theologus, postquam dixit
substantiam esse potentiam, seu potesta-
tem,

tem, & principium quo, seu per quod Pater generat Filium, subiungit: *Propterea tamen non sequitur, ut per hac substantiam secundum suum esse commune, & absolutum, principium sit, per quod.* Per conclusionem hoc pacto explicatam facile conciliari possunt auctores, qui videntur contrarij.

36. Queritur sextò, utrum actio generatiua, & spiratiua sit relatio?

37. Respondeo affirmatiuè ex dictis num. 31.

38. Ad 1. nego maiorem. Ut totus homo generet Filium, non requiritur, ut ut anima rationalis generet Filium; ergo ut tota Persona diuina generet, non requiritur, ut essentia generet.

39. Ad 2. nego sequelam. Ut totus homo generetur, non requiritur, ut etiam anima rationalis, per quam constituitur, generetur; ergo ut tota Persona Filij generetur, non requiritur, ut etiam essentia, qua constituitur, generetur. Ratio autem, cur essentia Diuina neque generet, neque generetur, est, quia nihil potest generare nisi terminum realiter distinctum, & nihil potest realiter generari nisi à principio realiter distincto; sed essentia Diuina non distinguitur realiter ab ullo, quod sit in Deo; ergo neque generat, neque generatur ad intra, sed solum agit, & operatur ad extra.

40. Ad 3. nego maiorem, ac dico non requiri, ut terminus formalis diuinarum productionum producat, sed suf-

ficere, vt communicetur: de facto enim in generatione hominis iuxta sententiam satis receptam, terminus formalis est anima rationalis, quæ non generatur, sed per generationem communicatur genito; sed ex dictis num. 12. essentia Diuina licet non generetur, nec spiretur, tamen per generationem communicatur Filio, per spirationem communicatur Spiritui Sancto; ergo.

41. Ad 4. distinguo maiorem: Potentia generatiua purè *vt quo* debet distinguì à genito, nego: Potentia generatiua non purè *vt quo*, sed quæ etiam ipsa generet, concedo maiorem: concedo minorem; & nego consequentiam. Generans distinguitur à genito purè secundum relationem generantis, & geniti. At potentia generatiua purè *vt quo* cum non generet, sed ea Pater generet, non debet distinguì à genito. Potentia generatiua solet etiam vocari, principium generandi *vt quo*, & hoc cum est purè *vt quo* non debet distinguì à genito.

42. Ad 5. concedo antecedens, & nego consequentiam, quoad partem, in qua dicitur, quod etiam Filius posset generare. Essentia est potentia generatiua, qua Pater potest generare, Filius potest generari, spirator potest spirare, Spiritus Sanctus potest spirari; ergo ex eo, quod Filius habeat essentiam, sequitur, quod Filius habeat potentiã generatiuam, qua Pater potest generare, Filius non potest generare, sed solum potest generari.

43. Di-

43. Dices: repugnat, ut potentia generatiua sit in aliquo, & illud non constituat potens generare.

44. Respondeo, negando antecedens. Nam eadem forma vni subiecto, vel quasi subiecto potest tribuere vnam denominationem, alteri alteram: ex. gr. in sententia satis communi eadem entitas actionis causæ tribuit denominationem producentis, effectui tribuit denominationem producti; ergo non est mirum, quod eadem potentia generatiua coniuncta cum relatione Paternitatis tribuat Patri denominationem potentis generare, coniuncta cum Filiatione tribuat Filio denominationem potentis generari. Habemus aliud exemplum ex hac ipsa materia de Trinitate. Certum est, quod eadem cognitio Diuina est communis tribus Personis, & tamen tribuit illis diuersam denominationem. Nam per eandem cognitionem prout coniunctam cum Paternitate, Pater dicit: *ego sum Pater, & non sum Filius, genero, & non generor*: Filius dicit: *ego sum Filius, & non sum Pater, generor, & non genero*.



QVAESTIO CI.

Utrum Verbum diuinum per se procedat ex cognitione intuitiua, & comprehensiua non solum diuinæ essentiae, & attributorum, sed etiam omnium diuinarum Personarum, omnium creaturarum possibilium, & omnium veritatum necessariarum.

g.Th. 2. 14. a. 3.

1. **V**Idetur vera sententia Scoti in 2. distinct. 7. quest. 1. art. 2. & in primo dist. 10. docentis Verbum per se procedere solum ex cognitione intuitiua diuinæ essentiae, & omnium attributorum, non autem ex cognitione intuitiua ipsius Verbi, & Spiritus Sancti, ac multo minus procedere ex cognitione creaturarum possibilium; primò quia si Verbum procederet à cognitione intuitiua sui ipsius, & Spiritus Sancti, procederet etiam à se ipso, & à Spiritu Sancto, quod est absurdum. Probatur sequela: quod enim procedit à cognitione intuitiua alicuius obiecti vt existentis, eo ipso procedit mediata à tali obiecto vt existente.

2. Secundò omnis cognitio intuitiua supponit suum obiectum existerè; sed cognitio, ex qua procedit Verbum, non supponit Verbum, & Spiritum Sanctum existerè; ergo.

3. Ter-

3. Tertiò in eo signo, in quo procedit Verbum, non intelligitur, ac multo minus supponitur Spiritum Sanctum existere; sed in eo signo, in quo obiectum cognoscitur intuituè, intelligitur, & supponitur tale obiectum existere; ergo in eo signo, in quo procedit Verbum, non intelligitur Pater cognoscere intuituè Spiritum Sanctum.

4. Quartò obiecti secundarij cognitio non est per se requisita ad producendum terminum intellectiōis, qui est Verbum; sed sola essentia est obiectum primarium diuinæ intellectiōis; Personæ, & creaturæ sunt obiectum solum secundarium; ergo cognitio diuinarum Personarum, & creaturarum possibile non est per se requisita ad productionem Verbi.

5. Quintò etiam si Pater non intelligeret Spiritum Sanctum, ex eo præcisè, quod intelligeret se ipsum, & Verbum, produceret Verbum; ergo cognitio Spiritus Sancti non est per se requisita ad productionem Verbi.

6. Sextò, si Pater produceret Verbum ex cognitione intuitiua ipsius Verbi, in signo præcedenti productionem Verbi, sciret Verbum ex se debere nasci; consequens est absurdum; ideoque Cyrillus Alexandrinus lib. 1. Thesauri cap. 8. existimat absurdum, ac non concedendum: *Per prius Patrem doctum fuisse, quod Filius sibi nasceretur, quam eum pepererit*; ergo &c.

7. Septimò: ideo Verbum est ima-

trem esse Patrem potentia, in quantum potentia includit priuationem actus: cum enim sit actus purus, non includit priuationem oppositam actui generandi; non autem negant Patrem habere potentiam generandi, quæ semper, & necessario includat ipsum actum generandi.

23. Dices: actui puro repugnat omnis potentia physica; Pater est actus purus; ergo Patri repugnat omnis potentia physica.

24. Respondeo ex doctrina tradita, quod actui puro repugnat potentia coniungibilis cum priuatione, at non repugnat potentia inconiungibilis cum priuatione actus.

25. Queritur quartò, utrum in Patre potentia generatiua sit essentia Diuina, vel potius relatio, seu proprietas Personalis Patris; & utrum in Patre, & Filio potentia spiratiua sit essentia diuina, vel potius relatio spiratoris.

26. Respondeo S. Bonauenturam in 1. dist. 7. art. 1. quæst. 1. Durandum eadem dist. quæst. 2. & Carthusianum eadem dist. quæst. 1. ac paucissimos alios docuisse non essentiam, sed solam relationem, seu proprietatem Personalem Patris esse potentiam generatiuam, ac principium *quo* generandi Filium; ac solam relationem spiratoris esse potentiam spiratiuam, seu principium *quo* spirandi Spiritum Sanctum.

27. Secunda sententia Magistri sententiarum in 1. dist. 7. quam sequuntur omnes

nes alij Scholastici, nimirum Albertus, Henricus, S. Thomas 1. parte quæst. 41. art. 5. Scotus in 1. dist. 7. Suarius lib. 6. de Trinit. cap. 15. num. 6. Vasquez 1. parte disput. 164. cap. 1. & 3. Ruiz de Trinit. disput. 100. sect. 2. & alij, docet essentiam Diuinam spectare ad formalem constitutionem potentiae generatiuae, qua Pater generat Filium, Pater, & Filius spirant Spiritum Sanctum.

28. Dicendum cum secunda sententia: essentia Diuina spectat ad formale constitutum potentiae generatiuae, & spiratiuae.

29. Probatur primò auctoritate Patrum. Basilii lib. 5. contra Eunomium, post medium dicit: *Pater natura diuina, proprium Filium genuit*: si genuit natura; ergo natura est potentia generatiua. Cyrillus Alexandrinus lib. 1. Thesaur. cap. 7. nominat *generatiuam virtutem, & generatiuam essentiam Dei*; Damascenus lib. 1. de fide cap. 8. dicit: *Generatio sine principio, & aeterna natura opus est, ex substantia eius profecta*. Hilarius lib. 5. de Trinitate propè finem loquens de Filio dicit: *ex virtute natura in naturam eandem natiuitate subsistit*. Vide alios Patres apud Ruiz disp. 100. sect. 2.

30. Probatur secundò ratione. Nam in Patre illud se habet vt actio generatiua, per quod Pater vltimo formaliter constituitur actu generans: illud se habet vt potentia generatiua, virtute cuius existit actio generatiua; sed in Patre actio gene-

ratina existit virtute essentiae; nam vt dictum est quaest. 22. essentia Diuina est prima, & adequata ratio existendi sibi ipsi, & omnibus relationibus, & originibus: Pater verò vltimò formaliter constituitur actu generans per Paternitatem, non autem per essentiam, quæ cum sit communis generanti, & genito, non est vltimum constitutum generantis, vt generantis; ergo &c. Ex proportionali ratione essentia est potentia spiratiua communis Patris, & Filij; spiratio est actio spiratiua. Eadem essentia est potentia, qua Filius potest generari, & nasci: Filiatio est generatio passiuæ, siue actualis natiuitas Filij. Eadem essentia est potentia, qua Spiritus Sanctus potest spirari: spiratio est productio passiuæ, qua actu spiratur.

31. Quæritur quintò, vtrum potentia generandi sit sola essentia, præscindendo à relatione, an verò vltra essentiam includat relationem saltem in obliquo, & minus principaliter; atque idem proportionaliter quæritur de potentia spirandi.

32. Respondeo Ochamum, & Gabrielem, vtrumque in 1. dist. 7. quaest. 1. & 3. docuisse solam essentiam, præscindendo à relatione, esse adequatam, & totalem, potentiam generandi, ac spirandi. Scotus, & Aureolus tribuunt hanc sententiam S. Thomæ 1. parte quaest. 44. art. 5. Alij tribuunt eandem Magistro in 1. dist. 7. Contra hanc opinionem communiter Theologi docent potentiam generatiuam, & spirati-

rativam non consistere in sola essentia, sed includere partialiter relationem. Ex his Henricus quodlib. 3. quaest. 3. in corpore, & alibi, Riccardus in 1. distinct. 1. quaest. 1. & dist. 13. art. 2. docuerunt, potentiam generativam, & spirativam æque principaliter, & in recto includere essentiam, ac relationes paternitatis, & spirationis activæ. Alij communiter docent potentiam generativam, & spirativam principaliter, & in recto consistere in essentia, minus principaliter, & in obliquo importare relationem paternitatis, & spirationis activæ. Hanc sententiam Ruiz disput. 100. sect. 5. tribuit Magistro in 1. dist. 7. S. Thomæ 1. parte quaest. 41. art. 7. S. Bonaventuræ in 1. dist. 7. & alijs, eosque sequuntur Capreolus, Ferrariensis, Caietanus, Molina, Suarius, Vasquez, & alij: relati à Ruiz loco citato.

33. Dicendum: Potentia generativa, & spirativa in recto est sola essentia: sed ut adequatè denominans Personam potentem generare, vel spirare, includit in obliquo Paternitatem, & spirationem activam.

34. Probatur prima pars: nam ex dictis num. 31. Potentia generativa est virtus adequata, à qua existit actio generandi; sed sola essentia per se ipsam est virtus adequata, à qua existit actio generandi; ergo potentia generativa in recto est sola essentia. Ex proportionali ratione potentia spirandi in recto est sola essentia, quia sola essentia est virtus

558 De potentia productiva &c.
adaequata, à qua existit actio spirandi.

35. Probatur iam secunda pars: nam sola essentia non sufficit ad denominandam Personam potentem generare, siquidem essentia datur in Filio, & Spiritu Sancto, & ramen illos non denominat potentes generare; ergo potentia generatiua vt adaequatè denominans Personam potentem spirare, includit in obliquo Paternitatem: & ex proportionali ratione vt adaequatè denominans Personam potentem generare, includit in obliquo spirationem actiuam. Sicut igitur albedo est adaequata forma dealbatiua, sed vt proximè denominans album includit in obliquo subiectum capax: nam si poneretur in subiecto incapaci, puta in Angelo, non denominaret illum album; sic essentia diuina est adaequata potentia generatiua, & spiratiua, sed vt adaequatè denominans Personam potentem generare, includit relationem Paternitatis; & vt denominans Personam potentem spirare, includit in obliquo relationem spirationis actiue. In hoc sensu debet intelligi Damascenus lib. de duabus Christi voluntatibus dicens: *Omnia, quæ habet Pater, sunt Filij, sola gignendi vi excepta*. Virtus enim generandi, vt adaequatè denominans potentem generare, ac proindè vt includens Paternitatem, non communicatur Filio. In eodem sensu in Concilio Florentino sess. 19. Ioannes Theologus, postquam dixit substantiam esse potentiam, seu potestatem,

tem, & principium quo, seu per quod Pater generat Filium, subiungit: *Propterea tamen non sequitur, ut per hac substantiam secundum suum esse commune, & absolutum, principium sit, per quod*. Per conclusionem hoc pacto explicatam facile conciliari possunt auctores, qui videntur contrarij.

36. Queritur sextò, vtrum actio generatiua, & spiratiua sit relatio?

37. Respondeo affirmatiuè ex dictis num. 31.

38. Ad 1. nego maiorem. Vt totus homo generet Filium, non requiritur, vt anima rationalis generet Filium; ergo vt tota Persona diuina generet, non requiritur, vt essentia generet.

39. Ad 2. nego sequelam. Vt totus homo generetur, non requiritur, vt etiam anima rationalis, per quam constituitur, generetur; ergo vt tota Persona Filij generetur, non requiritur, vt etiam essentia, qua constituitur, generetur. Ratio autem, cur essentia Diuina neque generet, neque generetur, est, quia nihil potest generare nisi terminum realiter distinctum, & nihil potest realiter generari nisi à principio realiter distincto; sed essentia Diuina non distinguitur realiter ab vilo, quod sit in Deo; ergo neque generat, neque generatur ad intra, sed solum agit, & operatur ad extra.

40. Ad 3. nego maiorem, ac dico non requiri, vt terminus formalis diuinorum productionum producat, sed sus-


ficere, ut communicetur: de facto enim in generatione hominis iuxta sententiam satis receptam, terminus formalis est anima rationalis, quæ non generatur, sed per generationem communicatur genito; sed ex dictis num. 12. essentia Divina licet non generetur, nec spiretur, tamen per generationem communicatur Filio, per inspirationem communicatur Spiritui Sancto; ergo.

41. Ad 4. distinguo maiorem: Potentia generatiua purè *ut quæ* debet distinguì à genito, nego: Potentia generatiua non purè *ut quæ*, sed quæ etiam ipsa generet, concedo maiorem: concedo minorem; & nego consequentiam. Generans distinguitur à genito purè secundum relationem generantis, & geniti. At potentia generatiua purè *ut quæ* cum non generet, sed ea Pater generet, non debet distinguì à genito. Potentia generatiua solet etiam vocari, principium generandi *ut quæ*, & hoc cum est purè *ut quæ* non debet distinguì à genito.

42. Ad 5. concedo antecedens, & nego consequentiam, quoad partem, in qua dicitur, quod etiam Filius posset generare. Essentia est potentia generatiua, qua Pater potest generare, Filius potest generari, spirator potest spirare, Spiritus Sanctus potest spirari; ergo ex eo, quod Filius habeat essentiam, sequitur, quod Filius habeat potentiã generatiuam, qua Pater potest generare, Filius non potest generare, sed solum potest generari.

43. Dices: repugnat, vt potentia generatiua sit in aliquo, & illud non constituat potens generare.

44. Respondeo, negando antecedens. Nam eadem forma vni subiecto, vel quasi subiecto potest tribuere vnam denominationem, alteri alteram: ex. gr. in sententia satis communi eadem entitas actionis causæ tribuit denominationem producentis, effectui tribuit denominationem producti; ergo non est mirum, quod eadem potentia generatiua coniuncta cum relatione Paternitatis tribuat Patri denominationem potentis generare, coniuncta cum Filiatione tribuat Filio denominationem potentis generari. Habemus aliud exemplum ex hac ipsa materia de Trinitate. Certum est, quod eadem cognitio Diuina est communis tribus Personis, & tamen tribuit illis diuersam denominationem. Nam per eandem cognitionem prout coniunctam cum Paternitate, Pater dicit: *ego sum Pater, & non sum Filius, genero, & non generor*: Filius dicit: *ego sum Filius, & non sum Pater, generor, & non genero*.



3. Tertiò in eo signo, in quo procedit Verbum, non intelligitur, ac multo minus supponitur Spiritum Sanctum existere; sed in eo signo, in quo obiectum cognoscitur intuituè, intelligitur, & supponitur tale obiectum existere; ergo in eo signo, in quo procedit Verbum, non intelligitur Pater cognoscere intuituè Spiritum Sanctum.

4. Quartò obiecti secundarij cognitio non est per se requisita ad producendum terminum intellectionis, qui est Verbum; sed sola essentia est obiectum primum diuinæ intellectionis; Personæ, & creaturæ sunt obiectum solum secundarium; ergo cognitio diuinarum Personarum, & creaturarum possibile non est per se requisita ad productionem Verbi.

5. Quintò etiam si Pater non intelligeret Spiritum Sanctum, ex eo præcisè, quod intelligeret se ipsum, & Verbum, produceret Verbum; ergo cognitio Spiritus Sancti non est per se requisita ad productionem Verbi.

6. Sextò, si Pater produceret Verbum ex cognitione intuitiua ipsius Verbi, in signo præcedenti productionem Verbi, sciret Verbum ex se debere nasci; consequens est absurdum, ideoque Cyrillus Alexandrinus lib. 1. Thesauri cap. 8. existimat absurdum, ac non concedendum: *Per prius Patrem doctum fuisse, quod Filius sibi nasceretur, quam eum pepererit*; ergo &c.

7. Septimò: ideo Verbum est ima-

go Patris, quia procedit ex cognitione intuitiva Patris; sed procederet ex cognitione intuitiva Spiritus Sancti, & creaturarum possibilem; ergo esset etiam imago Spiritus Sancti, & creaturarum possibilem: quod est falsum.

8. Octavo si Verbum procederet ex cognitione creaturarum possibilem, procederet aliquo pacto ex creaturis possibilem ut cognitis.

9. Nonò: licet non esset possibilem canis, aut equus, Verbum eodem pacto procederet; ergo cognitio possibilitatis canis, aut equi non est per se requisita ad productionem Verbi.

10. Respondeo in cognitione Divina posse ratione nostra distingui plures formalitates. Prima est, qua cognoscit essentiam Divinam; secunda, qua cognoscit attributa; tertia, qua cognoscit Personas; quarta qua cognoscit creaturas ut possibilem, & omnes veritates necessarias circa creaturas; quinta, qua cognoscit veritates contingentes per scientiam visionis, & median. Hoc posito, certum est Verbum procedere ex cognitione divina, quæ re ipsa habet omnes istas formalitates, & est cognoscitiva omnium. Queritur, utrum per se procedat ex cognitione divina secundum omnes explicatas formalitates, an verò solum secundum aliquas. Ut huic dubio satisfaciamus, præsentí quæstione examinabimus, utrum Verbum per se procedat ex cognitione divina secundum quatuor primas formalitates necessarias, & quæ

quæ spectant ad scientiam simplicis intelligentiæ. Quæstione sequenti examinabimus, vtrum per se procedat etiam ex quinta formalitate non necessaria, & quæ spectat ad scientiam visionis, & mediam.

11. Quatuor sunt sententiæ, quas referunt Vasquez 1. par. disp. 142. cap. 2. & Ruiz de Trinitate disp. 61. sect. 1. Prima Scoti, qui vt explicat Caietanus 1. parte quæst. 34. art. 3. docuit nec Verbum procedere ex scientia Personarum, & creaturarum possibilium, nec Spiritum Sanctum, ex amore earundem, tanquam ex principio, sed ex scientia, & amore solius essentia, vt perfectæ per omnia attributa, vt potè quæ spectant ad perfectionem essentie: Personas autem, & creaturas posibles sub eandem scientiam, seu amorem cadere necessariò, sed solum concomitantèr. Hanc fuisse sententiam, Scoti colligitur ex ijs, quæ docet præsertim in 1. dist. 2. q. 2. & dist. 32. q. 2. & in 2. dist. 1. qu. 10.

12. Secunda sententia Vasquez 1. par. quæst. 142. cap. 3. & 4. & disp. 143. cap. 3. & 4. docet Verbum procedere tanquam ex principio per se requisito ex cognitione essentia, & omnium attributorum, & ex cognitione intuitiva Patris, & Filij, cognitionem autem intuitiuam Spiritus Sancti, & cognitionem comprehensiuam creaturarum possibilium esse purè concomitantem.

13. Tertia sententia quorundam, quidam tribuunt Caietano 1. par. quæst. 34. art. 5.

21. 3. docet Verbum procedere non solum ex cognitione essentiae, & attributorum, sed ex cognitione non quidem intuitiva, sed quasi abstractiva ipsius Verbi, & Spiritui Sancti. Ruiz tamen disput. 61. cap. 1. n. 10. existimat Caietanum non docuisse hanc sententiam.

14. Quarta sententia, quam existimo veram, docet, Verbum procedere tanquam ex principio quo per se requisito non solum ex cognitione essentiae, & attributorum, sed etiam ex cognitione intuitiva omnium Personarum, & ex cognitione comprehensiva omnium creaturarum possibilium, & omnium veritatum necessarium. Hanc sententiam sequitur Ruiz de Trinit. disp. 61. sect. 3. pro eaque sect. 2. num. 12. citat Zumel, Bannez, Molinam, Suarez lib. 9. de Trinitate cap. 3. Valentiam 1. parte questione 7. de Trinitate, eamque putat esse Caietani loco supra citato.

15. Probatum primò: nam dum dicitur Verbum produci ex essentia, vel cognitione essentiali, asseritur quod ita producitur à Patre, ut Pater per essentiam, & cognitionem essentialem tanquam per principium quo, seu potentiam generandi, ac dicendi Verbum, constituatur potens producere Verbum, ut explicatum est quest. 100. num. 29; sed Pater constituitur potens generare, ac dicere Verbum per essentiam tanquam per potentiam generativam, quæ essentia, ut ostensum est quest. 42. est cognitio necessaria om-

niam

nium , quæ Deus Pater intelligit ; ergo. Ex proportionali ratione Spiritus Sanctus producit ex amore omnium , quæ Pater , & Filius amant , cum potentia spiritalia sit essentia diuina , quæ est amor necessarius omnium , quæ Deus amat , ut ostensum est q. 48.

16. Dices ; ergo Spiritus Sanctus procedit ex cognitione essentiali eodem pacto ac Verbum , & Verbum procedit ex amore essentiali eodem pacto , ac Spiritus Sanctus .

17. Respondeo nego ly *eodem pacto* . Nam Verbum ita procedit ex cognitione , ut sit Personaliter in linea cognitionis , non amoris ; Spiritus Sanctus ita , ut sit in linea amoris , non cognitionis : ideoque simpliciter , & absolute Verbum dicitur procedere ex cognitione , non ex amore , Spiritus Sanctus è conuerso , ut explicatum est q. 96. nu. 8.

18. Probatur secundo : nam Verbum procedit tanquam ex principio *quo* per se requisito ex cognitione omnium , quæ Pater dicit per Verbum ; sed Pater per Verbum dicit non solum essentiam , & attributa , sed etiam Personas , creaturas possibles , & omnes veritates necessarias , & vniuersim omnia , quæ scit ; ergo Verbum procedit tanquam ex principio *quo* per se requisito ex cognitione omnium horum . Maior probatur : nam Verbum procedit tanquam ex principio *quo* per se requisito ex cognitione , qua Pater constituitur proximè potens producere Verbum : sed

sed Pater constituitur proximè potens
 producere Verbum per cognitionem, quæ
 scit omnia, quæ debet dicere per Verbum:
 vnusquisque enim constituitur proximè
 potens aliquid verè dicere per hoc, quod
 illud sciât; ergo. Probatur iam minor,
 quod nimirum Pater per Verbum dicat
 vniuersim omnia, quæ scit. Nam Verbum
 Diuinum non est Verbum imperfectum,
 & inadæquatum, sed est Verbum perfe-
 ctum, & adæquatum omnium, quæ Pater
 scit; ergo Pater per Verbum dicit non
 solum essentiam, & attributa, sed etiam
 Personas, creaturas posibles, & vniuersim
 omnia, quæ scit. Probatur antecedens
 auctoritate Patrum. Athanasius in Epist.
 de decretis Synodi Nicanæ circa medium
 dicit: *Non enim multa Verba sunt, ut
 vnumquodque eorum insufficiens habeatur,
 sed vnum Verbum, ut illud solum perfectum
 habeatur.* Basiliius homil. 16. in illud *In
 principio erat Verbum*, dicit: *Cur Verbum?*
*Quoniam imago est genitoris, totum in se
 monstrans genitorem, nullam inde partem
 deducens, & perfectè in se existens quemad-
 modum fere Verbum nostrum, quod totius
 nostre cogitationis imaginem refert.* Cyril-
 lus Alexandrinus Dial. de Trinitate lib. 2.
*Verbi quidem ex mente enunciatio etiam na-
 tiuitas est passionis experta, & genitum non
 diuiditur, manet autem magis in mente, quæ
 genuit, & mentem, quæ genuit, in se habe-
 bit sufficientissimè, & manifestè demonstra-
 bit.* Augustinus lib. 15. de Trinitate cap. 14.

Tan-

Tanquam se ipsum dicens Pater genuit Verbum sibi æquale per omnia. Non enim se ipsum integrè, perfecteque dixisset, si aliquid minus, aut amplius esset in eius Verbo, quam in ipso. Ideo Verbum hoc verè veritas est, quia quicquid in ea scientia, de qua genitum est, & in ipso est. Fulgentius lib. 3. ad Monimum cap. 7. dicit: Nec minus aliquid habet Verbum, quod ex mente nascitur, quam ea mens, de qua nascitur; Anselmus in! Profologio cap. 23. Quoniam autem idem est summo Spiritui scire, quod intelligere, seu dicere, necesse est, quod eodem modo sciat omnia, que scit, quo ea dicit, aut intelligit.

20. Responderi potest primo ex principijs Scoti, quod sicut in diuina cognitione distinguuntur formaliter ex natura rei quatuor formalitates: prima, qua cognoscit essentiam vt obiectum primum, & hæc sola est formalitas primaria diuinæ essentia, & cognitionis: secunda, qua cognoscit attributa; tertia, qua cognoscit Personas; quarta, qua cognoscit creaturas possibles &c. & istæ tres sunt formalitates secundariæ; sic proportionaliter in Verbo distinguuntur ex natura rei quatuor formalitates: prima, qua Pater per Verbum dicit essentiam vt obiectum primum, quæ sola est formalitas primaria Verbi: secunda, qua Pater per Verbum dicit attributa: tertia, qua dicit Personas; quarta, qua dicit creaturas possibles: & istæ sunt formalitates secundariæ ipsius Verbi. Dum igitur asseritur, quod

quod Verbum per se procedit solum ex cognitione essentiae, asseritur, quod Verbum secundum conceptum primum procedit per se solum ex cognitione essentiae, sed non negatur, quod Verbum Diuinum adequatè sumptum non solum secundum conceptum primum, sed etiam secundum conceptus secundarios, & secundarias formalitates procedat per se ex cognitione omnium, quæ Pater scit.

21. Reijcitur hæc doctrina, primò quia vt dictum est quæst. 42. in Diuina cognitione non distinguuntur formaliter ex natura rei, neque virtualiter intrinsecè formalitates, quibus cognoscit essentiam, attributa, Personas, & Possibilia; ergo responsio allata nititur supposito falso.

22. Reijcitur secundò, nam Verbum Diuinum secundum suum conceptum primum est Verbum, quo Pater adequatè, & comprehensiuè dicit essentiam; ergo procedit per se ex cognitione adequata, & comprehensua diuinæ essentiae; sed cognitio adequata, & comprehensua Diuinæ essentiae includit cognitionem adequatam, & comprehensiuam attributorum, Personarum, & omnium possibilem; ergo Verbum secundum suum conceptum primum per se procedit ex cognitione adequata, & comprehensua omnium horum. Probatur antecedens assumptum. Essentia enim diuina per se ipsam est adequata ratio omnium attributorum, Personalitatum, & yniuersim omnium,

nium, quæ cum ipsa realiter identificantur; ergo non potest comprehendi, quin cognoscatur, quod est ratio adæquata omnium horum; sed non potest cognosci, quod est ratio adæquata omnium horum, quin hæc omnia adæquatè, & comprehensivè cognoscantur; ergo non potest comprehendi diuina essentia, quin comprehendantur omnia, quæ cum ea realiter identificantur, adeoque quin comprehendatur Omnipotentia, quæ identificatur realiter cum Diuina essentia; sed non potest comprehendi Omnipotentia, quin comprehendantur omnia possible, quæ possunt per Diuinam Omnipotentiam fieri; ergo non potest comprehendi essentia Diuina, quin eadem comprehensione comprehendantur attributa, Personæ, & omnia possible. Confirmatur, nam, Pater æternus per comprehensionem diuinæ essentiæ beatificatur, & perfectissimè quietatur; sed nisi eadem cognitione comprehenderet attributa, Personas, & omnia possible, non beatificaretur, nec quietaretur; ergo &c.

23. Secundo responderi potest iuxta sententiam aliorum, qui dicunt in diuina cognitione formalitates illas distingui solum ratione nostra. Ergo dici potest, quod etiam in Verbo proportionales formalitates distinguuntur ratione nostra; & sicut diuina cognitio ratione nostra primario constituitur solum per hoc, quod sit cognitio essentiæ, sic Diuinum Verbum ratione nostra primario constituitur solum
per

per hoc, quod Pater per Verbum dicat essentiam, ac proinde Verbum secundum suum conceptum primum ratione nostra per se procedit solum ex cognitione essentie, licet secundum conceptus secundarios ratione nostra procedat etiam ex cognitione attributorum &c.

24. Reijcitur hac responsio: nam divina cognitio ratione nostra primario constituitur per hoc, quod sit cognitio diuinæ essentie, non qualiscunque, sed adæquata, & comprehensiva: & proportionally Verbum Diuinum constituitur per hoc, quod Pater per Verbum dicat essentiam non vtcunque, sed adæquatè, & comprehensivè; ergo Verbum Diuinum secundum suum conceptum primum per se procedit ex cognitione diuinæ essentie, non qualiscunque, sed adæquata, & comprehensiva; sed cognitio adæquata, & comprehensiva diuinæ essentie includit comprehensionem attributorum, Personarum, & omnium possibilium, ut ostensum est n. 22. ergo.

25. Ad 1. nego sequelam. Ad probationem distinguo antecedens: quod procedit à cognitione intuitiva alicuius obiecti ut existentis, quæ cognitio sit imago talis obiecti ab ipso procedens, eo ipso procedit mediata à tali obiecto ut existente, concedo: quæ cognitio non sit imago, sed potius exemplar obiecti, nego; & nego consequentiam. Cognitio intuitiva creata semper est imago sui obiecti formalis procedens ab obiecto tanquam ab

excm.

exemplari : & quia quod procedit ab aliquo , procedit etiam mediatè ab eo , à quo illud procedit , ideo in creatis , quod procedit à cognitione intuitiua alicuius obiecti , procedit mediatè à tali obiecto . Cognitio intuitiua , qua Pater videt Filium , & Spiritum Sanctum , non est imago , sed potius exemplar Filij , & Spiritus Sancti ; & quia exemplar non procedit ab imagine , sed potius imago procedit ab exemplari , cognitio intuitiua , qua Pater videt Filium , & Spiritum Sanctum , non procedit à Filio , & Spiritu Sancto , sed est principium quo Filius , & Spiritus Sanctus procedunt à Patre , vt dictum est n. 16 ; sed quod procedit à cognitione intuitiua obiecti , quæ non procedit à tali obiecto , nõ debet mediatè procedere à tali obiecto ; ergo non sequitur , quod Verbum procedat mediatè à se ipso , & à Spiritu Sancto .

26. Dices : Pater per cognitionem essentialem intuitiue cognoscit Verbum existere ; sed obiectum visum non potest procedere ex cognitione intuitiua , qua videtur existere ; ergo &c.

27. Respondeo nego minorem . Si intelligamus cognitionem intuitiuam , quæ videat existere imaginem sui ipsius , obiectum visum procedit ex cognitione intuitiua , qua videtur existere ; sed Pater videt Verbum existere vt imaginem Patris , qui est cognitio intuitiua Verbi ; ergo non est mirum , quod Verbum procedat ex cognitione intuitiua , qua Pater videt Verbum existere . Difficultas hoc intelli-

gen-

no, & semper. Idem proportionaliter dic
in casu nostro. Debet etiam aduerti, quod
hic abstrahimus à questione, de qua egi-
mus supra q. 95. vtrum prioritas hæc signo-
rum sit vera prioritas originis, vel sit prio-
ritas solum ratione nostra.

30. Ad 4. distinguo maiorem: obiecti
secundarij cognitio, quæ non includitur
in cognitione comprehensua obiecti pri-
marij, non est per se requisita ad produ-
ctionem Verbi, concedo; si includatur
in cognitione comprehensua obiecti pri-
marij, nego: distinguo eodem pacto mi-
norem; & nego consequentiam. Quia
Verbum Diuinum est Verbum adæquatum,
ad eius productionem per se requiritur co-
gnitio adæquata, & comprehensua diuine
essentiæ, quæ eo ipso est etiam compre-
hensua omnium obiectorum materialium,
& secundariorum, attributorum nimirum,
Personarum, & possibilium, vt dictum est
num. 22.

31. Ad 5. distinguo antecedens; etiam si
Pater non intelligeret Spiritum Sanctum,
ex eo præcisè quod intelligeret se ipsum,
& Verbum, produceret Verbum inadæ-
quatum, & imperfectum, concedo; Ver-
bum adæquatum, & perfectum, nego; &
nego consequentiam. Si Pater non intelli-
geret Spiritum Sanctum, eo ipso non intelli-
geret adæquatè, & comprehensiuè diui-
nam essentiam; ergo non produceret Ver-
bum adæquatum, & perfectum: sed Ver-
bum Diuinum, de quo loquimur, ex suo
conceptu primario est Verbum adæquatum,
& perfectum; ergo.

32. Ad

32. Ad 6. concedo sequelam , & nego illam esse absurdam . Cyrillus negat Patrem in priori sciuisse Filium ea prioritate, quam extorquere conabatur Eunomius, contra quem disputabat ; sed Eunomius conabatur probare cognitionem Patris præcessisse natiuitatem Filij prioritate , quæ cognitio consultatiua præcedit illa , de quibus vt liberè faciendis consultamus ; ergo hanc tantum prioritatem negat Cyrillus ; ideoque addit . *Nam si per prius consilio usus est , & per prius didicit Filium sibi futurum , spatia certe aliqua Filium præcedent . Sed ipse & temporis , & spatij creator est .*

33. Ad 7. nego sequelam . Ad imaginem non sufficit , vt procedat à cognitione intuitiua alicuius, sed requiritur, vt immediate, vel mediatè procedat ab illo ; sed Filius ita procedit à cognitione intuitiua Patris, vt immediate procedat ab ipso Patre per actionem imitatiuam , vt explicatum est quæst. 96. at ita procedit à cognitione intuitiua Spiritus Sancti , & creaturarum possibilem , vt neque mediatè , neque immediate procedat ab illis , vt dictum est num. 25. ergo Filius licet procedat à cognitione intuitiua Spiritus Sancti , & creaturarum possibilem , non est imago Spiritus Sancti, & creaturarum possibilem .

34. Ad 8. nego sequelam . Licet Filius procedat ex cognitione intuitiua creaturarum possibilem, tamen nullo modo procedit à creaturis possibilem vt cognitis :

B b

quia

sed Pater constituitur proximè potens
 producere Verbum per cognitionem, qua
 scit omnia, quæ debet dicere per Verbum:
 vnusquisque enim constituitur proximè
 potens aliquid verè dicere per hoc, quod
 illud sciât; ergo. Probatur iam minor,
 quod nimirum Pater per Verbum dicat
 vniuersim omnia, quæ scit. Nam Verbum
 Diuinum non est Verbum imperfectum,
 & inadæquatum, sed est Verbum perfe-
 ctum, & adæquatum omnium, quæ Pater
 scit; ergo Pater per Verbum dicit non
 solum essentiam, & attributa, sed etiam
 Personas, creaturas posibles, & vniuersim
 omnia, quæ scit. Probatur antecedens
 auctoritate Patrum. Athanasius in Epist.
 de decretis Synodi Nicænæ circa medium
 dicit: *Non enim multa Verba sunt, ut
 vnumquodque eorum insufficiens habeatur,
 sed vnum Verbum, ut illud solum perfectum
 habeatur.* Basilius homil. 16. in illud In-
 principio erat Verbum, dicit: *Cur Verbum?*
*Quoniam imago est genitoris, totum in se
 monstrans genitorem, nullam inde partem
 deducens, & perfectè in se existens quemad-
 modum fere Verbum nostrum, quod totius
 nostræ cogitationis imaginem refert.* Cyril-
 lus Alexandrinus Dial. de Trinitate lib. 2.
*Verbi quidem ex mente enuntiatio etiam na-
 tiuitas est passionis expers, & genitum non
 diuiditur, manet autem magis in mente, quæ
 genuit, & mentem, quæ genuit, in se habe-
 bit sufficientissimè, & manifestè demonstra-
 bit.* Augustinus lib. 15. de Trinitate cap. 14.
 Tan-

Tanquam se ipsum dicens Pater genuit Verbum sibi æquale per omnia. Non enim se ipsum integrè, perfectèque dixisset, si aliquid minus, aut amplius esset in eius Verbo, quam in ipso. Ideo Verbum hoc verè veritas est, quia quicquid in ea scientia, de qua genitum est, & in ipso est. Fulgentius lib. 3. ad Monimum cap. 7. dicit: Nec minus aliquid habet Verbum, quod ex mente nascitur, quam ea mens, de qua nascitur; Anselmus in Profologio cap. 23. Quoniam autem idem est summo Spiritui scire, quod intelligere, seu dicere, necesse est, quod eodem modo sciat omnia, que scit, quo ea dicit, aut intelligit.

20. Responderi potest primo ex principiis Scoti, quod sicut in diuina cognitione distinguuntur formaliter ex natura rei quatuor formalitates: prima, qua cognoscit essentiam vt obiectum primum, & hæc sola est formalitas primaria diuinæ essentiae, & cognitionis: secunda, qua cognoscit attributa; tertia, qua cognoscit Personas; quarta, qua cognoscit creaturas possibles &c. & istæ tres sunt formalitates secundariæ; sic proportionaliter in Verbo distinguuntur ex natura rei quatuor formalitates: prima, qua Pater per Verbum dicit essentiam vt obiectum primum, quæ sola est formalitas primaria Verbi: secunda, qua Pater per Verbum dicit attributa: tertia, qua dicit Personas; quarta, qua dicit creaturas possibles: & istæ sunt formalitates secundariæ ipsius Verbi. Dum igitur asseritur, quod

quod Verbum per se procedit solum ex cognitione essentiae, asseritur, quod Verbum secundum conceptum primum procedit per se solum ex cognitione essentiae, sed non negatur, quod Verbum Diuinum adequatè sumptum non solum secundum conceptum primum, sed etiam secundum conceptus secundarios, & secundarias formalitates procedat per se ex cognitione omnium, quæ Pater scit.

21. Reijcitur hæc doctrina, primò quia vt dictum est quæst. 42. in Diuina cognitione non distinguuntur formaliter ex natura rei, neque virtualiter intrinsecè formalitates, quibus cognoscit essentiam, attributa, Personas, & Possibilia; ergo responsio allata nititur supposito falso.

22. Reijcitur secundò, nam Verbum Diuinum secundum suum conceptum primum est Verbum, quo Pater adequatè, & comprehensiuè dicit essentiam; ergo procedit per se ex cognitione adequata, & comprehensua diuinæ essentiae; sed cognitio adequata, & comprehensua Diuinæ essentiae includit cognitionem adequatam, & comprehensiuam attributorum, Personarum, & omnium possibilium; ergo Verbum secundum suum conceptum primum per se procedit ex cognitione adequata, & comprehensua omnium horum. Probatur antecedens assumptum. Essentia enim diuina per se ipsam est adequata ratio omnium attributorum, Personalitatum, & yniuersim omnium,

nium, quæ cum ipsa realiter identificantur; ergo non potest comprehendi, quin cognoscatur, quod est ratio adæquata omnium horum; sed non potest cognosci, quod est ratio adæquata omnium horum, quin hæc omnia adæquatè, & comprehensivè cognoscantur; ergo non potest comprehendi diuina essentia, quin comprehendantur omnia, quæ cum ea realiter identificantur, adeoque quin comprehendatur Omnipotentia, quæ identificatur realiter cum Diuina essentia; sed non potest comprehendi Omnipotentia, quin comprehendantur omnia possible, quæ possunt per Diuinam Omnipotentiam fieri; ergo non potest comprehendi essentia Diuina, quin eadem comprehensione comprehendantur attributa, Personæ, & omnia possible. Confirmatur, nam, Pater æternus per comprehensionem diuinæ essentiæ beatificatur, & perfectissimè quietatur; sed nisi eadem cognitione comprehenderet attributa, Personas, & omnia possible, non beatificaretur, nec quietaretur; ergo &c.

23. Secundo responderi potest iuxta sententiam aliorum, qui dicunt in diuina cognitione formalitates illas distingui solum ratione nostra. Ergo dici potest, quod etiam in Verbo proportionales formalitates distinguuntur ratione nostra; & sicut diuina cognitio ratione nostra primario constituitur solum per hoc, quod sit cognitio essentiæ, sic Diuinum Verbum ratione nostra primario constituitur solum
per

per hoc, quod Pater per Verbum dicat essentiam, ac proinde Verbum secundum suum conceptum primarium ratione nostra per se procedit solum ex cognitione essentiae, licet secundum conceptus secundarios ratione nostra procedat etiam ex cognitione attributorum &c.

24. Reijcitur hac responsio: nam divina cognitio ratione nostra primario constituitur per hoc, quod sit cognitio divinae essentiae, non qualiscunque, sed adaequata, & comprehensiva: & proportionally Verbum Divinum constituitur per hoc, quod Pater per Verbum dicat essentiam non utcunque, sed adaequatè, & comprehensivè; ergo Verbum Divinum secundum suum conceptum primarium per se procedit ex cognitione divinae essentiae, non qualiscunque, sed adaequata, & comprehensiva; sed cognitio adaequata, & comprehensiva divinae essentiae includit comprehensionem attributorum, Personarum, & omnium possibilium, ut ostensum est n. 22. ergo.

25. Ad 1. nego sequelam. Ad probationem distinguo antecedens: quod procedit à cognitione intuitiva alicuius obiecti ut existentis, quae cognitio sit imago talis obiecti ab ipso procedens, eo ipso procedit mediata à tali obiecto ut existente, concedo: quae cognitio non sit imago, sed potius exemplar obiecti, nego; & nego consequentiam. Cognitio intuitiva creata semper est imago sui obiecti formalis procedens ab obiecto tanquam ab
exem-

exemplari : & quia quod procedit ab aliquo , procedit etiam mediatè ab eo , à quo illud procedit , ideo in creatis , quod procedit à cognitione intuitiua alicuius obiecti , procedit mediatè à tali obiecto . Cognitio intuitiua , qua Pater videt Filium , & Spiritum Sanctum , non est imago , sed potius exemplar Filij , & Spiritus Sancti ; & quia exemplar non procedit ab imagine , sed potius imago procedit ab exemplari , cognitio intuitiua , qua Pater videt Filium , & Spiritum Sanctum , non procedit à Filio , & Spiritu Sancto , sed est principium quo Filius , & Spiritus Sanctus procedunt à Patre , vt dictum est n. 16 ; sed quod procedit à cognitione intuitiua obiecti , quæ non procedit à tali obiecto , nõ debet mediatè procedere à tali obiecto ; ergo non sequitur , quod Verbum procedat mediatè à se ipso , & à Spiritu Sancto .

26. Dices : Pater per cognitionem essentialem intuitiue cognoscit Verbum existere ; sed obiectum visum non potest procedere ex cognitione intuitiua , qua videtur existere ; ergo &c.

27. Respondeo nego minorem . Si intelligamus cognitionem intuitiuam , quæ videat existere imaginem sui ipsius , obiectum visum procedit ex cognitione intuitiua , qua videtur existere ; sed Pater videt Verbum existere vt imaginem Patris , qui est cognitio intuitiua Verbi ; ergo non est mirum , quod Verbum procedat ex cognitione intuitiua , qua Pater videt Verbum existere . Difficultas hoc intelligi-

gendi prouenit ex eo , quod nostra cognitio intuitiua nunquam est exemplar , sed semper est imago obiecti visi , ideoque procedit ab obiecto tanquam ab exemplari , obiectum autem , quod est exemplar , non procedit à sua imagine ; sed Pater est cognitio intuitiua Verbi tanquam imaginis , ità vt ipse sit exemplar ; ergo .

28. Ad 2. distinguo eodem pacto maiorem : omnis cognitio intuitiua , quæ sit imago obiecti visi , supponit suum obiectum existere , concedo ; quæ non sit imago , sed potius exemplar , nego ; concedo minorem ; & nego consequentiam . Cognitio , qua Pater videt Verbum , & Spiritum Sanctum existere , non supponit Verbum , & Spiritum Sanctum existere , sed à Verbo , & Spiritu Sancto supponitur existere .

29. Ad 3. concedo maiorem , & distinguo minorem : in eo signo , in quo obiectum cognoscitur intuitiue cognitione , quæ sit imago talis obiecti , obiectum intelligitur , & supponitur existere , concedo : si cognoscatur cognitione , quæ non sit imago , sed exemplar obiecti , obiectum supponitur existere , nego ; & nego consequentiam . Cum cognitio intuitiua est imago obiecti , obiectum supponitur existens ante signum , quo est cognitio : at cum cognitio intuitiua non est imago , sed exemplar , obiectum non supponitur existere ante cognitionem , sed cognitio supponitur existere ante obiectum , siquidem exemplar supponitur existere ante imaginem .

nem. Cognitio igitur intuitiua, quæ est imago obiecto, videt obiectum vt existens in signo priori ad cognitionem; at cognitio intuitiua, quæ est exemplar obiecti, videt obiectum vt existens in signo posteriori ad cognitionem. Ad vitandas æquiuocationes aduertendum est, quod hæc propositio: *In eo signo, in quo à Patre Filius, & Spiritus Sanctus videntur existere, existunt*, potest habere duplicem sensum, alterum verum, alterum falsum. Primus sensus est, vt significetur visionem, qua videntur existere, esse in eodem signo, & non in signo priori ad existentiam Filij, & Spiritus Sancti, & hic sensus est falsus: nam cognitio illa, cum sit exemplar, existit in signo priori. Secundus sensus est, vt significetur Filium, & Spiritum Sanctum existere pro eo signo obiectiuo, pro quo videntur existere, & hic sensus est verus. Nam Pater videt Filium, & Spiritum Sanctum existere pro eo signo obiectiuo, pro quo verè existunt, quod tamen signum est posterius signo ipsius cognitionis. Explicatur exemplo. Hæc propositio: *Omnia existunt pro eo tempore, pro quo Deus videt illa existere*, potest habere duplicem sensum, alterum verum, alterum falsum. Si sensus sit, quod omnia existunt pro tempore obiectiuo, quo videntur existere, propositio est vera; si sensus sit, quod omnia existunt pro tempore, quo existit Diuina cognitio, propositio est falsa; nam cognitio diuina existit ab æterno, & semper, creaturæ autem non existunt ab æterno,

no,

no, & semper. Idem proportionaliter dic
in casu nostro. Debet etiam aduerti, quod
hic abstrahimus à questione, de qua egi-
mus supra q. 95. vtrum prioritas hæc signo-
rum sit vera prioritas originis, vel sit prio-
ritas solum ratione nostra.

30. Ad 4. distinguo maiorem: obiecti
secundarij cognitio, quæ non includitur
in cognitione comprehensiuâ obiecti pri-
marij, non est per se requisita ad produ-
ctionem Verbi, concedo; si includatur
in cognitione comprehensiuâ obiecti pri-
marij, nego: distinguo eodem pacto mi-
norem; & nego consequentiam. Quia
Verbum Diuinum est Verbum adæquatum,
ad eius productionem per se requiritur co-
gnitio adæquata, & comprehensiuâ diuinæ
essentiæ, quæ eo ipso est etiam compre-
hensiuâ omnium obiectorum materialium,
& secundariorum, attributorum nimirum,
Personarum, & possibilium, vt dictum est
num. 22.

31. Ad 5. distinguo antecedens; etiam si
Pater non intelligeret Spiritum Sanctum,
ex eo præcisè quod intelligeret se ipsum,
& Verbum, produceret Verbum inadæ-
quatum, & imperfectum, concedo; Ver-
bum adæquatum, & perfectum, nego; &
nego consequentiam. Si Pater non intelli-
geret Spiritum Sanctum, eo ipso non intelli-
geret adæquatè, & comprehensiuè diui-
nam essentiam; ergo non produceret Ver-
bum adæquatum, & perfectum: sed Ver-
bum Diuinum, de quo loquimur, ex suo
conceptu primario est Verbum adæquatū,
& perfectum; ergo.

32. Ad

32. Ad 6. concedo sequelam , & nego illam esse absurdam . Cyrillus negat Patrem in priori sciuisse Filium ea prioritate, quam extorquere conabatur Eunomius, contra quem disputabat; sed Eunomius conabatur probare cognitionem Patris præcessisse natiuitatem Filij prioritate , quæ cognitio consultatiua præcedit illa , de quibus vt liberè faciendis consultamus ; ergo hanc tantum prioritatem negat Cyrillus ; ideoque addit . *Nam si per prius consilio usus est , & per prius didicit Filium sibi futurum, spatia certe aliqua Filium præcedent . Sed ipse & temporis , & spatij creator est .*

33. Ad 7. nego sequelam . Ad imaginem non sufficit , vt procedat à cognitione intuitiua alicuius, sed requiritur, vt immediatè , vel mediatè procedat ab illo ; sed Filius ita procedit à cognitione intuitiua Patris , vt immediatè procedat ab ipso Patre per actionem imitatiuam , vt explicatum est quæst. 96. at ita procedit à cognitione intuitiua Spiritus Sancti , & creaturarum possibilem , vt neque mediatè , neque immediatè procedat ab illis , vt dictum est num. 25. ergo Filius licet procedat à cognitione intuitiua Spiritus Sancti , & creaturarum possibilem , non est imago Spiritus Sancti, & creaturarum possibilem .

34. Ad 8. nego sequelam . Licet Filius procedat ex cognitione intuitiua creaturarum possibilem, tamen nullo modo procedit à creaturis possibiliibus vt cognitis :

B b

quia

quia ex dictis num. 26. Filius procedit à cognitione intuitiva creaturarum possibilem, quæ cognitio, cum non sit imago, sed exemplar creaturarum, nullo modo procedit à creaturis possibili-
bus.

33. Ad 9. nego antecedens. Iuxta mea principia tradita quæst. 47. & 48. Logica diuina essentia per se ipsam est prima possibilitas omnium possibilem, & prima impossibilitas omnium impossibilem, ac proinde si canis, & equus aut aliud quodcumque possibile non esset possibile, non daretur essentia diuina, nec daretur cognitio comprehensiva essentia diuinæ; ergo in eo casu Verbum non procederet, præsertim cum per se ipsum sit Verbum, quo Pater dicit esse possible omnia, quæ de facto sunt possible. Addo, quod si supponatur cum Vasquez 1. p. disp. 50. cap. 4. & disp. 104. cap. 4. 5. & 6. cognitionem, qua Deus cognoscit possibilitatem omnium possibilem, compleri per ipsam possibilitatem obiectiuam possibilem distinctam à Deo, Verbum per se procedit à cognitione possibilem, secundum id, quod talis cognitio dicit in recto, non autem secundum id, quod dicit in obliquo. Cognitio enim diuina iuxta hanc sententiam includit in obliquo ipsam possibilitatem possibilem, à qua Verbum non procedit, vt magis explicabitur quæstione sequenti.

QVAESTIO CII.

*Vtrum Verbum procedat ex cognitione
veritatum contingentium.*

1. **V**idetur Verbum non procedere ex cognitione veritatum contingentium. Primò quia nullum necessarium procedit ex aliquo contingenti, & quod potuit non esse: sed hæc determinata scientia visionis, & media, qua Deus videt mundum existere, & quod si dedisset Iudæ aliam vocationem, non peccasset, est contingens, & potuit non esse in Deo; Verbum autem est necessarium, ac non potuit non esse; ergo.

2. Secundò ad producendum Verbum sufficit scientia, qua Deus comprehendat se ipsum; sed scientia visionis, & media, non requiritur ad hoc, vt Deus comprehendat se ipsum; ergo &c.

3. Tertiò in Deo actus liberi sunt posteriores actibus necessarijs; sed generatio Verbi est actus necessarius; ergo generatio Verbi est prior actibus liberis, ac proinde Verbum cum supponatur productum ante scientiam visionis, non potest procedere ex scientia visionis.

4. Respondeo duas esse sententias. Prima Valentiae 1. par. quaest. 7. de Trinitate, puncto 2. docet Verbum procedere etiam ex scientia visionis, & media veritatum contingentium. Secunda communior

Caietani 1. par. quæst. 34. art. 3. Bannez, Zúñez, & Molinæ ibidem, Suarez lib. 1. de Trinitate cap. 7. & lib. 11. cap. 2. Vafquez 1. par. disput. 143. cap. 1. & aliorum, quos refert, & ex parte sequitur Ruiz de Trinitate disput. 63. sect. 4. docet Verbum non procedere ex scientia visionis, & media veritatum contingentium.

5. Dicendum primò: Verbum procedit ex cognitione omnium veritatum etiã contingentium. Probatur: nam Verbum procedit ex cognitione omnium, quæ Pater dicit per Verbum; sed Pater per Verbum dicit omnia, quæ scit, ac proindè omnes veritates etiam contingentes: puta dicit mundum existere: Filium Dei esse Incarnatum &c; ergo.

6. Dicendum secundò: Verbum secundum id, quod dicit in recto, procedit ex cognitione contingentium secundum id, quod talis cognitio dicit in recto, non autem secundum id, quod talis cognitio dicit in obliquo.

7. Pro explicatione conclusionis suppono ex dictis quæst. 56. cognitionem, qua Deus cognoscit veritates contingentes, puta qua cognoscit mundum existere, importare in recto cognitionem necessariam Dei, & in obliquo applicationem aliquam contingentem, qua cognitio illa necessaria determinatur ad hoc, ut sit cognitio dicens mundum existere. Proportionaliter Verbum Divinum in quantum Pater per ipsum dicit etiam veritates contingentes, puta mundum existere, importat

rat in recto entitatem necessariam ipsius Verbi, & in obliquo applicationem contingentem, qua ipsum Verbum necessarium determinatur ad hoc, ut per illud Pater dicat mundum existere. Hoc posito, assero Verbum secundum suam entitatem necessariam, quam importat in recto, procedere à cognitione contingentium secundum entitatem necessariam, quam dicit in recto, non autem secundum illam applicationem contingentem, quam talis cognitio dicit in obliquo. Probatur, nam Verbum secundum suam entitatem necessariam non potest procedere ab aliquo contingente; sed cognitio contingentium secundum applicationem, quam dicit in obliquo, est contingens; ergo Verbum secundum id, quod dicit in recto, & est necessarium, non potest procedere ab illo contingenti, quod cognitio contingentium dicit in obliquo, ac proinde procedit à cognitione contingentium specificatiue, & materialiter sumpta, non autem reduplicatiue, & formaliter sumpta.

8. Dicendum tertio: Verbum Divinum secundum illam applicationem contingentem, quam importat in obliquo, procedit à cognitione divina etiam secundum applicationem contingentem, qua determinatur ad cognoscendas determinate veritates contingentes, puta mundum existere, Filium Dei esse incarnatum &c. Probatur, nam Verbum secundum applicationem contingentem, qua per illud

Pater constituitur dicens veritates contingentes, procedit à Patre prout potente per Verbum dicere tales veritates, & dare illi talem applicationem: sed Pater constituitur potens dicere per Verbum veritates contingentes, per hoc, quod sciat veritates contingentes, & sit applicatus ad illas cognoscendas; puta constituitur potens dicere mūdum existere, per hoc, quod sciat mundum existere, & sit applicatus ad cognoscendum mundum existere; ergo Verbum secundum illam applicationem contingentem procedit à Patre prout habente proportionalem applicationem contingentem. Confirmatur, nam Verbum omnia habet à Patre; ergo etiam applicationem contingentem ad dicēdas veritates contingentes habet à Patre: sed Pater constituitur potens dare Verbo istam applicationem contingentem per hoc, quod sit proportionaliter applicatus ad cognoscendas illas veritates contingentes; ergo talem applicationem contingentem habet à Patre prout habente proportionaliter applicationem contingentem.

9. Ad 1. distinguo maiorem: nullum necessarium secundum sua prædicata necessaria procedit ab aliquo contingente, & quod potuit non esse, concedo: nullum necessarium secundum sua prædicata contingentia procedit ab aliquo contingente, nego: & distinguo eodem pacto minorem, & consequens. Non est absurdum, quod aliquid necessarium habens etiam aliqua

prædicata contingentia, secundum talia prædicata contingentia procedat ab aliquo contingenti; sed Verbum diuinum ita est necessarium, ut habeat hoc prædicatum contingens, quod per illud dicantur etiam veritates contingentes; ergo non est absurdum, quod secundum hoc prædicatum contingens procedat à cognitione diuina, ut proportionaliter contingente.

10. Ad 2. distingo maiorem: ad Verbum producendum, in quantum per illud dicuntur solum veritates necessariae, sufficit scientia necessaria, concedo: ad producendum Verbum, in quantum per illud dicuntur etiam veritates contingentes, sufficit scientia necessaria, nego maiorem: concedo minorem; & nego consequentiam. Ad producendum Verbum, in quantum est Verbum, quo Pater dicit omnes veritates etiam contingentes, non sufficit cognitio necessaria, sed requiritur etiam cognitio contingens, scientia, nimirum visionis, & media, ut explicatum est.

11. Ad 3. concedo maiorem, & distingo minorem: generatio Verbi secundum se est actus necessarius, concedo: generatio Verbi ut applicati ad dicendas etiam veritates contingentes, est actus necessarius, etiam secundum modificationem, quam dicit in obliquo, nego: & distingo eodem pacto consequens. Generatio Verbi, si sumatur secundum se præcisè, est actus necessarius, & præcedit actus liberos, adeoque scientiam visionis, & me-

diam, & non procedit ex scientia visionis, & media. At generatio Verbi prout modificata ad hoc, vt sit generatio Verbi vt dicentis etiam veritates contingentes, est contingens quoad talem modificationem, & non est prior actibus liberis, & scientia visionis, ac media, & procedit ex scientia visionis, & media, vt explicatum est.

12. Dices: Verbum ante scientiam visionis, & mediam intelligitur adæquatè generatum; ergo generatio Verbi non potest procedere à scientia visionis, & media.

13. Respondeo, distinguo antecedens: intelligitur adæquatè generatum generatione modificata ad hoc, vt sit generatio Verbi, vt dicentis etiam veritates contingentes, nego: generatione non modificata ad hoc, concedo: & distinguo eodem pacto consequens: generatio Verbi vt modificata ad hoc, vt sit generatio Verbi, vt dicentis omnes omnino veritates etiam contingentes, non intelligitur ante scientiam visionis, & mediam. Pater enim, antequam per scientiam visionis, & mediā sciat veritates contingentes, non intelligitur generare Verbum vt dicens veritates etiam contingentes; ergo generatio vt sic modificata, procedit etiam ex scientia visionis, & media, vt explicatum est.

14. Debet aduerti, quod proportionaliter ac Verbum procedit ex cognitione tum necessaria, tum contingenti, Spiritus

tas Sanctus procedit ex amore diuino: tum
necessario, tum libero.

QV AESTIO CIII.

*Vtrum actus notionales, hoc est genera-
tio Verbi, & spiratio Spiritus San-
cti sint voluntarij, ac liberi,
vel potius necessarij, ac
naturales.*

S. Th. 9. 41. a. 2.

1. **V**iderur generatio Filij fuisse Patri
simplicitèr voluntaria, & libera,
primo quia Pater à nullo potest cogi, vel
necessitari ad genetandum Filium; ergo
voluntariè, & liberè genuit Filium, ita vt
potuerit non generare, vt docuerunt Ar-
riani, & Eunomiani.

2. Secundò ideo Pater voluntariè, &
liberè condidit mundum, quia à nullo po-
tuit cogi, vel necessari ad mundum crean-
dum; sed à nullo potuit cogi, vel neces-
sitari ad generandū Filium, & producen-
dum Spiritum Sanctum; ergo.

3. Tertiò Hilarius lib. de Synodis de
Patre dicit: *Non naturali necessitate ductus
genuit Filium*: Auctor etiam libri 65. qua-
estionum ad Orosium, qui habetur inter
opera Augustini tom. 4. videtur negare,
quod Pater Filium genuerit necessitate;
sed si non genuit naturali necessitate, ge-
nuit voluntariè, & liberè; ergo.

B b 5

4. Quar-

4. Quartò Filius procedit vt Verbum; sed omne Verbum procedit à dicente per voluntatem; ergo.

5. Quintò ad Coloss. 1. de Deo dicitur *Transiit in regnum Filij dilectionis sue*; sed dilectio est voluntaria; ergo Filius procedit per dilectionem, & voluntatem: Io. 3. dicitur: *Pater diligit Filium, & omnia dedit in manus eius*; ergo dilectio est ratio, quare Pater dedit Filio Omnipotentiam, & omnia. Ioan. 5. dicitur: *Pater enim diligit Filium, & omnia demonstrat ei, quæ facit*; sed Pater eatenus demonstrat Filio omnia, quæ facit, quatenus creandum rerum notitiam per generationem, Filio communicat, vt explicant Chrysostomus, & Cyrillus Alexandrinus in commentario eius loci, & lib. 1. Theaur. c. 8. ergo dilectio, ac proinde actus voluntatis est ratio, cur Pater generet Filium, & illi per generationem omnia communi-
cet.

6. Sextò videtur, quod saltem Spiritus Sanctus cum procedat per voluntatem, procedat non naturaliter, sed voluntariè, & liberè, vt docuit Scotus in 1. dist. 10. qu. 1. & Quodlib. 16. art. 2. & 3. Nihil enim est magis voluntarium, & liberum, quam amor; sed Spiritus Sanctus procedit vt amor; ergo.

7. Septimò Aristoteles 9. Metaph. c. 5. text. 10. potentiam diuidit in rationalem, & irrationalem, ac docet has potentias per hoc differre, quod potentia irrationalis est determinata ad vnum, potentia ratio-

nalis non est determinata ad vnum, sed est potentia plurium, & contrariorum; sed voluntas Diuina est potentia rationalis; ergo non est determinata ad vnum, ac proinde non naturaliter, sed liberè spirat Spiritum Sanctum.

8. Octauò eidem potentia non possunt conuenire oppositi modi operandi, ac præsertim modus operandi naturaliter, & modus operandi liberè, qui maximè distant; sed diuinæ voluntati conuenit modus operandi liberè; ergo in productione Spiritus Sancti non potest illi conuenire modus operandi naturaliter.

9. Nonò libertas est maior perfectio operationis, quam necessitas; sed productio Spiritus Sancti debet esse perfectissima operatio; ergo.

10. Decimò voluntas perfectissima circa obiectum perfectissimum, perfectissima cognitione sibi propositum, debet operari modo perfectissimo; sed perfectissimus modus operandi est liber; ergo voluntas Diuina circa suum perfectissimum obiectum, hoc est circa Diuinam bonitatem debet operari liberè, ac proinde Pater, & Filius debent liberè se mutuò diligere, & sic producere Spiritum Sanctum.

11. Vndecimò libertas est perfectio simpliciter simplex actus voluntatis; ergo actus voluntatis, quo producitur Spiritus Sanctus, debet esse liber.

12. Respondeo, quod non in eodem sensu Arriani, & Eunomiani dixerunt

processionē Filij, & Spiritus Sancti esse voluntariam, & liberā in quo aliqui Scholastici docuerunt præsertim inspirationem Spiritus Sancti esse voluntariam, & liberam. Ariani enim, & Eumomiani docuerunt productionem Filij, & Spiritus Sancti fuisse Patri voluntariam, & liberam libertate indifferentiæ, ita vt Pater cum posset non producere Filium, & Spiritum Sanctum, ex consilio, & deliberatione libera voluerit illos producere, sicut liberè condidit mundum, cum posset non condere, vt referunt Basilius lib. 2. contra Eumonium, Cyrillus lib. 3. & 4. Thesaur. & lib. 8. c. 1. Hilarius lib. 4. & 6. de Trinitate, Nazianzenus Orat. 35. quæ est 3. de Theol. Athanasius Dial. 1. de Trinitate contra Anomæum, & alij, quos refert Ruiz disp. 93. sec. 1. At plures Scholastici, licet cum omnibus Catholicis fateantur productionem Filij, & Spiritus Sancti non esse liberam libertate indifferentiæ, docuerunt non quidem generationem Filij, sed productionem Spiritus Sancti esse voluntariam, cum sit actus voluntatis, & esse liberam libertate à coactione, & ab omni necessitate extrinseca; siquidem Pater non coactus, sed volens, & nulla necessitate extrinseca necessitatus, sed ex perfectissima, & infinita inclinatione producit Spiritum Sanctum. In hoc sensu S. Thomas de Potentia quæst. 10. art. 2. ad 5. dicit: *Liberè Spiritus procedit, non tamen possibiliter*, hoc est ita, vt possit non procedere, sed ex necessitate. Hunc tamen modum dicendi S. Thomas videtur

corre-

correxisse 1. parte quaest. 41. art. 2. in corpore, & ad 3. ubi distinguens modum producendi naturalem, à modo producendi voluntario per hoc, quod natura agit cum determinatione ad unum, voluntas autem cum indifferentia ad utrumlibet, concludit Spiritum Sanctum procedere naturaliter, quia procedit ita, ut non possit non procedere, ac proinde excludit, quod procedat liberè. In eodem sensu S. Bonaventura in 1. dist. 6. part. 1. quaest. 1. docet Filium procedere necessitate immutabilitatis, & addit: *haec autem necessitas non repugnat libertati, sed solum vertibilitati, qualis in Deo non est*. Demum in eodem sensu loquitur Scotus in 1. dist. 10. quaest. 1. & quodlib. 16. art. 2. & 3. ubi cum dixisset processionem Spiritus Sancti esse necessariam etiam ex parte principij, ita ut impossibile fuerit Spiritum Sanctum non procedere, tamen addit eandem processionem non esse naturalem, sed liberam. Videri potest Ruiz disp. 92. sect. 1. ubi refert etiam Alexandrum, Argentinam, & quosdam alios Scholasticos.

13. Ut resoluatur quaestio, primò probandum est contra Arrianos, & Eunomianos productionem Verbi, & Spiritus Sancti non esse voluntariam, & liberam libertate indifferentiae, sed esse naturalem, & necessariam. Secundò examinandum est, utrum, & quo pacto generatio Verbi sit naturalis, vel voluntaria. Tertiò examinandum est, utrum, & quo pacto spiratio Spiritus Sancti sit naturalis, vel voluntaria, & libera.

14. Di-

14. Dicendum primò: vterque actus notionalis, nimirum generatio Verbi, & spiratio Spiritus Sancti, est actus simpliciter necessarius, ità vt non potuerit non dari, ac proindè neuter est liber libertate indifferentiæ. Conclusio est de fide contra Arrianos, & Eunomianos. Probatur autem primo. Nam Filius, & Spiritus Sanctus sunt essentialiter Deus; sed de ratione Dei est, vt sit ens simpliciter necessarium; ergo Filius, & Spiritus Sanctus sunt ens simpliciter necessarium; sed de ratione entis necessarij est, vt non potuerit non existere; ergo Filius, & Spiritus Sanctus non potuerunt non existere; sed Filius non aliter potuit existere, quam per generationem, Spiritus Sanctus non aliter potuit existere, quam per spirationem; ergo tum generatio, tum spiratio est essentialiter necessaria, ità vt non potuerit non existere, ac proindè non sunt actus liberi libertate indifferentiæ.

15. Probatur secundò: nam sicut Deus non potest non comprehendere se ipsum, sic non potest non producere Verbum, adæquatum sibi; & sicut non potest non amare se ipsum infinito amore, sic non potest non producere amorem sui, hoc est Spiritum Sanctum.

16. Infertur primò Patrem non deliberare, neque consultare de Filio generando, & Patrem, & Filium non deliberare, neque consultare de Spiritu Sancto spirando, vt docuerunt Arriani, & Eunomiani. Ratio est, quia deliberatio, & con-

consultatio datur solum de ijs, quæ possumus facere, vel non facere. Ideo Athanasius orat. 4. contra Arrianos dicit: *Verbum ex natura gignens non prodeliberat*: et non multò post: *Filius autem proprium germen substantiæ Patris non aliunde est, sed à Patre, ideoque de illo non deliberatur, ne & de se ipso deliberare videatur*. Quia nimirum cum Pater non possit esse sine Filio, eo ipso, quod Pater deliberaret de generando Filio, deliberaret de se ipso, vtrum nimirum deberet esse Pater.

17. Infertur secundo cum Riccardo de Sancto Victore lib. 7. de Trinit. cap. r. in Deo non dari gratuitam donationem, quæ Persona producat donet aliquid Personæ productæ. Ratio est, quia de ratione gratuitæ donationis est, vt donans donet aliquid, quod posset non donare; sed Persona producat quicquid dat Personæ productæ ita dat, vt non possit non dare; ergo &c. Verba Riccardi sunt: *In diuina natura nihil est, vel esse potest ex operante gratia. Quod enim est ex sola operante gratia pro auctoris arbitrio potest esse, & non esse*. Idem insinuat Basilii lib. 4. contra Eunomium dicens; *Pater natura, non concessione*.

18. Dicendum secundo: vterque actus notionalis, nimirum tum generatio Verbi, tum spiratio Spiritus Sancti est naturalis.

19. Probatur primò ex Patribus. De generatione igitur Verbi Alexander Episcopus Alexandrinus in Epist. ad Alexandrum

drum Episcopum Constantinopolitanum dicit: *Illud ex utero ante Luciferum genuisse, perspicue ostendit naturalem, que in Filio est, paterna generationis proprietatem.* Athanasius Tract. 2. contra Arrianos dicit: *Filium esse ex Patre naturale genimen, & naturalem factum, & partum.* Basilii lib. 2. contra Eunomium dicit: *Generationem esse Patri connaturalem: & lib. 5. Patrem natura, & essentialiter genuisse.* Epiphanius in Ancorato dicit: *Genuit natura supra voluntatem:* Cyrillus Alexandrinus lib. 1. Thesauri propè finem: *Generatio Patris sicut actiua est, sic naturalis.* Vide alios Patres apud Ruiz disp. 92. sect. 3.

20. De spiratione Spiritus Sancti Cyrillus Alexandrinus lib. 13. Thesauri cap. 2. dicit: *Spiritus Sanctus naturaliter ex Patre in Filio est, & infra dicit: Spiritum Sanctum ex ipsa essentia naturaliter emissum;* & Dialog. de Trinit. lib. 2. dicit: *Spiritum Sanctum naturaliter profundi a Deo Patre per Filium.*

21. Probatur secundò conclusio ratione desumpta ex S. Thoma 1. parte q. 41. art. 2. in corpore, & ad 3. Nam modus agendi proprius naturæ consistit in hoc, ut operatio procedat à principio intrinseco determinato ad vnum, & propterea necessario operante; sed tum generatio Verbi, tum spiratio Spiritus Sancti procedit à principio intrinseco determinato ad vnum, & propterea necessario operante; ergo. Confirmatur: nam si aliquid obsta-

obstaret, quo minus spiratio Spiritus Sancti esset naturalis, maximè quia esset actus voluntatis; sed hoc non obstat; nam actus voluntatis diuidi solet in naturalem, & liberum, vt docet S. Thomas 1. 2. quaest. 10. art. 1. & 2. quem sequuntur communiter Philosophi, & Theologi, qui consequenter dicunt amorem vltimi finis, hoc est boni *ut sit*, & beatitudinis in communi esse naturalem; ergo &c.

22. Quæres primò, vtrum aliqua speciali ratione sit naturalis generatio Verbi, qua non est naturalis spiratio Spiritus Sancti.

23. Respondeo affirmatiuè. Ratio est, quia Generatio Verbi est actus intellectus; sed actus intellectus ex suo genere procedit à principio proximo determinato ad vnum, & sic procedit naturaliter; ergo Generatio Verbi est naturalis etiam ex ratione generica actus intellectus, ac non solum ex ratione specifica talis actus. E conuerso spiratio est actus voluntatis; sed actus voluntatis ex suo genere abstrahit ab hoc, quod procedat à principio proximo determinato ad vnum, vel indifferenti, ac proindè ex suo genere non est naturalis, sed præscindit à naturali, & libero, & est solum naturalis ex ratione specifica talis actus; ergo. Quia Generatio Verbi est naturalis etiam ex genere, spiratio Spiritus Sancti non est naturalis ex genere, ideò plures Scholastici, quos refert Ruiz disp. 92. sect. 3. num. 11. distinguunt generationem à spiratione per hoc, quod Genera-

neratio fit per modum naturæ , spiratio per modum voluntatis .

24. Quæres secundo , quare , & in quo sensu plures Patres , & Theologi negarint Verbum generari necessario .

Respondeo duplicem esse necessitatem , alia est necessitas perfectionis , immutabilitatis , & determinationis intrinsecæ ad bonum ; alia est necessitas imperfectionis , mutabilitatis , violentiæ , & coactionis ab extrinseco etiam contra naturalem inclinationem . Patres dum negant , Verbum , & Spiritum Sanctum procedere necessario , non negant primam necessitatem perfectionis , sed secundam imperfectionis . Si verò quæratur ulterius , quare plures Patres videantur absolute negasse necessitatem diuinarum productionum , cum illam potuerint in vero sensu concedere ; respondeo , illam negasse ex duplici ratione . Prima est , quia necessitas . vt plurimum . in sacris litteris , & apud profanos auctores sumitur prout dicit imperfectionem . Secunda est , quia cum Arriani , & Eunomiani , contra quos Patres disputabant , necessitatem sumerent in malam partem , & prout importat imperfectionem violentiæ , & coactionis contra inclinationem , & voluntatem patientis , Patres respondentes hæreticis , sumebant necessitatem in sensu hæreticorum pro necessitate imperfectionis : necessitatem autem perfectionis appellabant nomine non ambiguo naturalitatis , ac processiones diuinas dicebant naturales . Cum igitur hæretici argue-

guebant; vel Pater genuit Filium ex voluntate, vel ex necessitate: si ex voluntate; ergo potuit non generare, & antequam generaret, deliberavit an generaret: si ex necessitate, quis eum coegit, & quomodo genuit inuitus? Patres respondebant, Patrem neque genuisse Filium ex voluntate, libera nimirum, neque ex necessitate, coactionis videlicet, de qua loquebantur hæretici, sed modo altiori, & perfectiori, hoc est naturaliter, & ex natura: & reitorquebant argumentum, quærentes utrum Pater sit Deus, sit bonus, & misericors ex voluntate, libera nimirum, vel ex necessitate: Sicut ergo Pater est Deus non ex libera voluntate, neque ex necessitate coactionis; sed modo superiori, hoc est ex natura, & naturaliter, sic genuit Filium, non ex libera voluntate, neque ex necessitate coactionis, sed modo quodam altiori, hoc est ex natura, & naturaliter. Sic respondet retorquendo allatum argumentum Athanasius Orat. 4. contra Arrianos, dicens. *Dicant nobis, quod bonus est, & misericors Deus, ex voluntate, ne illi accidit, an non? &c.* Consonat Athanasio Cyrillus Alexandrinus lib. 1. Thesauri cap. 8. dicens. *Quid prohibet nos quoque ipsos interrogare, utrum bonus, misericors, Sanctus, volens Pater sit, an præter voluntatem?* Eadem retorsione utitur Augustinus lib. 15. de Trinit. cap. 20. Ideo Concilium Syrmien. Can. 25. & 26. & in eorum expositione Hilarius lib. de Synodis post medium, decernunt nec vo-

luntate Patris, nec necessitate naturali, cum nollet generare, genitum esse Filium: & Concilium Toletanum Vndecimum in Confessione Fidei, dicit; *Deus Pater nec voluntate, nec necessitate genuisse credendus est, quia nec necessitas in Deum cadit, nec voluntas Sapientiam præuenit*. Videri potest Ruiz disp. 92. sect. 4. ex quo hæc testimonia desumpta sunt.

25. Dicendum tertio cum Magistro in 1. dist. 6. S. Thoma eadem dist. & 1. p. quæst. 41. art. 2. Alberto, Alexandro, S. Bonaventura, & alijs communiter, quos refert Ruiz disp. 93. sect. 1. num. 6. Generatio Filij non est voluntaria voluntate præcedente, tanquam principio generandi *ut quod*, sed est voluntaria voluntate concomitante. Probatur prima pars: nam vel loquimur de voluntate essentiali, vel de voluntate notionali: neutra est principium *ut quod* generandi Filium; ergo. Probatur minor: nam voluntas essentialis identificatur cum Filio, adeoque non est principium *ut quod* Filij, eiusque generationis passivæ. Principium enim *ut quod* realiter distinguitur ab eo, cuius est principium. Voluntas etiam notionalis non est principium *ut quod* Filij; nam Filius personaliter est actus intellectus; sed principium *ut quod* actus intellectus non est voluntas notionalis, sed intellectus notionalis, qui supra naturam addit aliquid, quod est in linea intellectus, non autem in linea voluntatis; ergo &c. Probatur iam secunda pars: nam sicut Pater ita est Deus,

Deus, vt velit esse Deus, sic ità generat Filium, vt velit Filium generare; ergo generat volens voluntate comitante. Dixi voluntatem non esse principium *quo* Filij, eiusque generationis; nam iuxtà doctrinam traditam quaest. 100. Essentia est potentia generatiua, ac principium *quo* Filij, eiusque generationis passiuæ; sed voluntas essentialis est omnino idem cum Diuina essentia; ergo in sensu reali voluntas, seu volitio essentialis est principium *quo* ipsius Filij, eiusque generationis passiuæ.

26. Infertur, quo pacto conciliandi sint Patres, qui aliquando negant generationem Filij esse voluntariam, aliquando id concedunt. Dicendum, quod negant generationem Filij esse voluntariam in eo sensu, in quo Arriani, & Eunomiani asserabant illam esse voluntariam; sed Arriani, & Eunomiani asserabant generationem Filij fuisse voluntariam voluntate antecedenti etiam tempore, deliberata, & libera, ita vt Pater potuerit non generare, sicut potuit Mundum, & creaturas non condere; ergo Patres negant generationem Filij esse voluntariam voluntate antecedenti tempore, deliberata, & libera. In hoc sensu loquuntur plures Patres, & apud Hilarium de Synodis Concilium Syrmienſe contra Photinum definit: *Si quis voluntate Dei tanquam vnum aliquid ex creaturis Filium factum esse dicat, anathema sit.* Aliquando etiam Patres negant Filium generari voluntariè in eo sensu, in quo Spiritus Sanctus spiratur voluntariè, ita

ita vt sit personaliter actus voluntatis , & eius principium *quod* sit voluntas notionalis , vt dicetur numero 27. & 28. Iidem Patres dum dicunt Filium voluntariè , & volente Patre genitum , significant , illum fuisse genitum voluntate concomitante , quæ non esset principium *quod* generationis . In hoc sensu Cyrillus Alexandrinus Dial. de Trinit. lib. 2. loquens de Generatione Verbi dicit : *Est enim non absque voluntate , quæ est naturaliter , cum voluntas cum natura eius simul currat , vt sit quæ est .* Et paulò post : *Fuerit autem simul Pater Deus , & volens , vt esset Pater :* Iustinus Dial. cum Triphone dicit . *Filium volente Patre progenitum .* Addo aliquos Patres insinuare voluntatem esse principium *quo* generationis Verbi . Hilarius enim lib. 3. de Trinit. dicit . *Unigenitum procreavit omne , quod Deus est , per charitatem , atque virtutem natiuitati eius impartitus ;* ergo significat totum Patrem genuisse Filium per charitatem , seu amorem , tanquam per principium *quo* .

27. Dicendum quartò : spiratio Spiritus Sancti est voluntaria , voluntate non solum concomitante , sed etiam aliquo pacto antecedenti , quæ nimirum voluntas sit principium *quod* Spiritus Sancti , & spirationis passiuæ : non tamen est voluntaria sicut creatio Mundi , & productio creaturarum est voluntaria .

28. Probatur prima pars : nam cum Spiritus Sanctus ex sua proprietate personalis sit Amor , & sit in linea voluntatis ,
eius

eius principium *ut quod* est in linea voluntatis, & est voluntas notionalis; ergo. Probat^{ur} iam secunda pars: nam creatio Mundi, & productio creaturarum est ita voluntaria, ut voluntas sit principium potens Mundum creare, & non creare, ac liberè se determinans ad creandum; sed voluntas notionalis ita est principium Spiritus Sancti, ut non possit non spirare Spiritum Sanctum; ergo spiratio non est ita voluntaria, sicut creatio, & productio creaturarum.

29. Dicendum quintò: licet spiratio Spiritus Sancti sit voluntaria, tamen non est simpliciter, & propriè libera. Probat^{ur}: nam ad actum simpliciter, & propriè liberum non sufficit, ut sit voluntarius, sed requirit^{ur}, ut procedat à principio indifferenti, & non determinato ad talem actum producendum; sed Spiritus Sanctus licet procedat voluntariè, tamen procedit à principio determinato ad ipsum producendum; ergo. Quia tamen Spiritus Sanctus procedit ut actus voluntatis, & ut liber ab omni necessitate violentiæ, & coactionis, & ab omni necessitate extrinseca, ideò Scotus, & quidam alij relati num. 12. dixerunt Spiritum Sanctum procedere liberè, non quidem libertate indifferentiæ, sed libertatè actus voluntarij procedentis sine vlla necessitate extrinseca. Sed hic modus loquendi communiter rejicit^{ur}.

30. Ad 1. concedo antecedens, & nego consequentiam. Inter actum necessarium neces-

necessitate imperfectionis, & coactionis, & actum voluntarium, & liberum libertate indifferentiæ datur medium, hoc est actus naturalis, & necessarius necessitate perfectionis, immutabilitatis, & determinationis ad vnum; ergo ex eo, quod Filius non procedat necessario necessitate coactionis, & imperfectionis, non sequitur, quod procedat liberè libertate indifferentiæ, & contingentiæ, sed dicendum cum Sanctis Patribus, quod procedit naturaliter, & necessario necessitate perfectionis, & determinationis ad vnum, ut explicatum est num. 24.

31. Ad 2. distinguo maiorem: ideò Pater voluntariè, & liberè condidit Mundum, quia à nullo extrinseco potuit cogi, vel necessitari ad Mundum creandum, neque ex sua natura fuit intrinsecè determinatus ad Mundum condendum, concedo; quia præcisè à nullo extrinseco potuit cogi, vel necessitari ad Mundum condendum, nego; distinguo eodem pacto minorem; & nego consequentiam. Ideò Pater liberè condidit Mundum, quia non solum ab extrinseco non potuit cogi, & necessitari ad Mundum condendum, sed neque ex sua natura fuit determinatus ad Mundum condendum; sed Pater ex sua natura determinatur ad se communicandum communicatione perfecta per intellectum, & voluntatem, per generationem Verbi, & spirationem Spiritus Sancti; ergo Filium, & Spiritum Sanctum producit naturaliter, & necessario, non autem voluntariè, & liberè,

32. Ad

32. Ad 3. Hilarius, & alij Patres, dum dicunt Filium non esse genitum naturali necessitate, loquuntur de necessitate imperfectionis, puta qua corpora animalium naturali necessitate generant vermes; at non negant Filium fuisse genitum naturali necessitate perfectionis, & immutabilitatis, vt explicatum est num. 24.

33. Ad 4. nego minorem. Verbum, productum ab Angelo e. g. comprehendente se ipsum, producitur ab Angelo, non per voluntatem præsertim liberam, sed purè per intellectum, & naturali necessitate; ergo non est mirum, quod Pater producat Verbum, quo dicit adæquatè se ipsum, non per voluntatem præsertim liberam, sed naturali necessitate per intellectum notionalem, vt explicatum est numer. 25.

34. Ad 5. Verbum vocatur Filius dilectionis, non quia dilectio sit principium *vt quod* generativum Verbi, sed quia generatur ità, vt sit summè dilectum concomitanter, & etiam ità vt dilectio essentialis sit principium *vt quo* generandi Verbum. In eodem sensu intelligenda sunt loca Scripturæ. Videri potest Ruix disp. 93. sect. 3.

35. Ad 6. distingo maiorem: nihil est magis voluntarium, & liberum libertate indifferentiæ, quam amor, quo quis amat se ipsum, & suum vltimum finem, nego; quo quis amat cætera, transeat; & distingo eodem pacto minorem; & nego consequentiam. Amor, quo quis amat

se ipsum, & suum ultimum finem est naturalis, & non liber libertate indifferentiæ; ergo non est mirum, quod Spiritus Sanctus, cum procedat ut amor, quo Deus amat se ipsum ut obiectum formale, procedat necessariò, & non liberè libertate indifferentiæ. Quo pacto procedat naturaliter simul, & voluntariè, explicatum est num. 27. 28. & 29.

36. Ad 7. distinguo maiorem: Aristoteles potentiam rationalem distinguit ab irrationali per hoc, quod potentia irrationalis est determinata ad vnum, potentia rationalis circa aliqua sua obiecta non est determinata ad vnum, concedo; circa omnia sua obiecta non est determinata ad vnum, nego: concedo minorem; & distinguo eodem pacto consequens. Non requiritur ad potentiam rationalem, ut circa nulla obiecta sit determinata ad vnũ, sed sufficit, ut circa aliqua obiecta non sit determinata ad vnum: e. g. licet voluntas sit potentia rationalis, tamen circa ultimum finem est determinata ad vnum, ac non potest illum non amare; ergo non est mirum, quod voluntas diuina sit determinata ad amandam bonitatem infinitam, & sic ad producendum Spiritum Sanctum, licet non sit determinata ad amandas efficaciter creaturas, & sic possit illas liberè creare, vel non creare.

37. Ad 8. distinguo maiorem: eidem potentia circa idem obiectum non possunt conuenire oppositi modi operandi, concedo; circa diuersa, & opposita obiecta, nego:

negō : distinguo eodem pacto minorem , & consequens . Eidem potentiaē circa obiecta diuersa possunt conuenire oppositi modi operandi , eo pacto , quo intellectui circa aliqua obiecta conuenit modus assentiendi certus , circa alia modus assentiendi dubitatus ; ergo non est mirum , quod voluntati diuinæ circa obiecta creata conueniat modus volendi liber , & sine determinatione ad vnum , at circa Spiritum Sanctum , qui est obiectum diuinum , conueniat modus volendi naturalis , ac necessarius , & cum determinatione ad vnum .

38. Ad 9. distinguo maiorem : libertas circa bona contingentia finita , & imperfecta est maior perfectio operationis , quam necessitas , concedo : circa bonum infinitum , & necessarium , nego ; concedo minorem ; & nego consequentiam . Sicut est maior perfectio operationis , ut circa bona contingentia , & finita sit libera potius , quam necessaria , sic est maior perfectio eiusdem , ut circa bonum infinitum , & circa infinitam communicationem sit necessaria potius , quam libera ; sed productio Spiritus Sancti est bonum infinitum , & infinita communicatio ; ergo voluntas , & operatio spirandi debet esse necessaria , & non libera libertate indifferentia , de qua loquimur .

39. Ad 10. concedo maiorem ; & distinguo minorem : perfectissimus modus operandi circa obiecta , & bona finita , & contingentia est liber , concedo : circa

QV AESTIO CIV.

Vtrum Spiritus Sanctus procedat non solum à Patre, sed etiam à Filio.

S. Th. 9 36. a. 2.

1. **V**idetur procedere solum à Patre, non autem à Filio; primò quia Ioan. 13. dicit Christus, *Cum venerit Paracletus, quem ego mittam vobis à Patre, Spiritum veritatis, qui à Patre procedit;* ergo cum Christus dixerit Spiritum Sanctum procedere à Patre, & non dixerit procedere à Filio, significauit, quod procedit solum à Patre.

2. Secundò Patres praesertim Græci saepe dicunt Spiritum Sanctum procedere à Patre, ac non faciunt mentionem Filij; ergo existimant procedere à solo Patre.

3. Tertiò Concilium Ephesinum, cum lectum fuisset quoddam Symbolum Nestorianorum, in quo dicebatur Spiritum Sanctum non procedere à Filio, quoad hoc non contradixit; ergo quoad hoc tacite approbavit doctrinam illius Symboli.

4. Quartò Dionysius lib. de Diuinis nominibus cap. 2. dicit: *Solus fons consubstantialis Diuinitatis est Pater;* ergo negat Filium esse fontem, seu principium vllius Personæ diuinæ.

5. Quintò Nazianzenus orat. 24. ad

Episcopos, qui venerant ex Ægypto, post medium dicit: *Si quidquid Pater habet, idem, excepta causa, Filij est, quidquid etiam Filius habet, idem quoque Spiritus Sancti est, si Filiationem exceperis; ergo Filius non habet à Patre vt sit causa, seu principium Spiritus Sancti.*

6. Sextò Athanasius in quæstionibus de Natura Dei dicit: *solum Patrem esse causam duobus; ergo negat Filium esse causam, seu principium Spiritus Sancti.*

7. Septimò Basilii Epist. 45. ad Gregorium Nissenum circa medium ait: *Nullam secundum propriam notionem communionem Filius habet cum Patre: Et Gregorius Nissenus lib. de differentia essentiarum, & Hypostaseos ante medium dicit: Nullam quantum attinet ad propriam notam, & peculiare insigne, communionem habet, vel cum Patre, vel cum Spiritu Sancto; sed si Filius spiraret Spiritum Sanctum, conueniret cum Patre in nota siue notione spiratoris; ergo.*

8. Octauò Damascenus lib. 1. de fide cap. 11. dicit: *Spiritum per Filium esse dicimus, sed ex Filio Spiritum Sanctum non dicimus; ergo &c.*

9. Nonò Maximus in Epistola ad Marinum dicit, *Latinos Patres non concedere Filium esse causam, hoc est principium Spiritus Sancti; ergo &c.*

10. Decimò in Symbolo Constantino-politano, cum agitur de Spiritu Sancto, dicitur, *Qui à Patre procedit, & non fit mentio Filij; & Leo Tertius, vt testatur Ma-*

Magister in 1. distinct. 11. cap. 2. posuit in tabula argentea post altare Sancti Pauli Symbolum Constantinopolitanum sine illo additamento *Filioque*; ergo &c.

11. Undecimò, si Filius esset principium Spiritus Sancti, esset similior Patri Filius, quam Spiritus Sanctus: nam Filius esset similis Patri non solum in natura, sed etiam in spiratione actiua; Spiritus Sanctus esset similis Patri solum in natura.

12. Duodecimò, ut obijcit Theophilactus in cap. 3. Ioannis, Pater est sufficiens principium Spiritus Sancti; ergo ad producendum Spiritum Sanctum non indiget auxilio Filij.

13. Decimotertiò, ut idem obijcit, vnum debet procedere ab vno tantum principio, non à duobus; sed Spiritus Sanctus vnus est; ergo.

14. Respondes, quod circa processionem Spiritus Sancti duo fuerunt errores contrarij: Aliqui enim dixerunt Spiritum Sanctum procedere à solo Filio, non autem à Patre: alij existimauerunt illum procedere à solo Patre, non autem à Filio. Eunomius ergo dicens Spiritum Sanctum non esse Deum, sed creaturam, docuit Spiritum Sanctum non à Patre, sed à Filio solo procedere, & esse facturam solius Filij, ut refert Basilius lib. 1. contra Eunomium propè finem, ac fortasse eundem errorem docuit Macedonius, ideoque contra Macedonium, & Eunomium Concilium Constantinopolitanum primum definiuit, Spiritum Sanctum esse verum

Deum, & à Patre procedere, & Symbolo Nicæno, quod de Spiritu Sancto nihil aliud dixerat, quam *Credo & in Spiritum Sanctum*, addidit *Dominum*, & *viuificantem ex Patre procedentem &c.* S. Thomas 1. parte quæst. 36. art. 2. ad 3. ex eoque Ruiz disp. 67. art. 1. num. 3. existimat primos, qui cum confiterentur diuinitatem Spiritus Sancti, negarint eum procedere à Filio, fuisse Nestorianos, qui circa annum 430. in quodam Symbolo, seu Confessione fidei oblata Concilio Ephesino, quæ extat in eius actis Tom. 2. cap. 37. vel 31. postquam dixerunt Spiritum Sanctum ex Deo procedere, subiunxerunt: *Filium tamen non nominamus, neque per Filium subsistentiam suam sortitum esse dicimus.* Eundem errorem circa eadem tempora secutus est Theodoretus, qui scribens pro Nestorianis contra Anathematismos Cyrilli, in responsione ad 9. Anathematismum dicit: *Proprium Spiritum Filij siquidem ut eiusdem natura, & à Patre procedentem dixit Cyrillus, simul & nos confitemur, & ut piam vocem amplexamur: si verò tanquam ex Filio, vel per Filium suam habere essentiam dicit, ut blasphemiam hanc, & sicut impium abijcimus.* Cum autem hic error inter Græcos serperet circa annum 760. Pipinus Concilium Prouinciale conuocari curauit in Gallia in Villam Gentiliacensem, ut quæstionem de Trinitate inter Græcos, & Latinos componeret, ut referunt Amonius, siue Annonius lib. 4. de Gestis Francorum cap.

cap. 67. & Adu Viennensis, qui dicit hanc
 quaestionem fuisse de processione Spiritus
 Sancti à Filio, & Abbas Vspurgensis in
 Chronico. Iterum cum eadem quaestio
 fuisset excitata à quodam Ioanne Mona-
 cho anno circiter 808. missis Romam le-
 gatis, coactum fuisse Concilium à Caro-
 lo Magno refert Annonius lib. 4. cap. 95.
 Circà annum deinde 860. Photius Patriar-
 cha Constantinopolitanus, Synodo in
 Græcia celebrata, & libro edito, defen-
 dit Spiritum Sanctum à solo Patre, non
 autem à Filio procedere, vt refert Hugo
 Aetherianus lib. 2. de Hæresibus, quas
 Græci deuoluunt in Latinos, qui liber ex-
 tat Tom. 9. Bibliothecæ Patrum. Quadra-
 ginta post Photium annis anno circi-
 ter 900. Theophilactus in cap. 3. Ioannis
 eundem errorem docuit: ac circa idem
 tempus Dialogos S. Gregorij in linguam
 Græcam translatos fuisse, omissa illa par-
 ticula, *Filioque*, refert Paulus Diaconus
 lib. 4. vitæ S. Gregorij cap. 75. Demum
 anno 1050. Michael Patriarcha Constanti-
 nopolitanus fretus patrocinio Imperato-
 ris Græci, Pontificem Romanum cum
 suis excommunicatum esse proclamare
 cepit, eo quod in Symbolo addidissent il-
 lud *Filioque procedit*, vt refert Leo IX.
 in Epist. ad Constantinum Monomachum,
 Anselmus Epistola de processione Spi-
 ritus Sancti, & Sigibertus anno 1054. ab
 eoque tempore Græci à Latinis aperto
 Schismate defecerunt, ac Armeni, & Rhu-
 teni eundem errorem secuti sunt, vt con-
 stat

Deum, & à Patre procedere, & Symbolo Nicæno, quod de Spiritu Sancto nihil aliud dixerat, quam *Credo & in Spiritum Sanctum*, addidit *Dominum, & uiuificantem ex Patre procedentem &c.* S. Thomas 1. parte quæst. 36. art. 2. ad 3. ex eoque Ruiz disp. 67. art. 1. num. 3. existimat primos, qui cum confiterentur diuinitatem Spiritus Sancti, negarint eum procedere à Filio, fuisse Nestorianos, qui circa annum 430. in quodam Symbolo, seu Confessione fidei oblata Concilio Ephesino, quæ extat in eius actis Tom. 2. cap. 37. vel 31. postquam dixerunt Spiritum Sanctum ex Deo procedere, subiunxerunt: *Filium tamen non nominamus, neque per Filium subsistentiam suam sortitum esse dicimus.* Eundem errorem circa eadem tempora secutus est Theodoretus, qui scribens pro Nestorianis contra Anathematismos Cyrilli, in responsione ad 9. Anathematismum dicit: *Proprium Spiritum Filij siquidem ut eiusdem natura, & à Patre procedentem dixit Cyrillus, simul & nos confitemur, & ut piam vocem amplexamur: si uero tanquam ex Filio, vel per Filium suam habere essentiam dicit, ut blasphemiam hanc, & sicut impium abijcimus.* Cum autem hic error inter Græcos serperet circa annum 760. Pipinus Concilium Prouinciale conuocari curauit in Gallia in Villam Gentiliacensem, ut quæstionem de Trinitate inter Græcos, & Latinos componeret, ut referunt Amonius, siue Annonius lib. 4. de Gestis Francorum cap.

cap. 67. & Adu Viennensis, qui dicit hanc
 quæstionem fuisse de processione Spiritus
 Sancti à Filio, & Abbas Vspergensis in
 Chronico. Iterum cum eadem quæstio
 fuisset excitata à quodam Ioanne Mona-
 cho anno circiter 808. missis Romam le-
 gatis, coactum fuisse Concilium à Caro-
 lo Magno refert Annonius lib. 4. cap. 95.
 Circà annum deinde 860. Photius Patriar-
 cha Constantinopolitanus, Synodo in
 Græcia celebrata, & libro edito, defen-
 dit Spiritum Sanctum à solo Patre, non
 autem à Filio procedere, vt refert Hugo
 Aetherianus lib. 2. de Hæresibus, quas
 Græci deuoluunt in Latinos, qui liber ex-
 tat Tom. 9. Bibliothecæ Patrum. Quadra-
 ginta post Photium annis anno circi-
 ter 900. Theophilactus in cap. 3. Ioannis
 eundem errorem docuit: ac circa idem
 tempus Dialogos S. Gregorij in linguam
 Græcam translatos fuisse, omissa illa par-
 ticula, *Filioque*, refert Paulus Diaconus
 lib. 4. vitæ S. Gregorij cap. 75. Demum
 anno 1050. Michael Patriarcha Constanti-
 nopolitanus fretus patrocinio Imperato-
 ris Græci, Pontificem Romanum cum
 suis excommunicatum esse proclamare
 cepit, eo quod in Symbolo addidissent il-
 lud *Filioque procedit*, vt refert Leo IX.
 in Epist. ad Constantinum Monomachum,
 Anselmus Epistola de processione Spi-
 ritus Sancti, & Sigibertus anno 1054. ab
 eoque tempore Græci à Latinis aperto
 Schismate defecerunt, ac Armeni, & Rhu-
 tæni eundem errorem secuti sunt, vt con-
 stat

stat ex Prateolo lib. 1. cap. 67. num. 10. & lib. 16. cap. 4.

15. Contra hunc errorem de Fide est Spiritum Sanctum procedere à Patre, & Filio. Probatur primo ex Scripturis. Primo Christus Io. 16. loquens de Spiritu Sancto dixit; *De meo accipiet, & annuntiabit vobis*, & ut colligitur ex contextu, & ut explicant Augustinus, Chrysostomus, Cyrillus, Theophilactus, & Euthymius in eum locum, sensus est, *accipiet scientiam*; ergo Spiritus Sanctus accipit à Filio scientiam; sed non potest accipere à Filio scientiam, nisi procedat à Filio; ergo &c. Secundò eodem capite Christus dicit: *Cum veneris Paracletus, quem ego mittam vobis*. Ex hoc loco sic arguitur. Omnis nūllio aut est, per imperium, ut cum mittitur servus à Domino; aut per consilium, ut cum agrotus mittitur à Medico Sapientiore ad sumendum aliquod remedium; aut per naturalem productionem, eo pacto, quo arbores mittunt radices; sed Spiritus Sanctus non mittitur à Filio per imperium, vel consilium; ergo mittitur per naturalem productionem. Confirmatur, nam Pater, quia non procedit, non dicitur mitti; ergo si Spiritus Sanctus non procederet à Filio, non mitteretur à Filio. Tertiò ad Rom. 8. & ad Galat. 4. Spiritus Sanctus vocatur Spiritus Christi, & Spiritus Filij; sed non esset Spiritus Filij, nisi spiraretur à Filio; ergo &c. Confirmatur: nam Christus Ioannis 20, *insuspiravit, ac dixit: accipite*
Spi-

Spiritum Sanctum ; sed ut explicant Augustinus lib. 3. contra Maximinum cap. 14. & Cyrillus lib. 12. in Ioan. cap. 16. hac ceremonia significauit Spiritum Sanctum à se procedere, proportionaliter, ac Spiritus seu flatus hominis procedit ab ore hominis ; ergo &c.

16. Secundò probatur ex Concilijs, & Patribus. Cyrillus Alexandriaus in Epistola, quam nomine Synodi Alexandrinæ scripsit ad Nestorium, dicit. *Spiritus appellatus est veritatis, & veritas Christus est ; unde & ab ipsa similiter sicut ex Patre procedit* ; sed hæc epistola habetur in Concilio Ephesino tomo 1. cap. 14. & approbata fuit tum ab ipso Ephesino, tum à quarta Synodo actione quinta, tum à quinta Synodo actione vltima, tum à sexta Synodo actione 17. tum à septima Synodo actione septima, ubi Symbolum Nicænum legitur cum illa additione, *qui à Patre & Filioque procedit*, ut videre est apud Ruiz disp. 67. sect. 6. num. 5. & apud Baronium anno 787; ergo hæc veritas approbata fuit à quinque Concilijs Generalibus Græcorum ; & deindè definita fuit in pluribus Concilijs Occidentalibus, nimirum in Lateranensi sub Innocentio III. in Lugdunensi sub Gregorio X. & in Florentino sub Eugenio IV. consentientibus simul Græcis, & Latinis, in quo à doctissimis Græcorum ostensum est, omnes Patres Græcos, qui floruerunt ante Schismam, vnanimiter cum omnibus Latinis docuisse, Spiritum Sanctum procedere à Patre, &

Filio. Testimonia Patrum, & alia plura ad hanc materiam spectantia videri possunt apud Bellarm. Tom. 1. contr. l. 2. de Christo cap. 24. & 25. apud Ruiz disp. 67. sect. 6. 7. & 8. & apud Bessarionem in Oratione pro vnione, quæ habetur post vltimam sessionem Concilij Florentini c. 5. 6. 7. & 8. vbi etiam ostendit Patres Græcos non solum dixisse Spiritum Sanctum procedere à Patre per Filium, sed etiam à Patre, & Filio, & quod per particulam *per*, & *ex* significarunt idem, nimirum quod procedit à Patre, qui est principium sine principio, per Filium, qui est principium de principio, sicut est Deus de Deo.

17. Tertiò probatur rationibus fundatis in Scriptura. Prima ratio, qua vtitur Athanasius, & Cyrillus, & ex Latinis Anselmus, quorum testimonia refert S. Thomas opusc. 1. est: omnia, quæ habet Pater, habet Filius, exceptis ijs, in quibus relatiuè opponuntur, qualia sunt esse Patrem, & esse Filium, iuxta illud Christi Ioan. 16. *Omnia quæ habet Pater, mea sunt;* & Ioan. 17. *Omnia tua mea sunt;* sed Pater habet hoc, vt spiret Spiritum Sanctum, & in hoc non opponitur relatiuè Filio; ergo etiam Filius habet hoc, vt spiret Spiritum Sanctum.

18. Secunda ratio est, quia ex dictis quæst. 86. num. 6. Spiritus Sanctus, cum sit amor, debet procedere à Verbo,

19. Tertia est, quia ordo Diuinarum Personarum postulat, vt sicut secunda Persona

sona procedit à prima, sic tertia procedat à prima, & secunda, alioquin non tam esset tertia, quam essent duæ secunda Personæ.

20. Quarta, & præcipua ratio, qua utitur S. Thomas 1. parte quæst. 36. art. 4. est: si Spiritus Sanctus non procederet à Filio, non distingueretur à Filio, quod est hæreticum, & destruit Trinitatem Personarum Diuinarum &c. Hæc ratio magis explicabitur infrà quæst. 106. in qua examinabimus quæstionem ortam ex occasione huius rationis, an scilicet si Spiritus Sanctus non procederet à Filio, distingueretur ab ipso.

21. Quæres, quò tempore, & ex qua causa Symbolo Nicæno, vel potius Constantinopolitano fuerit addita particula; *Filiogue*?

22. Respondeo, quod Garzia Loaisa in notis ad Concilium Toletanum 3. Verbo *Item fides sancta*, existimauit particulam illam positam fuisse in Symbolo ab ipso Concilio Constantinopolitano. Stanislaus autem Socolouius in annotationibus ad cap. 1. censuræ Orientalis Ecclesiæ factæ ab Hieremia Patriarcha Constantinopolitano, docuit particulam illam additam à Damaso Papa in Concilio Romano, in quo confirmauit Concilium Constantinopolitanum.

23. Reijcitur vtraque opinio: nam si particula illa posita fuisset in ipso Concilio Constantinopolitano, vel fuisset addita à Damaso confirmante Concilium Con-

stan-

stantinopolitanum, esset moraliter impossibile, ut in nullo ex innumeris exemplaribus Symboli Constantinopolitani, quæ habentur tum in ipso Concilio Constantinopolitano, tum in pluribus alijs Concilijs, legeretur ea particula: & ut Theodoretus, alijque antiqui Historici propinqui illorum temporum, nullam fecissent mentionem huius additionis.

24. Ruiz disp. 67. sect. 5. num. 6. existimat additionem illam factam fuisse post sextam Synodum & ante septimam, quæ est secundum Concilium Nicænum, licet non constet de certo, ac determinato anno. Reijcitur: nam ut ipsemet Ruiz refert, in Concilio Toletano 8. quod celebratum fuit anno 653. recitatum fuit Symbolum cum illa additione; sed sexta Synodus celebrata fuit circa annum 680. triginta propè annis post Toletanum 8; ergo additio illa facta fuit non post tempus sextæ Synodi, sed ante. Addi potest illam additionem haberi etiam in Concilio Toletano 3. celebrato anno 589.

25. Andreas Episcopus Colossensis nomine latinorum in Concilio Florentino sess. 7. post medium dicit. *Maximo in Gallia, & Hispanijs schismate imminente cum iam, ex filioque, passim celebraretur, Romano Pontifici fuit necesse in multorum Occidentalium ample dignitatis, magnoque Concilij Patrum conuentu, addere, ex filioque, Symbolum magis illustrare: sed non explicat, quo tempore hoc euenerit.*

26. Baronius anno 447. refert iussu Sancti

Et Leonis primi anno 447. processionem Spiritus Sancti à Filio assumptam fuisse in Symbolum fidei ab Ecclesijs Hispaniæ, & Galliæ, Concilio in Hispania celebrato, licet Romana Ecclesia antiquitatis tenacissima diutissimè cunctata sit eam in Symbolum inferre, donec tandem sub Benedicto 7. qui creatus est anno 975. ad instantiam Imperatoris Henrici, ut tradit Berno Abbas Augiensis, admissa sunt, ne Romana Ecclesia ea respueret, quæ alijs tradidisset. Idem Baronius anno 633. addit, eandem processionem à Patre, Filioque, in Symbolum assumptam à Concilio Toletano 4. & anno 679. in Anglicano contra Monothelitas celebrato, & in Gentiliaco anno 766. Hinc colligi videtur, additionem illam in Ecclesijs Occidentilibus paulatim introductam, ac demum vniuersaliter admissam circa annum Domini 600. licet ignoretur, quo anno, & in quo Concilio fuerit decreta. Hinc patet additionem illam non fuisse factam à Nicolao I. circa annum 860. ut refert S. Antoninus 3. p. Hist. cap. 13. sed esse multo antiquiorem.

27. Opponunt Græci additionem illam fuisse factam contra decretum Concilij Ephesini, in quo damnat eos, qui fuerint ausi aliam fidem componere, aut scribere, aut exponere, aut corrigere, aut proferre.

28. Respondeo primò, quod Concilium damnat solum eos, qui ausi essent componere aliam fidem contrariam Symbolo

bolo Nicæno, non autem qui composuissent fidem explicatiuam, & virtualiter contentam in Nicæno, eo pacto quo Paulus ad Gal. 1. anathematizans eos, qui docuerint præter id, quod ipse docuit, non comprehendit eos, qui docuerint alia dogmata consentanea ijs, quæ Paulus docuerat. Secundò respondetur prohibitionem illam non cadere supra sequentia Concilia generalia, & supra Romanum Pontificem, supra quem sciebat nullam sibi esse præcipiendi potestatem, sed solum cadere in Episcopos inferiores.

29. Græci etiam conquesti sunt in Concilio Florentino, quod non fuerint vocati, cum facta fuit illa additio. Sed respondit nomine Latinorum Andreas Episcopus Colossensis, sect. 7. primo incertum nobis esse, an fuerint vocati. Secundo respondet, quod sicut in Concilijs Orientalibus multa decreta sunt, non præsentibus Latinis, sic illa additio potuit auctoritate Romani Pontificis statui in aliquo Concilio Occidentali, non præsentibus Græcis. Potest enim Pontifex celebrare aliquod Concilium Occidentale, non aduocatis Episcopis Orientalibus.

30. Ad 1. respondeo primò, quod Christus dicens: *Cum autem venerit Paracletus, quem ego mittam vobis &c.* implicite significauit Spiritum Sanctum paracletum procedere ab ipso Filio: non enim vna Persona mittit aliam, nisi ab ea procedat, vt dictum est num. 15. ergo cum
ad-

addidit *qui à Patre procedit*, non significauit, quod procedat à solo Patre, sed à Patre simul, & Filio. Respondeo secundo, quod prædicata, quæ sunt communia pluribus Personis; in Scriptura tribuuntur Patri, quia Patri conueniunt vt primo principio, à quo illa habent aliæ Personæ: e. g. Christus Matth. 16. Petro dixit: *Caro, & sanguis non reuelauit tibi, sed Pater meus*, & tamen etiam Filius, & Spiritus Sanctus reuelauerant: Ioan. 6. *Nisi Pater, qui misit me, traxerit eum*; & tamen etiam Filius, & Spiritus Sanctus trahunt homines per gratiam; ergo licet dixerit de Spiritu Sancto, *qui à Patre procedit*, non negauit, quod procedat etiam à Filio, sed ita, vt Filius habeat à Patre virtutem spirandi Spiritum Sanctum. Hanc solutionem tradit Augustinus tract. 99. in Ioan. & lib. 15. de Trinitate cap. 17. dicens: *Non frustra in hac Trinitate non dicitur de quo procedat principaliter Spiritus Sanctus, nisi Deus Pater. Ideo autem addidi principaliter, quia & de Filio Spiritus Sanctus procedere reperitur; sed hoc quoque illi Pater dedit. Idem docet cap. 27. & lib. 3. contra Maximinum cap. 14; idque confirmat ex verbis Christi Io. 7. Mea doctrina non est mea.*

31. Ad 2. concedo antecedens, & nego consequentiam. Patres, dum dicunt Spiritum Sanctum procedere à Patre, & non faciunt mentionem Filij, non negant illum procedere à Filio, præsertim cum id alijs locis disertè asserunt. Confirmatur, nam

nam dum in Symbolo dicimus : *Credo in Deum Patrem Omnipotentem , Creatorem Celi, & Terræ*, non negamus etiam Filium, & Spiritum Sanctum esse Creatorem Cœli, & Terræ; ergo à pari .

32. Ad 3. concedo antecedens , & nego consequentiam . Concilium Ephesinum , cum lectum fuisset in Symbolo Nestorianorum , Spiritum Sanctum non procedere à Filio, ideo non contradixit, quia controuersia non erat de hoc puncto; ergo non sequitur , quod id tacitè approbauerit : præsertim cum positivè approbauerit Epistolam Cyrilli, in qua dicebat Spiritum Sanctum procedere etiam à Filio, ut dictum est num. 16.

33. Ad 4. Nomen *Fontis* strictè sumptum significat principium primum, quod non ab alio profluit . In hoc sensu Dionysius , & alij Patres dicunt solum Patrem esse fontem Spiritus Sancti , quia solus est principium non ab alio profluens, Filium dicunt esse veluti flumen , Spiritum Sanctum esse veluti stagnum , quia Filius profluit ex Patre , sicut flumen ex fonte , Spiritus Sanctus profluit à Filio, sicut stagnum à fluuiio profluente ex fonte , ex quo stagno aliud non profluit. Non defunt tamen Patres , qui minus strictè sumentes nomen Fontis , dicunt Filium esse Fontem Spiritus Sancti . In hoc sensu Epiphanius Hæresi 96. Filium appellat fontem ex fonte: & Cyrillus Alexandrinus in expositione Symboli Nicani relatus à S. Thom. opusc. 1. cap. 32. docet Spiritum Sanctum profluere

fluere ex Filio, tanquam ex Fonte.

34. Ad 5. concedo antecedens, & nego consequentiam. Sensus Nazianzeni est, quod Filius habet omnia, quæ habet Pater, excepto hoc, quod est *esse Patrem*, hoc est esse causam, seu principium Filij, sicut Spiritus Sanctus habet omnia, quæ habet Filius, excepta Filiatione, hoc est excepto hoc, quod est *esse Filium*; ergo non negat, sed potius affirmat, Filium habere hoc, quod est *esse Spiratorem*, hoc est, principium Spiritus Sancti, cum esse Spiratorem non sit formaliter esse Patrem.

35. Ad 6. concedo antecedens, & nego consequentiam. Athanasius dicit solum Patrem esse causam, seu principium duobus, quia Filius non est causa, seu principium duobus, sed vni tantum; ergo non sequitur, quod neget Filium esse principium Spiritus Sancti. Addo, quod dicit solum Patrem esse causam duobus, hoc est principium sine principio; at non negat Filium esse principium de principio. In hoc sensu etiam Ioannes Theologus nomine Latinorum in Concilio Florentino sess. 25. dicit: *Tametsi professi fuerimus Patrem unicam Filij, & Spiritus Sancti causam esse.*

36. Ad 7. concedo maiorem, & distinguo minorem: si Filius spiraret Spiritum Sanctum, conueniret cum Patre in propria notione Patris, nego: in notione communi Spiratoris, concedo; & nego consequentiam. Basilus, & Gregorius
non

non negant Filium conuenire cum Patre in aliqua notione communi, sed solum in propria, quales sunt notio Patris, & notio ingeniti. Notio autem Spiratoris non est propria Patris.

37. Ad 8. Respondeo primò cum Sancto Thoma 1. parte quæst. 36. ar. 2. Damascenum quoad hoc secutum esse errorem Græcorum, antequam contrarium definitur. Secundo responderi potest cum Bessarione Orat. pro vnione, quæ habetur in fine Concilij Florentini, Damascenum in re non dissentire à Catholicis, sed solum in modo loquendi. Existimauit enim propositionem *ex* significare processionem ab aliquo tanquam à principio primo, & sine principio; propositionem *per* significare processionem ab aliquo tanquam à principio de principio; sed Spiritus Sanctus procedit à Patre tanquam à principio de principio; ergo non est mirum, quod dixerit, Spiritum esse per Filium, sed non esse à Filio. Hæc expositio placuit etiam Gennadio, alijsque doctissimis Græcorum, & assertur à Ruiz disp. 47. sect. 9. n. 14. & 15.

38. Ad 9. Maximus dicit, Latinos Patres nō concedere Filium esse causam, hoc est principium Spiritus Sancti, nomine principij sumendo principium sine principio, in quo sensu solus Pater est principium Spiritus Sancti. At proculdubio Patres Latini concesserunt Filium esse principium de principio Spiritus Sancti.

39. Ad

39. Ad 10. Concilium Constantino-
politanum primum fuit congregatum con-
tra Eunomium , & Macedonium , qui ut
dictum est num. 14. dicebant Spiritum
Sanctum esse creaturam , & facturam
folius Filij, non autem Patris, ideoque in
Symbolo solum addidit Spiritum Sanctum
esse dominum , & procedere à Patre , ac
non declaravit illum procedere etiam à
Filio , quia adhuc non fuerat ortus error
id negans. Postquam autem ortus fuit hic
error , Summus Pontifex in Concilijs Oc-
cidentalibus iussit addi illam particulam
Filioque . Leo tertius iussit in tabula ar-
gentea asseruari Symbolum Constantino-
politanum sine illa particula *Filioque*, quia
voluit illud conservari , prout editum fue-
rat in Concilio Constantinopolitano, ne
eius memoria periret, non autem quia illam
additionem improbaverit .

40. Ad 11. distinguo maiorem : Filius
esset] similior Patri in natura , quam Spi-
ritus Sanctus , nego : esset similior Patri
in notione Spiratoris , concedo . Est ab-
surdum , quod Filius sit similior Patri in
natura , quam Spiritus Sanctus ; at non
est absurdum , quod sit similior Patri in
notione Spiratoris , quam Spiritus San-
ctus .

41. Ad 12. & 13. Respondeo primò
simili argumento probari posse solum Pa-
trem esse Creatorem Mundi , Filium , &
Spiritum Sanctum non esse Creatorem
mundi . Pater enim est sufficiens ad mun-
dum creandum ; ergo ad mundum crean-
dum

dum creandum non indiget auxilio Filij, & Spiritus Sancti. Rursus mundus, est vnus effectus; ergo debet procedere ab vno principio, non à duobus, multo minus à tribus.

42. Respondeo secundo directè concedo totum. Non enim dicimus Filium, ità esse principium Spiritus Sancti, vt Patrem adiuuet alia spiratione partiali, sed vt à Patre habeat esse idem principium sufficiens, quod est Pater, eo pacto, quò Filius ita creat mundum, vt non adiuuet Patrem ad mundum creandum, sed vt à Patre habeat esse idem principium sufficiens creans mundum. Ad 13. similiter respondeo concedo totum. Dicimus enim, quod sicut mundus, quia est vnus, procedit ab vno principio, sed à tribus Personis, quæ sunt vnū principium, & vnus Creator: sic Spiritus Sanctus, qui est vnus, procedit ab vno principio, & ab vno Spiratore, sed à duabus Personis, quæ sunt vnum principium, & spirator, sicut sunt vnus Creator, & vnus Deus, vt magis explicabitur quæst. sequenti.

QVÆSTIO CV.

Utrum Pater, & Filius sint vnus Spirator, & vnum principium Spiritus Sancti.

1. **V**idetur vera sententia Durandi in 1. dist. 29. quæst. 2. & 3. Gregorij

rij Ariminensis in 1. dist. 121 quæst. 1. Et quorundam aliorum, qui docuerunt, quod licet Pater, & Filius spirant per vnam, & eandem virtutem spiratiuam, & spirationem actiuam, tamen ex rigore, & proprietate sermonis sint dicendi duo principia Spiritus Sancti, & non vnum principium; primo quia vt docet S. Thomas 1. parte quæst. 39. ar. 3. nomina adiectiua dicuntur pluraliter cum subiectum significatum est multiplex, licet forma significata sit vna; sed nomen principij Spiritus Sancti est nomen adiectiuum, cum significet proprietatem; ergo cum sint duæ Personæ spirantes, licet sit vna spiratio, sunt duo principia Spiritus Sancti, eo pacto, quo si duo subiecta essent alba per vnam, & eandem albedinem, essent duo alba, & non vnum album.

2. Secundò nomen principij non supponit pro natura diuina, neque pro potentia spiratiua, vel actuali spiratione, aut relatione spiratoris; ergo supponit pro supposito spirante; sed sunt duo supposita, & duæ Personæ spirantes; ergo sunt duo principia Spiritus Sancti. Probatur antecedens: essentia enim cum non distinguatur à Spiritu Sancto, non est principium quod Spiritus Sancti, ac proinde nomen principij non supponit pro essentia. Rursus Pater, & Filius sunt principium Spiritus Sancti: sed Pater, & Filius propriè loquendo non sunt virtus spiratiua, neque actualis spiratio, neque relatio spiratoris; ergo principium non supponit pro his.

3. Tertiò si Pater, & Filius sunt vnum principium Spiritus Sancti, aut sunt vnum principium, quod est Pater, aut sunt vnum principium, quod non est Pater; neutrum dici potest; ergo &c. Probatur minor: si enim Filius est illud vnum principium, quod est Pater, Filius est Pater; si verò Pater est vnum principium, quod non est Pater, Pater non est Pater.

4. Quartò, si Pater, & Filius essent vnum principium Spiritus Sancti, essent idem principium; consequens est falsum, & negatur ab Alexandro 1. parte quæst. 70. memb. 3. artic. 4. Sancto Bonaventura in 1. dist. 29. art. 2. quæst. 2. & ab alijs; ergo &c.

5. Quintò si Pater, & Filius essent vnum principium, essent vnus Spirator, & vnus auctor Spiritus Sancti; consequens est falsum, siquidem Hilarius lib. 2. de Trinit. post medium dicit: *Spiritus Sanctus de Patre, & Filio auctoribus consistendus est*; ideoque Alexander, & S. Bonaventura locis citatis in 3. argumento, nec non S. Thomas in 1. dist. 29. quæst. vnica ar. 4. ad 2. concedunt Patrem, & Filium esse duos spiratores, & duos auctores Spiritus Sancti; ergo &c.

6. Sextò, si Pater, & Filius essent vnum principium, maximè quia sunt vna virtus spirandi, & vna spiratio; sed Pater est duæ virtutes productiue, Paternitas nimirum, & spiratio actiua; ergo Pater esset duo principia; ac saltem Pater prout est principium Filij, & Filius prout est

est principium Spiritus Sancti sunt duo principia.

7. Septimò, si Pater, & Filius essent vnum numero principium Spiritus Sancti per vnam numero proprietatem spirandi, essent etiam vnum numero suppositum: consequens est falsum; ergo &c.

8. Respondeo Græcos ex ea potissimum ratione noluisse concedere, Spiritum Sanctum à Filio procedere, quia putabant inferri Patrem, & Filium, sicut sunt duæ Personæ, sic esse duo principia Spiritus Sancti, & existimabant latinos in hoc errare versari, vt constat ex Concilio Florentino præsertim sess. 25. in literis Latinorum ad Græcos, & in litteris vnionis Eugenij Papæ. Verùm tantum abest, vt Latini existimauerint Patrem, & Filium esse duo principia, vt in Concilio Lugdunensi sub Gregorio 10. & in Florentino sub Eugenio IV. definierint Spiritum Sanctum à Patre, & Filio non tanquam à duobus principijs, & duabus spirationibus, sed tanquam ab vno principio, & vnica spiratione procedere. Concilium igitur Lugdunense, vt habetur cap. vnico de summa Trinitate in 6. dicit: *Damnamus omnes, qui negare præsumpserint æternaliter Spiritum Sanctum ex Patre, & Filio procedere, siue etiam ausu temerario asserere, quod Spiritus Sanctus ex Patre, & Filio tanquam ex duobus principijs, & non tanquam ex vno procedat.* Prius autem dixerat: *Non duabus spirationibus, sed vnica spiratione procedit.* Concilium autem Florentinum in

literis vnionis post vltimam sessionem dicit: *Hoc sacro vniuersali approbante Concilio definimus, ut hac fidei veritas ab omnibus Christianis credatur, & suscipiatur, sicque omnes profiteantur, quia Spiritus Sanctus à Patre, & Filio aeternaliter est, & essentiam suam, suumque esse subsistens habet à Patre simul, & Filio, & ex utroque aeternalitèr tanquam ex vno principio, & unica spiratione, procedit.*

9. Hæc veritas duas habet partes. Prima est, quod Spiritus Sanctus procedat à Patre, & Filio, non per duas virtutes spirandi, & per duas spirationes, sed per vnicam virtutem spirandi, & per vnicam spirationem actiuam. Secunda, quod procedat non tãquam à duobus principijs, sed tanquam ab vno principio: & vtraque pars est probanda.

10. Prima ergo pars probatur. Nam omnia, quæ habet Pater, eadem numero habet Filius, exceptis ijs, in quibus relatiuè opponuntur, qualia sunt *esse Patrem*, & *esse Filium*, ideoque Ioan. 16. Christus dicit: *Omnia, quæ habet Pater mea sunt*; & Ioan. 17. *Omnia tua mea sunt*: sed Pater habet virtutem spirandi Spiritum Sanctum, & habet spirationem actiuam, qua illum spirat, & relationem spiratoris, qua ad Spiritum Sanctum refertur, & in his non opponitur relatiuè Filio; ergo.

11. Confirmatur, nam sicut Pater, Filius, & Spiritus Sanctus habent eandem numero Omnipotentiam, & virtutem creatinam, & operantur ad extra per eandem

dem numero actionem, sic Pater, & Filius habent eandem numero virtutem spirandi, & agendi ad intra, & spirant Spiritum Sanctum per eandem numero spirationem activam.

12. Probatur iam secunda pars. Vt enim docet S. Thomas 1. par. quæst. 39. ar. 3. nomina substantiva, cum forma significata est vna tantum, dicuntur solum singulariter; cum forma significata est multiplex, dicuntur pluraliter: sed forma significata per hoc nomen *principiū Spiritus Sancti* est virtus spirandi, ac spiratio activa, & relatio spiratoris, quæ est vna tantum numero, vt dictum est num. 11; ergo dicitur tantum singulariter, ac non pluraliter, ac proinde Pater, & Filius licet sint duæ Personæ spirantes, sunt vnum principium, & non duo principia Spiritus Sancti. Addo, quod sicut ex dictis qu. 93. num. 13. Pater, Filius, & Spiritus Sanctus ita sunt vnus Deus, vt sint vna Deitas, sic Pater, & Filius ita sunt vnum principium Spiritus Sancti, vt sint vna virtus spirandi, & vna spiratio activa.

13. Confirmatur hæc veritas ex Patribus, quos refert Ruiz disput. 70. sect. 1. Gregorius Nissenus orat. 1. in illud Genes. 1. *Faciamus hominem* dicit: *Vna in utroque forma, & principium a Patre in Filio idem est*. Athanasius orat. 5. contra Arrianos dicit: Vnum esse principium deitatis, non duo. Dum dicit vnum esse principium deitatis, docet esse vnum principium etiam ad intra, ac respectu

Spiritus Sancti. Idem Orat. contra gregales Sabellij prope medium dicit: *Qui duo principia inducit, is duo numina predicat.* Similia docent Cyrillus Alexandrinus lib. 12. The-
saur. cap. 1. Hilarius lib. 6. de Trinit. qui loquuntur de principio ad intra, & tamen negant duo principia, Augustinus lib. 5. de Trinit. cap. 14. *Fatendum est Patrem, & Filium principium esse Spiritus Sancti, non duo principia: sed sicut Pater, & Filius unus Deus, & ad creaturam relatiuè unus Creator, & unus Dominus, sic relatiuè ad Spiritum Sanctum unum principium.* Idem docet Anselmus Epist. de process. Spiritus Sancti cap. 11. & 16. idque probat, quia sunt principium per eandem virtutem spiratiuam.

14. Quæri potest, vtrum Spiritus Sanctus ita procedat à Patre, & Filio, tanquam ab vno principio, vt per se procedat à Patre, & Filio tanquam à duabus Personis propter distinctionem supposito-
rum.

15. Respondeo affirmatiuè cum Sancto Thoma 1. par. quæst. 36. ad primum. Ratio est, quia procedit à Patre, & Filio vt amor vnitiuus ipsorum, quatenus duæ Personæ sunt. Ideo Augustinus lib. 6. de Trinit. cap. 5. dicit. *Spiritus ergo Sanctus commune aliquid est Patris, & Filij, quidquid illud est.* Hinc sequitur, quod licet admittamus cum S. Thoma eodem art. ad 7. creaturas non procedere à tribus Personis, vt tres Personæ distinctæ sunt, sed vt vnum sint in essentia, tamen ex speciali ratione,

ne, Spiritus Sanctus procedit à duabus Personis, non solum ut vnum principium sunt, sed etiam ut duæ Personæ sunt. Videri potest Ruiz disput. 70. ubi ex professo hanc quæstionem examinat, & doctrinam allatam probat testimonijs Patrum.

16. Infertur primò, quod sicut tres Personæ sunt quidem tres creantes mundum, sed non sunt tres Creatores, sed vnus tantum Creator, sic Pater, & Filius sunt quidem duo spirantes, sed non sunt duo spiratores, sed vnus spirator. Ratio est, quia ut nomina adiectiua dicantur pluraliter, non requiritur, ut multiplicentur formæ, sed sufficit, ut multiplicentur subiecta, seu supposita; sed nomina creatis, & spirantis sunt adiectiua; ergo licet non multiplicentur formæ, hoc est creationes, & spirationes, tamen quia multiplicentur supposita, dicuntur pluraliter tres creantes, & duo spirantes. At nomina substantiua ut dicantur pluraliter, non sufficit, ut multiplicentur supposita, sed requiritur, ut multiplicentur formæ; sed nomina Creatoris, & Spiratoris sunt substantiua, & significant ut formam virtutem creandi, & creationem, virtutem spirandi, & spirationem actiuam, vna autem est virtus creandi, & creatio, vna virtus spirandi, & spiratio; ergo licet sint tria supposita creantia, non sunt tres Creatores, sed vnus Creator: & licet sint duo supposita spirantia, tamen non sunt duo spiratores, sed vnus spirator.

2. Infertur secundò, quid dicendum

De d 3

fit

non negant Filium conuenire cum Patre in aliqua notione communi, sed solum in propria, quales sunt notio Patris, & notio ingenerati. Notio autem Spiratoris non est propria Patris.

37. Ad 8. Respondeo primò cum Sancto Thoma 1. parte quæst. 36. ar. 2. Damascenum quoad hoc secutum esse errorem Græcorum, antequam contrarium definitur. Secundo responderi potest cum Bessarione Orat. pro vnione, quæ habetur in fine Concilij Florentini, Damascenum in re non dissentire à Catholicis, sed solum in modo loquendi. Existimauit enim propositionem *ex* significare processionem ab aliquo tanquam à principio primo, & sine principio; propositionem *per* significare processionem ab aliquo tanquam à principio de principio; sed Spiritus Sanctus procedit à Patre tanquam à principio de principio; ergo non est mirum, quod dixerit, Spiritum esse per Filium, sed non esse à Filio. Hæc expositio placuit etiam Gennadio, alijsque doctissimis Græcorum, & affertur à Ruiz disp. 47. sect. 9. n. 14. & 15.

38. Ad 9. Maximus dicit, Latinos Patres nō concedere Filium esse causam, hoc est principium Spiritus Sancti, nomine principij sumendo principium sine principio, in quo sensu solus Pater est principium Spiritus Sancti. At proculdubio Patres Latini concesserunt Filium esse principium de principio Spiritus Sancti.

39. Ad

39. Ad 10. Concilium Constantino-
polititanum primum fuit congregatum con-
tra Eunomium , & Macedonium , qui ve-
dictum est num. 14. dicebant Spiritum
Sanctum esse creaturam , & facturam
solum Filij, non autem Patris, ideoque in
Symbolo solum addidit Spiritum Sanctum
esse dominum , & procedere à Patre , ac
non declaravit illum procedere etiam à
Filio , quia adhuc non fuerat ortus error
id negans. Postquam autem ortus fuit hic
error , Summus Pontifex in Concilijs Oc-
cidentalibus iussit addi illam particulam
Filioque . Leo tertius iussit in tabula ar-
gentea asseruari Symbolum Constantino-
polititanum sine illa particula *Filioque*, quia
voluit illud conservari , prout editum fue-
rat in Concilio Constantinopolitano, ne
eius memoria periret, non autem quia illam
additionem improbaverit .

40. Ad 11. distinguo maiorem : Filius
esset similior Patri in natura , quam Spi-
ritus Sanctus , nego : esset similior Patri
in notione Spiratoris , concedo . Est ab-
surdum , quod Filius sit similior Patri in
natura , quam Spiritus Sanctus ; at non
est absurdum , quod sit similior Patri in
notione Spiratoris , quam Spiritus San-
ctus .

41. Ad 12. & 13. Respondeo primò
simili argumento probari posse solum Pa-
trem esse Creatorem Mundi , Filium , &
Spiritum Sanctum non esse Creatorem
mundi . Pater enim est sufficiens ad mun-
dum creandum ; ergo ad mundum crean-
dum

dum creandum non indiget auxilio Filij, & Spiritus Sancti. Rursus mundus, est vnus effectus; ergo debet procedere ab vno principio, non à duobus, multo minus à tribus.

42. Respondedò secundò directè concedo totum. Non enim dicimus Filium, ità esse principium Spiritus Sancti, vt Patrem adiuuet alia spiratione partiali, sed vt à Patre habeat esse idem principium sufficiens, quod est Pater, eò pacto, quò Filius ita creat mundum, vt non adiuuet Patrem ad mundum creandum, sed vt à Patre habeat esse idem principium sufficiens creans mundum. Ad 13. similiter respondedò concedo totum. Dicimus enim, quod sicut mundus, quia est vnus, procedit ab vno principio, sed à tribus Personis, quæ sunt vnū principium, & vnus Creator: sic Spiritus Sanctus, qui est vnus, procedit ab vno principio, & ab vno Spiratore, sed à duabus Personis, quæ sunt vnum principium, & spirator, sicut sunt vnus Creator, & vnus Deus, vt magis explicabitur quæst. sequenti.

QVAESTIO CV.

Utrum Pater, & Filius sint vnus Spirator, & vnum principium Spiritus Sancti.

1. **V**idetur vera sententia Durandi in 1. dist. 29. quæst. 2. & 3. Gregorij

rij Ariminensis in 1. dist. 12. quæst. 1. Et quorundam aliorum, qui docuerunt, quod licet Pater, & Filius spirant per vnam, & eandem virtutem spiratiuam, & spirationem actiuam, tamen ex rigore, & proprietate sermonis sint dicendi duo principia Spiritus Sancti, & non vnum principium; primo quia vt docet S. Thomas 1. parte quæst. 39. ar. 3. nomina adiectiua dicuntur pluraliter cum subiectum significatum est multiplex, licet forma significata sit vna; sed nomen principij Spiritus Sancti est nomen adiectiuum, cum significet proprietatem; ergo cum sint duæ Personæ spirantes, licet sit vna spiratio, sunt duo principia Spiritus Sancti, eo pacto, quo si duo subiecta essent alba per vnam, & eandem albedinem, essent duo alba, & non vnum album.

2. Secundò nomen principij non supponit pro natura diuina, neque pro potentia spiratiua, vel actuali spiratione, aut relatione spiratoris; ergo supponit pro supposito spirante; sed sunt duo supposita, & duæ Personæ spirantes; ergo sunt duo principia Spiritus Sancti. Probatur antecedens: essentia enim cum non distinguatur à Spiritu Sancto, non est principium quod Spiritus Sancti, ac proinde nomen principij non supponit pro essentia. Rursus Pater, & Filius sunt principia Spiritus Sancti: sed Pater, & Filius propriè loquendo non sunt virtus spiratiua, neque actualis spiratio, neque relatio spiratoris; ergo principium non supponit pro his,

3. Tertiò si Pater, & Filius sunt vnum principium Spiritus Sancti, aut sunt vnum principium, quod est Pater, aut sunt vnum principium, quod non est Pater; neutrum dici potest; ergo &c. Probatur minor: si enim Filius est illud vnum principium, quod est Pater, Filius est Pater; si verò Pater est vnum principium, quod non est Pater, Pater non est Pater.

4. Quartò, si Pater, & Filius essent vnum principium Spiritus Sancti, essent idem principium; consequens est falsum, & negatur ab Alexandro 1. parte quæst. 70. memb. 3. artic. 4. Sancto Bonaventura in 1. dist. 29. art. 2. quæst. 2, & ab alijs; ergo &c.

5. Quintò si Pater, & Filius essent vnum principium, essent vnus Spirator, & vnus auctor Spiritus Sancti; consequens est falsum, siquidem Hilarius lib. 2. de Trinit. post medium dicit: *Spiritus Sanctus de Patre, & Filio auctoribus consistendus est*, ideoque Alexander, & S. Bonaventura locis citatis in 3. argumento, nec non S. Thomas in 1. dist. 29. quæst. vnica ar. 4. ad 2. concedunt Patrem, & Filium esse duos spiratores, & duos auctores Spiritus Sancti; ergo &c.

6. Sextò, si Pater, & Filius essent vnum principium, maximè quia sunt vna virtus spirandi, & vna spiratio; sed Pater est duæ virtutes productiue, Paternitas nimirum, & spiratio actiua; ergo Pater esset duo principia; ac saltem Pater prout est principium Filij, & Filius prout est

est principium Spiritus Sancti sunt duo principia.

7. Septimò, si Pater, & Filius essent vnum numero principium Spiritus Sancti per vnam numero proprietatem spirandi, essent etiam vnum numero suppositum: consequens est falsum; ergo &c.

8. Respondeo Græcos ex ea potissimum ratione noluisse concedere, Spiritum Sanctum à Filio procedere, quia putabant inferri Patrem, & Filium, sicut sunt duæ Personæ, sic esse duo principia Spiritus Sancti, & existimabant latinos in hoc errare versari, vt constat ex Concilio Florentino præsertim sess. 25. in literis Latinorum ad Græcos, & in litteris vnionis Eugenij Papæ. Verùm tantum abest, vt Latini existimauerint Patrem, & Filium, esse duo principia, vt in Concilio Lugdunensi sub Gregorio 10. & in Florentino sub Eugenio IV. definierint Spiritum Sanctum à Patre, & Filio non tanquam à duobus principijs, & duabus spirationibus, sed tanquam ab vno principio, & vnica spiratione procedere. Concilium igitur Lugdunense, vt habetur cap. vnico de summa Trinitate in 6. dicit: *Damnamus omnes, qui negare præsumpserint æternaliter Spiritum Sanctum ex Patre, & Filio procedere, siue etiam ausu temerario asserere, quod Spiritus Sanctus ex Patre, & Filio tanquam ex duobus principijs, & non tanquam ex vno procedat. Prius autem dixerat: Non duabus spirationibus, sed vnica spiratione procedit.* Concilium autem Florentinum in

literis vnionis post vltimam sessionem dicit: *Hoc sacro vniuersali approbante Concilio definimus, ut hac fidei veritas ab omnibus Christianis credatur, & suscipiatur, sicque omnes profiteantur, quia Spiritus Sanctus à Patre, & Filio aeternaliter est, & essentiam suam, suumque esse subsistens habet à Patre simul, & Filio, & ex utroque aeternaliter tanquam ex vno principio, & unica spiratione procedit.*

9. Hæc veritas duas habet partes. Prima est, quod Spiritus Sanctus procedat à Patre, & Filio, non per duas virtutes spirandi, & per duas spirationes, sed per vnicam virtutem spirandi, & per vnicam spirationem actiuam. Secunda, quod procedat non tâquam à duobus principijs, sed tanquam ab vno principio: & vtraque pars est probanda.

10. Prima ergo pars probatur. Nam, omnia, quæ habet Pater, eadem numero habet Filius, exceptis ijs, in quibus relatiuè opponuntur, qualia sunt *esse Patrem*, & *esse Filium*, ideoque Ioan. 16. Christus dicit: *Omnia, quæ habet Pater mea sunt*; & Ioan. 17. *Omnia tua mea sunt*: sed Pater habet virtutem spirandi Spiritum Sanctum, & habet spirationem actiuam, qua illum spirat, & relationem spiratoris, qua ad Spiritum Sanctum refertur, & in his non opponitur relatiuè Filio; ergo.

11. Confirmatur, nam sicut Pater, Filius, & Spiritus Sanctus habent eandem numero Omnipotentiam, & virtutem creatiuam, & operantur ad extra per eandem

dem numero actionem, sic Pater, & Filius habent eandem numero virtutem spirandi, & agendi ad intra, & spirant Spiritum Sanctum per eandem numero spirationem actiuam.

12. Probatur iam secunda pars. Vt enim docet S. Thomas 1. par. quæst. 39. ar. 3. nomina substantiua, cum forma significata est vna tantum, dicuntur solum singulariter; cum forma significata est multiplex, dicuntur pluraliter: sed forma significata per hoc nomen *principiū Spiritus Sancti* est virtus spirandi, ac spiratio actiua, & relatio spiratoris, quæ est vna tantum numero, vt dictum est num. 11; ergo dicitur tantum singulariter, ac non pluraliter, ac proinde Pater, & Filius licet sint duæ Personæ spirantes, sunt vnum principium, & non duo principia Spiritus Sancti. Addo, quod sicut ex dictis qu. 93. num. 13. Pater, Filius, & Spiritus Sanctus ita sunt vnus Deus, vt sint vna Deitas, sic Pater, & Filius ita sunt vnum principium Spiritus Sancti, vt sint vna virtus spirandi, & vna spiratio actiua.

13. Confirmatur hæc veritas ex Patribus, quos refert Ruiz disput. 70. sect. 1. Gregorius Nissenus orat. 1. in illud Genes. 1. *Faciamus hominem* dicit: *Vna in utroque forma, & principium a Patre in Filio idem est*. Athanasius orat. 5. contra Arrianos dicit: Vnum esse principium deitatis, non duo. Dum dicit vnum esse principium deitatis, docet esse vnum principium etiam ad intra, ac respectu

Spiritus Sancti. Idem Orat. contra gregales Sabellij prope medium dicit: *Qui duo principia inducit, is duo numina predicat.* Similia docent Cyrillus Alexandrinus lib. 12. The-
saur. cap. 1. Hilarius lib. 6. de Trait. qui loquuntur de principio ad intrà, & tamen negant duo principia, Augustinus lib. 5. de Trinit. cap. 14. *Fatendum est Patrem, & Filium principium esse Spiritus Sancti, non duo principia: sed sicut Pater, & Filius unus Deus, & ad creaturam relatiuè unus Creator, & unus Dominus, sic relatiuè ad Spiritum Sanctum unum principium.* Idem docet Anselmus Epist. de process. Spiritus Sancti cap. 11. & 16. idque probat, quia sunt principium per eandem virtutem spiratiuam.

14. Quæri potest, vtrum Spiritus Sanctus ita procedat à Patre, & Filio, tanquam ab vno principio, vt per se procedat à Patre, & Filio tanquam à duabus Personis propter distinctionem supposito-
rum.

15. Respondeo affirmatiuè cum Sancto Thoma 1. par. quæst. 36. ad primum. Ratio est, quia procedit à Patre, & Filio vt amor vnitiuus ipsorum, quatenus duæ Personæ sunt. Ideo Augustinus lib. 6. de Trinit. cap. 5. dicit. *Spiritus ergo Sanctus commune aliquid est Patris, & Filij, quidquid illud est.* Hinc sequitur, quod licet admittamus cum S. Thoma eodem art. ad 7. creaturas non procedere à tribus Personis, vt tres Personæ distinctæ sunt, sed vt vnum sint in essentia, tamen ex speciali ratione,

ne, Spiritus Sanctus procedit à duabus Personis, non solum ut vnum principium sunt, sed etiam ut duæ Personæ sunt, Videri potest Ruiz disput. 70. ubi ex professo hanc quæstionem examinat, & doctrinam allatam probat testimonijs Patrum.

16. Infertur primò, quod sicut tres Personæ sunt quidem tres creantes mundum, sed non sunt tres Creatores, sed vnus tantum Creator, sic Pater, & Filius sunt quidem duo spirantes, sed non sunt duo spiratores, sed vnus spirator. Ratio est, quia ut nomina adiectiua dicantur pluraliter, non requiritur, ut multiplicentur formæ, sed sufficit, ut multiplicentur subiecta, seu supposita; sed nomina creantis, & spirantis sunt adiectiua; ergo licet non multiplicentur formæ, hoc est creationes, & spirationes, tamen quia multiplicentur supposita, dicuntur pluraliter tres creantes, & duo spirantes. At nomina substantiua ut dicantur pluraliter, non sufficit, ut multiplicentur supposita, sed requiritur, ut multiplicentur formæ; sed nomina Creatoris, & Spiratoris sunt substantiua, & significant ut formam virtutem creandi, & creationem, virtutem spirandi, & spirationem actiuam, vna autem est virtus creandi, & creatio, vna virtus spirandi, & spiratio; ergo licet sint tria supposita creantia, non sunt tres Creatores, sed vnus Creator: & licet sint duo supposita spirantia, tamen non sunt duo spiratores, sed vnus spirator.

7. Infertur secundò, quid dicendum

De d 3

sic

fit de sententia Durandi, & Gregorij, qui, ut relatum est in primo argumento, dixerunt, quod Pater, & Filius in rigore sermonis dicendi potius sunt duo principia Spiritus Sancti, quam vnicum principium spirans. Dicendum cum Canariensi 1. parte quæst. 36. art. 2. quem sequitur Ruiz disput. 70. sect. 1. nu. 13. prædictum modum loquendi esse temerarium, & periculosum, cum repugnet Concilio Lugdunensi celebrato ante citatos auctores, & Concilio Florentino celebrato post. Et confirmatur, nam posset dici Patrem, Filium, & Spiritum Sanctum esse tres Deos propter pluralitatem suppositorum, licet per vnam, & eandem Deitatem.

18. Ad auctoritatem Concilij Lugdunensis Durandus, & Gregorius respondent, concilium non dixisse Spiritum Sanctum procedere ab vno principio, sed tanquam ab vno principio, ad significandum, quod Pater, & Filius non sunt vnum principium, sed tanquam vnum principium propter vnitatem spirationis, & virtutis spiratiuæ.

19. Sed reijcitur primò: nam sæpè particula *tanquam*, quasi &c. non significant similitudinem, sed proprietatem, ut cum ad Hæb. 3. dicitur: *Moyfes tanquam Famulus*, *Christus verò tanquam Filius in Domo sua*, significatur Moysem fuisse propriè Famulum, Christum fuisse propriè Filium; & cum Ioan. 1. dicitur: *Gloriam eius quasi unigeniti à Patre* significatur
Chri-

Christum propriè esse vnigenitum; ergo ex eo, quod Concilium addiderit particulam *tanquam*, non sequitur, quod non significarit propriè esse vnum principium.

20. Reijcitur secundò, nam Conciliū Florentinum magis explicans definitionē Lugdunensis, absolutè definit Patrem, & Filium esse vnum principium Spiritus Sancti. Sessione enim 25. fidei professio Græcis à Latinis data sic habet. *Quoniam Græci suspicantur, nos duo principia, duasque causas in Trinitate profiteri, idcirco hanc habentes sententiam anathemate damnamus; quandoquidem ipsi tradimus Patris, & Filij operationem, potestatemque mistendæ unicam Spiritus Sancti causam esse, ita ut Filius non sit diuersum a Patre principium; ergo absolutè damnantur duo principia, ac proinde saltem post Florentinum non licet vti illo subterfugio Durandi, & Gregorij.*

21. Ad 1. concedo maiorem, & nego minorem. Nomen enim principij non est adiectiuum, sed substantiuum, cum significet ad modum per se stantis. Nec obstat, quod significet virtutem spirandi, quæ est proprietas Patris, & Filij; primò quia nomen etiam significans formam, & & proprietatem accidentalem, puta nomen *albedo*, si significet illam ad modum per se stantis, est substantiuum; secundo quia virtus spirandi, & spiratio actiua, quæ est forma significata per nomen *principium Spiritus Sancti*, licet formaliter

non sit substantia absoluta, neque Persona, tamen est veluti forma substantialis infinitè distans ab accidente; ergo nomen *principium Spiritus Sancti*, & ex modo significandi, & ex re significata est substantium, non autem adiectivum, ac proinde ut diceretur pluraliter, deberet multiplicari forma, hoc est virtus spirandi, & spiratio actiua, quæ non multiplicatur, sed est vna tantum.

22. Ad 2. respondeo primo indirectè, quod simili argumento probari posset, Patrem, Filium, & Spiritum Sanctum esse tres Deos, & non vnum Deum. Nomen enim *Deus* non supponit pro suo formali significato, hoc est pro Deitate, sed pro suo materiali significato, hoc est pro supposito Deitatis: sed sunt tria supposita Deitatis; ergo sunt tres Dij, & non vnus tantum Deus.

23. Respondeo secundò, quod sicut nomen *Deus* supponit formaliter pro suo formali significato, hoc est pro Deitate, & supponit materialiter tantum, & indeterminatè pro suo materiali significato, hoc est pro supposito Deitatis, seu pro ratione communi suppositi Deitatis; sic nomen *principium Spiritus Sancti* supponit formaliter pro suo formali significato, hoc est pro virtute spiratiua, & pro ipsa actuali spiratione, & relatione spiratoris, & materialiter, ac indeterminatè pro supposito virtutis spiratiuæ, & actualis spirationis, ac relationis spiratoris; ergo sicut quia est vna tantum Deitas, pro qua nomen *Deus*
sup-

supponit formaliter, nomen *Dei* non dicitur pluraliter, ac proinde tres Personæ non sunt tres *Dij*, sed vnus tantum *Deus*; ita quia est vna tantum virtus spiratiua, vna spiratio, & relatio spiratoris, pro qua nomen *principium Spiritus Sancti* supponit formaliter, duæ Personæ sunt vnum tantum principium Spiritus Sancti, & non duo principia. Regula enim vniuersalis est, quod vt nomen substantium dicatur pluraliter, debet multiplicari forma, pro qua supponit formaliter, & non sufficit, vt multiplicetur suppositum, pro quo supponit solum materialiter, & indeterminatè.

24. Ad 3. concedo maiorem, & nego minorem, hac dico quod Pater, & Filius sunt vnum principium, quod est realiter Pater cum aliqua distinctione virtuali à Patre, ac propter talem distinctionem virtualem non valet, *Filius est illud vnum principium Spiritus Sancti, quod est Pater*; ergo *Filius est Pater*: sicut propter distinctionem virtualem non valet, *Filius est ille vnus Deus, qui est Pater*; ergo *Filius est Pater*. Vide dicta q. 98. in qua egimus de distinctione virtuali.

25. Ad 4. concedo sequelam ac dico, quod sicut tres Personæ non solum sunt vnus Deus, sed idem Deus, sic Pater, & Filius non solum sunt vnum principium Spiritus Sancti, sed sunt idem principium Spiritus Sanctus, vt concedit Sanctus Thomas I, parte quæstione 39. artic. 4. ad 6.

26. Ad 5. nego minorem, ac dico cum S. Thoma 1. parte quæst. 35. art. 2. ad 7. Patrem, & Filium esse vnum spiratorem, & auctorem Spiritus Sancti, licet id negetur ab Alexandro, & S. Bonaventura, & negatum fuerit à S. Thoma loco citato in argumento. Ad auctoritatem Hilarij respondet S. Thomas, Hilarium dum dixit Spiritum Sanctum processisse à Patre, & Filio auctoribus, locutum minus propriè, ac sumpsisse substantium pro adiectiuo.

27. Ad 6. Respondeo primò concedo maiorem, & nego minorem. Pater enim licet sit Paternitas, & spiratio actiua, non est duæ virtutes productiua realiter distinctæ, cum Paternitas, & spiratio actiua non distinguantur realiter, sed solum virtualiter. Respondeo secundò, quod licet Paternitas, & spiratio actiua essent duæ virtutes productiua, tamen Pater non esset duo principia. Ratio est, quia ut nomen substantium dicatur pluraliter, requiritur quidem, ut multiplicetur forma, pro qua supponit formaliter, sed hoc non sufficit, sed requiritur etiam ut multiplicetur suppositum, pro quo supponit materialiter, ideoque si vnum suppositum haberet duas humanitates, non esset duo homines, sed vnus homo; sed Pater est vnum suppositum; ergo etiamsi haberet duas virtutes productiua, non esset duo principia, sed vnum tantum principium. Videri potest S. Th. 1. p. q. 36. ar. 2. ad 2. ex quo desumpta est hæc solutio.

28. Ad

28. Ad 7. nego sequelam. Licet Pater, & Filius sint vnum principium Spiritus Sancti, & vnus spirator, non sunt vnum suppositum, quia principium Spiritus Sancti, & spirator, cum sit predicabile de duobus, non habet rationem suppositi, vt dictum est quaest. 97. numer. 8. in responsione ad 3. & 4. Videri potest Ruiz disput. 70, sect. 3. vbi de hoc puncto agit ex professo.

QVAESTIO CVI.

Vtrum si Spiritus Sanctus non procederet a Filio, distingueretur ab ipso.

S. Th. q. 36. a. 2.

1. **V**idetur, quod distingueretur, vt docuerunt Henricus Quodlib. 5. quaest. 9. Scotus in 1. dist. 11. quaest. 2. Gregorius ibidem dist. 11. qu. 1. art. 2. Baconius in 1. dist. 13. quaest. 1. & alij, primo, quia diuersi, & impossibiles modi productionis passiuæ sufficiunt ad inferendam distinctionem terminorum productorum: e. g. quia frige factio, & illuminatio sunt diuersi modi productionis, postulant, vt termini producti, nimirum frigus, & lumen distinguantur, etiam si neque frigus procedat à lumine, neque lumen procedat à frigore: sed generatio passiuæ Verbi, hoc est natiuitas, seu pro-

ductio per intellectum, & spiratio passiva, hoc est productio per voluntatem, sunt diversi, & incòpossibiles modi productionis passivæ, non minus quam frige factio, & illuminatio; ergo inferrent distinctionem terminorum productorum, hoc est Filij, & Spiritus Sancti, etiamsi neque Filius procederet à Spiritu Sancto, neque Spiritus Sanctus à Filio.

2. Secundò idem non potest bis produci duabus productionibus connaturalibus, & adæquatis; sed generatio est productio connaturalis, & adæquata Filij, spiratio est productio connaturalis, & adæquata Spiritus Sancti; ergo Filius, & Spiritus Sanctus etiamsi neuter ab altero procederet, non possent esse idem, sed deberent distingui, alioquin idem produceretur duabus productionibus connaturalibus, & adæquatis.

3. Tertiò Athanasius Dialogo 1. de S. Trinitate contrà Anomæum post medium dicit: *inter Filium, & Spiritum Sanctum differentiam esse, non habita ratione, quod sint hypostasi, sed quod unus quidem ex vero sit, hoc est ex intellectu, alter ex ore, hoc est ex voluntate, ad modum habitus*: Augustinus lib. 5. de Trinitate cap. 4. assignat differentiam inter Spiritum Sanctum, & Filium, quod Spiritus Sanctus *exiit non quomodo natus, sed quomodo datus*: Damasc. lib. 1. de fide cap. 7. 10. 11. & 17. Spiritum Sanctum distinguit à Filio, *quia est à Patre prodiens non filialiter, sed processionaliter*; sed etiamsi Spiritus

EUS

tus Sanctus non procederet à Filio, hæc verificarentur; ergo.

4. Quartò Anselmus in Epistola de processione Spiritus Sancti cap. 4. dicit. *Idèd non habet hic unitas illa vim consequentiæ, quia pluralitas obuiat, quæ ex natiuitate oritur, & ex processione. Nam & si per aliud non essent plures Filius, & Spiritus Sanctus, per hoc solum essent diuersi;* ergo expressè concedit Filium, & Spiritum Sanctum posse distingui sufficienter per hoc, quod Filius nascitur, Spiritus Sanctus procedit, etiamsi aliud discrimen non adesset.

5. Quintò amor creatus, licet non procedat à Verbo, distinguitur ab illo; ergo etiam Spiritus Sanctus, qui est amor increatus, licet non procederet à Verbo, distingueretur à Verbo.

6. Sextò manentibus vltimis constitutiuis aliquorum suppositorum, manet eorum distinctio; siquidem vltimum constitutiuum rei distinguit illam à qualibet alia re; sed licet Spiritus Sanctus non procederet à Filio, maneret Filiatio, quæ est vltimum constitutiuum Filij, & spiratio passiuæ, quæ est vltimum constitutiuum Spiritus Sancti; ergo.

7. Respondeo Gotfredum quodlib. 7. quæst. 4. relatum à Scoto in 1. distinct. 11. quæst. 2. existimasse quæstionem propositam esse nullam, & solutionis incapacem, quia ex suppositione impossibili, qualis est hæc, quod Spiritus Sanctus non procedat à Filio, sequitur quodlibet, ac proinde

dè sequitur Spiritum Sanctum distingui, & non distingui à Filio. Torres etiam de Trinitate quæst. 36. art. 2. docuit hanc quæstionem ad Theologum parum spectare.

8. Contrà hos auctores certum videtur quæstionem legitimè propositam esse gravissimam, & ad Theologum spectare. Ratio est, quia est quæstio gravissima, & ad Theologum maximè spectans, in qua quæritur, vtrum aliquis error contra fidem possit legitimè impugnari, & confutari ratione non solum ostensiva, sed etiam ducente ad impossibile; sed in hac quæstione quæritur, vtrum error Græcorum dicentium Spiritum Sanctum non procedere à Filio, possit legitimè confutari ratione ducente ad impossibile, qua contra illum vñ sunt de facto S. Thomas 1. part. quæst. 36. art. 2. Ioannes Theologus in Concilio Florentino sess. 18. post medium, & Bessarion orat. pro vnione, quæ habetur post sess. 25. & ultimam Concilij Florentini, cui totum Concilium videtur tacitè consensisse: quæ ratio est: Si Spiritus Sanctus non procederet à Filio, non distingueretur ab ipso; consequens est impossibile, cum euertat Trinitatem, & loco Trinitatis ponat solum dualitatem Personarum; ergo falsum, & impossibile est, quod Spiritus Sanctus non procedat à Filio; ergo hæc quæstio est gravissima, & ad Theologum maximè spectat, cum in ea examinetur maior illa allatæ rationis; *si Spiritus Sanctus non procederet à Filio, non distingueretur ab ipso*, & quærat, vtrum sit vera,
&

& possit contra Græcos efficaciter probari. Nec obstat, quod ex suppositione impossibili, quod Spiritus Sanctus non procederet à Filio, sequatur vtraque pars contradictionis, quod nimirum distingueretur, & non distingueretur à Filio. Nam non obstat efficaciam rationis ducentis ad impossibile, quod ex aliquo sequatur vtraque pars contradictionis, immò per hoc ipsum ratio redditur efficacior, cum ducat ad duplex impossibile: e.g. in casu nostro ratio allata contra Græcos ducit ad duo impossibilia, alterum est, quod Spiritus Sanctus non distinguatur à Filio, alterum quod simul etiam distinguatur, adeoque distinguatur simul, & non distinguatur.

9. Hinc patet sensus, & utilitas quæstionis propositæ. Quæritur enim, vtrum possit contra Græcos efficaciter probari, quod si Spiritus Sanctus non procederet à Filio, non distingueretur ab ipso, esto sequatur etiam, quod simul distingueretur, adeoque vtrum error Græcorum possit efficaciter impugnari ratione hac ducente ad impossibile. Debet autem adverti, quod vt argumentum concludat contra Græcos, non debet supponi impossibile esse, vt Spiritus Sanctus non procedat à Filio, sed debet abstrahi ab hoc, vtrum sit possibile, vel impossibile. Ratio est, quia non debet supponi id, de quo est controuersia, & quod est probandum; sed controuersia cum Græcis est, vtrum Spiritus Sanctus procedat à Filio, & vtrum sit possibile, quod non procedat; ergo non debet supponi

poni impossibile esse, quod Spiritus Sanctus non procedat à Filio, sed abstrahendo ab hoc, debet probari, quod si non procederet, non distingueretur à Filio, ac proinde impossibile est, quod non procedat.

10. His positis, dicendum cum S. Thoma 1. parte quæst. 36. art. 2. & lib. 4. contra gentes cap. 24. & opusc. 1. cap. 32. Alexandro, Alberto, S. Bonaventura in 1. dist. 11. art. 1. quæst. 1. Durando eadem. dist. quæst. 2. Caierano, Molina, Valentia, Vasquez 1. part. disp. 147. cap. 4. Bellarmino Tom. 1. lib. 2. de Christo cap. 25. Suar. lib. 10. de Trinit. cap. 2. & alijs, quos refert, & sequitur Ruiz disp. 68. cap. 4. si Spiritus Sanctus non procederet à Filio, non distingueretur ab ipso, & hoc efficaciter probatur contra Græcos, ac proinde error eorum benè impugnatur hac ratione ducente ad impossibile.

11. Probatur primò: nam Ioannes Theologus, & Bessarion in Concilio Florentino, tacitè approbante Concilio, assumpserunt hanc propositionem: quod si Spiritus Sanctus non procederet à Filio, non distingueretur ab ipso; ergo hac propositio non est neganda: immò docet Ruiz disp. 68. sect. 5. non esse probabile, neque putum in fide illam negare.

12. Probatur secundò conclusio ratione allata à S. Thoma 1. parte quæst. 36. art. 2. Nam Personæ diuinæ non possunt realiter distingui, nisi opponantur relatiuè, ità vt altera producat, altera producat; ideo-

ideoque est axioma receptum in diuinis omnia sunt idem, ubi non obuiat relationis oppositio; sed si Spiritus Sanctus non procederet à Filio, Filius, & Spiritus Sanctus non opponerentur relatiuè; siquidem neque Filius produceret Spiritum Sanctum, neque Spiritus Sanctus produceret Filium; ergo non distinguerentur.

13. Dices primò: Græci possunt negare hoc principium, quod Personæ diuinæ non possint distingui, nisi opponantur relatiuè.

14. Sed contrà: nam hoc principium non solum ponitur à Patribus Latinis, sed etiam à Græcis, ut ostendit Bessarion in oratione pro vnione cap. 6. ubi affert expressum testimonium Gregorij Nisseni in lib. ad Ablau: ubi dicit: *Eam quæ circa causam, & causatum consideratur differentiam, non negamus, per quod solum discerni alterum ab altero deprehendimus, nimirum eo quod credimus aliud quidem causam esse, aliud verò ex causa, & ex eo quod causa est.* Ideò Ioannes Theologus in Concilio Florentino sess. 18. post medium dicit: *Sola relatio apud omnes Græcos, & Latinos diuina processione Personas multiplicat, ita ut non alia ratione, quam vi relationis una Persona ab alia differat.* Videri possunt alia Testimonia Conciliorum, & Patrum apud Ruiz disput. 68. sect. 4. num. 3. & disp. 7. sect. 5. num. 7. & sequentibus.

15. Dices secundò: Græci possunt asserere Filium, & Spiritum Sanctum sufficienter distingui eo quod habeant relationes,

nes, & origines disparatas, per quarum
vnam Filius generatur, & procedit per in-
tellectum; per alteram Spiritus Sanctus
spiratur, & procedit per voluntatem.

16. Sed contrà, quia pràterquam quod
hoc est contra Pates, si in Deo relationes
disparatæ sufficiunt ad distinguendas Per-
sonas, sequitur, quod in Deo sint quatuor
Personæ, quod est hæreticum. Probatur
sequela: si ex eo, quod Filius procedit
per intellectum, Spiritus Sanctus per vo-
luntatem, licet neuter producat ab al-
tero, sunt duæ Personæ realiter distinctæ,
ex eo, quod Pater generet Filium per in-
tellectum, Spirator producat Spiritum
Sanctum per voluntatem, Pater, & spira-
tor erunt duæ Personæ realiter distinctæ,
adeoque dabuntur quatuor Personæ: Pa-
ter generans; Spirator spirans; Filius ge-
nitus; Spiritus Sanctus spiratus; sed Pa-
ter generans, & Spirator spirans, quia non
opponuntur relatiuè, non sunt duæ Per-
sonæ, sed sunt vnica Persona habens duas
relationes, & origines actiuas, alteram
per intellectum, alteram per voluntatem;
ergo Filius genitus, & Spiritus Sanctus
spiratus, si non opponuntur relatiuè, non
erunt duæ Personæ, sed vna Persona ha-
bens duas relationes, & origines passiuas,
alteram per intellectum, alteram per vo-
luntatem.

17. Dices tertio ex Henrico, & Sco-
to: repugnat, quod vna Persona proce-
dat per duas origines, at non repugnat,
quod vna Persona producat per duas actio-
nes;

nes ; vnum enim suppositum potest habere plures actiones ; ergo non valet paritas .

18. Sed contra , quia sicut aduersarij dicunt , quod Pater , & Spirator licet generet , & spiret , tamen , quia generatio , & spiratio actiua non opponuntur relatiuè , non sunt duæ origines actiuæ realiter , sed sola ratione distinctæ , ideoque constituunt solum vnâ Personam , quæ simul est Pater , & Spirator , sic debent dicere , quod Filius , & Spiritus Sanctus licet generetur , & spiretur , tamen quia generatio , & spiratio passiua non opponuntur relatiuè , non sunt duæ origines passiuæ realiter , sed sola ratione distinctæ , ideoque constituunt solum vnâ Personam , quæ simul sit Filius , & Spiritus Sanctus .

19. Dices quartò : Paternitas , & Filiatio non opponuntur relatiuè spirationi passiuæ , & tamen ab illa distinguuntur realiter ; ergo ad hoc , vt relationes distinguantur realiter , non requiritur , vt opponantur relatiuè inter se .

20. Respondeo distinguo antecedens ; Paternitas , & Filiatio neque opponuntur relatiuè spirationi passiuæ , neque vltimò constituunt supposita habentia oppositionem relatiuam , nego ; & constituunt talia supposita , concedo ; & distinguo eodem pado consequens . Paternitas , & Filiatio constituunt vltimò Patrem , & Filium , qui cum producant Spiritum Sanctum , opponuntur relatiuè Spiritui Sancto , & à Spiritu Sancto realiter distinguuntur , siquidem

dem supposita relatiuè opposita, realiter distinguuntur; sed relationes licet relatiuè non opponantur inter se, si tamen vltimò constituent supposita relatiuè opposita, adeoque realiter distincta, debent realiter distinguì; siquidem non possunt realiter distinguì supposita, quorum vltima constitutiua realiter non distinguuntur; ergo &c. E conuerso iuxtà errorem negantium Spiritum Sanctum procedere à Filio, Filiatione, & spiratio passiva neque opponuntur relatiuè, neque constituunt supposita relatiuè opposita; ergo distinguì nequeunt.

21. *Urgebis*: posset dici, quod sicut spiratio actiua, quia non opponitur relatiuè Filio, est communis Patri, & Filio, sic Paternitas quia non opponitur relatiuè Spiritui Sancto, est communis Patri, & Spiritui Sancto, ideoque Pater habet duas relationes, Paternitatis, nimirum per quam conuenit cum Spiritu Sancto, distinguitur à Filio, & spirationis actiue, per quam conuenit cum Filio, distinguitur à Spiritu Sancto; per complexum autem vtriusque vltimo constituitur, & differt ab omni alia Persona. Similiter potest dici, quod Filius habet duas relationes, spirationem, nimirum actiuam, per quam conuenit cum Patre, & distinguitur à Spiritu Sancto, & Filiationem, per quam conuenit cum Spiritu Sancto, & distinguitur à Patre, per complexum autem vtriusque vltimo constituitur, & distinguitur ab omni alia Persona.

22. *Sed*

22. Sed contra, nam de ratione Personæ est, ut habeat suam proprietatem, & personalitatem propriam incommunicabilem alteri, & ut non solum habeat formalitates communes, ac sit complexum ex pluribus formalitatibus communibus; sed Pater, & Filius non haberent ullam proprietatem, vel Personalitatem propriam, sed solum essent complexum ex tribus formalitatibus communibus; ergo. Probatur minor: nam Pater esset complexum, ex essentia diuina communi tribus Personis, ex spiratione actiua communi Filio; & ex Paternitate communi Spiritui Sancto: Filius esset complexum ex essentia diuina communi tribus Personis, ex spiratione actiua communi Patri, & ex Filiatione communi Spiritui Sancto: solus Spiritus Sanctus haberet spirationem passiuam propriam illius, ac nulli alteri Personæ communem. Quod autem Personæ diuinæ nullam habeant Personalitatem propriam, & non communem alijs Personis, est contra omnes Sanctos Patres, qui dicunt, in singulis Personis ultra communia dari Personalitatem propriam.

23. Dices quintò, & ultimo: si Spiritus Sanctus procederet à solo Filio, distingueretur à Patre; ergo si procederet à solo Patre distingueretur à Filio.

24. Respondeo negando consequentiam. Disparitas est, quia si Spiritus Sanctus immediatè procederet à solo Filio, qui procedit à Patre, Spiritus Sanctus mediatè procederet à Patre; hoc autem sufficeret.

ceret ad hoc, vt distingueretur à Patre; alioquin Spiritus Sanctus esset Pater, & sic Pater, & Filius à se mutuò procederent. At si Spiritus Sanctus procederet à solo Patre, neque mediatè procederet à Filio, & sic non distingueretur ab ipso.

25. Concluditur argumentum hoc dilemmate. Negantes Spiritum Sanctum procedere à Filio, vel concedunt Personas Diuinas non posse distingui, nisi opponantur relatiuè, & sequitur Filium non distingui à Spiritu Sancto, adeoque Personas Diuinas esse solum duas: vel id negant, & asserunt ad distinctionem Personarum sufficere, vt habeant relationes disparatas, alteram per intellectum, alteram per voluntatem, & sequitur, quod Pater distinguatur realiter à spiratore, adeoque Personæ sint quatuor.

26. Quæritur, vtrum ex hac hypothese impossibili, quod Spiritus Sanctus non procederet à Filio, sequeretur vtraque pars contradictionis, quod nimirum distingueretur, & non distingueretur à Filio.

27. Respondeo affirmatiuè. Probatur, & explicatur. Hypothesis est, *Si Spiritus Sanctus non procederet à Filio, sed à solo Patre*: prædicatum hypothesis est, quod *procederet à solo Patre, non à Filio*; subiectum hypothesis est, quod *quod esset Spiritus Sanctus*. Hoc posito, ex prædicato hypothesis, quod nimirum procederet à solo Patre, sequitur quod non distingueretur à Filio; siquidem nulla Persona procedens à
solo

solo Patre, distingui potest à Filio; ex subiecto hypothesis, quod nimirum esset Spiritus Sanctus, sequitur, quod distingueretur, quia Spiritus Sanctus non potest non distingui à Filio; ex integra hypothesis, quod esset Spiritus Sanctus procedens à solo Patre, sequitur, quod distingueretur, & non distingueretur. Proportionaliter si homo esset equus, ex prædicato hypothesis, quod esset equus, sequitur, quod non esset rationalis, quia nullus equus potest esse rationalis: ex subiecto hypothesis, quod esset homo, sequitur, quod esset rationalis, quia omnis homo est rationalis; ex integra hypothesis sequitur, quod esset, & non esset rationalis. Quia verò quod sequitur ex prædicato hypothesis, dici solet sequi per locum intrinsecum, quod sequitur ex subiecto, dici solet sequi per locum extrinsecum, ideo dici potest, quod ex illa hypothesis impossibili per locum intrinsecum sequitur, quod Spiritus Sanctus non distingueretur à Filio, ac solum per locum extrinsecum sequitur, quod distingueretur.

28. Ad 1. concedo maiorem, & nego minorem. In creatis frigefactio, & illuminatio non solum passiva, sed etiam activa, sunt ita diuersæ propter suam limitationem, ut non possint realiter identificari: at in diuinis generatio activa, & spiratio activa, cum sint illimitatæ, nisi opponantur relatiuè, vel constituent supposita relatiuè opposita, possunt, ac debent identificari, ac non possunt realiter distingui, ac
de

de facio identificantur in Patre, qui est simul generans, & spirans; ergo etiam generatio passiva, hoc est Filiatio, & Spiratio passiva, si non opponerentur relatiuè, neque constituerent supposita relatiuè opposita, identificarentur, ac non possent realiter distingui, ac sic eadem Persona esset genita, & spirata. Ad omnia, ergo similia argumenta desumpta ex creatis, disparitas est, quia in creatis actiones, & passiones etiam si relatiue non opponantur, possunt opponi, & distingui propter suam limitationem: in Deo autem cum sint illimitatæ, non possunt distingui nisi propter oppositionem relatiuam, ut dictum est etiam supra qu. 99.

29. Ad 2. concedo maiorem, & distinguo minorem: generatio est productio adæquata Filij, qui opponatur relatiuè Spiritui Sancto, ac proinde non debeat simul esse Spiritus Sanctus, concedo: qui non opponatur relatiuè Spiritui Sancto, nego; & nego consequentiam. Generatio est productio adæquata Filij, qui relatiuè opponatur Spiritui Sancto, ac proinde ab illo distinguatur: si verò supponamus Filium non relatiuè opponi Spiritui Sancto, eo ipso Filius debet etiam esse Spiritus Sanctus, ac proinde productio adæquata Filij non erit sola generatio, quæ non sit simul spiratio, sed erit generatio, quæ sit simul spiratio actiua. Nec sequitur, quod Filius, & Spiritus Sanctus producerentur per duas actiones adæquatas. Sicut enim Filius esset simul Spiritus Sanctus, sic
pro-

productio adæquata Filij, esset generatio, quæ esset simul spiratio. Generatio verò abstrahendo ab hoc, quod esset simul spiratio, esset productio solum inadæquata Filij.

30. Ad 3. concedo maiorem, & nego minorem, ac dico, quod si Spiritus Sanctus non procederet à Filio, procederet non solum ex voluntate, seu ore, sed etiam ex intellectu, non solum ut datus, sed ut natus, non solum processibiliter, sed filialiter: siquidem tales modi producendi, cum sint illimitati, distinguuntur non ratione limitationis, sed solum oppositionis relatiuæ; ergo deficiente oppositione relatiua, non distinguerentur, ac proinde Spiritus Sanctus procederet omnibus his modis, & sic non distingueretur à Filio, ut explicatum est.

31. Ad 4. Suarius lib. 10. de Trinitate cap. 2. num. 3. & Vasquez 1. par. disp. 147. cap. 4. & quidam alij ingenuè fatentur, Anselmum fuisse in opposita sententia, quam deinde secuti sunt Henricus, & Scotus, ac docuisse Spiritum Sanctum distinguui à Filio, seclusa etiam oppositione relatiua producentis, & producti. Ruiz disp. 68. sect. 6. n. 11. respondet cum S. Thoma de verit. quæst. 10. art. 5. ad 2. prædicta Verba ab Anselmo fuisse inducta magis ut disputationem, & inquisitionem, quam ut veritatis definitionem, idque Ruiz confirmat, quia principium illud: *In Deo omnia sunt unum, ubi non obiuat relationis oppositio*, traditur ab Anselmo in Epist. de

processione Spiritus Sancti.

32. Ad 5. concedo antecedens, & nego consequentiam. Ideo amor creatus etiam si non procederet à Verbo, distingueretur à Verbo, quia amor creatus, & Verbum creatum distinguuntur ratione suæ limitationis; sed Spiritus Sanctus, & Verbum Diuinum, cum sint illuminati, non possunt distingui ratione suæ limitationis; ergo solum possunt distingui ratione oppositionis relatiuæ, adeoque si non opponerentur relatiuè, non possent distingui:

33. Ad 6. concedo maiorem, & distinguo minorem: licet Spiritus Sanctus non procederet à Filio, maneret hæc filiatio dans Filio spirationem actiuam, quæ Filiatio est vltimum constitutum huius Filij, nego; maneret alia Filiatio, non dans Filio spirationem actiuam, quæ Filiatio non esset vltimum constitutum huius Filij, concedo; & nego consequentiam. Hic Filius vltimò constituitur, & distinguitur à Spiritu Sancto per filiationem dantem Filio spirationem actiuam, per quam constituatur hic Filius relatiuè oppositus Spiritui Sancto; sed si Spiritus Sanctus non procederet à Filio, vt dicunt Græci, Filius non haberet filiationem dantem illi omnia, quæ habet Pater, etiam spirationem actiuam; ergo non daretur Filiatio, quæ est vltimum constitutum Filij in ratione talis Filij distincti à Spiritu Sancto, sed daretur alia Filiatio non dans spirationem actiuam, ac non vltimo constitutiva talis Filij relatiuè oppositi Spiritui

tui Sancto, sed constitutiva alterius Filij non relatiue oppositi Spiritui Sancto, ac proinde indistincti à Spiritu Sancto.

34. Dices : ergo si Spiritus Sanctus non procederet à Filio, sed remaneret hæc Filiatio dans Filio spirationem actiuam, Filius distingueretur à Spiritu Sancto.

35. Respondeo concedo consequentiam ; sed dico, quod hæc non est suppositio Græcorum. Græci enim dicunt, quod Filiatio non dat Filio spirationem actiuam; ergo si supponamus, quod Filiatio det Filio spirationem actiuam, non ponimus hypothesim Græcorum, de qua solum procedit quaestio.

QV AESTIO CVII.

Vtrum diuinæ Personalitates, & relationes ratione sui præcisè sint perfectiones.

1. **V**identur non esse, primò, quia relatio diuina secundum se præcisè non est ens reale, nec est aliquid, sed purè est *ad aliquid*; sed vt relatio diuina secundum se præcisè esset perfectio, & bonitas, deberet esse aliquid, & ens reale; ergo. Probatur maior auctoritate S. Thomæ, Boetij, & Cyrilli Alexandrini. Sanctus Thomas de potentia quaestione 2. ar. 5. dicit. *Relatio secundum rationem sui generis in quantum est relatio, non habet, quod sit*

aliquid, sed solum quod sit ad aliquid: quod sit verò aliquid secundum rem, habet ex illa parte, qua inest; vel ut idem secundum rem, ut in diuinis, vel habens causam in subiecto, sicut in creaturis. Et in 1.^a dist. 20. quæst. 1. ar. 1. ad 3. & dist. 26. q. 2. ad 3. Quamuis relationi ex hoc, quod ad alterum dicitur, non debeat, quod sit res quadam, est tamen res aliqua, secundum quod habet fundamentum in eo, quod refertur, & ex hoc ulterius habet in quantum est diuina, quod sit hypostasis. Et 1. p. quæst. 28. art. 2. in corpore dicit: Si igitur consideremus etiam in rebus creatis relationes secundum id, quod relationes sunt, sic inveniuntur esse assistentes, non intrinsecus affixæ. Boetius lib. de Trinitate post medium dicit. *Predicationem relationum nihil rei addere, vel minuire, vel mutare, quæ tota non in eo, quod est esse consistit, sed in eo quod est in comparatione aliquo modo se habere.* Idem insinuat alijs locis, quæ videri possunt apud Ruiz dispnt. 9. sect. 1. n. 13. & 14. Cyrillus Alexandrinus lib. 12. The-
sauri cap. 3. ante medium dicit: *Differentiam Personarum, quæ secundum relationem est, quasi extrinsecus intellectam esse; ergo relationes diuinæ sicut secundum se præcisè non sunt ens, & non sunt aliquid, sic non sunt perfectiones.*

2. Secundò, si relationes diuinæ secundum se præcisè essent perfectiones, darentur in Deo tres perfectiones, tres bonitates, & tres dignitates realiter distinctæ; consequens est absurdum, & contra-

S. Tho.

S. Thomam, qui quæst. 2. art. 4. num. 14. dicit: *Sicut Paternitas, & Filialis sunt una essentia, ita sunt una dignitas, & una bonitas*; & 1. parte quæst. 30. art. 2. ad 4. dicit, quod Spiritus Sanctus non habet bonitatem numero aliâ à bonitate Patris, sed vnâ, & eandem; ergo &c.

3. Tertiò sequeretur Patrem habere perfectionem paternitatis, quæ Filio desit; Filium habere perfectionem filiationis, quæ desit Patri; idemque dic proportionaliter de Spiritu Sancto. Hinc vterius sequitur, nullam Personam Diuinam seorsim sumptam esse infinitam in genere entis, siquidem non haberet omnem perfectionem possibilem.

4. Quartò perfectiones relativiæ non sunt finitæ in genere entis; ergo sunt infinitæ; ergo dantur tres perfectiones infinitæ realiter distinctæ; ergo posset dici, quod non repugnent plures perfectiones absolutæ infinitæ in genere entis realiter distinctæ, adeoque quod possunt dari plures Dij.

5. Quintò sequeretur vnâ Personam seorsim acceptam, e. g. Patrem, esse minus perfectam, quam totam Trinitatem, cum tota Trinitas vltra perfectionem Paternitatis includat etiam perfectionem filiationis, & spirationis passiue; sed includens est perfectius inclusio; ergo &c.

6. Sextò relationes sunt quasi diuersæ speciei, & rationis; sed perfectiones diuersæ speciei, & rationis sunt inæquales, siquidem species sunt inæquales, & sicut

numeri, vt cum Aristotele 8. Metaph. text. 10. docet communis sententia; ergo diuinæ relationes essent inæquales in perfectione, adeoque vna Persona esset perfectior alia, quod est absurdum. Confirmatur, nam producere est perfectius, quam produci; ergo Pater esset perfectior Filio, Filius esset perfectior Spiritu Sancto.

7. Septimò, si in Deo essent tres Bonitates, & perfectiones, deberent etiam esse tres vnitates, tres veritates, tres æternitates &c. hæc sunt absurda; ergo &c.

8. Octauò, vel relationes essent perfectiones simpliciter simplices, vel simplices; neutrum dici potest; ergo &c. Probatur minor: nam nulla pura perfectio opponitur alteri perfectioni, ideoque omnes puræ perfectiones possunt inuicem identificari, ac solum perfectiones mixtæ non possunt identificari ratione imperfectionis, quam includunt: sed relationes diuinæ opponuntur, ac non possunt identificari; ergo.

9. Respondeo, Paludanum, Capreolum, Caietanum 1. par. quæst. 28. art. 1. & 2. & 3. par. quæst. 3. art. 1. Ferrariensem 2. contra gentes cap. 9. & 4. contra gentes cap. 14. & alios, quos refert Ruiz disp. 9. sect. 1. num. 7. & 8. & disput. 29. sect. 1. num. 5. docuisse, relationem in quantum consistit in *esse ad*, nihil reale ponere, sed solum ponere aliquid reale, in quantum addit *esse in*; & quia relationes diuinæ sunt in Deo non per inhaerentiam, sed per identitatem.

ritatem cum diuina essentia, & cum esse absoluto Deo, ideo dixerunt relationes diuinas esse reales per essentiam, & esse absolutum Dei, sed non esse reales, nec esse ens sub præcisa ratione formali relationis. Consequenter dixerunt relationes diuinas secundum formalem, & præcisam rationem relationis, nec esse perfectiones, nec imperfectiones, nec finitas, nec infinitas, sed totam perfectionem, & infinitatem diuinis relationibus conuenire ratione essentiae. Plures etiam ex auctoribus, qui dixerunt, relationes diuinas etiam secundum se præcisè includere realem entitatē, nihilominus dixerunt illas secundum se præcisè nec esse perfectiones, nec imperfectiones, nec finitas, nec infinitas, nimirum Scotus in 1. dist. 2. quaest. 5. & dist. 26. quæst. unica, & dist. 19. quaest. 1. Durandus in 1. dist. 13. quaest. 2. & alibi, Marsilius in 1. quaest. 6. art. 1. Ricardus 1. dist. 19. art. 1. quaest. 3. & alij; & ex nostris Molina 1. p. quaest. 28. art. 2. disput. vltima, & qu. 42. art. 6. disput. 6. & Bellarminus tom. 1. lib. 2. de Christo cap. 12. in fine.

10. Secunda sententia docet relationes diuinas secundum vltimam, & præcisam rationem talis relationis, & secundum esse ad præcisè includere communem rationem bonitatis, & perfectionis transcendentalis. Sequuntur hanc sententiam Ocham, Aureolus, Clichtouæus in Damas. lib. 1. cap. 11. Valentia in controuersijs de Trinitate lib. 2. cap. 12. Suarez lib. 3. de Trinit. cap. 9. & 10. & 3. p. tom. 1.

656 *De perfectione personalitatum*
disp. 11. sect. 5. & alij: Henricus quodlib. 1. quæst. 1: Carthusianus in 1. dist. 24. quæst. 7. Vasquez 1. part. disput. 122. c. 6. & alij.

11. Dicendum cum secunda sententia, quam præter alios sequitur Ruiz disput. 9. sect. 5. & 6. & disput. 29. sect. 2. & sequentibus: relationes diuinæ secundum suam ultimam rationem includunt entitatem, bonitatem, & perfectionem transcendentalem distinctam virtualiter intrinsecè à perfectione absoluta diuinæ essentiæ.

12. Probatur primò conclusio auctoritate S. Thomæ, & S. Bonaventuræ, & quorundam aliorum Scholasticorum. S. Thomas 1. parte quæst. 29. art. 3. dicit: *Unde cum omne illud, quod est perfectionis, Deo sit attribuendum, eo quod eius essentia continet in se omnem perfectionem, conueniens est, ut hoc nomen Persona de Deo dicatur*; ergo existimat Personam secundum formalem rationem Personæ, hoc est secundum Personalitatem, esse perfectionem, ideoque attribuendam Deo. Opusculo primò contra errores Græcorum cap. 2. docet; testimonium Basilij de dignitate Patris exponendum esse non de dignitate naturali, sed de Personali; sicut & secundum nos dicitur, quod Persona est *Hypostasis proprietate distincta ad dignitatem pertinente*; ergo existimat Paternitatem esse dignitatem, & perfectionem Patris, per quam distinguatur à Filio. Sanctus etiam Bonaventura in 1. dist. 23. art. 3. quæst. 1. dicit. *In Deo est reperire*
sup-

suppositum distinctum proprietate nobilissima; ergo existimat Paternitatem, quæ Pater distinguitur à Filio, spectare ad perfectionem, & nobilitatem. Antiqui etiam Theologi Personam definebant, dicendo: Persona est hypostasis distincta proprietate, ad dignitatem pertinente, & hanc definitionem admittunt, & explicant Albertus 1. par. quæst. 44. membro 2. Alexander quæst. 56. membro 3. & S. Thomas 1. par. q. 29. ar. 3. ad 2; ergo existimarunt proprietates Personales, quibus distinguuntur diuinæ Personæ, ad dignitatem, & perfectionem pertinere.

13. Probatur secundo conclusio ex Patribus. Patres non solum dicunt, Personas esse perfectas, sed etiam asserunt, Personas esse perfectas secundum ipsam, rationem Personæ, & Personalitates in abstracto ad perfectionem spectare; ergo existimant Personalitates secundum se esse perfectiones. Probatur antecedens, asserendo testimonia Patrum. Alexander Alexandrinus in Epist. 3. ad Alexandrum Constantinopolitanum, quæ Epistola habetur ante Concilium Nicænum, dicit: *Dignitas ingenitas est ingenti propria, & honor debitus Filio tribuendus est, assignandaque illi generatio initio carens; Cyrillus Alexandrinus lib. 1. Thesauri cap. 6. dicit: Perfectus est non solum quia Deus, sed etiam quia Pater est: & paulò post: Notio ergo perfectionis secunditas est. Nazianzenus Orat. 23. quæ est secunda de pæce, circa medium dicit, Quanto Deus rebus creatis*

658 *De perfectione personalitatum*
 excellentior est, tanto utique prima causa
 magnificentius est diuinitatis, quam rerum
 creatorum principium esse. Et inferius: Deo
 quidam maius, & præstabilibus erit, quam
 Filij Patrem esse, quod quidem gloria est ac-
 cessio, non decessio, quemadmodum, & Spiri-
 tus productorem esse: & post medium: Ea,
 quæ à principio, videlicet à Patre manant,
 non minus ob relationem, quam inter se ha-
 bent, laudanda, quam unumquodque per
 se acceptum, & intellectum: sed ex Aristo-
 tele 1. Rhetor cap. 6. & Ethic. cap. 12.
 nihil est laudabile, nisi propter perfectio-
 nem, & bonitatem; ergo non solum prædi-
 cata absoluta, sed etiam mutua relatio di-
 uinarum Personarum spectant ad earum
 perfectionem, & bonitatem. Plura alia
 testimonia videri possunt apud Ruiz disp.
 29. sect. 2. & seqq.

14. Adde Patres, quos affert Ruiz
 disp. 29. sect. 4. & 5. docere, Deum, &
 ipsam essentiam Diuinam fore imperfe-
 ctam, si deessent ipsi relationes; sed im-
 perfectio consistit in carentia perfectionis,
 non aliter ac cæcitas consistit in carentia
 visus, tenebræ in carentia lucis; ergo sup-
 ponunt relationes esse perfectiones.

15. Probatur tertio conclusio rationi-
 bus. Prima ratio est: Trinitas est omnino
 perfecta; sed ad perfectionem omnimodam
 rei spectat, ut nulla desit illi perfectio, &
 ut nihil rei adsit, quod ad eius perfectio-
 nem non pertineat, alioquin adesset illi
 aliquid superfluum; ergo ad perfectionem
 Trinitatis spectat, ut omnes relationes, &
 perso-

personalitates sint perfectiones . Hoc argumento probat Hilarius Patrem nunquā fuisse sine generatione Filij . Velenim generatio spectat ad perfectionem Patris, vel non : si spectat ad perfectionem Patris, Pater aliquando caruisset aliqua perfectione, & fuisset imperfectus; si generatio non spectat ad perfectionem Patris, Pater cum cepit generare, incepisset habere aliquid superfluum, vt potè quod nulla esset perfectio . Continetur hoc dilemma Verbis Hilarij lib. 12. de Trinitate prope finem, quibus sic Patrem æternum alloquitur : *Nec sine tuo Filio fuisse confitendus aliquando es, ne aut imperfectus sine generatione, aut superfluus post generationem arguaris .*

16. Secunda ratio est . Omne id, quod etiam ratione sui melius est esse, quam non esse, proculdubio est perfectio: perfectio siquidem definiri potest, quam ratione sui melius est esse, quam non esse; sed relationes Diuinas etiam ratione sui melius est esse, quam non esse; ergo &c. Probatur minor; nam Trinitatem secundum omnia, quæ includit, ratione sui melius est esse, quam non esse: sed Trinitas includit non solum Deitatem, sed omnes relationes, & Personalitates; ergo. Confirmatur, nam quis audeat negare Patri non solum ratione essentiae, sed etiam ratione Paternitatis, melius esse, vt sit, quam vt non sit, idemque dic proportionaliter de Filio, ac Spiritu Sancto.

17. Tertia ratio est . Omnes rationes

communes Deo, & creaturis, quæ prout sunt in creaturis ratione sui sunt perfectiones, à fortiori ratione sui sunt perfectiones, prout sunt in Deo: e. g. quia sapientia est communis Deo, & creaturis, & prout est in creaturis est perfectio, à fortiori est perfectio prout est in Deo: sed Personalitas, Paternitas, Filiatio &c. sunt rationes communes Deo, & creaturis, & prout sunt in creaturis ratione sui sunt perfectiones; ergo à fortiori prout sunt in Deo sunt perfectiones. Adde, quod rationes istæ secundum se præcisè, abstrahendo à Deo, & creaturis, dicunt perfectionem, ut videtur ex se manifestum. Quis enim dubitet, utrum sicut Sapientia ratione sui præcisè est perfectio, sic Personalitas ratione sui præcisè sit perfectio? Et quis audeat dicere Personalitatem ratione sui præcisè abstrahere ab hoc, quod sit perfectio, vel imperfectio, & prout contrahitur ad hoc, ut sit Personalitas creaturæ esse perfectionem, prout contrahitur ad hoc, ut sit Personalitas Dei, non esse perfectionem?

18. Quarta ratio est. Ipsa capacitas, & exigentia perfectionis ratione sui præcisè perfectio quædam est; e. g. eo ipso, quod sapientia est perfectio, capacitas, & exigentia sapientiæ est quædam perfectio, ideoque in homine non solum est perfectio hoc, quod est *esse Sapientem*, sed etiam hoc, quod est *esse capacem Sapientia*: sed Diuinæ relationes per se ipsas præcisè sunt capaces identitatis realis cum Deitate,

per quam infinitè perficiuntur, ac proinde sunt capaces infinitæ perfectionis; ergo per se ipsas præcisè sunt perfectiones. Confirmatur primò: nam capacitas maioris perfectionis est maior perfectio: e. g. quia intelligere est maior perfectio, quam audire, capacitas intelligendi, quæ conuenit homini, est maior perfectio, quam capacitas audiendi, quæ conuenit cani. Rursus capacitas, quæ non potest coniungi cum priuatione alicuius perfectionis, est maior perfectio, quam capacitas, quæ potest cum eius priuatione coniungi: e. g. si aliqua natura sit ita capax Sapientiæ, vt nō possit carere Sapientia, nec possit esse insipiens, perfectior est, quam si ita sit capax Sapientiæ, vt possit carere Sapientia, & possit esse insipiens; sed relationes diuinæ sunt capaces infinitæ perfectionis perfectissimo modo habendæ, hoc est per identitatē, & ita vt illa carere non possint; ergo proculdubio secundum se præcisè sunt perfectiones. Confirmatur vltèrius: nam perfectio est, quam secundum se præcisè melius est habere, quam non habere; sed relationibus Diuinis melius est habere hanc capacitatem habendi omnes perfectiones, quam illam non habere; ergo.

19. Dices primò: capacitas omnis perfectionis propter hoc ipsum, quod est capacitas omnis perfectionis, nulla est perfectio: nam eo ipso, quod esset aliqua perfectio, non esset capacitas illius perfectionis; sed relationes diuinæ per se ipsas sunt capacitas omnis perfectionis. v.

essentia est ratio, & radix virtualis omnium relationum, vt dictum est supra quaest. 22.

21. Pro maiori explicatione conclusionis quæri potest primo, vtrum perfectio relationum secundum se præcisè sit finita, vel infinita?

22. Respondeo, quod vel loquimur de infinitate simpliciter, & in omni genere, vel de infinitate secundum quid, & in aliquo tantum genere. Si loquamur de infinitate simpliciter, & in omni genere, dico, quod perfectio cuiuslibet relationis diuinæ secundum se præcisè considerata est infinita negatiuè, sed non est infinita positiuè. Probatur, & explicatur. Nam infinitas positiua consistit in hoc, quod aliqua perfectio includat formaliter, vel eminenter, aut æquiuolenter omnes omni in perfectiones præsertim simpliciter simplices: sed perfectio relationum e. g. Paternitatis cum virtualiter distinguatur à perfectionibus simpliciter simplicibus, & absolutis Sapientiae, immensitatis &c. proculdubio non includit illas formaliter, nec includit eminenter, vel æquiuolenter, quia vt dictum est supra quaest. 22. num. 17. perfectio relatiua non est ratio, & radix essentiae, & perfectionum absolutarum, sed è conuerso resultat ex essentia tanquam ex adæquata radice; ergo perfectio relationum secundum se præcisè non est simpliciter infinita positiuè. Ex opposita ratione perfectio essentiae diuinæ est infinita simpliciter positiuè in omni genere, quia inclu-

includit formaliter, vel æquivalenter omnes perfectiones possibiles, cum includat formaliter omnes perfectiones simpliciter simplices, seclufis imperfectionibus, & includat æquivalenter etiam perfectiones relativas, cum fit adæquata ratio, & radix illarum, sicut includit eminenter omnes perfectiones creatas. Probatur iam, quod perfectio relationum fit infinita negativè. Infinitas enim negativæ consistit in hoc, ut res non excludat à se ullam perfectionem simpliciter simplicem, neque identitatem realem cum vlla perfectione; sed quælibet perfectio relativa nō solū non excludit à se ullam perfectionem; sed exigit identitatem realem cum divina essentia, adeoque cum omnibus perfectionibus simpliciter simplicibus; ergo quælibet perfectio relativa est infinita negativè.

23. Dices: eo ipso, quod aliqua perfectio excludat à se identitatem realem cum divina essentia, quæ includit omnes perfectiones simpliciter simplices, non est infinita negativè; ergo eo ipso, quod excludat identitatem virtuales cum divina essentia, non est infinita negativè.

24. Respondeo concedo antecedens, & nego consequentiam. Disparitas est, quia eo ipso, quod perfectio aliqua excludat identitatem realem cum divina essentia, non potest esse infinite perfecta; ergo est positivè limitata in perfectione; sed infinitas negativæ consistit in hoc, quod perfectio non habeat limitem suæ perfe-
ctiois

ctionis; ergo eo ipso non est infinita negatiuè. At si perfectio excludat à se solum identitatem virtuale[m] cum essentia diuina, sed non excludat identitatem realem, est infinitè perfecta per identitatem realem cum essentia diuina; ergo secundum se non est finita, & limitata positiuè, ac proinde est infinita negatiuè.

25. Si loquamur de infinitate secundū quid, & in aliquo genere, dico, quod singulæ relationes diuinæ sunt etiam positiuè infinitè perfectæ in suo genere: puta Paternitas est infinitè perfecta in genere Paternitatis, Filiatio in genere Filiationis &c. Probatur, & explicatur. Nam productio actiua præsertim adæquata eo est perfectior in genere productionis actiuæ, quò per illam produciens producit terminum perfectiorem; sed Pater per generationem actiuam producit Filium, Pater, & Filius per spirationem actiuam produciunt Spiritum Sanctum, qui sunt infinitè perfecti; ergo generatio actiua Verbi, & spiratio actiua Spiritus Sancti sunt infinitè perfectæ in ratione generationis actiuæ, & spirationis actiuæ. Ex eadem ratione generatio passiuæ Verbi, & spiratio passiuæ Spiritus Sancti sunt infinitè perfectæ in suo genere, quia per illas producuntur Filius, & Spiritus Sanctus infinitè perfecti. Ex proportionali ratione relationes identificatæ cum originibus sunt infinitæ perfectæ. Valet enim eadem ratio. Paternitas enim eo est perfectior, quò per illam quis est Pater Filij perfectioris, & funda-
tur

tur in generatione perfectiori : idemque
 dic de Filiatione &c. Addo relationes di-
 uinas ita esse infinite perfectas in suo gene-
 re, vt sint capacitas, & exigentia identi-
 ficationis cum essentia, quæ est infinite
 perfecta in omni genere, ac proinde in-
 cludunt capacitatem, & exigentiam infi-
 nitè perfectam in genere capacitatis, & exi-
 gentiæ.

26. Ex eo, quod perfectio relâtionum
 secundum se præcisè sit infinita in suo ge-
 nere, & sit infinita negatiuè, vt explica-
 tum est, infertur perfectionem relationum
 in nullo sensu esse finitam. Vt enim esset
 finita, deberet finiri, & limitari per ne-
 gationem, & exclusionem vltioris perfe-
 ctionis: sed vt dictum est, perfectio relatio-
 num nullam aliam perfectionem exclu-
 dit, ac non habet negationem identitatis
 cum vlla perfectione simpliciter simplici;
 ergo non est finita. Videri potest Ruiz
 disp. 28. sect. 1. & 2.

27. Quæritur secundò, vtrum tres re-
 lationes sint tres perfectiones, & bonitates,
 vel potius sint vna tantum bonitas, & per-
 fectio?

28. Respondeo duas esse sententias.
 Prima Ochami, Aureoli, Gabrielis, Va-
 lentiniæ in controuersijs de Trin. lib. 2. c. 12.
 Suarij lib. 3. de Trin. cap. 9. numer. 14. &
 cap. 10. & 3. par. tom. 1. disp. 11. sect. 4. &
 aliorum docet, tres relationes esse tres per-
 fectiones, & bonitates transcendentales,
 & relatiuas. Fauere videtur huic opinioni
 S. Thomas de Potentia quæst. 9. art. 9. ad
 7. di-

7. dicens : *Vtraque perfectio non differt secundum quantitatem &c.* Dum dicit *utraque perfectio*, significat perfectiones esse duas, adeoque multiplicari.

29. Secunda sententia docet tres relationes simpliciter, & absolute loquendo non esse tres perfectiones, sed vnam tantum, quamvis quodammodo, & cum addito possint dici tres. Hanc sententiam sequuntur etiam multi ex ijs, qui concedunt relationes esse perfectiones, & inter alios Vasquez 1. p. disp. 122. cap. 6. & Ruiz disp. 30. sect. 3. & alij, quos vide apud Ruiz loco citato.

30. Dicendum, quod tres relationes sunt vna solum perfectio, & bonitas absoluta, ac sunt tres perfectiones, & bonitates relatiuæ: simpliciter tamen, & absolute loquendo, sunt vna tantum perfectio, & bonitas, ac non sunt tres perfectiones, & bonitates.

31. Probatur, nam perfectio, & bonitas absoluta est diuina essentia: sed tres relationes sunt vna tantum Diuina essentia, & non sunt tres essentiae; ergo sunt vna tantum perfectio, & bonitas absoluta. At perfectio, & bonitas relatiua sunt ipsæ relationes: ac proinde cum relationes sint tres, sunt tres perfectiones, & bonitates relatiuæ. Quia tamen perfectio absolute dicta sumitur pro perfectione absoluta, quæ in Deo est vna tantum, ideo simpliciter, & absolute tres relationes sunt vna perfectio, ac bonitas, ac solum cum addito aliquo restringente tres relationes sunt tres perfectiones relatiuæ.

32. Si

32. Si verò quærat^{ur}, vtrum tres relationes sint vna, vel tres perfectiones transcendentes, dico, quod non sunt vna perfectio transcendentalis, nec tres, sed sunt perfectio transcendentalis abstrahendo ab hoc, quod sint vna, vel tres. Ratio est, quia perfectio transcendentalis est, quæ abstrahit ab absoluta, & relatiua, & sic vtramque transcendit; ergo abstrahit ab hoc, quod sit vna, vel tres; ergo tres relationes sunt perfectio transcendentalis abstrahendo ab hoc, quod sit vna, vel tres, ac potest dici, quod sunt perfectio transcendentalis vna vnit^{ate} præcisionis.

33. Infertur, quid dicendum sit ad similes quæstiones de multiplicatione prædicatorum transcendentium, cuiusmodi sunt *res, entitas, veritas, vnit^{as}, bonitas &c.* Dicendum, quod tres relationes sunt vna tantum *res, entitas, veritas, & bonitas* absoluta, ac sunt tres *res, entitates, veritates, bonitates, & vnitates* relatiuæ: & quod absolutè sunt vna tantum *res, entitas, vnit^{as}, bonitas*, ac solum cum addito *relatiui* aliqu^{aliter} restringente sunt tres *res relatiuæ, tres entitates relatiuæ, tres vnitates relatiuæ, ac tres veritates relatiuæ.* Eadem enim est ratio. Videri potest Ruiz disp. 26. 27. & 30. vbi de his fusissimè tractat. Neque enim libet immorari, cum spectent ad modum loquendi, siquidem de re ipsa constat.

34. Quæritur tertio, vtrum tres perfectiones relatiuæ præcisè consideratæ inquantum abstrahunt à perfectione absolu-

ta essentia sint æquales, vel inæquales?

35. Respondeo, quod Clichtouæus in Commentarijs Damasceni lib. 1. cap. 11. docuit, perfectiones personales, & relationes esse inæquales, cum omnimoda tamē æqualitate in natura.

36. Dicendum cum communi sententia Sanctorum Patrum, & Scholasticorum; perfectiones personales, & relatiuæ diuinarum Personarum sunt omnino æquales. Probatur primò, nam Patres à Diuinis Personis quamlibet omnino inæqualitatem excludunt: Scholastici etiam asserunt omnimodam æqualitatem non solum in essentialibus, sed etiam in notionalibus. Ideo Ruiz disp. 30. sect. 1. sententiam Clichtouæi graui censura notat.

37. Probatur secundò ratione. Nam capacitates, & exigentiæ identificandi sibi diuinam essentiam, per quam constituentur infinite perfectæ in omni genere, sunt æquè perfectæ: sed omnes perfectiones Personales, & relatiuæ diuinarum Personarum sunt capacitates, & exigentiæ identificandi sibi diuinam essentiam, à qua infinite perficiantur in omni genere, vt dictum est num. 18. ergo.

28. Opponunt Damascenum lib. 5. cap. 9. & quosdam alios Patres, qui dicunt, Patrem esse maiorem Filio, propter ordinem originis, & de hac maioriæ exponunt illud Ioan. 14. *Pater maior me est.* Sed Patres illi explicandi sunt de maioriæ quadam ratione nostra. Quia enim in creaturis Paternitas perfectior est.

670 *De perfectione personalitatum*
est Filiatione concipimus Patrem æternū
vt maiorem Filio, licet verè Paternitas in
diuinis non sit perfectior Filiatione, quia
vtraque per se ipsam exigit identificare
sibi essentiam diuinam, per quam infinitè
perficiatur in omni genere.

39. Quæritur quartò, vtrùm relationes
diuinæ secundum se præcisè sint perfectio-
nes simpliciter simplices, vel solum perfe-
ctiones simplices?

40. Respondeo duas esse sententias.
Prima Gregorij, Maioris, Gabrielis, Ocha-
mi, Valentia in Controu. lib. 2. de Trin.
cap. 12. Vasquez disput. 122. cap. 4. n. 10.
& cap. 6. & 7. & aliorum, quos refert, &
sequitur Ruiz disput. 30. sect. 9. num. 5. do-
cet relationes secundum se præcisè esse
perfectiones simpliciter simplices.

41. Dicendum cum secunda sententia
Suarij, & aliorum, quos refert Ruiz loco
citato. Relationes diuinæ secundum se
præcisè sunt solum perfectiones simplices,
hoc est nullam dicentes imperfectionem,
sed non sunt perfectiones simpliciter sim-
plices.

4. Probatur primò ex definitione
perfectiois simpliciter simplicis. Perfe-
ctio enim simpliciter simplex definitur cō-
muniter ex Anselmo in Monologio c. 14.
& in Profologio cap. 5. *Quam in vnoquo-
que melius est esse, quam non esse, vel quæ
melior est ipsa, quam non ipsa.* Sensus defi-
nitionis est: perfectio simpliciter simplex
est, quæ talis est, vt quodlibet ipsam ha-
bens ita, vt de ipso prædicetur, sit melius
quod-

quolibet ipsam non habente, & de quo nō prædicatur. In hoc sensu *esse substantiam*, *esse viuens*, *esse cognoscituum*, *esse intellectuum*, *esse sapientem*, *esse volituum* &c. sunt perfectiones simpliciter simplices; nam sunt tales, vt quodlibet ipsas habens sit melius quolibet ipsis carente. Omnis enim substantia est perfectior quolibet, quod non sit substantia: quodlibet sapiens est perfectius quolibet carente sapientia. &c. E conuerso *esse sensituum* non est perfectio simpliciter simplex. Nam non quodlibet sensituum est melius quolibet non sensitui. Deus enim, & Angeli licet non sint sensitui, sunt perfectiores, & meliores brutis, quæ sunt sensitui; sed relationes Diuinæ non sunt tales, vt quodlibet de quo prædicantur, sit melius quolibet, de quo non prædicantur: nam *esse Patrem* non prædicatur de Filio, & Spiritu Sancto, & tamen Pater non est perfectior Filio, & Spiritu Sancto; similiter *esse Filium* non prædicatur de Patre, & tamen Filius non est perfectior Patre.

43. Confirmatur ex alia descriptione perfectionis simpliciter simplicis. Est enim *Quæ in quolibet est necessaria, ne sit imperfectum*, eo pacto, quo sapientia, bonitas &c. de quolibet debet prædicari, ne sit imperfectum: quodlibet enim eo ipso, quod non sit sapiens, est imperfectum, & defectuosum; sed relationes diuinæ non in quolibet sunt necessariae, ne sit imperfectum: Filius enim non est Pater, & tamen non est imperfectus:

Pater non est Filius, & tamen non est imperfectus; ergo &c. Vide dicta quæst. 22. num. 17.

44. Probatur secundò conclusio ex proprietate quadam perfectionis simpliciter simplicis. Perfectio enim simpliciter simplex habet hanc proprietatem, ut quod non habet illam formaliter, non possit habere eminenter, & æquivalenter, ita ut sit radix adæquata realis, vel virtualis illius, ut explicatum est num. 17; sed essentia diuina licet formaliter per se ipsam non sit vlla perfectio relatiua, tamen est adæquata ratio, & radix virtualis omnium perfectionum relatiuarum, Paternitatis nimirum, Filiationis &c; ergo relationes diuinæ non sunt perfectiones simpliciter simplices.

45. Probatur tertio: nam in Deo dantur duo genera perfectionum, absolutæ, & relatiuæ, & utræque sunt simplices, cum non includant vllam imperfectionem. Perfectiones absolutæ sunt necessariae cui-libet, ne sit imperfectum, & quodlibet ipsas habens est melius quolibet non habente: & non continentur in vlla radice reali, vel virtuali antecedenti. Propter hæc prædicata vocantur perfectiones simpliciter simplices. Perfectiones relatiuæ habent opposita prædicata, propter quæ dicuntur perfectiones solum simplices; ergo cum constet de hoc discrimine reali, solum superest quæstio de nomine, de qua non multum curamus.

46. Inferitur, quid sit perfectio solum
sim-

simplex. Dicendum, quod est illa, quæ ita caret omni defectu etiam contingentia, ut licet ratione sui melius sit ipsam esse, quam non esse, tamen non in quolibet sit necessaria, ita ut de ipso debeat prædicari, ne sit imperfectum, & defectuosum.

47. Dices: Paternitas est necessaria omnibus Personis, & Personalitatibus diuinis, ne sint defectuosæ: nam nisi haberent Paternitatem per circuminfessionem, essent defectuosæ; ergo Paternitas est perfectio simpliciter simplex.

48. Respondeo ex dictis, quod non sufficit ad perfectionem simpliciter simplicem, ut quomodocunque sit necessaria, cuilibet, ne sit imperfectum, sed requiritur, ut ita sit necessaria, ut debeat de ipso prædicari; sed Paternitas non potest prædicari de Filio, & Spiritu Sancto, neque de Filiatione, & spiratione passiva; ergo non est perfectio simpliciter simplex. Confirmatur, nam perfectiones absolutæ debent prædicari de quolibet, ne sit imperfectum: perfectiones relatiuæ non debent prædicari de quolibet, ne sit imperfectum; ergo cum constet de hoc discrimine, perfectiones absolutas sapiëntiæ, bonitatis &c. vocamus perfectiones simpliciter simplices; perfectiones relatiuas Paternitatis, Filiationis &c. vocamus perfectiones solum simplices.

49. Ad 1. nego maiorem, ac dico relationes diuinas in quantum tales relationes sunt, Paternitas nimirum &c. præscin-

dendo etiam ab essentia, esse ens reale, esse aliquid, & esse perfectiones relatiuas. Ad auctoritatem S. Thomæ, Boetij, & Cyrilli Alexandrini, dico illos non negare, quod nos asserimus S. Thomas tribus locis allatis in argumento, docet relationes secundum rationem communem, & supertranscendentalem relationis, secundum quam abstrahunt ab hoc, quod sint reales, vel rationis, non esse ens reale, nec esse aliquid, nec esse intrinsecus affixas, sed tantum esse ad aliquid, quod ultro nos concedimus: sed non negat, immò concedit relationem realem, in quantum realis est, & vt talis exigit inesse subiecto, sicut in creaturis, vel exigit identificari cum eo, de quo dicitur, vt in Deo, esse ens reale, & esse aliquid; sed relationes diuinæ Paternitatis, Filiationis &c. prout distinguuntur virtualiter ab essentia, exigunt identificari cum essentia; ergo iuxta doctrinam S. Thomæ sunt ens reale, sunt aliquid, & sunt perfectiones relatiuæ. Boetius etiam, dum dicit prædicationem relatiuam nihil rei addere, vel minuere, vel immutare, quæ tota non in eo, quod est esse, consistit, sed in eo, quod est in comparatione aliquo modo se habere, loquitur de prædicatione relatiua secundum rationem supertranscendentalem, & communem relationi reali, vel rationis, extrinsecè, vel intrinsecè denominanti: at non negat aliquas prædicationes relatiuas secundum ultimam rationem talis prædicationis relatiuæ aliquid rei addere, vel minuere

nuere, & consistere in esse, nec negat tales prædicationes relatiuas esse, quibus Pater dicitur Pater, & Filius dicitur Filius. In eodem sensu dicit Cyrillus Alexandrinus differentiam Personarum secundum relationem quasi extrinsecus intellectam esse, quia relatio ex sua ratione communissima abstrahit ab hoc, quod sit extrinseca, vel intrinseca; at non negat differentiam Personarum secundum tales relationes Paternitatis, Filiationis &c. esse intrinsecam ipsis Personis, quæ per relationes constituuntur, & subsistunt. Quo pacto enim constituerentur, & subsisterent per aliquid extrinsecum? Videri potest Ruiz disput. 9 sect. 7.

54. Dices: quare dicitur, quod relatio ex suo conceptu communi abstrahit ab hoc, quod sit realis, & rationis, qualitas, quantitas, & cætera prædicamenta non dicuntur ex suo conceptu communi abstrahere ab hoc, quod sint aliquid reale, vel rationis.

55. Respondeo rationem esse, quia relatio consistit in hoc, quod subiectum referatur ad alterum: & quia subiectum potest verè referri ad alterum, etiam per actum rationis, ideo dicitur relatio abstrahere ab hoc, quod sit rationis. E conuerso qualitas consistit in hoc, quod subiectum reddat quale, puta album, aut nigrum &c. quantitas consistit in hoc, quod reddat subiectum quantum, puta palmare, vel bipalmare; sed non potest aliquid verè esse quale, quantum &c. per actum.

rationis; ergo non debemus dicere, quod quantitas, qualitas &c. abstrahat ab hoc, quod sit realis, vel rationis; saltem non debemus hoc dicere cum eo fundamento, cum quo dicimus de relatione.

56. Ad 2. distinguo maiorem: darentur in Deo tres perfectiones, tres bonitates, & tres dignitates absolutæ, & sine addito, nego; tres bonitates relativæ, & cum addito aliququaliter distrahente, concedo; distinguo eodem pacto minorem; & nego consequentiam. Sicut in Deo datur vna essentia, sic datur vna tantum bonitas, vna dignitas, & vna perfectio absolute loquendo, & in hoc sensu loquitur S. Thomas. Sicut dantur tres relationes, sic dantur tres bonitates, dignitates, & perfectiones relativæ cum hoc addito *relative*, quod aliququaliter restringit: nec hoc negatur à S. Thoma, qui loquitur de perfectionibus, ut de pluribus, ut cum de Potentia quæst. 9. art. 9. ad 7. dicit: *Vtraque perfectio non differt secundum quantitatem.*

57. Ad 3. nego sequelam. Nullam perfectionem habet Pater, quæ Filio desit; siquidem Filius habet etiam perfectionem Paternitatis, non quidem constitutive, & prædicative, ita ut per illam constitutur, & ut de Filio prædicetur, sed per circumfessionem. Hinc sequitur singulas Personas divinas seorsim acceptas in genere entis esse infinite perfectas, cum habeant omnes perfectiones divinas tum absolutas, tum relativas, & omnibus perficiantur, ut explicatum est.

58. Dices: Patres afferunt vnam Personam non habere proprietates Personales alterius; sed iuxta doctrinam allatam sequeretur, quod vna Persona haberet proprietates Personales alterius; ergo. Probatum maior, afferendo testimonia Patrum. Athanasius quæstionibus de natura Dei quæst. 5. dicit: *Omnia aequaliter habet Pater, Filius, & Spiritus Sanctus, præter proprietates suas. Proprium enim Patris est esse ingenitum, Filij esse genitum, ac Spiritus Sanctus procedere.* Cyrillus in anathematismis contra Nestorium Anathematismo 9. *Unigenitum Dei Verbum omnia præter Paternitatem aequalia, & communia habens:* & lib. 2. Thesauri cap. 1. *in medium: Nihil proprium vni est, quod alteri non insit, excepta solummodo Patris, & Filij appellatione, ac re:* & lib. 3. Thesauri cap. 1. *Nihil habet alter, quod alteri non sit, nisi quod hic Pater, ille Filius est.* Eugenius in Concilio Florentino in literis vnionis post vltimam sessionem dicit: *Omnia, quæ Patris sunt, ipse Pater unigenito Filio suo gignendo dedit, præter esse Patrem.*

59. Respondeo, quod Patres dicunt vnam Personam non habere proprietates personales alterius constitutiue, & prædicatiue: sed afferunt, quod habent per circuminfectionem, vt patet ex testimonijs allatis qu. 94.

60. Hinc conciliantur testimonia Scripturarum, & Patrum, quibus sine vlla limitatione dicitur, quod omnia, quæ ha-

bet Pater, habet Filius, & omnia quæ habet vna Persona, habet alia, cum testimonijs, quibus excipiunt proprietates personales. Nam per prima dicunt, quod omnia, quæ habet Pater, habet etiam Filius vel constitutiue, & prædicatiue, vel per circuminfessionem, sine vlla exceptione: per secunda asserunt, quod omnia, quæ Pater habet constitutiue, & prædicatiue, habet etiam Filius constitutiue, & prædicatiue, exceptis proprietatibus Personalibus. Testimonia Scripturarum, & Patrum, quibus sine exceptione dicitur, quod omnia, quæ habet Pater, habet Filius, passim occurrunt. Matth. 11. *Omnia mihi tradita sunt à Patre meo*: Ioan. 17. *Omnia mea tua sunt, & omnia tua mea sunt*: Ambrosius lib. 1. de Fide ad Gratianum cap. 6. *Omnia à Patre iure generationis accepit*. Hilarius lib. 3. de Trinitate post medium: *Quid distrahis Filium à Patre? Vnum sunt scilicet is qui est, nihil habens, quod non sit etiam in eo, à quo est*. Isidorus lib. 1. sententiarum de summo bono cap. 15. *Nihil habet Pater, quod non habeat Filius*. Lactantius lib. 4. Diu. Institut. cap. 19. *Quidquid est in Patre ad Filium transfluens*. Ideo S. Thomas in c. 16. Ioan. lect. 3. post medium dicit: *Simpli- ter concedimus, quidquid habet Pater, ha- bet Filius*.

61. Ad 4. concedo antecedens, & di- stinguo consequens; ergo perfectiones re- lativæ secundum se præcisè sunt infinitæ negativè in genere entis, concedo: sunt infi-

infinite positivè in genere entis, nego: distinguo eodem pacto secundum consequens; & nego secundam consequentiam. Ex dictis num. 24. perfectiones relativæ sunt infinite solum negativè in genere entis, at non sunt infinite positivè, adeoque non dantur tres perfectiones positivè infinite in genere entis; ergo non sequitur posse dari plures perfectiones positivè infinite in genere entis; immò sequitur oppositum. Est enim possibilis vna tantum perfectio positivè infinita in genere paternitatis, hoc est vna tantum paternitas; est possibilis vna tantum perfectio positivè infinita in genere filiationis, hoc est vna tantum filiatio &c; ergo est possibilis vna tantum perfectio infinita positivè in genere entis, & in omni genere, hoc est vna tantum essentia diuina.

42. Ad 5. nego sequelam. Quilibet Persona includit essentiam, quæ identificatur cum tota Trinitate, adeoque quilibet Persona seorsim sumpta includit per circuminfectionem totam Trinitatem; & omnes alias Personas, & Personalitates, ac proinde est æquæ perfecta, ac tota Trinitas, cum sit perfecta perfectione totius Trinitatis. Differentia inter totam Trinitatem, & vnâ Personam seorsim sumptam est, quod tota Trinitas includit tres Personas constitutivè: vna autem Persona includit cæteras Personas non constitutivè, sed solum per circuminfectionem, ut explicatum est num. 60. Quod autem quilibet Persona seorsim sumpta sit æquæ

680 *De perfectione personalitatum*
perfecta, ac tota Trinitas, docent Patres,
ac praesertim Augustinus. Augustinus igitur
lib. 7. de Trinitate cap. 6. dicit: *Tres*
simul illa substantiae, siue Personae, si ita
dicenda sunt, aequales sunt singulis. Idem
docet lib. 8. in Proxio, & cap. 1. lib. 5.
de Trinitate cap. 3. lib. 3. contra Maximi-
num cap. 10. Serm. 38. de tempore propè
medium, Epist. 66. ad Maximin. ante
medium, & alibi saepe. Debet autem
aduerti, quod Augustinus hanc aequalita-
tem docet ut certum dogma, eiusque do-
ctrinae de Trinitate maximam auctorita-
tem conciliat consensus aliorum, Pa-
trum, & Scholasticorum, & approba-
tio Ioannis 2. Papae in Epistola 2. ad Sena-
tores, quae solet vocari liber de duabus
naturis contra Eutychianos, in quo ut sta-
tuit dogmata de Trinit. & Incarnatione,
praemittit: *Augustini doctrinam secundum*
Prædecessorum meorum instituta Romana se-
quitur, & seruat Ecclesia. Consensat Au-
gustino Fulgentius lib. 3. ad Monimum,
cap. 7. dicens: *Tantum est ipsum Verbum,*
quanta est simul mens ipsa cum Verbo: Con-
cilium Toletanum 6. in professione fidei,
dicens: *Nec minoratur in singulis, nec au-*
getur in tribus, quia nec minus aliquid ha-
bet, cum unaquaque Persona Deus singula-
riter dicitur, nec amplius, cum tota tres Per-
sona unus Deus enunciantur: Bernardus
Epist. 190. ad Innocentium dicens: *To-*
tum est Pater, quod Pater, & Filius, & Spi-
ritus Sanctus: Totum Filius, quod ipse, &
Pater, & Spiritus Sanctus: Totum Spiritus
San-

Sanctus, quod ipse, & Pater, & Filius: & totum unum est totum, nec superabundans in tribus, nec imminutum in singulis. Vide alia testimonia apud Ruiz disput. 304 sect. 2.

63. Dices: essentia considerata secundum se præcisè prout virtualiter distincta à Personalitatibus, non includit perfectiones relatiuas Personalitatum; ergo est minus perfecta, quam tota Trinitas.

64. Respondeo distinguo antecedens; essentia secundum se præcisè non includit Personalitates formaliter, concedo: non includit eminenter, nego; & distinguo consequens; ergo est minus perfecta intensiue, nego; extensiue, concedo. Deus seorsim non est minus perfectus intensiue, quam aggregatum ex Deo, & Mundo, quia Deus solus licet non contineat formaliter perfectionem mundi, continet illam eminenter. At Deus seorsim est extensiue minus perfectus, quam Deus simul, & mundus, quia aggregatum ex Deo, & mundo supra perfectionem Dei, addit formalem perfectionem mundi. Proportionaliter Deitas præcisè considerata non est intensiue minus perfecta, quam tota Trinitas, quia Deus continet eminenter omnes perfectiones relatiuas; at Deitas seorsim, & præcisè est extensiue minus perfecta, quam tota Trinitas, quia tota Trinitas vltra perfectionem diuinæ essentiae addit formaliter perfectionem relationum, per quas perfectio Deitatis quodammodo se extendit.

65. Diees secundo: Paternitas præcisè considerata prout non includit perfectionem essentiae, & aliarum relationum, est minus perfecta, quam essentia, & quam tota Trinitas.

66. Respondeo distingo: Paternitas præcisè considerata præcisione, qua præscinditur ab ipsa sua perfectione, est minus perfecta præcisivè, quam essentia, & tota Trinitas, concedo; est minus perfecta negativè, nego. Non est absurdum, quod Paternitas præcisè considerata præcisione, qua præscinditur à sua præcipua perfectione, sit minus perfecta præcisivè, quam essentia, cum verè, & realiter sit æquè perfecta, ac essentia, & tota Trinitas. Confirmatur solutio: nam Aduersarij dicunt Paternitatem præcisè consideratam nullam esse perfectionem; ergo possumus nos concedere Paternitatem præcisè consideratam esse quidem perfectionem, sed præcisivè minorem perfectione essentiae.

67. Ad 7. distingo maiorem: relationes diuinæ sunt quasi diuersæ speciei quoad essentiam, nego: quoad se ipsas præcisè, concedo: ac distingo eodem pacto minorem: & nego consequentiam. Propriè differunt specie, quæ sunt dissimilia in essentia, & quæ sic differunt specie, sunt inæqualia, & sicut numeri; quæ autem non differunt in essentia, propriè non differunt specie, & possunt esse omnino æqualia; sed relationes diuinæ non solum non sunt dissimiles in essentia, sed sunt
vna

vna numero essentia infinita in genere
entis, & in omni genere; ergo licet se-
cundum se ipsas præcisè sint dissimiles, ta-
men propter identitatem essentia sunt om-
nino æquales in perfectione, cum sint ca-
pacitas, & exigentia identitatis cum essen-
tia diuina, à qua perficiantur infinitè in
omni genere. Ad confirmationem, di-
stinguo antecedens; producere est perfe-
ctius, quam produci, si sint eiusdem es-
sentia, nego: si non sint eiusdem essentia,
concedo; & nego consequentiam. In Deo
producere, & produci sunt vna, & eadem
essentia diuina, & exigunt identificari
cum eadem essentia, à qua summè, & sic
æqualiter perficiantur, ideoque propter
exigentiam identificationis cum eadem
summa essentia, habent omnimodam æqua-
litatem in perfectione.

68. Ad 7. Sicut in Deo sunt tres bo-
nitates, & perfectiones: relatiuæ cum
addito aliquo, & restringente, sic sunt
tres vnitates, & tres veritates relatiuæ, vt
explicatum est num. 35. At nullo pacto in
Deo sunt tres æternitates, tres immensita-
tes, tres Sapientia &c. Ratio est, quia
hæc prædicata non sunt transcendencia,
ideoque relationes per se ipsas non sunt
æternæ, immensæ &c. sed solum sunt
æternæ per æternitatem, & immensitatem
essentia: non sunt etiam tres existentia,
quia existunt per essentiam. Videri potest
Ruiz: disp. 26.

69. Ad 8. Iam dictum est num. 49. re-
lationes diuinas esse perfectiones simpli-

ces, sed non esse perfectiones simpliciter simplices. Perfectiones simpliciter simplices non opponuntur ita, ut non possint inuicem identificari. Ratio est, quia perfectio simpliciter simplex non potest in quolibet esse connexa cum imperfectione: nam eo ipso non esset perfectio simplex, sed mixta cum imperfectione: sed si opponeretur alteri perfectioni simplici, ac non posset cum illa identificari, in quolibet esset connexa cum exclusionem alterius perfectionis simpliciter simplicis, & sic cum imperfectione: nam perfectio simpliciter simplex in quolibet est necessaria, ne sit imperfectum; ergo perfectio simpliciter simplex non potest opponi alteri perfectioni simpliciter simplici. At perfectio solum simplex, cum non sit in quolibet necessaria, ne sit imperfectum, potest opponi alteri perfectioni simplici. Nam ex eo, quod illam excludat, non sequitur, quod subiectum reddatur imperfectum, eo pacto, quo ex eo, quod Pater non sit Filius, non sequitur, quod sit imperfectus.

QVAESTIO CVII.

*Utrum in Deo præter tres subsistentias re-
latiuas detur una subsistentia abso-
luta communis tribus Personis.*

3. **V**idetur dari, primò, quia Deitas per se ipsam, & præscindendo etiam
à re-

à relationibus, habet omnes perfectiones simpliciter simplices: sed subsistere est perfectio simpliciter simplex; ergo.

2. Secundò, ut arguit Caietanus, natura Diuina non mendicat subsistentiam à suppositis; ergo subsistit per se ipsam.

3. Tertiò Deitas per se ipsam est ultimò completa, & perfecta in ratione substantiæ; sed substantia constituitur ultimò completa in ratione substantiæ per hoc, quod subsistat, siue per se existat: ergo Deitas se ipsa per se existit, & subsistit substantia absoluta.

4. Quartò subsistere nihil aliud est, quam substantiam existere independentem à quocunque alio, cui inexistat, & à quo sustentetur; sed Deitas per se ipsam, & præscindendo à relationibus sic existit; ergo Deitas per se ipsam, & præscindendo à relationibus subsistit.

5. Quintò Deitas per se ipsam, & præscindendo à relationibus est Deus; sed Deus in concreto est substantia subsistens, & sic includit subsistentiam; ergo Deitas per se ipsam, & præscindendo à relationibus subsistit. Probatur maior: nam Concilium Rhemense in confessione fidei contra Gilbertum Porretanum dicit: *Credimus simpliciter naturam Deitatis esse Deum, nec aliquo sensu Catholico posse negari, quin diuinitas sit Deus, & Deus diuinitas.*

6. Sextò actiones sunt subsistentium; sed Deitas per se ipsam intelligit, vult, creat, & gubernat mundum, & est Principium omnium actionum ad extra; ergo
Dei-

686 De perfectione personalitatum
Deitas per se ipsam subsistit .

7. Septimò si Deitas non haberet tres subsistentias relatiuas, adhuc perfectissimè subsisteret per se ipsam; sed de facto non existit minus perfectè, quam tunc existeret; ergo de facto subsistit per se ipsam .

8. Octauò Agatho Papa in quadam Epistola dicit: *Constitemur Patrem, & Filium, & Spiritum Sanctum, non tres Deos, sed unum Deum, non trium nominum subsistentiam, sed trium subsistentiarum, seu Personarum vnā subsistentiam*. Idem docent plures alij Patres, quos refert Ruiz disput. 34. sect. 8. & 9. & colligitur ex Sancto Thoma pluribus locis ab eodem allatis; ergo præter tres subsistentias relatiuas concedenda est in Deo aliqua subsistentia absoluta communis tribus Personis .

9. Respondeo tres esse præcipuas sententias. Prima Durandi in 1. dist. 26. q. 1. num. 6. & dist. 33. q. 1. n. 37. & in 3. dist. 1. q. 2. n. 7. docet in Deo dari vnā tantum subsistentiam, eamque absolutam, & communem tribus Personis, tres autem relationes non esse tres subsistentias relatiuas, sed solum tres modos incommunicabilitatis. Eandem sententiam Ruiz disp. 34. sect. 1. num. 5. & 6. tribuit Scoto, Alberto, Argentina, Marsilio, Capreolo, Ferrariensi 4. contra gentes cap. 26. Heruæo, Egidio, & alijs, & addit eidem opinioni fauere Bellarminum, dum Tomo 1. Controuer. 2. lib. 2. de Christo cap. 15. dicit essentiam à relationibus præcisam subsistere, relationes autem subsistere ratione essentiae, quam includunt, 10. Se-

10. Secunda sententia docet in Deo dari subsistentiam absolutam communem tribus Personis, & præter illam dari tres subsistentias relatiuas. Hanc opinionem sequi videtur Paludanus in 3. dist. 1. q. 2. & expressè docuit Caietanus 1. p. q. 30. art. 4. & 3. p. qu. 2. art. 2. & q. 3. art. 2. & 3. Caietanum sequuntur Miranda in summa Conciliorum in Annotationibus ad sextam Synodum ar. 11. Suarez de Deo lib. 4. de Trin. cap. 11. & 14. & 3. par. tom. 1. disp. 11. sect. 3. 4. & 5. & disp. 12. & 13. & plures alij recentiores, qui tribuunt illam auctoribus, qui dicunt, naturam creatam posse assumi à Deo secundum rationem aliquam existentiæ communem tribus Personis; ita vt non Personalitas relatiua, sed hoc commune terminaret immediatè naturam assumptam. Sunt autem tales auctores Riccardus in 3. dist. 1. q. 3. Ocham in 3. dist. 1. q. 1. art. 3. Gabriel eadem dist. qu. 1. art. 3. dub. 4. & alij, quos refert Ruiz disput. 34. sect. 1. num. 10. qui tamen addit illos obscurè locutos, ac fortasse non admittere subsistentiam hanc absolutam.

11. Tertia sententia negat dari in Deo subsistentiam absolutam communem tribus Personis, ac asserit solum dari tres subsistentias relatiuas. Docent hanc sententiam Alexander 1. p. q. 57. membro 3. & 3. p. q. 2. membro 3. S. Bonauentura in 1. dist. 23. art. 2. q. 1. & 2. & in 3. dist. 1. ar. 1. q. 3. Ricardus in 1. dist. 26. ar. 1. q. 1. & alij ex antiquis, & ex recentioribus Vasquez 1. p. q. 125. cap. 3. Molina 1. p. q. 29. art. 2. disp. 3.

disp. 3. conclus. 2. Valentia tom. 1. qu. 13. puncto 3. & in controuer. lib. 3. de Trin. cap. 6. & Ruiz disp. 34. sect. 1. & sequentibus, apud quem videri possunt alij auctores.

12. Dicendum primò cum tertia sententia: dantur in Deo tres subsistentiæ relativæ, in quibus Deus subsistit.

13. Probatur primò auctoritate Conciliorum, & Pontificum. Concilium Nicænum primum lib. 2. post medium dicit: *Una divinitas Sanctæ Trinitatis in tribus subsistentiis perfectis aequalibus consideratur*. Concilium Constantinopolitanum primum in Epist. ad Damasum circa medium: *In tribus perfectissimis subsistentiis, siue in tribus perfectis Personis, ut neque Sabellij languor locum habeat confusione, subsistentiarum, aut perversione proprietatum*. Concilium Chalcedonense Act. 16. in resp. ad Marcianum Imperatorem in professione fidei commemorat *trium subsistentiarum Patres intulisse doctrinam, non extra Scripturam sacram hanc inventionem sibi fingentes*; Concilium Constantinopolitanum 2. quod est Generale quintum collatione 8. anathematismo 2. dicit: *Si quis non confitetur unam deitatem in tribus subsistentiis, seu Personis adorandam, anathema sit*. Agatho Papa Epist. 2. quæ est instructio legatorum dicit: *Trinitatem subsistentiarum siue Personarum*. Recipitur autem hæc Epistola in Concilio Constantinopolitano 3. quod est sextum generale. Concilium Nicænum 2. quod est genera-

le 7. in confess. Fidei Tarasij approbata à Concilio dicit : *Profitentes unam deitatem in tribus subsistentiis indiuisim discretam, & distinctim unitam*. Concilium Lateranense sub Martino I. Papa Consult. 5. Can. 1. dicit ; *Si quis non confiteatur secundum Sanctos Patres propriè, & verè Patrem, Filium, & Spiritum Sanctum Trinitatem in unitate, & unitatem in Trinitate, hoc est unum Deum in tribus subsistentiis consubstantialibus, anathema sit.*

14. Probatur secundo auctoritate Patrum. Iustinus in expositione fidei de Sancta Trinitate dicit : *Se maluisse unius Trinitatis in tribus perfectis subsistentiis notitiam exponere*. Athanasius tom. 2. in Quaestionibus quaest. 7. dicit : *Tres Personas confitear, tres subsistentias, tria propria, tria individua, tres characteres* : & Serm. in Euang. in Sanctissimam Deiparam dicit : *Unum Deum in tribus subsistentiis predicantes, in quibus una sit substantia* : Gregorius Nissenus in Epist. de imagine, & similitudine contra Apollinarem dicit : *Inuenies subsistentiarum suarum Personarum Trinitatem, & unitatem naturae*. Cyrillus Alexandrinus Dialog. de Trinit. lib. 2. pluries repetit : *Tres subsistentias proprias* : & lib. 3. dicit : *Omnis fidei nostrae sermo huc tendit, ut unam quidem videamus Deitatis naturam, quae in tribus subsistentiis propriis &c.* & Dialogorum lib. 7. *Deitatis naturam, ut in tribus subsistentiis explanari à sacra Scriptura*. Damascenus lib. 1. de Fide cap. 9. dicit : *Tres*
bypa.

680 *De perfectione personalitatum*
perfecta, ac tota Trinitas, docent Patres,
ac praesertim Augustinus. Augustinus igitur
lib. 7. de Trinitate cap. 6. dicit: *Tres*
simul illa substantia, siue Persona, si ita
dicenda sunt, aequales sunt singulis. Idem
docet lib. 8. in Proxio, & cap. 1. lib. 5.
de Trinitate cap. 3. lib. 3. contra Maximi-
num cap. 10. Serm. 38. de tempore propè
medium, Epist. 66. ad Maximin. ante
medium, & alibi saepe. Debet autem
aduerti, quod Augustinus hanc aequalita-
tem docet ut certum dogma, eiusque do-
ctrinae de Trinitate maximam auctorita-
tem conciliat consensus aliorum, Pa-
trum, & Scholasticorum, & approba-
tio Ioannis 2. Papae in Epistola 2. ad Sena-
tores, quae solet vocari liber de duabus
naturis contra Eutychianos, in quo ut sta-
tuit dogmata de Trinit. & Incarnatione,
praemittit: *Augustini doctrinam secundum*
Prædecessorum meorum instituta Romana se-
quitur, & seruat Ecclesia. Constat Au-
gustino Fulgentius lib. 3. ad Monimum,
cap. 7. dicens: *Tantum est ipsum Verbum,*
quanta est simul mens ipsa cum Verbo: Con-
cilium Toletanum 6. in professione fidei,
dicens: *Nec minoratur in singulis, nec au-*
getur in tribus, quia nec minus aliquid ha-
bet, cum unaquaque Persona Deus singula-
riter dicitur, nec amplius, cum tota tres Per-
sona unus Deus enunciantur: Bernardus
Epist. 190. ad Innocentium dicens: *To-*
tum est Pater, quod Pater, & Filius, & Spi-
ritus Sanctus: Totum Filius, quod ipse, &
Pater, & Spiritus Sanctus; Totum Spiritus
San-

Sanctus, quod ipse, & Pater, & Filius: & totum unum est totum, nec superabundans in tribus, nec imminutum in singulis. Vide alia testimonia apud Ruiz. disput. 304 sect. 2.

63. Dices: essentia considerata secundum se praecise prout virtualiter distincta à Personalitatibus, non includit perfectiones relativas Personalitatum; ergo est minus perfecta, quam tota Trinitas.

64. Respondeo distinguo antecedens; essentia secundum se praecise non includit Personalitates formaliter, concedo: non includit eminenter, nego; & distinguo consequens; ergo est minus perfecta intensiue, nego; extensiue, concedo. Deus seorsim non est minus perfectus intensiue, quam aggregatum ex Deo, & Mundo, quia Deus solus licet non contineat formaliter perfectionem mundi, continet illam eminenter. At Deus seorsim est extensiue minus perfectus, quam Deus simul, & mundus, quia aggregatum ex Deo, & mundo supra perfectionem Dei, addit formalem perfectionem mundi. Proportionaliter Deitas praecise considerata non est intensiue minus perfecta, quam tota Trinitas, quia Deus continet eminenter omnes perfectiones relativas; at Deitas seorsim, & praecise est extensiue minus perfecta, quam tota Trinitas, quia tota Trinitas ultra perfectionem diuinæ essentiae addit formaliter perfectionem relationum, per quas perfectio Deitatis quodammodo se extendit.

65. Dices secundò : Paternitas præcisè considerata prout non includit perfectionem essentia, & aliarum relationum, est minus perfecta, quam essentia, & quam tota Trinitas.

66. Respondeo distingo : Paternitas præcisè considerata præcisione, qua præscinditur ab ipsa sua perfectione, est minus perfecta præcisivè, quam essentia, & tota Trinitas, concedo ; est minus perfecta negativè, nego. Non est absurdum, quod Paternitas præcisè considerata præcisione, qua præscinditur à sua præcipua perfectione, sit minus perfecta præcisivè, quam essentia, cum verè, & realiter sit æquè perfecta, ac essentia, & tota Trinitas. Confirmatur solutio : nam Aduersarij dicunt Paternitatem præcisè consideratam nullam esse perfectionem ; ergo possumus nos concedere Paternitatem præcisè consideratam esse quidem perfectionem, sed præcisivè minorem perfectione essentia.

67. Ad 7. distingo maiorem relationes diuinæ sunt quasi diuersæ speciei quoad essentiam, nego : quoad se ipsas præcisè, concedo : ac distingo eodem pacto minorem : & nego consequentiam. Propriè differunt speciei, quæ sunt dissimilia in essentia, & quæ sic differunt speciei, sunt inæqualia, & sicut numeri ; quæ autem non differunt in essentia, propriè non differunt speciei, & possunt esse omnino æqualia ; sed relationes diuinæ non solum non sunt dissimiles in essentia, sed sunt
vna

vna numero essentia infinita in genere
entis, & in omni genere; ergo licet se-
cundum se ipsas præcisè sint dissimiles, ta-
men propter identitatem essentiae sunt om-
nino æquales in perfectione, cum sint ca-
pacitas, & exigentia identitatis cum essen-
tia diuina, à qua perficiantur infinitè in
omni genere. Ad confirmationem, di-
stinguo antecedens; producere est perfe-
ctius, quam produci, si sint eiusdem ef-
sentiae, nego: si non sint eiusdem essentiae,
concedo; & nego consequentiam. In Deo
producere, & produci sunt vna, & eadem
essentia diuina, & exigunt identificari
cum eadem essentia, à qua summè, & sic
æqualiter perficiantur, ideoque propter
exigentiam identificationis cum eadem
summa essentia, habent omnimodam æqua-
litatem in perfectione.

68. Ad 7. Sicut in Deo sunt tres bo-
nitates, & perfectiones: relatiuæ cum
addito aliquo, & restringente, sic sunt
tres vnitates, & tres veritates relatiuæ, vt
explicatum est num. 35. At nullo pacto in
Deo sunt tres aternitates, tres immensita-
tes, tres Sapientiae &c. Ratio est, quia
hæc prædicata non sunt transcendentia,
ideoque relationes per se ipsas non sunt
aternæ, immensæ &c. sed solum sunt
aternæ per aternitatem, & immensitatem
essentiae: non sunt etiam tres existentiae,
quia existunt per essentiam. Videri potest
Ruiz disp. 26.

69. Ad 8. Iam dictum est num. 49. re-
lationes diuinas esse perfectiones simpli-
ces.

ces, sed non esse perfectiones simpliciter simplices. Perfectiones simpliciter simplices non opponuntur ita, ut non possint inuicem identificari. Ratio est, quia perfectio simpliciter simplex non potest in quolibet esse connexa cum imperfectione: nam eo ipso non esset perfectio simplex, sed mixta cum imperfectione: sed si opponeretur alteri perfectioni simplici, ac non posset cum illa identificari, in quolibet esset connexa cum exclusionem alterius perfectionis simpliciter simplicis, & sic cum imperfectione: nam perfectio simpliciter simplex in quolibet est necessaria, ne sit imperfectum; ergo perfectio simpliciter simplex non potest opponi alteri perfectioni simpliciter simplici. At perfectio solum simplex, cum non sit in quolibet necessaria, ne sit imperfectum, potest opponi alteri perfectioni simplici. Nam ex eo, quod illam excludat, non sequitur, quod subiectum reddatur imperfectum, eo pacto, quo ex eo, quod Pater non sit Filius, non sequitur, quod sit imperfectus.

QVÆSTIO CVII.

*Vtrum in Deo præter tres subsistentias re-
lativas detur una subsistentia abso-
luta communis tribus Personis.*

1. **V**idetur dari, primò, quia Deitas per se ipsam, & præscindendo etiam
à re-

à relationibus, habet omnes perfectiones simpliciter simplices: sed subsistere est perfectio simpliciter simplex; ergo.

2. Secundò, ut arguit Caietanus, natura Diuina non mendicat subsistentiam à suppositis; ergo subsistit per se ipsam.

3. Tertiò Deitas per se ipsam est ultimò completa, & perfectà in ratione substantiæ; sed substantia constituitur ultimò completa in ratione substantiæ per hoc, quod subsistat, siue per se existat: ergo Deitas se ipsa per se existit, & subsistit subsistentia absoluta.

4. Quartò subsistere nihil aliud est, quam substantiam existere independentem à quocunque alio, cui inexistat, & à quo sustentetur; sed Deitas per se ipsam, & præscindendo à relationibus sic existit; ergo Deitas per se ipsam, & præscindendo à relationibus subsistit.

5. Quintò Deitas per se ipsam, & præscindendo à relationibus est Deus; sed Deus in concreto est substantia subsistens, & sic includit subsistentiam; ergo Deitas per se ipsam, & præscindendo à relationibus subsistit. Probatur maior: nam Concilium Rhemense in confessione fidei contra Gilbertum Porretanum dicit: *Credimus simpliciter naturam Deitatis esse Deum, nec aliquo sensu Catholico posse negari, quin diuinitas sit Deus, & Deus diuinitas.*

6. Sextò actiones sunt subsistentium; sed Deitas per se ipsam intelligit, vult, creat, & gubernat mundum, & est principium omnium actionum ad extra; ergo Dei.

Deitas per se ipsam subsistit ..

7. Septimò si Deitas non haberet tres subsistentias relatiuas, adhuc perfectissimè subsisteret per se ipsam; sed de facto non existit minus perfectè, quam tunc existeret; ergo de facto subsistit per se ipsam ..

8. Octauò Agatho Papa in quadam Epistola dicit: *Confitemur Patrem, & Filium, & Spiritum Sanctum, non tres Deos, sed unum Deum, non trium nominum subsistentiam, sed trium subsistentiarum, seu Personarum vnā subsistentiam*. Idem docent plures alij Patres, quos refert Ruiz: disput. 34. sect. 8. & 9. & colligitur ex Sancto Thoma pluribus locis ab eodem allatis; ergo præter tres subsistentias relatiuas concedenda est in Deo aliqua subsistentia absoluta communis tribus Personis ..

9. Respondeo tres esse præcipuas sententias. Prima Durandi in 1. dist. 26. q. 1. num. 6. & dist. 33. q. 1. n. 37. & in 3. dist. 1. q. 2. n. 7. docet in Deo dari vnā tantum subsistentiam, eamque absolutam, & communem tribus Personis, tres autem relationes non esse tres subsistentias relatiuas, sed solum tres modos incommunicabilitatis. Eandem sententiam Ruiz disp. 34. sect. 1. num. 5. & 6. tribuit Scoto, Alberto, Argentina, Marsilio, Capreolo, Ferrariensi 4. contra gentes cap. 26. Heruæo, Ægidio, & alijs, & addit eidem opinioni fauere Bellarminum, dum Tomo 1. Controuer. 2. lib. 2. de Christo cap. 15. dicit essentiam à relationibus præcisam subsistere, relationes autem subsistere ratione essentiae, quam includunt,

10. Secunda sententia docet in Deo dari subsistentiam absolutam communem tribus Personis, & præter illam dari tres subsistentias relatiuas. Hanc opinionem sequi videtur Paludanus in 3. dist. 1. q. 2. & expressè docuit Caietanus 1. p. q. 30. art. 4. & 3. p. qu. 2. art. 2. & q. 3. art. 2. & 3. Caietanum sequuntur Miranda in summa Conciliorum in Annotationibus ad sextam Synodum ar. 11. Suarez de Deo lib. 4. de Trin. cap. 11. & 14. & 3. par. tom. 1. disp. 11. sect. 3. 4. & 5. & disp. 12. & 13. & plures alij recentiores, qui tribuunt illam auctoribus, qui dicunt, naturam creatam posse assumi à Deo secundum rationem aliquam existentiae communem tribus Personis, ita ut non Personalitas relatiua, sed hoc commune terminaret immediatè naturam assumptam. Sunt autem tales auctores Riccardus in 3. dist. 1. q. 3. Ocham in 3. dist. 1. q. 1. art. 3. Gabriel eadem dist. qu. 1. art. 3. dub. 4. & alij, quos refert Ruiz disput. 34. sect. 1. num. 10. qui tamen addit illos obscure locutos, ac fortasse non admittere subsistentiam hanc absolutam.

11. Tertia sententia negat dari in Deo subsistentiam absolutam communem tribus Personis, ac asserit solum dari tres subsistentias relatiuas. Docent hanc sententiam Alexander 1. p. q. 57. membro 3. & 3. p. q. 2. membro 3. S. Bonaventura in 1. dist. 23. art. 2. q. 1. & 2. & in 3. dist. 1. ar. 1. q. 3. Ricardus in 1. dist. 26. ar. 1. q. 1. & alij ex antiquis, & ex recentioribus Vasquez 1. p. q. 125. cap. 3. Molina 1. p. q. 29. art. 2. disp. 3.

le 7. in confess. Fidei Tarasij approbata à Concilio dicit : *Profitentes unam deitatem in tribus subsistentiis indiuisim discretam, & distinctim unitam*. Concilium Lateranense sub Martino I. Papa Consult. 5. Can. 1. dicit ; *Si quis non confiteatur secundum Sanctos Patres propriè, & verè Patrem, Filium, & Spiritum Sanctum Trinitatem in unitate, & unitatem in Trinitate, hoc est unum Deum in tribus subsistentiis consubstantialibus, anathema sit*.

14. Probatur secundo auctoritate Patrum. Iustinus in expositione fidei de Sancta Trinitate dicit : *Se maluisse vnius Trinitatis in tribus perfectis subsistentiis notitiam exponere*. Athanasius tom. 2. in Quæstionibus quæst. 7. dicit : *Tres Personas confitear, tres subsistentias, tria propria, tria indiuidua, tres characteres* : & Serm. in Euang. in Sanctissimam Deiparam dicit : *Unum Deum in tribus subsistentiis prædicantes ; in quibus una sit substantia* : Gregorius Nissenus in Epist. de imagine, & similitudine contra Apollinarem dicit : *Inuenies subsistentiarum suarum Personarum Trinitatem, & unitatem naturæ*. Cyrillus Alexandrinus Dialog. de Trinit. lib. 2. pluries repetit : *Tres subsistentias proprias* : & lib. 3. dicit : *Omnis fidei nostre sermo huc tendit, ut unam quidem videamus Deitatis naturam, quæ in tribus subsistentiis propriis &c.* & Dialogorum lib. 7. *Deitatis naturam, ut in tribus subsistentiis explanari à sacra Scriptura*. Damascenus lib. 1. de Fide cap. 9. dicit : *Tres*
hypo.

690 De perfectione personalitatum
hypostases, idest tres substantia, & Persona, & inferius dicit: Filius propriam substantiam habet, prater eam, qua Patria est. Ambrosius in Symbolum Apostolorum cap. 2. dicit: Vt & unum Deum secundum unitatem substantia fateamur; & Patrem, Filium, & Spiritum Sanctum in suam quemque substantia sentiamus.

15. Probatur tertio discursu desumpto ex S. Thoma 1. p. q. 29. art. 2. in corp. & ad 2. & quaest. 40. art. 2. in corpore, & ad 1. & 3. p. q. 2. ar. 3. in corp. Nam apud Græcos Patres idem est hypostasis, ac apud Latinos substantia: sed in Deo sunt tres hypostases, vt pluribus testimonijs Patrum Græcorum, & Latinorum probat Ruiz disput. 31. sect. 4. & 5; ergo in Deo sunt tres substantia. Maior probatur testimonijs Patrum, quæ affert Ruiz disp. 34. sect. 3.

16. Respondent aliqui nomen substantia apud antiquos Patres sumi, prout est concretum, ac significare totum substantiale per se subsistens, non autem prout est abstractum, & significat formam, seu rationem formalem, per quam totum substantiale per se subsistit; ergo ex eo, quod Patres dicant dari in Deo tres substantias, sequitur quidem dari tria totalia substantia per se substantia, & tria supposita, Patrem nimirum, Filium, & Spiritum Sanctum, sed non sequitur dari tres substantias, hoc est tres rationes formales subsistendi: ac proinde non sequitur tres relationes esse tres substantias in abstracto.

17. Sed

17. Sed contra, nam nomina concreta substantiua non multiplicantur, nisi multiplicentur formæ, eo pacto, quo non sunt tres. Dij, quia non sunt tres Deitates; sed nomen subsistentiæ est concretum substantiium, & iuxta Patres multiplicatur, ac dicuntur in Deo esse tres subsistentiæ; ergo sunt in Deo tres subsistentiæ in abstracto, seu tres rationes formales subsistendi, eo pacto, quo quia sunt in Deo tres Personæ, & tria supposita, sunt in Deo tres Personalitates, & tres suppositalitates realiter distinctæ. Hinc rejicitur doctrina eorum, qui dicunt, tres relationes non esse tres subsistentias in abstracto, sed tres incommunicabiles vnius subsistentiæ absolutæ. Nam cum subsistentia in concreto significet ut rationem formalem subsistentiam in abstracto, si vna tantum esset subsistentia in abstracto, non essent tres subsistentiæ in concreto, sicut si vna tantum esset Personalitas in abstracto, non essent tres Personæ in concreto.

18. Probatur quartò conclusio, nam subsistentia in concreto est ens substantiale præsertim completum per se subsistens, ita ut non sit vltèrius communicabile, & prædicabile de pluribus: subsistentia in abstracto est, per quam ens substantiale præsertim completum ita per se subsistit, ut non sit communicabile, & prædicabile de pluribus; sed tres Personæ, nimirum Pater, Filius, & Spiritus Sanctus sunt tria entia substantiaalia completa per se subsistentia, ita ut non sint communicabilia.

692 *De perfectione personarum*
lia, & prædicabilia de pluribus : nam Pater non dicitur de pluribus, Filius non dicitur de pluribus, Spiritus Sanctus non dicitur de pluribus ; ergo tres Personæ, nimirum Pater, Filius, & Spiritus Sanctus sunt tres substantiæ in concreto. Rursus relatio Paternitatis est, per quam Pater ita per se subsistit, ut non sit communicabilis, & prædicabilis de pluribus : Filiatio est, per quam Filius ita per se subsistit, ut non sit communicabilis de pluribus ; idemquæ proportionaliter de spiratione passiva ; ergo relationes sunt tres substantiæ in abstracto.

19. Dicendum secundò : non datur in Deo substantia absoluta communis tribus Personis.

20. Probatur primò, nam Concilia, & Patres dicunt, quod sicut ponere in Deo tres naturas, vel tres essentias spectat ad errorem Arrianorum, sic ponere unam substantiam, unam hypostasim, & unam Personam spectat ad errorem Sabellianorum ; ergo sicut nefas est ponere in Deo tres naturas, & tres essentias proprias Personarum, sic nefas est ponere unam substantiam, unam hypostasim, vel unam Personam communem. Probatur antecedens, afferendo testimonia Patrum. In 6. Synodo Sophronius Patriarcha Constantinopolitanus actione 11. in professione Fidei, quæ recipitur à Synodo actione 13. dicit : *Neque secundum quod Trinitas unus Deus agnoscitur, & substantia tres, & tres Personæ, Pater, Filius,*

Filius, & Spiritus Sanctus, dicitur contritus, vel compositus, vel confusus, & in unam se ipsum colligens substantiam, in unamque coercens non numerabilem Personam. Sabellianorum ista est prauitas in unam substantiam tres confundens substantias, & in unam Personam easdem tres conspergens Personas; ergo profitetur ad errorem Sabellianorum spectare ponere in Deo vnam Personam communem, ac ponere vnam substantiam communem: & paulo post addit: Vtrumque est impium, tam singularitas circa substantiam, quam ternalitas in naturis; ergo existimat, quod sicut ponere tres naturas est error Arrianorum, sic ponere vnam substantiam est error Sabellianorum, ac proinde sicut non est dicendum, quod tres substantiæ sunt tres naturæ, sic non est dicendum, quod vna natura est vna substantia absoluta communis. Iustinus quæst. 17. ad Orthodoxos: Vnus est Deus vnus indiuiduo substantia, sed tres Personæ diuisione consistentiarum; ergo sicut essentia, & substantia non est diuidenda propter distinctionem substantiarum, sic substantiæ non sunt confundendæ in vnam propter unitatem substantiæ. Damascenus in Epistola de Trisagio dicit: Trinitatem impossibile est dicere vnā hypostasim: sed hypostasis idem est ac substantia: ergo Trinitatem impossibile est dicere vnam substantiam communem, & absolutam; & paulò post: Particularia non communicantur, communis autem & si ab vnoquoque particularium par-

694 *De perfectione personalitatum*
participentur, sed unicè, & communiter; ac
paucis interpositis: Non est autem ipsorum
communis hypostasis: Deitas autem commu-
nis est trium hypostasum una existens; ergo
hypostasim seu subsistentiam ponit inter
particularia, & propria Personarum, quæ
non sunt communia, ac proinde non est
admittenda vna hypostasis, & subsistentia
communis, sicut non sunt admittendæ tres
Deitates propriæ. Theodoretus in addi-
tionibus ad Breuiarium Liberati, Fragmento
penultimo dicit: Credantur tres subsi-
stentie, seu Persona, non autem vna Trini-
tatis subsistentia secundum Sabellium. Am-
brosius in Symbolum Apostolorum cap. 2.
dicit: Sabellius docuit vnâ subsistentiam
esse Patrem, & Filium, & Spiritum San-
ctum, vnâque trinominem Personam. Sed
dum omnes vnâ esse Personam reputat, nihil
esse vnâquamque designat; ergo Theodo-
retus, & Ambrosius docet ad Sabellianum
errorem spectare ponere vnâ subsisten-
tiam, & vnâ Personam, ac pro eodem
sumunt subsistentiam, & Personam. Hi-
larius lib. de Synodis post Canon. 27. Syr-
miæ Synodi dicit: Non vnâ subsistentem,
sed vnâ substantiam non differentem; ergo
sicut fatetur Deum esse vnâ substantiam
propter vnitatem essentiae, sic negat esse
vnâ subsistentiam propter distinctionem
subsistentiarum; ergo Concilia, & Patres, si-
cut contra Arrianos negant in Deo tres ef-
sentias, & naturas, sic negant vnâ subsi-
stentiam, hypostasim, & Personam.

21. *Probatur secundo conclusio: nam*

Pa-

Patres tum Græci, tum Latini loquentes de Trinitate, & Incarnatione, pro eodem sumunt substantiam, hypostasim, & Personam; ergo sicut nefas est ponere in Trinitate unam hypostasim, & unam Personam communem, sic nefas est ponere unam substantiam communem: & sicut in Christo nefas est ponere duas hypostases, ac duas Personas, sic nefas est ponere duas substantias. Probatur antecedens, afferendo testimonia Patrum. Athanasius Serm. in Euang. de Sanctissima Deipara dicit: *Hypostasis sua interpretatione designat id, quod subsistit.* Theodoretus in Breuiario Liberati in cap. ultimo additionum dicit: *Substantia, & Persona in nullo significatorum differunt, nisi nomine.* Alia testimonia vide apud Ruiz disp. 34. sect. 3.

22. Probatur tertiò: nam quia Deus est trinus, & vnus, Concilia, & Patres ad vitandam confusionem, aliqua nomina adaptarunt ad significandum in Deo ea, quæ multiplicantur, & id quod non multiplicatur: & ad designanda ea, quæ multiplicantur adaptantur nomina Personæ, hypostasis, & substantiæ; ad designandum id, quod est vnum, adaptarunt nomina naturæ, essentiæ, Deitatis &c. ergo sicut non debemus dicere dari in Deo tres naturas, & essentias proprias, sic non debemus dicere dari unam hypostasim, unam Personam, & essentiam communem. Confirmatur, nam sicut in Christo non debemus ponere unam naturam, & unam essentiam, sic non debemus ponere duas Personas, duas

duas hypostascs , & duas subsistentias; ergo sicut in Deo non debemus ponere tres naturas, & essentias, sic non debemus ponere vnā hypostasim, vnā Personam, & vnā naturam .

23. Probatur quartò , nam Patres tūm Græci , tūm Latini vnanimiter docent hypostasim , subsistentiam , & Personam per hoc differre à natura , & essentia, quod natura , & essentia significat aliquid commune, hypostasis, Persona , & subsistentia, significat id , quod est proprium vnius tantum; ergo est contra rationem subsistentiæ, quod sit communis pluribus Personis. Probatur antecedens primo auctoritate Iulianiani Imperatoris, qui in Edicto Fidei non multo ante medium dicit: *Omnes Sancti Patres consonanter nos docent , aliud esse naturam , siue substantiam , & formam , & aliud subsistentiam , siue Personam : & naturam quidem , vel substantiam , & formam , hoc quod est commune significare : subsistentiam autem , siue Personam hoc , quod est speciale.* Concilium Florentinum sess. 18. paulo post mediū tacitè approbat id , quod Græci cū Latinis vnanimiter supposuerant ex Gregorio Nazianzeno, & Basilio, substantiam à Persona differre vt communicabile ab incommunicabili, & vt commune à proprio. Probatur secundò idem antecedens , afferendo testimonia Patrum. Basilius Epist. 43. ad Gregorium Nissenum dicit: *Hæc igitur est hypostasis non indefinita illa ὑπόστασις animi conceptio ; quæ nullam nanciscitur fixæ cogitationis stationem per communionem significat.*

ti, sed quod in re aliqua commune, & inde terminatum est, per proprietatum declarationem agnosceudū offert, & describit: Athanasius Dialog. 1. de Sancta Trinitate contra Anomæum dicit: Si quid essentiae proprium, id quoque commune est hypostasis, quæ essentiae subsunt. Hypostasis autem præterquamquod numerum non admittit, proprietatem habet minimè communem hypostasis, quæ essentiae subsunt: & infra explicat hoc exemplo dicens: Humanitas est omnium hominum communis: Hypostasis vero est uniuscuiusque proprietas. Et Serm. in Euangelium Sanctissimæ Deiparæ: Cum communiter à multis istius modi considerantur, substantia nuncupatur: cum in unum propriè confertur, Persona, siue subsistentia nominatur. Cyrillus Alexandrinus Dialog. de Trinit. lib. 1. post medium. Substantie declaratio videtur sicut commune, & uniuersale quiddam esse: nomina verò substantiarū singularum sub illo uniuersali prædicantur, ac dicuntur, Theodoretus in Dial. immutabili lib. 1. Si Patrum doctrina spectatur, quam habet differentiam commune, & proprium, vel genus, & species, eandem habet substantia, & hypostasis. Damasc. lib. 1. de decretis primæ institutionis cap. 2. dicit: Quoniam multi sunt homines, unusquisque homo est hypostasis, idest res per se constans: & lib. 3. de fide cap. 4. Hypostasēs diuinas appellat particulariores, Deum uniuersaliorem. Vide alios Patres apud Ruiz. disp. 32. sect. 6.

24. Probatur quintò ratione desumpta ex allatis auctoritatibus. Subsistentia

G g

enim

enim in concreto est ens substantiale sistens in se, ita ut non sit communicabile, & prædicabile de pluribus: substantia in abstracto est, per quam ens substantiale constituitur sistens in se, & non communicabile pluribus, & de pluribus prædicabile; sed in Deo omnia absoluta sunt communicabilia, & prædicabilia de pluribus, hoc est de tribus Personis; ergo in Deo non datur vna substantia absoluta, neque in concreto, neque in abstracto. Confirmatur, nam ideo Spirator non est substantia absoluta in concreto, quia non sinit in se, sed communicatur pluribus, hoc est duabus Personis, Patri nimirum, & Filio: ideo spiratio actiua non est substantia in abstracto, quia constituit Spiratorem communicabilem, & prædicabilem pluribus, hoc est duabus Personis: sed omnia absoluta communicantur tribus Personis, ac de illis prædicantur; ergo nullum absolutum est substantia in abstracto, neque in concreto.

25. Probatur sextò ex absurdo. Nam si daretur in Deo vna substantia absoluta communis tribus subsistentijs relatiuis, daretur vnum suppositum absolutum commune tribus suppositis relatiuis; consequens est absurdum; ergo &c.

26. Respondent primo aliqui auctores, quos tacito nomine referunt, & impugnat Henricus quodlib. 5. quæst. 8. & Durandus in 1. distinct. 26. quæstione prima, concedendo dari in Deo suppositum absolutum commune tribus Personis. Carthusianus etiam in 1. dist. 26. quæst. 7. asserit, quod qui
pro-

probabiliter defenderet dari in Deo suppositum absolutum, & absolutam Personam, non idcirco teneretur concedere dari in Deo quatuor Personas. Persona enim absoluta non est quarta, cum non distinguatur realiter à tribus Personis relatiuis.

27. Sed contra, nam in Concilio Nicæno lib. 2. de actis ante decretorum constitutionem dicitur: *Diuinitas non est una Persona, ut Iudei opinantur, sed tres Personæ verè subsistentes*. Rursus explicatio fidei, quæ inscribitur Cyrillo Alexandrino, & Anastasio Theopolitano dicit: *Cum unā essentiam, vel unam naturam dicimus, non dicimus unam hypostasin, ne Sabellianizemus*: Ecclesia in Præfatione Missæ de Trinitate canit, *non unius singularitate Personæ*. Confirmatur ex Patribus allatis n. 13. & sequentibus, qui expressè dicunt sententiam, quæ dicit dari in Deo unam hypostasin, vel unam Personam communem, spectare ab Sabellianismo. Ideo Eymericus in directorio Inquisitorum par. 2. q. 2. ar. 7. inter errores Raymundi Lullij ponit hunc: *In diuinis est dare commune suppositum, quod responderet secundum suam naturam rationibus diuinis in producendo bonū*: & ar. 12. *Deus Pater in quantum Pater est suppositum singulare, sed in quantum responderet suis rationibus ad producendum Filium, est suppositum commune*.

28. Respondet secundo Caietanus 3. p. q. 2. ar. 2. substantiam absolutam non esse suppositum, neque Personam, quia ad suppositum, seu Personam requiritur, ut non

fit communicabilis pluribus, sed esse semisuppositum, seu semipersonam. Concedit ergo Caietanus in Deo dari tria supposita, & tres Personas singulares, ac dari semisuppositum, & semipersonam communem.

29. Sed contra primò, quia ante Caietanum est prorsus nouum, & inauditum, in Ecclesia, quod in Deo dentur tres Personæ singulares, & præterea semipersona, & semisuppositum commune. Secundò substantia apud Patres sumitur pro eodẽ, ac suppositum; ergo si daretur substantia communis, non solum daretur semisuppositum, sed etiam integrum suppositum commune: sed hoc suppositum, cum esset suppositum naturæ rationalis, esset Persona; ergo daretur etiam Persona communis. Tertio ideo Caietanus negat dari in Deo suppositum commune, & Personam communem, quia de ratione suppositi, & Personæ est incommunicabilitas; sed etiam de ratione substantiæ est incommunicabilitas; ergo neque datur substantia absoluta, & communis, ac communicabilis pluribus.

30. Respondent alij tertio, Scholasticos nomen substantiæ sumere in sensu diuerso à Patribus, in quantum significat substantiam perfectè existentem independentem ab omni alio, & omnino perfectam, & sistentem in sua perfectione, ita vt non sit ulterius perfectibilis, & possit per se ipsam perfectè operari; sed hæc omnia prædicata conueniunt diuinæ essentiæ, præscindendo à relationibus; ergo diuina essentia per se ipsam est substantia absoluta communis tribus Personis.

31. Sed

31. Sed contrà, nam non solum Patres, sed etiam Scholastici communiter nomine substantiæ intelligunt: *Ens substantiale incommunicabile, & non prædicabile de pluribus*; ergo non licuit aliquibus hoc nomen sumere in alio sensu, & ponere in Deo substantiam communem contra modum loquendi Patrum, sicuti nō licet ponere suppositum commune, vel Personam communem. Videri potest Ruiz disp. 34. sect. 5.

32. Ad 1. concedo maiorem, & distinguo minorem: subsistere formaliter est perfectio simpliciter simplex; nego: subsistere radicaliter, concedo; & distinguo eodem pacto consequens. Simili argumento posset contra aduersarios probari; Deitatem per se ipsam, præscindendo à Personalitatibus, esse Personam. Sicut ergo aduersarij dicunt, quod esse Personam radicaliter, hoc est esse radicem adæquatam relationum, est perfectio simpliciter simplex, ac esse Personam formaliter, non est perfectio simpliciter simplex, ac proinde Deitas secundū se præcisè est Persona radicaliter, non formaliter; sic nos dicimus, quod subsistere radicaliter est perfectio simpliciter simplex; subsistere formaliter non est perfectio simpliciter simplex, ac proinde Deitas per se ipsam subsistit solum radicaliter..

33. Ad 2. concedo antecedens; & distinguo consequens; ergo Deitas per se ipsam subsistit radicaliter, concedo: formaliter, nego. Deitas est radix adæquata trium substantiarum, illasque dat suppositis; ergo proculdubio illas non mendicat

à supposito : nam nemo mendicat per hoc, quod det. Ex hoc autem non sequitur Deitatem per se ipsam subsistere formaliter, sed solum radicaliter. Confirmatur solutio. Nam Deitas non mendicat Personalitatem; ergo sicut ex hoc non sequitur, quod Deitas per se ipsam præcisè sit Persona formaliter, sic non sequitur, quod per se ipsam præcisè subsistat formaliter.

34. Ad 5. distinguo maiorem : Deitās per se ipsam est ultimo completa, & perfecta quoad omnes perfectiones simpliciter simplices substantiæ, concedo; quoad omnes perfectiones etiam simplices primæ substantiæ, nego; distinguo eodem pacto minorem; & nego consequentiam. Deitas per se ipsam est ultimò completa in ratione substantiæ secundæ, siue essentiæ, & per se ipsam est ultimo completa in ratione substantiæ primæ, ita ut habeat omnes perfectiones simpliciter simplices substantiæ primæ, sed nō ita, ut habeat formaliter omnes perfectiones etiam simplices substantiæ primæ, ut explicatū est q. 107. n. 63. sed hoc quod est : *Subsistere, esse Personam, esse suppositum* &c. addit supra essentiam perfectionem solum simplicem, non autem simpliciter simplicem, ut dictū est q. 107. n. 63. ergo Deitas sicut per se ipsam præcisè non est suppositum, neque Persona, sic per se ipsam non subsistit formaliter.

35. Ad 4. distinguo maiorem: subsistere nihil aliud est, quam substantiam existere incommunicabiliter independenter à quocunque alio, cui inexistat, & à quo sustentur.

stentetur, concedo; quam existere communicabiliter, nego : distinguo eodem pacto minorem ; & nego consequentiam. Ex dictis nu. 24. subsistere est existere incommunicabiliter, & tanquam aliquid, quod non possit communicari pluribus, ac prædicari de pluribus; sed essentia diuina per se ipsa præcisè existit quidem independentè, à quocunque alio, sed vt communicabilis tribus Personis, & vt de ipsis prædicabilis; ergo non subsistit per se ipsam, sed subsistit ratione trium subsistentiarum relatiuarum.

36. Ad 5. concedo maiorem, & distinguo minorem : Deus in concreto est substantia subsistens in suis suppositis, concedo; est substantia subsistens præcisè per id per quod est Deus communicabilis, & prædicabilis de pluribus suppositis, nego; & nego consequentiam. Homo in concreto est substantia subsistens in suis suppositis, & indiuiduis, nimirum Petro, Paulo &c. et non est substantia subsistens per id præcisè, per quod est homo, ideoque ex Aristotele in prædicamentis cap. de substantia; Homo non est prima substantia, sed est secunda substantia prædicabilis de pluribus substantijs; ergo etiam Deus in concreto est substantia subsistens in tribus suppositis, nimirum Patre, & Filio, & Spiritu Sancto, non autem est substantia subsistens per illud præcisè, per quod est Deus communicabilis tribus suppositis, ideoque Deus per se ipsum præcisè est secunda substantia, non autem prima substantia.

37. Dices : Hic homo est substantia per

per se subsistens; ergo *hic Deus* est substantia per se subsistens; sed Deitas per se ipsam præcisè non solum est Deus, sed etiam est hic Deus; ergo Deitas per se ipsam præcisè subsistit.

38. Respondeo concedo anteedens, & nego consequentiam. Hic homo ideo est substantia per se subsistens, quia non est communicabilis pluribus suppositis, neque prædicabilis de pluribus suppositis; sed hic Deus est communicabilis pluribus suppositis, ac de illis prædicabilis: nam Pater est hic Deus, Filius est hic idem Deus; Spiritus Sanctus est hic idem Deus; ergo hic Deus non est per se ipsum præcisè substantia per se subsistens, seu prima substantia, sed solū est secunda substantia. Addo, quod si *hic Deus* supponat pro supposito determinato, puta pro Patre, est suppositum: sed Deitas secundum se præcisè nō est *hic Deus Pater* e. g. sed est hic Deus Pater per paternitatem. Addo rursus etiam hoc argumentum retorqueri posse ad probandū dari in Deo suppositum commune, & Personam cōmunem. Nam Deitas per se ipsam præcisè est Deus, & est hic Deus; sed hic Deus est suppositum, & Persona; ergo Deitas per se ipsam præcisè est suppositum, ac Persona, quod ab aduersarijs negatur.

39. Sed quæres primò, quare Deitas sit Deus, humanitas autem non sit homo?

40. Respondeo, quod primò Deitas est Deus in sensu reali; humanitas autem nō est homo in sensu reali. Ratio est, quia homo est totum addēs supra humanitatem supposita.

ſitalitatem diſtinctam:ergo humanitas cum diſtinguatur à ſua ſuppoſitalitate, non eſt homo:at Deus nihil addit realiter diſtinctū à Deitate;ergo Deitas realiter eſt Deus. Et quia Gilbertus Porretanus docuerat Deū addere aliquid realiter diſtinctum à Deitate, ideoque Deitatem non eſſe Deum, ſicut humanitas non eſt homo, ideo contra illum Concilium Rhemenſe confitetur Diuinitatem eſſe Deū. Secundo dico, quod Deitas etiam per ſe ipſam præciſè, prout præſcindit à Perſonalitatibus virtualiter ab ipſa diſtinctis eſt Deus. Ratio eſt, quia nomē Dei ſignificat primam cauſam, primam rationem, & radicem. Primū principium cōtinens in ſe eminenter omnia alia; ſed Deitas per ſe ipſā habet hæc omnia; ergo Deitas per ſe ipſam præciſè eſt propriiſſimè Deus, Perſonæ autem, & Perſonalitates ſūt Deus in quantum ſunt realiter Deitas. In hoc ſenſu Humanitas non eſt homo, quia non cōtinet eminenter perfectionem totius, quod eſt homo.

41. Ad 6. diſtinguo maiorem : actiones ſunt ſubſiſtentium tanquam principij *quod* concedo; tanquam principij *quo*, nego: concedo minorē; & nego conſequentiā. Actiones ſunt ſubſiſtentium, ſuppoſitorū, & Perſonarum tāquam principij *quod*, & ſunt naturarum tanquā principij *quo*; ſed tres Perſonæ intelligunt, volunt, creant, gubernant mundum ratione naturæ, quæ eſt principium *quo* talium actionū; ergo ſaluatur illud principium. Confirmatur ſolutio, nam actiones non ſolum dicuntur ſubſiſtentium, ſed etiā ſuppo-

suppositorum, ac Personarum; ergo argumentum allatum probaret Deitatem secundum se præcisè esse suppositum commune, & Personam communem, quod ab aduersarijs negatur.

43. Ad 7. distinguo maiorem: si Deitas non haberet tres substantias relatiuas, adhuc perfectissimè subsisteret per se ipsam, & haberet omnia prædicata, quæ nunc habet, nego: & haberet aliquod prædicatum oppositum alicui prædicato, quod nunc habet, concedo maiorem; concedo minorem; & nego consequentiam. Deitas de facto habet prædicatum comunicabilitatis, & prædicabilitatis de tribus Personis, ideoque nõ subsistit per se ipsam. Si autem non haberet tres substantias relatiuas, haberet oppositum prædicatũ incommunicabilitatis, ideoque subsisteret per se ipsam; ergo ex eo, quod tunc subsisteret per se ipsam, quia esset incommunicabilis, non potest argui, quod nunc subsistat per se ipsam, cum sit comunicabilis: Porro nunc, quia habet prædicatum comunicabilitatis, existit non minus, sed magis perfectè, quam tunc, cū haberet prædicatum incommunicabilitatis; at ex hoc non sequitur, quod nunc subsistat per se ipsam, sicut tunc. Cõfirmatur solutio, nam simili argumento probari posset Deitatẽ per se ipsam esse Personam, & suppositũ, quod aduersarij non concedunt. Nã si Deitas non haberet tres personalitates relatiuas, adhuc esset Persona per se ipsam: sed nunc non existit minus perfectè, quam existeret tunc; ergo etiam nunc per se ipsam

sam est Persona . Ex retorsionibus allatis confirmatur nostra sententia . Nam argumenta, quibus aduersarij probant dari in Deo subsistentiam absolutam, probant etiã dari suppositum absolutum, & Personam absolutam communẽ tribus Personis; quod aduersarij non admittunt .

43. Ad 8. ex auctoritate respondeo auctoritates allatas non concludere intentũ . Ad testimonium ex Epistola Agathonis , respondeo non esse legendum *trium subsistentiarum unam subsistentiam*, sed *triu subsistentiarum unam substantiam*, vt notauit Iouerus in summa Conciliorum, & legitur in emendationibus exemplaribus .

44. Secundò opponitur Hieronymus, qui Epist. ad Damasum dicit: *Taceantur tres hypostases, vnatenetur* . Athanasius etiam, Epiphanius, Marius Victorinus, Conciliũ Sardicense, Liberius Papa, Paulinus Thesalonicensis, Acacius, & ipse Augustinus locis citatis à Ruiz disp. 31. sec. 3. dicunt in Deo dari vnã hypostasim; sed hypostasis idem est ac subsistentia; ergo .

45. Respondeo, quod cum Patres dixerũt in Deo dari vnã hypostasim, nondum erat exploratum, vtrum vox *hypostasis* significet substantiam, seu essentiam, vel subsistentiã, ideoque nomine hypostasis intelligendo substantiam, seu essentiam, posuerunt vnã hypostasim, negarunt tres hypostases . At postquam exploratum fuit nomen hypostasis non significare essentiam, seu substantiã communẽ, sed subsistentiã propriã, vnanimiter concesserunt tres hypostases, negarũt vnã .

vnam hypostasim; ergo semper, & vnanimi-
ter negarunt vnā subsistentiam absolutā.

46. Tertiò ex Capreolo in 1. dist. 26. q. 1. ar. 1. cōc. 3. & ar. 3. opponitur S. Th. qui 1. p. q. 29. ar. 4. & q. 40. art. 2. & 4. contra Gentes c. 14. & 15. & alibi sæpè docet relationes in ratione relationū distinguere Personas, sed eas non constitūere in ratione subsistentiū, inquantum relationes sunt, sed quatenus identificantur cum essentia; ergo existimat rationem formalem subsistendi esse essentiam communem.

47. Respondeo S. Th. docere solū, quod in relationibus diuinis possunt considerari duæ formalitates. Prima est præcisa formalitas relationis realis abstrahens ab hoc, quod sit substantialis, vel accidentalis, & hæc sufficienter distinguit vnā Personam ab alia, puta Patrem à Filio, sed non constituit Patrem vt Personam subsistentem, nam Persona subsistens debet constitui per aliquid substantiale. Secundo possunt considerari relationes, vt substantiales, & subsistentes per hoc, quod identificentur realiter cum diuina essentia, & vt tales non solum distinguunt vnā Personam ab alia, sed etiam constituunt Personas vt subsistentes, Patrem nimirum vt subsistentem per hoc ipsum, quod sit Pater &c. Plura vide apud Ruiz disp. 32. sect. 8. & 9.


F I N I S .


A B C D E F G H I K L M N O P Q R

S T V X Y Z .

Aa Bb Cc Dd Ee Ff Gg .







5-2

